

জীবনস্মৃতি

রবীন্দ্রনাথ ঠাকুর



বিশ্বভারতী গ্রন্থালয়
২ বঙ্কিম চাটুজ্জি স্ট্রীট, কলিকাতা

প্রথম প্রকাশ ১৩১২
পুনর্মুদ্রণ ১৩২৮, ১৩৩৫ মাঘ, ১৩৪০ মাঘ, ১৩৪৪ চৈত্র, ১৩৪৮ অগ্রহায়ণ
নূতন সংস্করণ ১৩৫০ অগ্রহায়ণ, ১৩৫৪ জ্যৈষ্ঠ

প্রকাশক শ্রীপুলিনবিহারী সেন
বিশ্বভারতী, ৬৩ দ্বারকানাথ ঠাকুর লেন, কলিকাতা

মুদ্রাকর শ্রীস্বর্ননারায়ণ ভট্টাচার্য
তাপসী প্রেস, ৩০ কর্ণওয়ালিস স্ট্রিট, কলিকাতা

(২)

সূচীপত্র

সূচনা	৩
শিক্ষারম্ভ	৫
ঘর ও বাহির	৮
ভৃত্যরাজক তন্ত্র	১৭
নর্মাল স্কুল	২১
কবিতা-রচনারম্ভ	২৪
নানা বিড়ার আয়োজন	২৬
বাহিরে যাত্রা	৩১
কাব্যরচনাচর্চা	৩৪
শ্রীকণ্ঠবাবু	৩৭
বাংলাশিক্ষার অবসান	৪০
পিতৃদেব	৪৮
হিমালয়যাত্রা	৫৪
প্রত্যাবর্তন	৬৮
ঘরের পড়া	৭৫
বাড়ির আবহাওয়া	৭৯
অক্ষয়চন্দ্র চৌধুরী	৮৫
গীতচর্চা	৮৭
সাহিত্যের সঙ্গী	৮৯
রচনাপ্রকাশ	৯২
ভানুসিংহের কবিতা	৯৪
স্বদেশিকতা	৯৭
ভারতী	১০৩
আর্মেদাবাদ	১০৬
বিলাত	১০৮
লোকেন পালিত	১২০
ভগ্নহৃদয়	১২২

বিলাতি সংগীত	১২৮
বাল্মীকিপ্রতিভা	১৩০
সন্ধ্যাসংগীত	১৩৫
গান সম্বন্ধে প্রবন্ধ	১৩৮
গঙ্গাতীর	১৪১
প্রিয়বাবু	১৪৫
প্রভাতসংগীত	১৪৬
রাজেন্দ্রলাল মিত্র	১৫৫
কারোয়ার	১৫৮
প্রকৃতির প্রতিশোধ	১৬১
ছবি ও গান	১৬৪
বালক	১৬৬
বঙ্কিমচন্দ্র	১৬৯
জাহাজের খোল	১৭৪
মৃত্যুশোক	১৭৬
বর্ষা ও শরৎ	১৮১
শ্রীযুক্ত আশুতোষ চৌধুরী	১৮৪
কড়ি ও কোমল	১৮৬
গ্রন্থপরিচয়	১৯১
বংশলতিকা	২৯০
বিজ্ঞপ্তি	২৯৩
উল্লেখপঞ্জী	২৯৫
সংযোজন ও সংশোধন	৩৩১

জীবনস্মৃতি

সংযোজিত পাদটীকাংশে নিম্ন সংকেতগুলি ব্যবহৃত হইয়াছে। গ্রন্থ
বা সাময়িকের নামে সাধারণত উদ্ধৃতিচিহ্ন দেওয়া হয় নাই।

আত্মজীবনী = মহর্ষি দেবেন্দ্রনাথের আত্মজীবনী, তৃতীয় সংস্করণ

পত্রাবলী = মহর্ষি দেবেন্দ্রনাথের পত্রাবলী

জ্যোতিষ্মতি = জ্যোতিষ্মতিসম্বন্ধে জীবনশ্রুতি

রচনাবলী = রবীন্দ্র-রচনাবলী

রচনাবলী-অ = রবীন্দ্র-রচনাবলী, অচলিত সংগ্রহ

চরিতমালা = সাহিত্য-সাধক-চরিতমালা

গ্রন্থোত্তর সংখ্যা (১, ২ ইত্যাদি) পণ্ড-জ্ঞাপক

র-পরিচয় = রবীন্দ্র-গ্রন্থ-পরিচয়

র-কথা = রবীন্দ্রকথা

তত্ত্ব পত্রিকা = তত্ত্ববোধিনী পত্রিকা

দ্র = দ্রষ্টব্য তু = তুলনীয় ইং = ইংরেজি পৃ = পৃষ্ঠা

স্মৃতির পটে জীবনের ছবি কে আঁকিয়া যায় জানি না। কিন্তু যেই আঁকুক সে ছবিই আঁকে। অর্থাৎ, যাহাকিছু ঘটতেছে তাহার অবিকল নকল রাখিবার জন্ত সে তুলি হাতে বসিয়া নাই। সে আপনার অভিরূচি-অনুসারে কত কী বাদ দেয়, কত কী রাখে। কত বড়োকে ছোটো করে, ছোটোকে বড়ো করিয়া তোলে। সে আগের জিনিসকে পাছে ও পাছের জিনিসকে আগে সাজাইতে কিছুমাত্র দ্বিধা করে না। বস্তুত, তাহার কাজই ছবি আঁকা, ইতিহাস লেখা নয়।

এইরূপে জীবনের বাহিরের দিকে ঘটনার ধারা চলিয়াছে, আর ভিতরের দিকে সঙ্গ সঙ্গ ছবি আঁকা চলিতেছে। দুয়ের মধ্যে যোগ আছে, অথচ দু'ই ঠিক এক নহে।

আমাদের ভিতরের এই চিত্রপটের দিকে ভালো করিয়া তাকাইবার আমাদের অবসর থাকে না। ক্ষণে ক্ষণে ইহার এক-একটা অংশের দিকে আমরা দৃষ্টিপাত করি। কিন্তু, ইহার অধিকাংশই অন্ধকারে অগোচরে পড়িয়া থাকে। যে-চিত্রকর অনবরত আঁকিতেছে, সে যে কেন আঁকিতেছে, তাহার আঁকা যখন শেষ হইবে তখন এই ছবিগুলি যে কোন্ চিত্রশালায় টাঙাইয়া রাখা হইবে, তাহা কে বলিতে পারে।

কয়েক বৎসর পূর্বে একদিন কেহ আমাকে আমার জীবনের ঘটনা জিজ্ঞাসা করিতে, একবার এই ছবির ঘরে খবর লইতে গিয়াছিলাম। মনে করিয়াছিলাম, জীবনবৃত্তান্তের দুই-চারিটা মোটামুট উপকরণ সংগ্রহ করিয়া ফাস্ত হইব। কিন্তু, দ্বার খুলিয়া দেখিতে পাইলাম, জীবনের স্মৃতি জীবনের ইতিহাস নহে— তাহা কোন্-এক অদৃশ্য চিত্রকরের স্বহস্তের রচনা। তাহাতে নানা জায়গায় যে নানা রঙ পড়িয়াছে তাহা বাহিরের প্রতিবিম্ব নহে— সে-রঙ তাহার নিজের ভাঙারের, সে-রঙ তাহাকে নিজের রসে গুলিয়া লইতে হইয়াছে; স্মৃতির, পটের উপর যে-ছাপ পড়িয়াছে তাহা আদালতে সাক্ষ্য দিবার কাজে লাগিবে না।

এই স্মৃতির ভাঙারের অত্যন্ত যথাযথরূপে ইতিহাসসংগ্রহের চেষ্টা ব্যর্থ হইতে পারে কিন্তু ছবি দেখার একটা নেশা আছে, সেই নেশা আমাকে পাইয়া বসিল। যখন পথিক যে-পথটাতে চলিতেছে বা যে-পাহাশালায় বাস করিতেছে, তখন সে-পথ বা সে-পাহাশালা তাহার কাছে ছবি নহে; তখন তাহা অত্যন্ত বেশি প্রয়োজনীয় এবং অত্যন্ত অধিক প্রত্যক্ষ। যখন প্রয়োজন চুকিয়াছে, যখন পথিক তাহা পার হইয়া আসিয়াছে, তখনই তাহা ছবি হইয়া দেখা দেয়। জীবনের প্রভাতে যে-সকল শহর এবং মাঠ, নদী এবং পাহাড়ের ভিতর দিয়া চলিতে হইয়াছে, অপরাহ্নে বিশ্রামশালায় প্রবেশের পূর্বে যখন তাহার দিকে ফিরিয়া তাকানো যায়, তখন আসন্ন দিব্যবাসনের

আলোকে সমস্তটা ছবি হইয়া চোখে পড়ে। পিছন ফিরিয়া সেই ছবি দেখার অবসর যখন ঘটিল, সেদিকে একবার যখন তাকাইলাম, তখন তাহাতেই মন নিবিষ্ট হইয়া গেল।

মনের মধ্যে যে-ঐশ্বর্য জন্মিল তাহা কি কেবলমাত্র নিজের অতীতজীবনের প্রতি স্বাভাবিক মমত্বজনিত। অবশ্য, মমতা কিছু না থাকিয়া যায় না, কিন্তু ছবি বলিয়াই ছবিরও একটা আকর্ষণ আছে। উত্তররামচরিতের প্রথম অঙ্কে সীতার চিত্রবিনোদনের জন্ম লক্ষণ যে-ছবিগুলি তাঁহার সম্মুখে উপস্থিত করিয়াছিলেন, তাহাদের সঙ্গে সীতার জীবনের যোগ ছিল বলিয়াই যে তাহারা মনোহর, তাহা সম্পূর্ণ সত্য নহে।

এই স্মৃতির মধ্যে এমন কিছুই নাই যাহা চিরস্মরণীয় করিয়া রাখিবার যোগ্য। কিন্তু, বিষয়ের মর্ষাদার উপরেই যে সাহিত্যের নির্ভর তাহা নহে; যাহা ভালো করিয়া অনুভব করিয়াছি তাহাকে অনুভবগম্য করিয়া তুলিতে পারিলেই, মানুষের কাছে তাহার আদর আছে। নিজের স্মৃতির মধ্যে যাহা চিত্ররূপে ফুটিয়া উঠিয়াছে তাহাকে কথার মধ্যে ফুটাইতে পারিলেই, তাহা সাহিত্যে স্থান পাইবার যোগ্য।

এই স্মৃতিচিত্রগুলিও সেইরূপ সাহিত্যের সামগ্রী। ইহাকে জীবনবৃত্তান্ত লিখিবার চেষ্টা হিসাবে গণ্য করিলে ভুল করা হইবে। সে-হিসাবে এ লেখা নিতান্ত অসম্পূর্ণ এবং অনাবশ্যক।

শিক্ষারস্তু

আমরা তিনটি বালক^১ একসঙ্গে মাল্লুয় হইতেছিলাম। আমার সঙ্গীদুটি আমার চেয়ে দুইবছরের বড়ো। তাঁহারা যখন গুরুমহাশয়ের^২ কাছে পড়া আরম্ভ করিলেন আমারও শিক্ষা সেই সময়ে শুরু হইল,^৩ কিন্তু সে-কথা আমার মনেও নাই।

কেবল মনে পড়ে, 'জল পড়ে পাতা নড়ে।' তখন 'কর, খল' প্রভৃতি বানানের তুফান কাটাইয়া সবেমাত্র কুল পাইয়াছি। সেদিন পড়িতেছি, 'জল পড়ে পাতা নড়ে।'^৪ আমার জীবনে এইটেই আদিকবির প্রথম কবিতা। সেদিনের আনন্দ আজও যখন মনে পড়ে তখন বুঝিতে পারি, কবিতার মধ্যে মিল জিনিসটার এত প্রয়োজন কেন। মিল আছে বলিয়াই কথাটা শেষ হইয়াও শেষ হয় না— তাহার বক্তব্য যখন ফুরায় তখনো তাহার ঝংকারটা ফুরায় না, মিলটাকে লইয়া কানের সঙ্গে মনের সঙ্গে খেলা চলিতে থাকে। এমনি করিয়া ফিরিয়া ফিরিয়া সেদিন আমার সমস্ত চৈতন্যের মধ্যে জল পড়িতে ও পাতা নড়িতে লাগিল।

এই শিশুকালের আর-একটা কথা মনের মধ্যে বাঁধা পড়িয়া গেছে। আমাদের একটি অনেক কালের খাজাঞ্চি ছিল, কৈলাস মুখুজ্যে তাহার নাম। সে আমাদের ঘরের আত্মীয়েরই মতো। লোকটি ভারি রসিক। সকলের সঙ্গেই তাহার হাসি-তামাশা। বাড়িতে নূতনসমাগত জামাতাদিগকে সে বিদ্রুপে কোঁতুকে বিপন্ন করিয়া তুলিত। যত্ন পরেও তাহার কোঁতুকপরতা কমে নাই, এরূপ জনশ্রুতি আছে। একসময়ে আমার গুরুজনেরা প্র্যাঞ্চেট-যোগে পরলোকের সহিত ডাক বসাইবার চেষ্টায় প্রবৃত্ত ছিলেন। একদিন তাঁহাদের প্র্যাঞ্চেটের পেন্সিলের রেখায় কৈলাস মুখুজ্যের নাম দেখা দিল। তাহাকে জিজ্ঞাসা করা হইল, "তুমি যেখানে আছ সেখানকার ব্যবস্থাটা কিরূপ, বলো দেখি।" উত্তর আসিল, "আমি মরিয়া যাহা জানিয়াছি আপনারা বাঁচিয়াই তাহা ফাঁকি দিয়া জানিতে চান? সেটি হইবে না।"

সেই কৈলাস মুখুজ্যে আমার শিশুকালে অতি দ্রুতবেগে মস্ত একটা ছড়ার মতো বলিয়া আমার মনোরঞ্জন করিত। সেই ছড়াটার প্রধান নায়ক ছিলাম আমি এবং তাহার মধ্যে একটি ভাবী নায়িকার নিঃসংশয় সমাগমের আশা অতিশয় উজ্জলভাবে বর্ণিত ছিল। 'এই যে ভুবনমোহিনী বধুটি ভবিতব্যতার কোল আলো করিয়া বিরাজ করিতেছিল, ছড়া শুনিতে শুনিতে তাহার চিত্রটিতে মন ভারি উৎসুক হইয়া উঠিত।^৫ আপাদমস্তক তাহার যে বহুমূল্য অলংকারের তালিকা পাওয়া গিয়াছিল এবং মিলনোৎসবের যে অভূতপূর্ব সমারোহের বর্ণনা শুনা যাইত, তাহাতে অনেক প্রবীণ-

বয়স্ক সুবিবেচক ব্যক্তির মন চঞ্চল হইতে পারিত— কিন্তু, বালকের মন যে মাতিয়া উঠিত এবং চোখের সামনে নানাবর্ণে বিচিত্র আশ্চর্য স্রুখচ্ছবি দেখিতে পাইত, তাহার মূল কারণ ছিল সেই দ্রুত-উচ্চারিত অনর্গল শব্দচ্ছটা এবং ছন্দের দোলা। শিশুকালের সাহিত্যরসভোগের এই দুটো স্মৃতি এখনো জাগিয়া আছে; আর মনে পড়ে, ‘বৃষ্টি পড়ে টাপুর টুপুর, নদেয় এগ বান।’ ওই ছড়াটা যেন শৈশবের মেঘদূত।

তাহার পরে যে-কথাটা মনে পড়িতেছে তাহা ইস্কুলে যাওয়ার সূচনা। একদিন দেখিলাম, দাদা^৬ এবং আমার বয়োজ্যেষ্ঠ ভাগিনের সত্য^৭ ইস্কুলে গেলেন, কিন্তু আমি ইস্কুলে যাইবার যোগ্য বলিয়া গণ্য হইলাম না। উঠেঃঃবরে কান্না ছাড়া যোগ্যতা প্রচার করার আর-কোনো উপায় আমার হাতে ছিল না। ইহার পূর্বে কোনোদিন গাড়িও চড়ি নাই বাড়ির বাহিরও হই নাই, তাই সত্য যখন ইস্কুল-পথের ভ্রমণবৃত্তান্তটিকে অতিশয়োক্তি-অলংকারে প্রত্যহই অভূজ্জল করিয়া তুলিতে লাগিল তখন ঘরে আর মন কিছুতেই টিকিতে চাহিল না। যিনি আমাদের শিক্ষক ছিলেন তিনি আমার মোহ-মিনাশ করিবার জগ্ন প্রবল চপেটাঘাতসহ এই সারগর্ভ কথাটি বলিয়াছিলেন, “এখন ইস্কুলে যাবার জগ্ন যেমন কাঁদিতেছ, না যাবার জগ্ন ইহার চেয়ে অনেক বেশি কাঁদিতে হইবে।” সেই শিক্ষকের নামধাম আকৃতিপ্রকৃতি আমার কিছুই মনে নাই, কিন্তু সেই গুরুবাক্য ও গুরুতর চপেটাঘাত স্পষ্ট মনে জাগিতেছে। এতবড়ো অব্যর্থ ভবিষ্যদ্বাণী জীবনে আর-কোনোদিন কর্ণগোচর হয় নাই।

কান্নার জোরে ওরিয়েন্টাল সেমিনারিতে^৮ অকালে ভরতি হইলাম। সেখানে কী শিক্ষালাভ করিলাম মনে নাই কিন্তু একটা শাসনপ্রণালীর কথা মনে আছে। পড়া বলিতে না পারিলে ছেলেকে বেঞ্চে দাঁড় করাইয়া তাহার দুই প্রসারিত হাতের উপর ক্লাসের অনেকগুলি স্নেট একত্র করিয়া চাপাইয়া দেওয়া হইত। একপে ধারণাশক্তির অভাৱ বাহির হইতে অন্তরে সঞ্চারিত হইতে পারে কিনা তাহা মনস্তত্ত্ববিদদের আলোচ্য।

এমনি করিয়া নিতান্ত শিশুবয়সেই আমার পড়া আরম্ভ হইল। চাকরদের মহলে যে-সকল বই প্রচলিত ছিল তাহা লইয়াই আমার সাহিত্যচর্চার সূত্রপাত হয়। তাহার মধ্যে চাণক্যশ্লোকের বাংলা অম্লবাদ ও কৃত্তিবাস-রামায়ণই প্রধান। সেই রামায়ণ পড়ার একটা দিনের ছবি মনে স্পষ্ট জাগিতেছে।

সেদিন মেঘলা করিয়াছে; বাহিরবাড়িতে রাস্তার ধারের লগ্না^৯ বারান্দাটাতে খেলিতেছি। মনে নাই, সত্য কী কারণে আমাকে ভয় দেখাইবার জগ্ন হঠাৎ ‘পুলিসম্যান’ ‘পুলিসম্যান’ করিয়া ডাকিতে লাগিল। পুলিসম্যানের কর্তব্য সম্বন্ধে অত্যন্ত মোটামুটি রকমের একটা ধারণা আমার ছিল। আমি জানিতাম, একটা লোককে অপরাধী

বলিয়া তাহাদের হাতে দিবায়াত্রই, কুমির যেমন খাঁজকাটা দাঁতের মধ্যে শিকারকে বিদ্ধ করিয়া জলের তলে অদৃশ্য হইয়া যায়, তেমনি করিয়া হতভাগ্যকে চাপিয়া ধরিয়া অতলস্পর্শ ধানার মধ্যে অন্তহিত হওয়াই পুলিশকর্মচারীর স্বাভাবিক ধর্ম। একরূপ নির্মম শাসনবিধি হইতে নিরপরাধ বালকের পরিত্রাণ কোথায়, তাহা ভাবিয়া না পাইয়া একেবারে অন্তঃপুরে দৌড় দিলাম; পশ্চাতে তাহারা অস্থসরণ করিতেছে এই অক্ষভয় আমার সমস্ত পৃষ্ঠদেশকে কুঞ্জিত করিয়া তুলিল। মাকে ২ গিয়া আমার আসন্ন বিপদের সংবাদ জানাইলাম; তাহাতে তাহার বিশেষ উৎকণ্ঠার লক্ষণ প্রকাশ পাইল না। কিন্তু, আমি বাহিরে যাওয়া নিরাপদ বোধ করিলাম না। দিদিমা, আমার মাতার কোনো-এক সম্পর্কে খুড়ি, ১° যে ক্লান্তিবাসের রামায়ণ পড়িতেন সেই মার্বেলকাগজ-মণ্ডিত কোণছেঁড়া-মলাট-ওয়লা মলিন বইখানি কোলে লইয়া মায়ের ঘরের দ্বারের কাছে পড়িতে বসিয়া গেলাম। সম্মুখে অন্তঃপুরের আড়িনা ঘেরিয়া চৌকোণ বারান্দা; সেই বারান্দায় মেঘাচ্ছন্ন আকাশ হইতে অপরাঙ্কের স্নান আলো আসিয়া পড়িয়াছে। রামায়ণের কোনো-একটা করুণ বর্ণনায় আমার চোখ দিয়া জল পড়িতেছে দেখিয়া, দিদিমা জোর করিয়া আমার হাত হইতে বইটা কাড়িয়া লইয়া গেলেন।

- ১ “আমার দাদা সোমেন্দ্রনাথ, আমার ভাগিনেয় সত্যপ্রসাদ [গঙ্গোপাধ্যায়] এবং আমি।”—পাণ্ডুলিপি।
- ২ মাধবচন্দ্র মুখোপাধ্যায়—র-কথা। দ্র “মাধব গোসাই”—‘পুরানো বট’, শিশু।
- ৩ বাড়ির চণ্ডীমণ্ডপের পাঠশালায়—ছেলেবেলা, অধ্যায় ৮।
- ৪ ? ঈশ্বরচন্দ্র বিজ্ঞানাগর-প্রণীত বর্ণপরিচয়, প্রথম ভাগ।
- ৫ তু ‘বধু’, আকাশ প্রদীপ, ; রচনাবলী ২৩।
- ৬ সোমেন্দ্রনাথ ঠাকুর (১৮৫৯-১৯২৩); ইহারই উৎসাহে ‘বনফুল’ গ্রন্থ প্রকাশিত হইয়াছিল (১২৮৬)।
- ৭ সত্যপ্রসাদ গঙ্গোপাধ্যায় (১৮৫৯-১৯৩৩); ইনি রবীন্দ্রনাথের প্রথম কাব্যসংগ্রহ ‘কাব্যগ্রন্থাবলী’ (১৩০০) প্রকাশ করেন।
- ৮ গৌরমোহন আচ্যার বিজ্ঞানালয়, স্থাপিত ১৮২৩। বিজ্ঞানালয়টি তখন “গরানহাটায় গৌরাচাঁদ বশাখের বাড়িতে” অবস্থিত ছিল।
- ৯ সারদাদেবী (১৮২৬-৭৫), বিবাহ ফাল্গুন ১২৪০ [১৮৩৪], দ্র র-কথা, পৃ ১-৪। মতান্তরে, জন্ম ১৮২৪, বিবাহ ১৮২৯-৩০।
- ১০ ? শুভঙ্করী দেবী, সারদাদেবীর “কাকার দ্বিতীয় পক্ষের বিধবা স্ত্রী”, “তিনি প্রায় মায়ের [সারদাদেবীর] সমবয়সী ছিলেন।”—জ্ঞানদানন্দিনী দেবীর আত্মচরিত, পাণ্ডুলিপি।

ঘর ও বাহির

আমাদের শিশুকালে ভোগবিলাসের আয়োজন ছিল না বলিলেই হয়। মোটের উপরে তখনকার জীবনযাত্রা এখনকার চেয়ে অনেক বেশি সাদাসিধা ছিল। তখনকার কালের ভদ্রলোকের মানরক্ষার উপকরণ দেখিলে এখনকার কাল লজ্জায় তাহার সঙ্গে সকলপ্রকার সম্বন্ধ অস্বীকার করিতে চাহিবে। এই তো তখনকার কালের বিশেষত্ব, তাহার 'পরে আবার বিশেষভাবে আমাদের বাড়িতে ছেলেদের প্রতি অত্যন্ত বেশি দৃষ্টি দিবার উৎপাত একেবারেই ছিল না। আসলে, আদর করা ব্যাপারটা অভি-ভাবকদেরই বিনোদনের জগু, ছেলেদের পক্ষে এমন বাল্যই আর নাই।

আমরা ছিলাম চাকরদেরই শাসনের অধীনে। নিজেদের কর্তব্যকে সরল করিয়া লইবার জগু তাহারা আমাদের নড়াচড়া একপ্রকার বন্ধ করিয়া দিয়াছিল। সেদিকে বন্ধন যতই কঠিন থাকুক, অন্যদর একটা মস্ত স্বাধীনতা— সেই স্বাধীনতায় আমাদের মন মুক্ত ছিল। খাওয়ানো-পরানো সাজানো-গোজানোর দ্বারা আমাদের চিত্তকে চারিদিক হইতে একেবারে ঠাসিয়া ধরা হয় নাই। ১

আহায়ে আমাদের শৌখিনতার গন্ধও ছিল না। কাপড়চোপড় এতই যৎসামান্য ছিল যে এখনকার ছেলের চক্ষে তাহার তালিকা ধরিলে সম্মানহানির আশঙ্কা আছে। বয়স দেশের কোঠা পার হইবার পূর্বে কোনোদিন কোনো কারণেই মোজা পরি নাই। শীতের দিনে একটা সাদা জামার উপরে আর-একটা সাদা জামাই যথেষ্ট ছিল। ইহাতে কোনোদিন অদৃষ্টকে দোষ দিই নাই। কেবল, আমাদের বাড়ির দরজি নেয়ামত খলিফা' অবহেলা করিয়া আমাদের জামায় পকেট-যোজনা অনাবশ্যক মনে করিলে দুঃখ বোধ করিতাম— কারণ, এমন বালক কোনো অকিঞ্চনের ঘরেও জন্মগ্রহণ করে নাই, পকেটে রাখিবার মতো স্বাবর-অস্বাবর সম্পত্তি যাহার কিছুমাত্র নাই; বিধাতার কৃপায় শিশুর ঐশ্বর্য সম্বন্ধে ধনী ও নির্ধনের ঘরে বেশি কিছু তারতম্য দেখা যায় না। আমাদের চটজুতা একজোড়া থাকিত, কিন্তু পা দুটা যেখানে থাকিত সেখানে নহে। প্রতি পদক্ষেপে তাহাদিগকে আগে আগে নিষ্কেপ করিয়া চলিতাম; তাহাতে যাতায়াতের সময় পদচালনা অপেক্ষা জুতাচালনা এত বাহুল্য পরিমাণে হইত যে, পাদুকাসৃষ্টির উদ্দেশ্য পদে পদে ব্যর্থ হইয়া যাইত।

আমাদের চেয়ে বাহারা বড়ো তাঁহাদের গতিবিধি, বেশভূষা, আহারবিহার, আরাম-আমোদ, আলাপ-আলোচনা, সমস্তই আমাদের কাছ হইতে বহু দূরে ছিল। তাহার আভাস পাইতাম কিন্তু নাগাল পাইতাম না। এখনকার কালে ছেলেরা

গুরুজনদিগকে লব্ধ করিয়া লইয়াছে; কোথাও তাহাদের কোনো বাধা নাই এবং না চাহিতেই তাহারা সমস্ত পায়। আমরা এত সহজে কিছুই পাই নাই। কত তুচ্ছ সামগ্রীও আমাদের পক্ষে দুর্লভ ছিল; বড়ো হইলে কোনো-এক সময়ে পাওয়া যাইবে, এই আশায় তাহাদিগকে দূর ভবিষ্যতের জিন্মায় সমর্পণ করিয়া বসিয়া ছিলাম। তাহার ফল হইয়াছিল এই যে, তখন সামান্য যাহাকিছু পাইতাম তাহার সমস্ত রসটুকু পুরা আদায় করিয়া লইতাম, তাহার খোসা হইতে আঠি পর্যন্ত কিছুই ফেলা যাইত না। এখনকার সম্পন্ন ঘরের ছেলেদের দেখি, তাহারা সহজেই সব জিনিস পায় বলিয়া তাহার বারো আনাকেই আধখানা কামড় দিয়া বিসর্জন করে— তাহাদের পৃথিবীর অধিকাংশই তাহাদের কাছে অপব্যয়েই নষ্ট হয়।

বাহিরবাড়িতে দোতলায় দক্ষিণপূর্ব কোণের ঘরে চাকরদের মহলে আমাদের দিন কাটিত।

আমাদের এক চাকর ছিল, তাহার নাম শাম। শ্রামবর্ণ দোহারা বালক, মাথায় লম্বা চুল, খুলনা জেলায় তাহার বাড়ি। সে আমাকে ঘরের একটি নির্দিষ্ট স্থানে বসাইয়া আমার চারিদিকে খড়ি দিয়া গণ্ডি কাটিয়া দিত। গম্ভীর মুখ করিয়া তর্জনী তুলিয়া বলিয়া যাইত, গণ্ডির বাহিরে গেলেই বিষম বিপদ। বিপদটা আধিভৌতিক কি আধিদৈবিক তাহা স্পষ্ট করিয়া বুঝিতাম না, কিন্তু মনে বড়ো একটা আশঙ্কা হইত। গণ্ডি পার হইয়া সীতার কী সর্বনাশ হইয়াছিল তাহা রামায়ণে পড়িয়াছিলাম, এইজন্ত গণ্ডিটাকে নিতান্ত অবিশ্বাসীর মতো উড়াইয়া দিতে পারিতাম না।

জানালায় নিচেই একটি ঘাটবাঁধানো পুকুর ছিল। তাহার পূর্বধারের প্রাচীরের গায়ে প্রকাণ্ড একটা চীনা বট— দক্ষিণধারে নারিকেলশ্রেণী। গণ্ডিবন্ধনের বন্দী আমি জানালার খড়খড়ি খুলিয়া প্রায় সমস্তদিন সেই পুকুরটাকে একখানা ছবির বহির মতো দেখিয়া দেখিয়া কাটাইয়া দিতাম। সকাল হইতে দেখিতাম, প্রতিবেশীরা একে একে স্নান করিতে আসিতেছে। তাহাদের কে কখন আসিবে আমার জানা ছিল। প্রত্যেকের স্নানের বিশেষত্বটুকুও আমার পরিচিত। কেহ বা দুই কানে আঙুল চাপিয়া বুপ্ বুপ্ করিয়া দ্রুতবেগে কতকগুলো ডুব পাড়িয়া চলিয়া যাইত; কেহ-বা ডুব না দিয়া গামছায় জল তুলিয়া ঘন ঘন মাথায় ঢালিতে থাকিত; কেহ-বা জলের উপরিভাগের মলিনতা এড়াইবার জন্ত বারবার দুই হাতে জল কাটাইয়া লইয়া হঠাৎ একসময়ে ধাঁ করিয়া ডুব পাড়িত; কেহ-বা উপরের সিঁড়ি হইতেই বিনা ভূমিকায় সশব্দে জলের মধ্যে বাঁপ দিয়া পড়িয়া আত্মসমর্পণ করিত; কেহ-বা জলের মধ্যে নামিতে নামিতে এক নিশ্বাসে কতকগুলি শ্লোক আওড়াইয়া লইত; কেহ-বা ব্যস্ত, কোনোমতে স্নান সারিয়া

লইয়া বাড়ি যাইবার জগু উৎসুক ; কাহারো-বা ব্যস্ততা লেশমাত্র নাই— ধীরেসুস্থে স্নান করিয়া, গা মুছিয়া, কাপড় ছাড়িয়া, কোঁচাটা দুই-তিনবার বাড়িয়া, বাগান হইতে কিছু-বা ফুল তুলিয়া, মৃদুমন দোহুল-গতিতে স্নানস্নিগ্ধ শরীরের আরামটিকে বায়ুতে বিকীর্ণ করিতে করিতে বাড়ির দিকে তাহার যাত্রা। এমনি করিয়া দুপুর বাজিয়া যায়, বেলা একটা হয়। ক্রমে পুকুরের ঘাট জনশূণ্য, নিস্তব্ধ। কেবল রাজহাঁস ও পাতিহাঁসগুলা সারাবেলা ডুব দিয়া গুগলি তুলিয়া খায় এবং চঞ্চুচালনা করিয়া ব্যতিব্যস্তভাবে পিঠের পালক সাক করিতে থাকে।

পুষ্করিণী নির্জন হইয়া গেলে সেই বটগাছের তলাটা আমার সমস্ত মনকে অধিকার করিয়া লইত। তাহার গুঁড়ির চারিধারে অনেকগুলো ঝুরি নামিয়া একটা অন্ধকারময় জটিলতার সৃষ্টি করিয়াছিল। সেই কুহকের মধ্যে, বিশ্বের সেই একটা অস্পষ্ট কোণে যেন ভ্রমক্রমে বিশ্বের নিয়ম ঠেকিয়া গেছে। দৈবাৎ সেখানে যেন স্বপ্নযুগের একটা অসম্ভবের রাজত্ব বিধাতার চোখ এড়াইয়া আজও দিনের আলোর মাঝখানে রহিয়া গিয়াছে। মনের চক্ষে সেখানে যে কাহাদের দেখিতাম এবং তাহাদের ক্রিয়াকলাপ যে কী রকম, আজ তাহা স্পষ্ট ভাষায় বলা অসম্ভব। এই বটকেই উদ্দেশ করিয়া একদিন লিখিয়াছিলাম—

নিশিদিদি দাঁড়িয়ে আছ মাথায় লয়ে জট,

ছোটো ছেলেটি মনে কি পড়ে, ওগো প্রাচীন বট। ২

কিন্তু হায়, সে-বট এখন কোথায়! যে-পুকুরটি এই বনস্পতির অধিষ্ঠাত্রী-দেবতার দর্পণ ছিল তাহাও এখন নাই; যাহারা স্নান করিত তাহারাও অনেকেই এই অন্তর্হিত বটগাছের ছায়ারই অহুসরণ করিয়াছে। আর, সেই বালক আজ বাড়িয়া উঠিয়া নিজের চারিদিক হইতে নানাপ্রকারের ঝুরি নামাইয়া দিয়া বিপুল জটিলতার মধ্যে সূদিনহুঁদিনের ছায়ারোঁড়পাত গণনা করিতেছে।

বাড়ির বাহিরে আমাদের যাওয়া বারণ ছিল, এমন-কি বাড়ির ভিতরেও আমরা সর্বত্র ঘেমন-খুশি যাওয়া-আসা করিতে পারিতাম না। সেইজগু বিশ্বপ্রকৃতিকে আড়াল-আবডাল হইতে দেখিতাম। বাহির বলিয়া একটি অনন্ত-প্রসারিত পদার্থ ছিল যাহা আমার অতীত, অথচ যাহার রূপ শব্দ দ্বার-জানলার নানা ফাঁক-ফুকর দিয়া এদিক-ওদিক হইতে আমাকে চকিতে ছুঁইয়া যাইত। সে যেন গরাদের ব্যবধান দিয়া নানা ইশারায় আমার সঙ্গে খেলা করিবার নানা চেষ্টা করিত। সে ছিল মুক্ত, আমি ছিলাম বন্ধ— মিলনের উপায় ছিল না, সেইজগু প্রণয়ের আকর্ষণ ছিল প্রবল। আজ সেই খড়ির গণ্ডি মুছিয়া গেছে, কিন্তু গণ্ডি তবু ঘোচে নাই। দূর

এখনো দূরে, বাহির এখনো বাহিরেই। বড়ো হইয়া যে কবিতাটি^৩ লিখিয়াছিলাম তাহাই মনে পড়ে—

খাঁচার পাখি ছিল সোনার খাঁচাটিতে,
বনের পাখি ছিল বনে।
একদা কী করিয়া মিলন হল দৌহে,
কী ছিল বিধাতার মনে।
'বনের পাখি বলে, "খাঁচার পাখি, আয়,
বনেতে যাই দৌহে মিলে।"
খাঁচার পাখি বলে, "বনের পাখি, আয়,
খাঁচায় থাকি নিরিবিলে।"
বনের পাখি বলে, "না,
আমি শিকলে ধরা নাহি দিব।"
খাঁচার পাখি বলে, "হায়,
আমি কেমনে বনে বাহিরিব।"

আমাদের বাড়ির ভিতরের ছাদের প্রাচীর আমার মাথা ছাড়াইয়া উঠিত। যখন একটু বড়ো হইয়াছি এবং চাকরদের শাসন কিঞ্চিৎ শিথিল হইয়াছে, যখন বাড়িতে নূতন বধুসমাগম^৪ হইয়াছে এবং অবকাশের সঙ্গীরূপে তাহার কাছে প্রশ্ন লাভ করিতেছি, তখন এক-একদিন মধ্যাহ্নে সেই ছাদে আসিয়া উপস্থিত হইতাম। তখন বাড়িতে সকলের আহার শেষ হইয়া গিয়াছে; গৃহকর্মে ছেদ পড়িয়াছে; অন্তঃপুর বিশ্রামে নিমগ্ন; স্নানসিক্ত শাড়িগুলি ছাদের কার্নিসের উপর হইতে ঝুলিতেছে; উঠানের কোণে যে উচ্ছিষ্ট ভাত পড়িয়াছে তাহারই উপর কাকের দলের সভা বসিয়া গেছে। সেই নির্জন অবকাশে প্রাচীরের রক্তের ভিতর হইতে এই খাঁচার পাখির সঙ্গ ওই বনের পাখির চঞ্চুতে চঞ্চুতে পরিচয় চলিত। দাঁড়াইয়া চাহিয়া থাকিতাম— চোখে পড়িত আমাদের বাড়ির ভিতরের বাগান-প্রান্তের নারিকেলশ্রেণী; তাহারই ফাঁক দিয়া দেখা যাইত 'সিঙ্গির বাগান'^৫, পল্লীর একটা পুকুর, এবং সেই পুকুরের ধারে যে তারা গয়লানী আমাদের দুধ দিত তাহারই গোয়ালঘর; আরো দূরে দেখা যাইত, তরুচূড়ার সঙ্গ মিশিয়া কলিকাতা শহরের নানা আকারের ও নানা আয়তনের উচ্চনীচ ছাদের শ্রেণী মধ্যাহ্নরোদ্বে প্রথর শুভ্রতা বিচ্ছুরিত করিয়া পূর্বদিগন্তের পাণ্ডুবর্ণ নীলিমার মধ্যে উধাও হইয়া চলিয়া গিয়াছে। সেই-সকল অতিদূর বাড়ির ছাদে এক-একটা চিলেকোঠা উঁচু হইয়া থাকিত; মনে হইত, তাহারা যেন নিশ্চল তর্জনী তুলিয়া চোখ টিপিয়া আপনার ভিতরকার রহস্য আমার কাছে সংকেতে বলিবার

চেষ্টা করিতেছে। ভিক্ষুক যেমন প্রাসাদের বাহিরে দাঁড়াইয়া রাজভাণ্ডারের রুদ্ধ সিন্ধুক-
গুলার মধ্যে অসম্ভব রত্নমানিক কল্পনা করে, আমিও তেমনি ওই অজানা বাড়িগুলিকে
কত খেলা ও কত স্বাধীনতায় আগাগোড়া বোঝাই-করা মনে করিতাম তাহা বলিতে
পারি না। মাথার উপরে আকাশব্যাপী খরদীপ্তি, তাহারই দূরতম প্রান্ত হইতে চিলের
স্বল্প তীক্ষ্ণ ডাক আমার কানে আসিয়া পৌঁছিত এবং সিঙ্গির বাগানের পাশের গঙ্গিতে
দিবাস্নপ্ত নিস্তর বাড়িগুলার সম্মুখ দিয়া পসারি সুর করিয়া 'চাই, চুড়ি চাই, খেলোনা
চাই' হাঁকিয়া যাইত— তাহাতে আমার সমস্ত মনটা উদাস করিয়া দিত।*

পিতৃদেব প্রায়ই ভ্রমণ করিয়া বেড়াইতেন, বাড়িতে থাকিতেন না। তাঁহার
তেতালার ঘর বন্ধ থাকিত। খড়খড়ি খুলিয়া, হাত গলাইয়া ছিটকিনি টানিয়া, দরজা
খুলিতাম এবং তাঁহার ঘরের দক্ষিণ প্রান্তে একটি সোফা ছিল— সেইটিতে চুপ করিয়া
পড়িয়া আমার মধ্যাহ্ন কাটিত। একে তো অনেক দিনের বন্ধ-করা ঘর, নিষিদ্ধপ্রবেশ,
সে-ঘরে যেন একটা রহস্যের ঘন গন্ধ ছিল। তাহার পরে সম্মুখের জনশূন্য খোলা
ছাদের উপর রৌদ্র ঝাঁ ঝাঁ করিত, তাহাতেও মনটাকে উদাস করিয়া দিত। তার
উপরে আরো একটা আঁকষণ ছিল। তখন সবেমাত্র শহরে জলের কল হইয়াছে।
তখন নূতন মহিমার ঔদ্যে বাঙালিপাড়াতেও তাহার কার্পণ্য শুরু হয় নাই। শহরের
উত্তরে দক্ষিণে তাহার দক্ষিণ্য সমান ছিল। সেই জলের কলের সত্যযুগে আমার
পিতার স্নানের ঘরে তেতলাতেও জল পাওয়া যাইত। ঝাঁঝি খুলিয়া দিয়া অকালে
মনের সাধ মিটাইয়া স্নান করিতাম। সে-স্নান আরামের জন্ম নহে, কেবলমাত্র
ইচ্ছাটাকে লাগাম ছাড়িয়া দিবার জন্ম। একদিকে মুক্তি, আর-একদিকে বন্ধনের
আশঙ্কা, এই দুইয়ে মিলিয়া কোম্পানির কলের জলের ধারা আমার মনের মধ্যে পুলকশর
বর্ষণ করিত।

বাহিরের সংস্রব আমার পক্ষে যতই দুর্বল থাকে, বাহিরের আনন্দ আমার পক্ষে
হয়তো সেই কারণেই সহজ ছিল। উপকরণ প্রচুর থাকিলে মনটা কুঁড়ে হইয়া পড়ে,
সে কেবলই বাহিরের উপরেই সম্পূর্ণ বরাত দিয়া বসিয়া থাকে; তুলিয়া যায়, আনন্দের
ভোজে বাহিরের চেয়ে অন্তরের অল্পটানটাই গুরুতর। শিশুকালে মাতৃঘের সর্বপ্রথম
শিক্ষাটাই এই। তখন তাহার সম্বল অল্প এবং তুচ্ছ, কিন্তু আনন্দলাভের পক্ষে ইহার
চেয়ে বেশি তাহার কিছুই প্রয়োজন নাই। সংসারে যে হতভাগ্য শিশু খেলার জিনিস
অপর্যাপ্ত পাইয়া থাকে তাহার খেলা মাটি হইয়া যায়।

বাড়ির ভিতরে আমাদের যে-বাগান ছিল তাহাকে বাগান বলিলে অনেকটা বেশি
বলা হয়। একটা বাতাবি লেবু, একটা কুলগাছ, একটা বিলাতি আমড়া ও একসার

নারিকেলগাছ তাহার প্রধান সংগতি। মাঝখানে ছিল একটা গোলাকার বাঁধানে চাতাল। তাহার কাটলের রেখায় রেখায় ঘাস ও নানাপ্রকার গুল্ম অনধিকার প্রবেশপূর্বক জ্বর-দখলের পতাকা রোপণ করিয়াছিল। যে-ফুলগাছগুলো অনাদরেও মরিতে চায় না তাহারাই মালীর নামে কোনো অভিযোগ না আনিয়া, নিরভিমানে যথাশক্তি আপন কর্তব্য পালন করিয়া যাইত। উত্তরকোণে একটা টেকিঘর ছিল, সেখানে গৃহস্থালির প্রয়োজনে মাঝে মাঝে অন্তঃপুরিকাদের সমাগম হইত। কলিকাতায় পল্লীজীবনের সম্পূর্ণ পরাভব স্বীকার করিয়া, এই টেকিশালাটি কোন্-একদিন নিঃশব্দে মুখ ঢাকিয়া অন্তর্ধান করিয়াছে। প্রথম-মানব আদমের স্বর্গোত্থানটি যে আমাদের এই বাগানের চেয়ে বেশি সুসজ্জিত ছিল, আমার এরূপ বিশ্বাস নহে। কারণ, প্রথম-মানবের স্বর্গলোক আবরণহীন—আয়োজনের দ্বারা সে আপনাকে আচ্ছন্ন করে নাই। জ্ঞানবৃক্ষের ফল খাওয়ার পর হইতে যে-পর্যন্ত না সেই ফলটাকে সম্পূর্ণ হজম করিতে পারিতেছে, সে-পর্যন্ত মানুষের সাজসজ্জার প্রয়োজন কেবলই বাড়িয়া উঠিতেছে। বাড়ির ভিতরের বাগান আমার সেই স্বর্গের বাগান ছিল—সেই আমার যথেষ্ট ছিল। বেশ মনে পড়ে, শরৎকালের ভোরবেলায় ঘুম ভাঙিলেই এই বাগানে আসিয়া উপস্থিত হইতাম। একটি শিশিরমাথা ঘাসপাতার গন্ধ ছুটিয়া আসিত, এবং স্নিগ্ধ নবীন রৌদ্রটি লইয়া আমাদের পুর্বদিকের প্রাচীরের উপর নারিকেলপাতার কম্পমান বালরগুলির তলে প্রভাত আসিয়া মুখ বাড়াইয়া দিত।*

আমাদের বাড়ির উত্তর-অংশে আর-একখণ্ড ভূমি পড়িয়া আছে, আজ পর্যন্ত ইহাকে আমরা গোলাবাড়ি বলিয়া থাকি। এই নামের দ্বারা প্রমাণ হয়, কোনো-এক পুরাতন সময়ে ওখানে গোলা করিয়া সন্ধ্যাসরের শস্য রাখা হইত—তখন শহর এবং পল্লী অল্পবয়সের ভাইভগিনীর মতো অনেকটা একরকম চেহারা লইয়া প্রকাশ পাইত, এখন দিদির সঙ্গে ভাইয়ের মিল খুঁজিয়া পাওয়াই শক্ত।

ছুটির দিনে স্ন্যেযোগ পাইলে এই গোলাবাড়িতে গিয়া উপস্থিত হইতাম। খেলিবার জন্ত যাইতাম বলিলে ঠিক বলা হয় না। খেলাটার চেয়ে এই জায়গাটারই প্রতি আমার টান বেশি ছিল। তাহার কারণ কী বলা শক্ত। বোধহয় বাড়ির কোণের একটা নিভৃত পোড়ো জায়গা বলিয়াই আমার কাছে তাহার কী একটা রহস্য ছিল। সে আমাদের বাসের স্থান নহে, ব্যবহারের ঘর নহে; সেটা কাজের জন্তও নহে; সেটা বাড়িঘরের বাহিরে, তাহাতে নিত্যপ্রয়োজনের কোনো ছাপ নাই; তাহা শোভাহীন অনাবশ্যক পতিত জমি, কেহ সেখানে ফুলের গাছও বসায় নাই; এইজন্ত সেই উজাড় জায়গাটার বালকের মন আপন ইচ্ছামতো কল্পনায় কোনা বাধা পাইত

না। রক্ষকদের শাসনের একটুমাত্র রক্ত দিয়া যেদিন কোনোমতে এইখানে আসিতে পারিতাম সেদিন ছুটির দিন বলিয়াই বোধ হইত।

বাড়িতে আরো-একটা জায়গা ছিল, সেটা যে কোথায় তাহা আজ পর্যন্ত বাহির করিতে পারি নাই। আবার সমবয়স্কা খেলার সঙ্গিনী একটি বালিকা^৫ সেটাকে রাজার বাড়ি^৬ বলিত। কখনো কখনো তাহার কাছে শুনিতাম, “আজ সেখানে গিয়াছিলাম।” কিন্তু, একদিনও এমন শুভযোগ হয় নাই যখন আমিও তাহার সঙ্গ ধরিতে পারি। সে একটা আশ্চর্য জায়গা, সেখানে খেলাও যেমন আশ্চর্য খেলার সামগ্রীও তেমনি অপরূপ। মনে হইত, সেটা অত্যন্ত কাছে; একতলায় বা দোতলায় কোনো-একটা জায়গায়; কিন্তু কোনোমতেই সেখানে যাওয়া ঘটিয়া উঠে না। কতবার বালিকাকে জিজ্ঞাসা করিয়াছি, “রাজার বাড়ি কি আমাদের বাড়ির বাহিরে।” সে বলিয়াছে, “না, এই বাড়ির মধ্যেই।” আমি বিস্মিত হইয়া বসিয়া ভাবিতাম, বাড়ির সকল ঘরই তো আমি দেখিয়াছি কিন্তু সে-ঘর তবে কোথায়! রাজা যে কে সে-কথা কোনোদিন জিজ্ঞাসাও করি নাই, রাজস্ব যে কোথায় তাহা আজ পর্যন্ত অনাবিষ্কৃত রহিয়া গিয়াছে, কেবল এইটুকুমাত্র পাওয়া গিয়াছে যে, আমাদের বাড়িতেই সেই রাজার বাড়ি।

ছেলেবেলার দিকে যখন তাকানো যায় তখন সবচেয়ে এই কথাটা মনে পড়ে যে, তখন জগৎটা এবং জীবনটা রহস্যে পরিপূর্ণ। সর্বত্রই যে একটি অভাবনীয় আছে এবং কখন যে তাহার দেখা পাওয়া যাইবে তাহার ঠিকানা নাই, এই কথাটা প্রতিদিনই মনে জাগিত। প্রকৃতি যেন হাত মুঠা করিয়া হাসিয়া জিজ্ঞাসা করিত, “কী আছে বলো দেখি।” কোনটা থাকা যে অসম্ভব, তাহা নিশ্চয় করিয়া বলিতে পারিতাম না।

বেশ মনে পড়ে, দক্ষিণের বারান্দার এক কোণে আতার বিচি পুঁতিয়া রোজ জল দিতাম।^{১০} সেই বিচি হইতে যে গাছ হইতেও পারে একথা মনে করিয়া ভারি বিস্ময় এবং ঐশ্বর্য জন্মিত। আতার বীজ হইতে আজও অঙ্কুর বাহির হয়, কিন্তু মনের মধ্যে তাহার সঙ্গে সঙ্গে আজ আর বিস্ময় অঙ্কুরিত হইয়া উঠে না। সেটা আতার বীজের দোষ নয়, সেটা মনেরই দোষ। গুণদাদার^{১১} বাগানের ক্রীড়াশৈল হইতে পাথর চুরি করিয়া আনিয়া আমাদের পড়িবার ঘরের এক কোণে আমরা নকল পাহাড় তৈরি করিতে প্রবৃত্ত হইয়াছিলাম— তাহারই মাঝে মাঝে ফুলগাছের চারা পুঁতিয়া সেবার আতিশয্যে তাহাদের প্রতি এত উপদ্রব করিতাম যে, নিতান্তই গাছ বলিয়া তাহারা চূপ করিয়া থাকিত এবং মরিতে বিলম্ব করিত না। এই পাহাড়টার প্রতি আমাদের কী আনন্দ এবং কী বিস্ময় ছিল, তাহা বলিয়া শেষ করা যায় না।

মনে বিশ্বাস ছিল, আমাদের এই সৃষ্টি গুরুজনের পক্ষেও নিশ্চয় আশ্চর্যের সামগ্রী হইবে; সেই বিশ্বাসের যেদিন পরীক্ষা করিতে গেলাম সেইদিনই আমাদের গৃহকোণের পাহাড় তাহার গাছপালা-সমেত কোথায় অন্তর্ধান করিল। ইস্কুলঘরের কোণে যে পাহাড়সৃষ্টির উপযুক্ত ভিত্তি নহে, এমন অকস্মাৎ এমন রুঢ়ভাবে সে শিক্ষালাভ করিয়া বড়োই দুঃখ বোধ করিয়াছিলাম। আমাদের লীলার সঙ্গে বড়োদের ইচ্ছার যে এত প্রভেদ তাহা স্মরণ করিয়া, গৃহভিত্তির অপসারিত প্রস্তরভার আমাদের মনের মধ্যে আসিয়া চাপিয়া বসিল।

তখনকার দিনে এই পৃথিবী বস্তুটার রস কী নিবিড় ছিল, সেই কথাই মনে পড়ে। কী মাটি, কী জল, কী গাছপালা, কী আকাশ, সমস্তই তখন কথা কহিত—মনকে কোনোমতেই উদাসীন থাকিতে দেয় নাই। পৃথিবীকে কেবলমাত্র উপরের তলাতেই দেখিতেছি, তাহার ভিতরের তলাটা দেখিতে পাইতেছি না, ইহাতে কতদিন যে মনকে ধাক্কা দিয়াছে তাহা বলিতে পারি না। কী করিলে পৃথিবীর উপরকার এই মেটে রঙের মলাটটাকে খুলিয়া ফেলা যাইতে পারে, তাহার কতই প্ল্যান ঠাওরাইয়াছি। মনে ভাবিতাম, একটার পর আর-একটা বাঁশ যদি ঠুকিয়া ঠুকিয়া পোতা যায়, এমনি করিয়া অনেক বাঁশ পোতা হইয়া গেলে পৃথিবীর খুব গভীরতম তলাটাকে হয়তো একরকম করিয়া নাগাল পাওয়া যাইতে পারে। মাঘোৎসব উপলক্ষ্যে আমাদের উঠানের চারিধারে সারি সারি করিয়া কাঠের ধাম পু তিয়া তাহাতে বাড় টাঙানো হইত। পয়লা মাঘ হইতেই এজগ্ৰ উঠানে মাটি-কাটা আরম্ভ হইত। সর্বত্রই উৎসবের উত্থোগের আরম্ভটা ছেনেদের কাছে অত্যন্ত ঔৎসুক্যজনক। কিন্তু, আমার কাছে বিশেষভাবে এই মাটি-কাটা ব্যাপারের একটা টান ছিল। যদিচ প্রত্যেক বৎসরই মাটি কাটিতে দেখিয়াছি—দেখিয়াছি, গর্ত বড়ো হইতে হইতে একটু একটু করিয়া সমস্ত মানুষটাই গহ্বরের নিচে তলাইয়া গিয়াছে, অথচ তাহার মধ্যে কোনোবারই এমন-কিছু দেখা দেয় নাই যাহা কোনো রাজপুত্র বা পাত্রের পুত্রের পাতালপুর-যাত্রা সফল করিতে পারে, তবুও প্রত্যেক বারেরই আমার মনে হইত, একটা রহস্যসিন্ধুকের ডালা খোলা হইতেছে। মনে হইত, যেন আর-একটু খুঁড়িলেই হয়; কিন্তু, বৎসরের পর বৎসর গেল, সেই আর-একটুকু কোনোবারেরই খোঁড়া হইল না। পর্দায় একটুখানি টান দেওয়াই হইল কিন্তু তোলা হইল না। মনে হইত, বড়োরা তো ইচ্ছা করিলেই সব করাইতে পারেন, তবে তাঁহারা কেন এমন অগভীরের মধ্যে থামিয়া বসিয়া আছেন—আমাদের মতো শিশুর আঞ্জা যদি খাটিত, তাহা হইলে পৃথিবীর গূঢ়তম সংবাদটি এমন উদাসীনভাবে মাটিচাপা পড়িয়া থাকিত না। আর, যেখানে আকাশের

নীলিমা তাহারই পশ্চাতে আকাশের সমস্ত রহস্য, মে-চিন্তাও মনকে ঠেলা দিত। যেদিন বোধোদয়^{১২} পড়াইবার উপলক্ষ্যে পণ্ডিতমহাশয়^{১৩} বলিলেন, আকাশের ওই নীল গোলকটি কোনো-একটা বাধামাত্রই নহে, তখন সেটা কী অসম্ভব আশ্চর্যই মনে হইয়াছিল। তিনি বলিলেন, “সিঁড়ির উপর সিঁড়ি লাগাইয়া উপরে উঠিয়া যাও-না, কোথাও মাথা ঠেকিবে না।” আমি ভাবিলাম, সিঁড়ি সম্বন্ধে বুঝি তিনি অনাবশ্যক কার্পণ্য করিতেছেন। আমি কেবলই স্বর চড়াইয়া বলিতে লাগিলাম, “আরো সিঁড়ি, আরো সিঁড়ি, আরো সিঁড়ি”—শেষকালে যখন বুঝা গেল সিঁড়ির সংখ্যা বাড়াইয়া কোনো লাভ নাই তখন স্তম্ভিত হইয়া বসিয়া ভাবিতে লাগিলাম এবং মনে করিলাম, এটা এমন একটা আশ্চর্য খবর যে পৃথিবীতে যাহারা মাস্টারমশায় তাহারাই কেবল এটা জানেন, আর কেহ নয়।

- ১ তু খাপছাড়া, ৯৩-সংখ্যক কবিতা ; রচনাবলী ২১।
- ২ ড্র ‘পুরোনো বট’, শিশু, রচনাবলী ৯ ; বালক ১২৯২ ভাদ্র।
- ৩ ড্র ‘দুই পাখি’, সোনার তরী, রচনাবলী ৩ ; ‘নরনারী’,-ভারতী ও বালক ১২৯৯ অগ্রহায়ণ।
- ৪ কাদম্বরী [কাদম্বিনী] দেবী ; ড্র ‘প্রত্যাবর্তন’ পরিলেখ।
- ৫ “সিংহবাগান... ৩কালীপ্রসন্ন সিংহ মহোদয়ের পূর্বপুরুষদিগের... ছিল। বর্তমানে... পণ্ডিত হুন্দরলাল মিশ্রের...। এখন বাগানের পরিবর্তে সেখানে... প্রকাণ্ড বস্তি জমিয়া উঠিয়াছে।”—ক্ষিতীন্দ্রনাথ ঠাকুর, ড্র তত্ত্ব পত্রিকা, শক ১৮৪৯ জ্যৈষ্ঠ।
- ৬ ড্র ‘ধ্বনি’, আকাশপ্রদীপ ; রচনাবলী ২৩।
- ৭ ড্র ‘স্কুল-পালানে’, আকাশপ্রদীপ ; রচনাবলী ২৩।
- ৮ ইরাবতী (১৮৬১-১৯১৮) দেবেন্দ্রনাথের জ্যেষ্ঠা কন্যা সৌদামিনী দেবীর কন্যা, সত্যপ্রসাদের স্ত্রী।
- ৯ ড্র ‘রাজার বাড়ি’, গল্পসল্প। ‘রাজার বাড়ি’, শিশু ; রচনাবলী ৯।
- ১০ ড্র ‘আতার বিচি’, ছড়ার ছবি ; রচনাবলী ২১।
- ১১ গুণেন্দ্রনাথ ঠাকুর (১৮৪৭-৮১), দেবেন্দ্রনাথের ভ্রাতা গিরীন্দ্রনাথের কনিষ্ঠ পুত্র।
- ১২ ঈশ্বরচন্দ্র বিদ্যাসাগর প্রণীত।
- ১৩ ? নীলকমল ঘোষাল।

ভৃত্যরাজক তন্ত্র

ভারতবর্ষের ইতিহাসে দাসরাজাদের রাজত্বকাল সুখের কাল ছিল না। আমার জীবনের ইতিহাসেও ভৃত্যদের শাসনকালটা যখন আলোচনা করিয়া দেখি তখন তাহার মধ্যে মহিমা বা আনন্দ কিছুই দেখিতে পাই না। এই-সকল রাজাদের পরিবর্তন বারম্বার ঘটয়াছে কিন্তু আমাদের ভাগ্যে সকল-তাতেই নিবেদন ও প্রহারের ব্যবস্থার বৈলক্ষণ্য ঘটে নাই। তখন এ-সম্বন্ধে তত্ত্বালোচনার অবসর পাই নাই— পিঠে যাহা পড়িত তাহা পিঠে করিয়াই লইতাম এবং মনে জ্ঞানিতাম, সংসারের ধর্মই এই— বড়ো যে সে মারে, ছোটো যে সে মার খায়। ইহার বিপরীত কথাটা, অর্থাৎ ছোটো যে সেই মারে, বড়ো যে সেই মার খায়— শিথিতে বিস্তর বিলম্ব হইয়াছে।

কোনটা দুষ্ট এবং কোনটা শিষ্ট, ব্যাধ তাহা পাখির দিক হইতে দেখে না, নিজের দিক হইতেই দেখে। সেইজন্য গুলি খাইবার পূর্বেই যে সতর্ক পাখি চীৎকার করিয়া দল ভাগায়, শিকারী তাহাকে গালি দেয়। মার খাইলে আমরা কাঁদিতাম, প্রহারকর্তা সেটাকে শিষ্টোচিত বলিয়া গণ্য করিত না। বস্তুত, সেটা ভৃত্যরাজদের বিরুদ্ধে সিডিশন। আমার বেশ মনে আছে, সেই সিডিশন সম্পূর্ণ দমন করিবার জন্ত জল রাখিবার বড়ো বড়ো জালার মধ্যে আমাদের রোদনকে বিলুপ্ত করিয়া দিবার চেষ্টা করা হইত। রোদন জিনিসটা প্রহারকারীর পক্ষে অত্যন্ত অপ্রিয় এবং অস্বীকৃতজনক, এ কথা কেহই অস্বীকার করিতে পারিবে না।

এখন এক-একবার ভাবি, ভৃত্যদের হাত হইতে কেন এমন নির্মম ব্যবহার আমরা পাইতাম। গোটের উপরে আকারপ্রকারে আমরা যে স্নেহদয়ামায়ার অযোগ্য ছিলাম তাহা বলিতে পারি না। আসল কারণটা এই, ভৃত্যদের উপরে আমাদের সম্পূর্ণ ভার পড়িয়াছিল। সম্পূর্ণ ভার জিনিসটা বড়ো অসহ্য। পরমাত্মীয়ের পক্ষেও দুর্বহ। ছোটো ছেলেকে যদি ছোটো ছেলে হইতে দেওয়া যায়— সে যদি খেলিতে পায়, দৌড়িতে পায়, কোঁতুল মিটাইতে পারে, তাহা হইলেই সে সহজ হয়। কিন্তু, যদি মনে কর, উহাকে বাহির হইতে দিব না, খেলায় বাধা দিব, ঠাণ্ডা করিয়া বসাইয়া রাখিব, তাহা হইলে অত্যন্ত দুঃস্থ সমস্তার সৃষ্টি করা হয়। তাহা হইলে, ছেলেমানুষ ছেলেমানুষি দ্বারা নিজের যে-ভার নিজেকে অনায়াসেই বহন করে সেই ভার শাসনকর্তার উপরে পড়ে। তখন ঘোড়াকে মাটিতে চলিতে না দিয়া তাহাকে কাঁধে লইয়া বেড়ানো হয়।

যে-বেচারী কাঁধে করে তাহার মেজাজ ঠিক থাকে না। মজুরির লোভে কাঁধে করে বটে, কিন্তু ষোড়া-বেচারার উপর পদে পদে শোধ লইতে থাকে।

এই আমাদের শিশুকালের শাসনকর্তাদের মধ্যে অনেকেরই স্মৃতি কেবল কিলচড় আকারেই মনে আছে— তাহার বেশি আর মনে পড়ে না। কেবল একজনের কথা খুব স্পষ্ট মনে জাগিতেছে।

তাহার নাম ঈশ্বর। সে পূর্বে গ্রামে গুরুমশায়গিরি করিত। সে অত্যন্ত শুচিসংযত আচারনিষ্ঠ বিজ্ঞ এবং গভীর প্রকৃতির লোক। পৃথিবীতে তাহার শুচিতারক্ষার উপযোগী মাটিজলের বিশেষ অসন্ডাব ছিল। এইজন্ত এই মৃৎপিণ্ড মেদিনীর মলিনতার সন্দেহ সর্বদাই তাহাকে যেন লড়াই করিয়া চলিতে হইত। বিদ্যাদেবেগে ঘটি ডুবাইয়া পুষ্করিণীর তিন-চারহাত নিচেকার জল সে সংগ্রহ করিত। স্নানের সময় দুই হাত দিয়া অনেকক্ষণ ধরিয়া পুষ্করিণীর উপরিতলের জল কাটাইতে কাটাইতে, অবশেষে হঠাৎ একসময় দ্রুতগতিতে ডুব দিয়া লইত; যেন পুষ্করিণীটিকে কোনোমতে, অগ্নমনস্ক করিয়া দিয়া, ফাঁকি দিয়া মাথা ডুবাইয়া লওয়া তাহার অভিপ্রায়। চলিবার সময় তাহার দক্ষিণ হস্তটি এমন একটু বক্রভাবে দেহ হইতে স্বতন্ত্র হইয়া থাকিত যে বেশ বোঝা যাইত, তাহার ডান হাতটা তাহার শরীরের কাপড়চোপড়গুলোকে পর্যন্ত বিশ্বাস করিতেছে না। জলে স্থলে আকাশে এবং লোকব্যবহারের রক্তে রক্তে অসংখ্য দোষ প্রবেশ করিয়া আছে, অহোব্রাজ সেইগুলোকে কাটাইয়া চলা তাহার এক বিষম সাধনা ছিল। বিশ্বজগৎটা কোনো দিক দিয়া তাহার গায়ের কাছে আসিয়া পড়ে, ইহা তাহার পক্ষে অসহ্য। অতলস্পর্শ তাহার গাভীর ছিল। ঘাড় ঈষৎ বাঁকাইয়া মস্তন্বরে চিবাইয়া চিবাইয়া সে কথা কহিত। তাহার সাধুভাষার প্রতি লক্ষ্য করিয়া গুরুজনেরা আড়ালে প্রায়ই হাসিতেন। তাহার সন্দেহে আমাদের বাড়িতে একটা প্রবাদ রটিয়া গিয়াছিল যে, সে বরানগরকে বরাহনগর বলে। এটা জনশ্রুতি হইতে পারে কিন্তু আমি জানি, ‘অমুক লোক বসে আছেন’ না বলিয়া সে বলিয়াছিল ‘অপেক্ষা করছেন’। তাহার মুখের এই সাধুপ্রয়োগ আমাদের পারিবারিক কৌতুকালোচনার ভাণ্ডারে অনেকদিন পর্যন্ত সঞ্চিত ছিল। নিশ্চয়ই এখনকার দিনে ভদ্রধরের কোনো ভৃত্যের মুখে ‘অপেক্ষা করছেন’ কথাটা হাস্যকর নহে। ইহা হইতে দেখা যায়, বাংলায় গ্রন্থের ভাষা ক্রমে চলিত ভাষার দিকে নামিতেছে এবং চলিত ভাষা গ্রন্থের ভাষার দিকে উঠিতেছে; একদিন উভয়ের মধ্যে যে আকাশপাতাল ভেদ ছিল, এখন তাহা প্রতিদিন ঘুচিয়া আসিতেছে।

এই ভূতপূর্ব গুরুমহাশয় সন্ধ্যাবেলায় আমাদের গিকে সংযত রাখিবার জন্ত একট

উপায় বাহির করিয়াছিল। সন্ধ্যাবেলায় রেড়ির তেলের ভাঙা সেজের চারদিকে আমাদের বসাইয়া সে রামায়ণ-মহাভারত শোনাইত। চাকরদের মধ্যে আরো দুই-চারিটি শ্রোতা আসিয়া জুটিত। ক্ষীণ আলোকে ঘরের কড়িকাঠ পর্যন্ত মস্ত মস্ত ছায়া পড়িত, টিকটিকি দেওয়ালে পোকা ধরিয়া খাইত, চামচিকে বাহিরের বারান্দায় উন্নত দরবেশের মতো ক্রমাগত চক্রাকারে ঘুরিত, আমরা স্থির হইয়া বসিয়া হাঁ করিয়া শুনিতাম। যেদিন কুশলবের' কথা আসিল, বীর বালকেরা তাহাদের বাপখুড়াকে একেবারে মাটি করিয়া দিতে প্রবৃত্ত হইল, সেদিনকার সন্ধ্যাবেলার সেই অস্পষ্ট আলোকের সভা নিস্তন্ধ ঔংস্ক্যের নিবিড়তায় যে কিরূপ পূর্ণ হইয়া উঠিয়াছিল, তাহা এখনো মনে পড়ে। এদিকে রাত হইতেছে, আমাদের জাগরণকালের মেয়াদ ফুরাইয়া আসিতেছে, কিন্তু পরিণামের অনেক বাকি। এহেন সংকটের সময় হঠাৎ আমাদের পিতার অল্পচর কিশোরী চাটুজ্যে^২ আসিয়া দাশুরায়ের পাঁচালি গাহিয়া অতি দ্রুত গতিতে বাকি অংশটুকু পূরণ করিয়া গেল; কৃত্তিবাসের সরল পয়ারের মুহুমন্দ কলধ্বনি কোথায় বিলুপ্ত হইল—অল্পপ্রাসের বাক্যমকি ও ঝংকারে আমরা একেবারে হতবুদ্ধি হইয়া গেলাম।

কোনো-কোনোদিন পুরাণপাঠের প্রসঙ্গে শ্রোতৃসভায় শাস্ত্রঘটিত তর্ক উঠিত, ঈশ্বর সৃষ্টিবিজ্ঞতার সহিত তাহার মীমাংসা করিয়া দিত। যদিও ছোটো ছেলেদের চাকর বলিয়া ভৃত্যসমাজে পদমর্যাদায় সে অনেকের চেয়ে হীন ছিল, তবু কুরুসভায় ভীষ্মপিতামহের মতো সে আপনার কনিষ্ঠদের চেয়ে নিম্ন আসনে বসিয়াও আপন গুরুগোরব অবিচলিত রাখিয়াছিল।

এই আমাদের পরমপ্রাক্ত রক্ষকটির যে একটি দুর্বলতা ছিল তাহা ঐতিহাসিক সত্যের অনুরোধে অগত্যা প্রকাশ করিতে হইল। সে আক্ষিম খাইত। এই কারণে তাহার পুষ্টিকর আহারের বিশেষ প্রয়োজন ছিল। এইজন্ম আমাদের বরাদ্দ দুধ যখন সে আমাদের সামনে আনিয়া উপস্থিত করিত, তখন সেই দুধ সম্বন্ধে বিপ্রকর্ষণ অপেক্ষা আকর্ষণ শক্তিটাই তাহার মনে বেশি প্রবল হইয়া উঠিত। আমরা দুধ খাইতে স্বভাবতই বিতৃষ্ণা প্রকাশ করিলে, আমাদের স্বাস্থ্যোন্নতির দায়িত্বপালন উপলক্ষ্যেও সে কোনোদিন দ্বিতীয়বার অনুরোধ বা জবরদস্তি করিত না।

আমাদের জলখাবার সম্বন্ধেও তাহার অত্যন্ত সংকোচ ছিল। আমরা খাইতে বসিতাম। লুচি আমাদের সামনে একটা মোটা কাঠের বারকোশে রাশ-করা থাকিত। প্রথমে দুই-একখানি মাত্র লুচি যথেষ্ট উঁচু হইতে শুচিতা বাঁচাইয়া সে আমাদের পাতে বর্ষণ করিত। দেবলোকের অনিচ্ছাসত্ত্বেও নিতান্ত তপস্শূর জোরে যে-বর মাগুষ আদায়

করিয়া লয় সেই বরের মতো, লুচিকয়খানা আমাদের পাতে আসিয়া পড়িত; তাহাতে পরিবেষণকর্তার কুন্তিত দক্ষিণহস্তের দাক্ষিণ্য প্রকাশ পাইত না। তাহার পর ঈশ্বর প্রশ্ন করিত, আরো দিতে হইবে কিনা। আমি জানিতাম, কোন্ উত্তরটি সর্বাপেক্ষা সদ্ভক্ত বলিয়া তাহার কাছে গণ্য হইবে। তাহাকে বঞ্চিত করিয়া দ্বিতীয়বার লুচি চাহিতে আমার ইচ্ছা করিত না। বাজার হইতে আমাদের জগ্ন বরাদ্দমতো জলখাবার কিনিবার পয়সা ঈশ্বর পাইত। আমরা কী ধাইতে চাই প্রতিদিন সে তাহা জিজ্ঞাসা করিয়া লইত। জানিতাম, সস্তা জিনিস ফরমাশ করিলে সে খুশি হইবে। কখনো মুড়ি প্রভৃতি লঘুপথ্য, কখনো-বা ছোলাসিদ্ধ চিনাবাদাম-ভাজা প্রভৃতি অপথ্য আদেশ করিতাম। দেখিতাম, শাস্ত্রবিধি আচারতত্ত্ব প্রভৃতি সম্বন্ধে ঠিক স্মরণবিচারে তাহার উৎসাহ যেমন প্রবল ছিল, আমাদের পথ্যাপথ্য সম্বন্ধে ঠিক তেমনটি ছিল না।

১ ব্রহ্মেশ্বর, ৬ ছেলেবেলা, অধ্যায় ৩।

২ কিশোরীনাথ চট্টোপাধ্যায়; তু "কঙ্কালী চাটুজ্জে", 'বালক', ছড়ার ছবি; রচনাবলী ২১।

নর্মাল স্কুল

ওরিয়েন্টাল সেমিনারিতে যখন পড়িতেছিলাম তখন কেবলমাত্র ছাত্র হইয়া থাকিবার যে-হীনতা তাহা মিটাইবার একটা উপায় বাহির করিয়াছিলাম। আমাদের বারান্দার একটি বিশেষ কোণে আমিও একটি ক্লাস খুলিয়াছিলাম। রেলিংগুলা ছিল আমার ছাত্র। একটা কাঠি হাতে করিয়া চৌকি লইয়া তাহাদের সামনে বসিয়া মাস্টারি করিতাম। রেলিংগুলার মধ্যে কে ভালো ছেলে এবং কে মন্দ ছেলে, তাহা একেবারে স্থির করা ছিল। এমন-কি, ভালোমানুষ রেলিং ও দুষ্ট রেলিং, বুদ্ধিমান রেলিং ও বোকা রেলিংয়ের মুখশ্রীর প্রভেদ আমি যেন সুস্পষ্ট দেখিতে পাইতাম। দুষ্ট রেলিংগুলার উপর ক্রমাগত আমার লাঠি পড়িয়া পড়িয়া তাহাদের এমনি দুর্দশা ঘটয়াছিল যে, প্রাণ থাকিলে তাহারা প্রাণ বিসর্জন করিয়া শাস্তি লাভ করিতে পারিত। লাঠির চোটে যতই তাহাদের বিকৃতি ঘটত ততই তাহাদের উপর রাগ কেবলই বাড়িয়া উঠিত; কী করিলে তাহাদের যে যথেষ্ট শাস্তি হইতে পারে, তাহা যেন ভাবিয়া কুলাইতে পারিতাম না। আমার সেই নীরব ক্লাসটির উপর কী ভয়ংকর মাস্টারি যে করিয়াছি, তাহার সাম্য দিবার জন্ত আজ কেহই বর্তমান নাই। আমার সেই সেকালের দারুণনির্মিত ছাত্রগণের স্থলে সম্প্রতি লৌহনির্মিত রেলিং ভরতি হইয়াছে— আমাদের উত্তরবর্তিগণ ইহাদের শিক্ষকতার ভার আজও কেহ গ্রহণ করে নাই, করিলেও তখনকার শাসন-প্রণালীতে এখন কোনো ফল হইত না।— ইহা বেশ দেখিয়াছি, শিক্ষকের প্রদত্ত বিছাটুকু শিথিতে শিশুরা অনেক বিলম্ব করে, কিন্তু শিক্ষকের ভাবখানা শিথিয়া লইতে তাহাদিগকে কোনো দুঃখ পাইতে হয় না। শিক্ষাদান ব্যাপারের মধ্যে যে-সমস্ত অবিচার, অর্ধৈর্ধ, ক্রোধ, পক্ষপাতপরতা ছিল, অগ্নাণ্ড শিক্ষণীয় বিষয়ের চেয়ে সেটা অতি সহজেই আয়ত্ত করিয়া লইয়াছিলাম। সুখের বিষয় এই যে, কাঠের রেলিংয়ের মতো নিতান্ত নির্বাক ও অচল পদার্থ ছাড়া আর-কিছুর উপরে সেই সমস্ত বর্বরতা প্রয়োগ করিবার উপায় সেই দুর্বল বয়সে আমার হাতে ছিল না। কিন্তু যদিচ রেলিং-শ্রেণীর সঙ্গে ছাত্রের শ্রেণিতে পার্থক্য যথেষ্ট ছিল, তবু আমার সঙ্গে আর সংকীর্ণচিত্ত শিক্ষকের মনস্তত্ত্বের লেশমাত্র প্রভেদ ছিল না।

ওরিয়েন্টাল সেমিনারিতে বোধকরি বেশি দিন ছিলাম না। তাহার পরে 'নর্মাল স্কুলে' ভরতি হইলাম। তখন বয়স অত্যন্ত অল্প। একটা কথা মনে পড়ে, বিছালয়ের কাজ আরম্ভ হইবার প্রথমই গ্যালারিতে সকল ছেলে বসিয়া গানের সুরে কী সমস্ত

কবিতা আবৃত্তি করা হইত। শিক্ষার সঙ্গে সঙ্গে যাহাতে কিছু পরিমাণে ছেলেদের মনোরঞ্জনের আয়োজন থাকে, নিশ্চয় ইহার মধ্যে সেই চেষ্টা ছিল। কিন্তু গানের কথা-গুলো ছিল ইংরেজি, তাহার সুরও তথৈবচ— আমরা যে কী মস্ত আওড়াইতেছি এবং কী অনুষ্ঠান করিতেছি, তাহা কিছুই বুঝিতাম না। প্রত্যহ সেই একটা, অর্থহীন একঘেষে ব্যাপারে যোগ দেওয়া আমাদের কাছে সুখকর ছিল না। অথচ ইস্কুলের কর্তৃপক্ষেরা তখনকার কোনো-একটা থিয়োরি অবলম্বন করিয়া বেশ নিশ্চিন্ত ছিলেন যে, তাঁহারা ছেলেদের আনন্দবিধান করিতেছেন; কিন্তু প্রত্যক্ষ ছেলেদের দিকে তাকাইয়া তাহার ফলাফল বিচার করা সম্পূর্ণ বাহ্যিক বোধ করিতেন। যেন তাঁহাদের থিয়োরি-অনুসারে আনন্দ পাওয়া ছেলেদের একটা কর্তব্য, না পাওয়া তাহাদের অপরাধ। এইজন্ত যে ইংরেজি বই হইতে তাঁহারা থিয়োরি সংগ্রহ করিয়াছিলেন, তাহা হইতে আশু ইংরেজি গানটা তুলিয়া তাঁহারা আরাম বোধ করিয়াছিলেন। আমাদের মুখে সেই ইংরেজিটা কী ভাষায় পরিণত হইয়াছিল, তাহার আলোচনা শব্দতত্ত্ববিদগণের পক্ষে নিঃসন্দেহ মূল্যবান। কেবল একটা লাইন মনে পড়িতেছে—

কলোকী পুলোকী সিংগিল সেলালিং সেলালিং সেলালিং।

অনেক চিন্তা করিয়া ইহার কিয়দংশের মূল উদ্ধার করিতে পারিয়াছি— কিন্তু ‘কলোকী’ কথাটা যে কিসের রূপান্তর তাহা আজও ভাবিয়া পাই নাই। বাকি অংশটা আমার বোধ হয়—

Full of glee, singing merrily, merrily, merrily.

ক্রমশ নর্মাল স্কুলের স্মৃতিটা যেখানে ঝাপসা অবস্থা পার হইয়া স্মৃষ্টিতর হইয়া উঠিয়াছে সেখানে কোনো অংশেই তাহা লেশমাত্র মধুর নহে।^২ ছেলেদের সঙ্গে যদি মিশিতে পারিতাম, তবে বিদ্যালয়শিক্ষার দুঃখ তেমন অসহ বোধ হইত না। কিন্তু সে কোনোমতেই ঘটে নাই। অধিকাংশ ছেলেরই সংস্রব এমন অশুচি ও অপমানজনক ছিল যে, ছুটির সময় আমি চাকরকে লইয়া দোতলায় রাস্তার দিকের এক জানালার কাছে একলা বসিয়া কাটাইয়া দিতাম। মনে মনে হিসাব করিতাম, এক বৎসর, দুই বৎসর, তিন বৎসর— আরও কত বৎসর এমন করিয়া কাটাইতে হইবে। শিক্ষকদের মধ্যে একজনের^৩ কথা আমার মনে আছে, তিনি এমন কুৎসিত ভাষা ব্যবহার করিতেন যে তাঁহার প্রতি অশ্রদ্ধাবশত তাঁহার কোনো প্রশ্নেরই উত্তর করিতাম না। সপ্তমসর তাঁহার ক্লাসে আমি সকল ছাত্রের শেষে নীরবে বসিয়া থাকিতাম। যখন পড়া চলিত তখন সেই অবকাশে পৃথিবীর অনেক দুর্ভাগ্য সমস্তার মীমাংসাচেষ্টা করিতাম। একটা সমস্তার কথা মনে আছে। অশ্রদ্ধহীন হইয়াও শত্রুকে কী করিলে যুদ্ধে হারানো যাইতে পারে,

সেটা আমার গভীর চিন্তার বিষয় ছিল। ওই ক্লাসের পড়াশুনার গুঞ্জনধ্বনির মধ্যে বসিয়া ওই কথাটা মনে মনে আলোচনা করিতাম, তাহা আজও আমার মনে আছে। ভাবিতাম, কুকুর বাঘ প্রভৃতি হিংস্র জন্তুদের খুব ভালো করিয়া শায়েস্তা করিয়া, প্রথমে তাহাদের দুই-চারিসার যুদ্ধক্ষেত্রে যদি সাজাইয়া দেওয়া যায়, তবে লড়াইয়ের আসরের মুখবন্ধটা বেশ সহজেই জমিয়া ওঠে ; তাহার পরে নিজেদের বাহুবল কাজে খাটাইলে জয়লাভটা নিতান্ত অসাধ্য হয় না। মনে মনে এই অত্যন্ত সহজ প্রণালীর রণসঙ্কার ছবিটা যখন কল্পনা করিতাম তখন যুদ্ধক্ষেত্রে স্বপক্ষের জয় একেবারে সুনিশ্চিত দেখিতে পাইতাম। যখন হাতে কাজ ছিল না তখন কাজের অনেক আশ্চর্য সহজ উপায় বাহির করিয়াছিলাম। কাজ করিবার বেলায় দেখিতেছি, যাহা কঠিন তাহা কঠিনই, যাহা দুঃসাধ্য তাহা দুঃসাধ্যই, ইহাতে কিছু অসুবিধা আছে বটে কিন্তু সহজ করিবার চেষ্টা করিলে অসুবিধা আরও সাতগুণ বাড়িয়া উঠে।

এমনি করিয়া সেই ক্লাসে এক বছর যখন কাটিয়া গেল তখন মধুসূদন^১ বাচস্পতির নিকট আমাদের বাংলার বাৎসরিক পরীক্ষা হইল। সকল ছেলের চেয়ে আমি বেশি নম্বর পাইলাম। আমাদের ক্লাসের শিক্ষক কতৃপুরুষদের কাছে জানাইলেন যে, পরীক্ষক আমার প্রতি পক্ষপাত প্রকাশ করিয়াছেন। দ্বিতীয়বার আমার পরীক্ষা হইল। এবার স্বয়ং সুপারিন্টেন্ডেন্ট^২ পরীক্ষকের পাশে চৌকি লইয়া বসিলেন। এবারেও ভাগ্যক্রমে আমি উচ্চস্থান পাইলাম।

১ ইং .৮৫৫, জুলাই মাসে “ঈশ্বরচন্দ্র বিজ্ঞানাগরের তত্ত্বাবধানে” স্থাপিত হয়। —চরিতমালা ১২।

“তখন এই বিজ্ঞানঘট জোড়াসাঁকোতে [চিংপুর রোডের উপর] তাহাদের [ঠাকুরপরিবারের] বাটির সন্নিকটে বাবু শ্রামলাল মল্লিকের বাটিতে অবস্থিত ছিল।” —র-কথা, পৃ ১৬৪।

২ “গিনি বলিয়া একটা ছোটোগল্প লিখিয়াছিলাম, সেটা নমাল স্কুলেরই স্মৃতি হইতে লিখিত।” —পাণ্ডুলিপি।

৩ হরনাথ পণ্ডিত।

৪ নর্মাল স্কুলের দ্বিতীয় শিক্ষক।

৫ গোবিন্দবাবু, ড্র ‘কাব্যরচনাচর্চা’ অধ্যায়।

কবিতা-রচনারস্তু

আমার বয়স তখন সাত-আট বছরের বেশি হইবে না। আমার এক ভাগিনেয় শ্রীযুক্ত জ্যোতিঃপ্রকাশ^১ আমার চেয়ে বয়সে বেশ একটু বড়ো। তিনি তখন ইংরেজি সাহিত্যে প্রবেশ করিয়া খুব উৎসাহের সঙ্গে হাম্লেটের স্বগত উক্তি আওড়াইতেছেন। আমার মতো শিশুকে কবিতা লেখাইবার জন্ম তাঁহার হঠাৎ কেন যে উৎসাহ হইল তাহা আমি বলিতে পারি না। একদিন দুপুরবেলা তাঁহার ঘরে ডাকিয়া লইয়া বলিলেন, “তোমাকে পণ লিখিতে হইবে।” বলিয়া, পয়ারছন্দে চৌদ্দ অক্ষর যোগা-যোগের রীতিপদ্ধতি আমাকে বুঝাইয়া দিলেন।

পণ-জিনিসটিকে এ-পর্বন্ত কেবল ছাপার বহিতেই দেখিয়াছি। কাটাকুট নাই, ভাবাচিন্তা নাই, কোনোখানে মর্ত্তজনাচিত দুর্বলতার কোনো চিহ্ন দেখা যায় না। এই পণ যে নিজে চেষ্টা করিয়া লেখা যাইতে পারে, এ কথা কল্পনা করিতেও সাহস হইত না। একদিন আমাদের বাড়িতে চোর ধরা পড়িয়াছিল। অত্যন্ত ভয়ে ভয়ে অঞ্চ নিরতিশয় কৌতূহলের সঙ্গে তাহাকে দেখিতে গেলাম। দেখিলাম, নিতান্তই সে সাধারণ মানুষের মতো। এমন অবস্থায় দরোয়ান যখন তাহাকে মারিতে শুরু করিল, আমার মনে অত্যন্ত ব্যথা লাগিল। পণ সম্বন্ধেও আমার সেই দশা হইল। গোটাকয়েক শব্দ নিজের হাতে জোড়াতাড়া দিতেই যখন তাহা পয়ার হইয়া উঠিল, তখন পণরচনার মহিমা সম্বন্ধে মোহ আর টিকিল না। এখন দেখিতেছি, পণ-বেচারার উপরেও মার সয় না। অনেকসময় দয়াও হয় কিন্তু মারও ঠেকানো যায় না, হাত নিদৃপিস্ করে। চোরের পিঠেও এত লোকের এত বাড়ি পড়ে নাই।

ভয় যখন একবার ভাঙিল তখন আর ঠেকাইয়া রাখে কে। কোনো-একটি কর্ণচাঁরীর রূপায় একখানি নীলকাগজের খাতা জোগাড় করিলাম। তাহাতে স্বহস্তে পেন্সিল দিয়া কতকগুলো অসমান লাইন কাটিয়া বড়ো বড়ো কাঁচা অক্ষরে পণ লিখিতে শুরু করিয়া দিলাম।

হরিণশিশুর নূতন শিং বাহির হইবার সময় সে যেমন যেখানে-সেখানে গুঁতা মারিয়া বেড়ায়, নূতন কাব্যোদগম লইয়া আমি সেইরকম উৎপাত আরম্ভ করিলাম। বিশেষত, আমার দাদা^২ আমার এই-সকল রচনার গর্ব অল্পভব করিয়া শ্রোতাসংগ্রহের উৎসাহে সংসারকে একেবারে অতিষ্ঠ করিয়া তুলিলেন। মনে আছে, একদিন একতলায় আমাদের জয়িদারি-কাছানির আয়লাদের কাছে কবিত্ব ঘোষণা করিয়া আমরা ছই

ভাই বাহির হইয়া আসিতেছি, এমনসময় তখনকার 'শ্রাশনাল পেপার' পত্রের এডিটর শ্রীযুক্ত নবগোপাল মিত্র সবেমাত্র আমাদের বাড়িতে পদার্পণ করিয়াছেন। তৎক্ষণাৎ দাদা তাঁহাকে গ্রেফ্তার করিয়া কহিলেন, "নবগোপালবাবু, রবি একটা কবিতা লিখিয়াছে, শুন্নন-না।" শুনাইতে বিলম্ব হইল না। কাব্য-গ্রন্থাবলীর বোঝা তখন ভারি হয় নাই। কবিকীর্তি কবির জামার পকেটে-পকেটেই তখন অনায়াসে ফেরে। নিজেই তখন লেখক, মুদ্রাকর, প্রকাশক, এই তিনে-এক একে-তিন হইয়া ছিলাম। কেবল বিজ্ঞাপন দিবার কাজে আমার দাদা আমার সহযোগী ছিলেন। পদের উপরে একটা কবিতা লিখিয়াছিলাম, সেটা দেউড়ির সামনে দাঁড়াইয়াই উৎসাহিত উচ্চকণ্ঠে নবগোপালবাবুকে শুনাইয়া দিলাম। তিনি একটু হাসিয়া বলিলেন, "বেশ হইয়াছে, কিন্তু ওই 'দ্বিরেক' শব্দটার মানে কী।"

'দ্বিরেক' এবং 'ভ্রমর' দুটোই তিন অক্ষরের কথা। ভ্রমর শব্দটা ব্যবহার করিলে ছন্দের কোনো অনিষ্ট হইত না। ওই দুক্লহ কথাটা কোথা হইতে সংগ্রহ করিয়াছিলাম, মনে নাই। সমস্ত কবিতাটার মধ্যে ওই শব্দটার উপরেই আমার আশাভরসা সবচেয়ে বেশি ছিল। দক্‌তরখানার আমলামহলে নিশ্চয়ই ওই কথাটাতে বিশেষ ফল পাইয়াছিলাম। কিন্তু নবগোপালবাবুকে ইহাতেও লেশমাত্র দুর্বল করিতে পারিল না। এমন কি, তিনি হাসিয়া উঠিলেন। আমার দৃঢ় বিশ্বাস হইল, নবগোপালবাবু সমজদার লোক নহেন। তাঁহাকে আর-কখনো কবিতা শুনাই নাই। তাহার পরে আমার বয়স অনেক হইয়াছে, কিন্তু কে সমজদার, কে নয়, তাহা পরখ করিবার প্রণালীর বিশেষ পরিবর্তন হইয়াছে বলিয়া মনে হয় না। যাই হোক, নবগোপালবাবু হাসিলেন বটে কিন্তু 'দ্বিরেক' শব্দটা মধুপানমত্ত ভ্রমরেরই মতো স্বস্থানে অবিচলিত রহিয়া গেল।

- ১ জ্যোতিঃপ্রকাশ গঙ্গোপাধ্যায় (১৮৫৫-১৯১৯), গুণেন্দ্রনাথের জ্যেষ্ঠা ভগ্নী কাদম্বিনী দেবীর পুত্র।
- ২ সোমেন্দ্রনাথ ঠাকুর।
- ৩ দেবেন্দ্রনাথের অর্ধানুকুল্যে প্রকাশিত (? ১৮৬৬) স্বদেশীভাব-প্রচারক ইংরেজি সাপ্তাহিক।

নানা বিদ্যার অয়োজন

তখন নর্মাণ স্কুলের একটি শিক্ষক, খ্রীযুক্ত নীলকমল ঘোষাল মহাশয় বাড়িতে আমাদের পড়াইতেন। তাঁহার শরীর ক্ষীণ, শুষ্ক, ও কর্ণধর তীক্ষ্ণ ছিল। তাঁহাকে মানুষজন্মধারী একটি ছিপুছিপে বেতের মতো বোধ হইত। সকাল ছটা হইতে সাড়ে নয়টা পর্যন্ত আমাদের শিক্ষাভার তাঁহার উপর ছিল। চাক্রপাঠ^১, বস্তুবিচার^২, প্রাণি-বৃত্তান্ত^৩ হইতে আরম্ভ করিয়া মাইকেলের মেঘনাদবধকাব্য^৪ পর্যন্ত ইঁহার কাছে পড়া। আমাদের বিচিত্র বিষয়ে শিক্ষা দিবার জগ্ন সেজদাদার^৫ বিশেষ উৎসাহ ছিল। ইস্কুলে আমাদের যাহা পাঠ্য ছিল বাড়িতে তাহার চেয়ে অনেক বেশি পড়িতে হইত। ভোরে অন্ধকার থাকিতে উঠিয়া লংট পরিয়া প্রথমেই এক কানা পালোরানের^৬ সঙ্গে কুস্তি করিতে হইত। তাহার পরে সেই মাটিমাখা শরীরের উপরে জামা পরিয়া পদার্থবিজ্ঞা^৭, মেঘনাদবধকাব্য, জ্যামিতি, গণিত, ইতিহাস, ভূগোল শিখিতে হইত। স্কুল হইতে ফিরিয়া আসিলেই ড্রয়িং এবং জিমনাস্টিকের মাস্টার আমাদের লইয়া পড়িতেন। সন্ধ্যার সময় ইংরেজি পড়াইবার জগ্ন অঘোরবাবু আসিতেন। এইরূপে রাত্রি নটার পর ছুটি পাইতাম।

রবিবার সকালে বিয়ুর^৮ কাছে গান শিখিতে হইত। তাছাড়া প্রায় মাঝে মাঝে সীতানাথ দত্ত^৯ মহাশয় আসিয়া যন্ত্রতন্ত্রযোগে প্রাকৃতবিজ্ঞান শিক্ষা দিতেন। এই শিক্ষাটি আমার কাছে বিশেষ গুৎসুক্যজনক ছিল। জাল দিবার সময় তাপসংযোগে পাত্রের নিচের জল পাতলা হইয়া উপরে উঠে, উপরের ভারি জল নিচে নামিতে থাকে, এবং এইজগ্নই জল টগবগ করে— ইহাই যেদিন তিনি কাচপাত্রে জলে কাঠের গুঁড়া দিয়া আঙুনে চড়াইয়া প্রত্যক্ষ দেখাইয়া দিলেন সেদিন মনের মধ্যে যে কিরূপ বিশ্বয় অহুড়ব করিয়াছিলাম তাহা আজও স্পষ্ট মনে আছে। হুধের মধ্যে জল জিনিসটা যে একটা স্বতন্ত্র বস্তু, জাল দিলে সেটা বাষ্প-আকারে মুক্তিয়াভ করে বলিয়াই ছুধ গাঢ় হয়, এ কথাটাও যেদিন স্পষ্ট বুঝিলাম সেদিনও ভারি আনন্দ হইয়াছিল। যে-রবিবারে সকালে তিনি না আসিতেন, সে-রবিবার আমার কাছে রবিবার বলিয়াই মনে হইত না।

ইহা ছাড়া, ক্যাথল মেডিকেল স্কুলের একটি ছাত্রের কাছে কোনো-এক সময়ে অস্থিবিজ্ঞা শিখিতে আরম্ভ করিলাম। তার দিয়া জোড়া একটি নরকঙ্কাল^{১০} কিনিয়া আনিয়া আমাদের ইস্কুলঘরে লুটকাইয়া দেওয়া হইল।

ইহারই মতো এক সময়ে হেরষ তত্ত্বরত্ন মহাশয় আমাদের একেবারে 'মুকুন্দং সচ্চিদানন্দং' হইতে আরম্ভ করিয়া মুক্তবোধের সূত্র মুখস্থ করাইতে শুরু করিয়া দিলেন। অস্থিবিচার হাড়ের নামগুলা এবং বোঁপদেবের সূত্র, দুয়ের মধ্যে জিত কাহার ছিল তাহা ঠিক করিয়া বলিতে পারি না। আমার বোধহয় হাড়গুলিই কিছু নয়ম ছিল।

বাংলাশিক্ষা যখন বহুদূর অগ্রসর হইয়াছে তখন আমরা ইংরেজি শিখিতে আরম্ভ করিয়াছি। আমাদের মাস্টার অঘোররায় মেডিকেল কলেজে পড়িতেন। সন্ধ্যার সময় তিনি আমাদের পড়াইতে আসিতেন। কাঠ হইতে অগ্নি উদ্ভাবনটাই মানুষের পক্ষে সকলের চেয়ে বড়ো উদ্ভাবন, এই কথাটা শাস্ত্রে পড়িতে পাই। আমি তাহার প্রতিবাদ করিতে চাই না। কিন্তু সন্ধ্যাবেলায় পাখিরা আলো জ্বালিতে পারে না, এটা যে পাখির বাচ্ছাদের পরম সৌভাগ্য, একথা আমি মনে না করিয়া থাকিতে পারি না। তাহারা যে-ভাষা শেখে সেটা প্রাতঃকালেই শেখে এবং মনের আনন্দেই শেখে, সেটা লক্ষ্য করিয়া থাকিবেন। অবশ্য, সেটা ইংরেজিভাষা নয়, এ কথাও স্মরণ করা উচিত।

এই মেডিকেল কলেজের ছাত্রমহাশয়ের স্বাস্থ্য এমন অত্যন্ত অশ্রায়রূপে ভালো ছিল যে, তাঁহার তিন ছাত্রের একান্ত মনের কামনাসত্ত্বেও একদিনও তাঁহাকে কামাই করিতে হয় নাই। কেবল একবার যখন মেডিকেল কলেজের ফিরিঙ্গি ছাত্রদের সঙ্গে বাঙালি ছাত্রদের লড়াই হইয়াছিল, সেইসময় শত্রুদল চৌকি ছুঁড়িয়া তাঁহার মাথা ভাঙিয়াছিল। ঘটনাটি শোচনীয় কিন্তু সে-সময়টাতে মাস্টারমহাশয়ের ভাঙা কপালকে আমাদেরই কপালের দোষ বলিয়া গণ্য করিতে পারি নাই, এবং তাঁহার আরোগ্যাভাবে অনাবশ্যক দ্রুত বলিয়া বোধ হইয়াছিল।

সন্ধ্যা হইয়াছে; মুষলধারে বৃষ্টি পড়িতেছে; রাস্তায় একহাঁটু জল দাঁড়াইয়াছে। আমাদের পুকুর ভরতি হইয়া গিয়াছে। বাগানের বেলগাছের ঝাঁকড়া মাথাগুলো জলের উপরে জাগিয়া আছে; বর্ষাসন্ধ্যার পুলকে মনের ভিতরটা কদম্বফুলের মতো রোমাক্ষিত হইয়া উঠিয়াছে। মাস্টারমহাশয়ের আসিবার সময় দু-চার মিনিট অতিক্রম করিয়াছে। তবু এখনো বলা যায় না। রাস্তার সম্মুখের বারান্দাটাতে চৌকি লইয়া গলির মোড়ের দিকে কক্ষণ দৃষ্টিতে তাকাইয়া আছি। 'পততি পতত্রে বিচলতি পত্রে শঙ্কিত ভবদ্রুপযানং' বাক্যে বসে। এমনসময় বৃকের মধ্যে হুংপিণ্ডটা যেন হঠাৎ আছাড় খাইয়া হা-হতোশ্মি করিয়া পড়িয়া গেল। দৈবদুর্যোগে-অপরাহত সেই কালো ছাতাটি দেখা দিয়াছে। হইতে পারে আর কেহ। না, হইতেই পারে না। ভবভূতির সমানধর্মা বিপুল পৃথিবীতে মিলিতেও পারে কিন্তু সেদিন সন্ধ্যাবেলায়

আমাদেরই গলিতে মাস্টারমহাশয়ের সমানধর্মা দ্বিতীয় আর-কাহারও অভ্যাদয় একেবারেই অসম্ভব।”

যখন সকল কথা স্মরণ করি তখন দেখিতে পাই, অঘোরবাবু নিতান্তই যে কঠোর মাস্টারমশাই-জাতের মানুষ ছিলেন, তাহা নহে। তিনি ভূজবলে আমাদের শাসন করিতেন না। মুখেও যেটুকু তর্জন করিতেন তাহার মধ্যে গর্জনের ভাগ বিশেষ কিছু ছিল না বলিলেই হয়। কিন্তু তিনি যত ভালোমানুষই হউন, তাঁহার পড়াইবার সময় ছিল সন্ধ্যাবেলা এবং পড়াইবার বিষয় ছিল ইংরেজি। সমস্ত দুঃখদিনের পর সন্ধ্যাবেলায় টিম্‌টেমে বাতি জ্বলাইয়া বাঙালি ছেলেকে ইংরেজি পড়াইবার ভার যদি স্বয়ং বিযুক্তের উপরেও দেওয়া যায়, তবু তাহাকে যমদূত বলিয়া মনে হইবেই, তাহাতে সন্দেহ নাই। বেশ মনে আছে, ইংরেজিভাষাটা যে নীরস নহে আমাদের কাছে তাহাই প্রমাণ করিতে অঘোরবাবু একদিন চেষ্টা করিয়াছিলেন; তাহার সরসতার উদাহরণ দিবার জন্ত, গণ্ড কি পণ্ড তাহা বলিতে পারি না, খানিকটা ইংরেজি তিনি মুগ্ধভাবে আমাদের কাছে আবৃত্তি করিয়াছিলেন। আমাদের কাছে সে ভারি অদ্ভুত বোধ হইয়াছিল। আমরা এতই হাসিতে লাগিলাম যে সেদিন তাঁহাকে ভঙ্গ দিতে হইল; বুকিতে পারিলেন, মকদ্দমাটি নিতান্ত সহজ নহে— ডিক্রি পাইতে হইলে আরও এমন বছর দশ-পনেরো রীতিমতো লড়ানড়ি করিতে হইবে।

মাস্টারমশায় মাঝে মাঝে আমাদের পাঠমরুস্বলীর মধ্যে ছাপানো বাহির বাহিরের দক্ষিণহাওয়া আনিবার চেষ্টা করিতেন। একদিন হঠাৎ পকেট হইতে কাগজে-মোড়া একটি রহস্য বাহির করিয়া বলিলেন, “আজ আমি তোমাদিগকে বিধাতার একটি আশ্চর্য সৃষ্টি দেখাইব।” এই বলিয়া মোড়কটি খুলিয়া মানুষের একটি কঠনলী বাহির করিয়া তাহার সমস্ত কৌশল ব্যাখ্যা করিতে লাগিলেন। আমার বেশ মনে আছে, ইহাতে আমার মনটাতে কেমন একটা ধাক্কা লাগিল। আমি জানিতাম, সমস্ত মানুষটাই কথা কয়; কথা-কওয়া ব্যাপারটাকে এমনতরো টুকরা করিয়া দেখা যায়, ইহা কখনো মনেও হয় নাই। কলকৌশল যতবড়ো আশ্চর্য হউক-না কেন, তাহা তো মোট মানুষের চেয়ে বড়ো নহে। তখন অবশ্য এমন করিয়া ভাবি নাই কিন্তু মনটা কেমন একটু স্নান হইল; মাস্টারমশায়ের উৎসাহের সঙ্গে ভিতর হইতে যোগ দিতে পারিলাম না। কথা কওয়ার আসল রহস্যটুকু যে সেই মানুষটির মধ্যেই আছে, এই কঠনলীর মধ্যে নাই, দেহব্যবচ্ছেদের কালে মাস্টারমশায় বোধহয় তাহা খানিকটা ভুলিয়াছিলেন, এইজন্যই তাঁহার কঠনলীর ব্যাখ্যা সেদিন বালকের মনে ঠিকমতো বাজে নাই। তারপরে একদিন তিনি আমাদিগকে মেডিকেল কলেজের শব-

ব্যবচ্ছেদের ঘরে লইয়া গিয়াছিলেন। টেবিলের উপর একটি বৃদ্ধার মৃতদেহ শয়ান ছিল; সেটা দেখিয়া আমার মন তেমন চঞ্চল হয় নাই; কিন্তু মেজের উপরে একখণ্ড কাটা পা পড়িয়া ছিল, সে-দৃশ্যে আমার সমস্ত মন একেবারে চমকিয়া উঠিয়াছিল। মানুষকে এইরূপ টুকরা করিয়া দেখা এমন ভয়ংকর, এমন অসংগত যে সেই মেজের-উপর-পড়িয়া-থাকা একটা কৃষ্ণবর্ণ অর্থহীন পায়ের কথা আমি অনেক দিন পর্যন্ত ভুলিতে পারি নাই।

প্যারি সরকারের প্রথম দ্বিতীয় ইংরেজিপাঠ^১ কোনামতে শেষ করিতেই আমাদিগকে মকলকুম্^২ কোরস্ অফ ব্রীডিং শ্রেণীর একখানা পুস্তক ধরানো হইল। একে সন্ধ্যাবেলায় শরীর ক্লাস্ত এবং মন অস্তঃপুরের দিকে, তাহার পরে সেই বইখানার মলাট কালো এবং মোটা, তাহার ভাষা শক্ত এবং তাহার বিষয়গুলির মধ্যে 'নিশ্চয়ই দয়ামায়া কিছুই ছিল না, কেননা শিশুদের প্রতি সেকালে মাতা সরস্বতীর মাতৃত্বাবের কোনো লক্ষণ দেখি নাই। এখনকার মতো ছেলেদের বইয়ে তখন পাতায় পাতায় ছবির চলন ছিল না। প্রত্যেক পাঠ্যবিষয়ের দেউড়িতেই থাকে-থাকে সার-বাঁধা সিলেবল্-ফাঁক-করা বানানগুলো অ্যাক্সেস্ট-চিহ্নের তীক্ষ্ণ সঙ্কিন উচাইয়া শিশুপালবধের জগৎ কাণ্ডোজ করিতে থাকিত। ইংরেজিভাষার এই পাষণ্ডত্বর্গে মাথা ঠুকিয়া আমরা কিছুতেই কিছু করিয়া উঠিতে পারিতাম না। মাস্টারমহাশয় তাঁহার অপর একটি কোন্ স্তবোধ ছাত্রের দৃষ্টান্ত উল্লেখ করিয়া আমাদের প্রত্যহ শিক্ষার দিতেন। এরূপ তুলনামূলক সমালোচনায় সেই ছেলেটির প্রতি আমাদের প্রীতিসঞ্চার হইত না, লজ্জাও পাইতাম অথচ সেই কালো বইটার অঙ্ককার অটল থাকিত। প্রকৃতিদেবী জীবের প্রতি দয়া করিয়া দুর্বোধ পদার্থমাত্রের মধ্যে নিদ্রাকর্ষণের মোহমন্ত্রটি পড়িয়া রাখিয়াছেন। আমরা যেমনি পড়া শুরু করিতাম অমনি মাথা চুলিয়া পড়িত। চোখে জলসেক করিয়া, বারান্দায় দৌড় করাইয়া, কোনো স্থায়ী ফল হইত না। এমনসময় বড়দাদা^৩ যদি দৈবাৎ স্কুলঘরের বারান্দা দিয়া যাইবার কালে আমাদের নিদ্রাকাতর অবস্থা দেখিতে পাইতেন তবে তখনই ছুটি দিয়া দিতেন। ইহার পরে ঘুম ভাঙিতে আর মুহূর্তকাল বিলম্ব হইত না।

১ অক্ষয়কুমার দত্ত প্রণীত।

২ ? রামগতি আয়রন প্রণীত, প্রকাশ ১৫ পৌষ, সংবৎ ১৯১৫ [ইং ১৮৫৮]।

৩ সাতকড়ি দত্ত প্রণীত, প্রকাশ ১৮৫৯।

৪ "আমরা যখন মেঘনাদবধ পড়িতাম তখন আমার বয়স বোধ করি নয় বছর হইবে।" — পাণ্ডুলিপি।

- ৫ হেমেন্দ্রনাথ ঠাকুর (১৮৪৪-৮৪), দেবেন্দ্রনাথের তৃতীয় পুত্র ।
- ৬ “হীরা দিং নামক একজন শিখ পালোয়ান ।” —প্রবাসী, ১৩১৮ মাঘ, পৃ ৩৮৮ ।
- ৭ বিষ্ণুচন্দ্র চক্রবর্তী (১৮১৯-?১৯০১) —ড্র আয়ঞ্জীবনী, পরিশিষ্ট পৃ ৩৪৪ ।
- ৮ ? নীতানাদ যোষ (১২৪৮-৯০), ড্র প্রবাসী, ১৩১৮ মাঘ, পৃ ৩৮৮ ; ১৩১৯ জ্যৈষ্ঠ, পৃ ২১৩ ।
- ৯ ড্র ‘কঙ্কাল’, গল্পগুচ্ছ ১ ; রচনাবলী ১৬ ।
- ১০ ড্র ‘অনন্তব কথা’, গল্পগুচ্ছ ১ ; রচনাবলী ১৮ ।
- ১১ Peary Churn Sircar : First Book of Reading, Second Book of Reading.
- ১২ ? Macculloch's.
- ১৩ দ্বিজেন্দ্রনাথ ঠাকুর (১৮৪০-১৯২৬), দেবেন্দ্রনাথের জ্যেষ্ঠ পুত্র ।

বাহিরে যাত্রা

একবার কলিকাতায় ডেভুজের তাড়নায় আমাদের বৃহৎ পরিবারের কিয়দংশ পেনেটেতে ছাত্তুবাবুদের বাগানে আশ্রয় লইল। আমরা তাহার মধ্যে ছিলাম।

এই প্রথম বাহিরে গেলাম। গঙ্গার তীরভূমি যেন কোন্ পূর্বজন্মের পরিচয়ে আমাকে কোলে করিয়া লইল। সেখানে চাকরদের ঘরটির সামনে গোটাকয়েক পেয়ারাগাছ। সেই ছায়াতলে বারান্দায় বসিয়া সেই পেয়ারাবনের অন্তরাল দিয়া গঙ্গার ধারার দিকে চাহিয়া আমার দিন কাটত। প্রত্যহ প্রভাতে ঘুম হইতে উঠিলামাত্র আমার কেমন মনে হইত, যেন দিনটাকে একখানি সোনালি-পাড়-দেওয়া নূতন চিঠির মতো পাইলাম। লেফাফা খুলিয়া ফেলিলে যেন কী অপূর্ব খবর পাওয়া যাইবে। পাছে একটুও কিছু লোকসান হয় এই আগ্রহে তাড়াতাড়ি মুখ খুঁইয়া বাহিরে আসিয়া চৌকি লইয়া বসিতাম। প্রতিদিন গঙ্গার উপর সেই জোয়ারভাঁটার আসা-যাওয়া, সেই কত রকম-রকম নৌকার কত গতিভঙ্গি, সেই পেয়ারাগাছের ছায়ার পশ্চিম হইতে পূর্বদিকে অপসারণ, সেই কোন্নগরের পারে শ্রেণীবদ্ধ বনান্নকারের উপর বিদীর্ঘবক্ষ সূর্যাস্তকালের অজস্র স্বর্ণশোণিতপ্রাবন। এক-একদিন সকাল হইতে মেঘ করিয়া আসে; ওপারের গাছগুলি কালো; নদীর উপর কালো ছায়া; দেখিতে দেখিতে সশব্দ বৃষ্টির ধারায় দিগন্ত বাপসা হইয়া যায়, ওপারের তটরেখা যেন চোখের জলে বিদায়গ্রহণ করে; নদী ফুলিয়া ফুলিয়া উঠে এবং ভিজা হাওয়া এপারের ডাল-পালাগুলার মধ্যে যা-খুশি-তাই করিয়া বেড়ায়।

কড়ি-বরগা-দেয়ালের জুঁঠরের মধ্য হইতে বাহিরের জগতে যেন নূতন জন্মলাভ করিলাম। সকল জিনিসকেই আর-একবার নূতন করিয়া জানিতে গিয়া, পৃথিবীর উপর হইতে অভ্যাসের তুচ্ছতার আবরণ একেবারে ঘুচিয়া গেল। সকালবেলায় এখোঁগুড় দিয়া যে বাসি লুচি খাইতাম, নিশ্চয়ই স্বর্গলোকে ইন্দ্র যে-অমৃত খাইয়া থাকেন তাহার সঙ্গে তার স্বাদের বিশেষ কিছু পার্থক্য নাই। কারণ, অমৃত জিনিসটা রসের মধ্যে নাই, রসবোধের মধ্যেই আছে— এইজন্ত যাহারা সেটাকে খোঁজে তাহারা সেটাকে পায়ই না।)

যেখানে আমরা বসিতাম তাহার পিছনে প্রাচীর দিয়া ঘেরা ঘাট-বাঁধানো একটা খিড়কির পুকুর— ঘাটের পাশেই একটা মস্ত জামরুলগাছ; চারিধারেই বড়ো বড়ো ফলের গাছ ঘন হইয়া দাঁড়াইয়া ছায়ার আড়ালে পুষ্করিণীটির আবরু রচনা করিয়া আছে। এই ঢাকা, ঘেরা, ছায়া-করা, সংকুচিত একটুখানি খিড়কির বাগানের

ঘোমটা-পরা সৌন্দর্য আমার কাছে ভারি মনোহর ছিল। সম্মুখের উদার গম্বাভীরের সঙ্গে এর কতই তফাত। এ ঘেন ঘরের বধু। কোণের আড়ালে, নিজের হাতের লতাপাতা-আঁকা সবুজরঙের কাঁধাটি মেলিয়া দিয়া মধ্যাহ্নের নিভৃত অবকাশে মনের কথাটিকে মুহুঞ্জনে ব্যক্ত করিতেছে। সেই মধ্যাহ্নেই অনেকদিন জামরুলগাছের ছায়ায়, ঘাটে একলা বসিয়া পুকুরের গভীর তলাটার মধ্যে যক্ষপুরীর ভয়ের রাজ্য কল্পনা করিয়াছি।

বাংলাদেশের পাড়াগাঁটাকে ভালো করিয়া দেখিবার জ্ঞান অনেক দিন হইতে মনে আমার ঔৎসুক্য ছিল। গ্রামের ঘরবস্তি চণ্ডীমণ্ডপ রাস্তাঘাট খেলাধুলা হাটমাঠ জীবনযাত্রার কল্পনা আমার হৃদয়কে অত্যন্ত টানিত। সেই পাড়াগাঁ এই গম্বাভীরের বাগানের ঠিক একেবারে পশ্চাতেই ছিল— কিন্তু সেখানে আমাদের যাওয়া নিষেধ। আমরা বাহিরে আসিয়াছি কিন্তু স্বাধীনতা পাই নাই। (ছিলাম খাঁচায়, এখন বসিয়াছি দাঁড়ে— পায়ের শিকল কাটিল না।)

একদিন আমার অভিভাবকের মধ্যে দুইজনে সকালে পাড়ায় বেড়াইতে গিয়াছিলেন। আমি কোঁতুহলের আবেগ সামলাইতে না পারিয়া তাঁহাদের অগোচরে পিছনে পিছনে কিছুদূর গিয়াছিলাম। গ্রামের গলিতে ঘনবনের ছায়ায় শেওড়ার-বেড়া-দেওয়া পানাপুকুরের ধার দিয়া চলিতে চলিতে বড়ো আনন্দে এই ছবি মনের মধ্যে আঁকিয়া আঁকিয়া লইতেছিলাম। একজন লোক অত বেলায় পুকুরের ধারে খোলা গায়ে দাঁতন করিতেছিল, তাহা আজও আমার মনে রহিয়া গিয়াছে। এমন সময়ে আমার অগ্রবর্তীরা হঠাৎ টের পাইলেন, আমি পিছনে আছি। তখনই ভৎসনা করিয়া উঠিলেন, “যাও যাও, এখনি ফিরে যাও।” — তাঁহাদের মনে হইয়াছিল, বাহির হইবার মতো সাজ আমার ছিল না। পায়ের মোজা নাই, গায়ে একখানি জামার উপর অল্প-কোনো ভদ্র আচ্ছাদন নাই— ইহাকে তাঁহারা আমার অপরাধ বলিয়া গণ্য করিলেন। কিন্তু মোজা এবং পোশাকপরিচ্ছদের কোনো উপসর্গ আমার ছিলই না, স্নাতরাং কেবল সেইদিনই যে হতাশ হইয়া আমাকে ফিরিতে হইল তাহা নহে, ফ্রট সংশোধন করিয়া ভবিষ্যতে আর-একদিন বাহির হইবার উপায়ও রহিল না।

সেই পিছনে আমার বাধা রহিল কিন্তু গল্প সম্মুখ হইতে আমার সমস্ত বন্ধন হরণ করিয়া লইলেন। পাল-তোলা নৌকায় যখন-তখন আমার মন বিনা-ভাড়ায় সওয়াগরি হইয়া বসিত এবং যে-সব দেশে যাত্রা করিয়া বাহির হইত, ভূগোলে আজ পর্যন্ত তাহাদের কোনো পরিচয় পাওয়া যায় নাই।

সে হয়তো আজ চল্লিশ বছরের কথা। তারপর সেই বাগানের পুষ্পিত টাঁপাতলার স্নানের ঘাটে আর একদিনের জ্ঞাও পদার্পণ করি নাই। সেই গাছপালা, সেই বাড়িঘর নিশ্চয়ই এখনও আছে, কিন্তু জানি সে বাগান আর নাই; কেননা, বাগান তো গাছপালা দিয়া তৈরি নয়, একটি বালকের নববিশ্বয়ের আনন্দ দিয়া সে গড়া— সেই নববিশ্বয়টি এখন কোথায় পাওয়া যাইবে ?

জোড়াসাঁকোর বাড়িতে আবার ফিরিলাম। আমার দিনগুলি নর্মাল স্কুলের হাঁ-করা মুখবিবরের মধ্যে তাহার প্রাত্যহিক বরাদ্দ গ্রাসপিণ্ডের মতো প্রবেশ করিতে লাগিল।

১ আঙতোষ দেব (মাতুবাবু বা ছাতুবাবু) ।

কাব্যরচনাচর্চা

সেই নীল খাতাটি ক্রমেই বাঁকা-বাঁকা লাইনে ও সফ-মোটা অক্ষরে কীটের বাসার মতো ভরিয়া উঠিতে চলিল। বালকের আগ্রহপূর্ণ চঞ্চল হাতের পীড়নে প্রথমে তাহা কুঞ্চিত হইয়া গেল। ক্রমে তাহার ধারগুলি ছিঁড়িয়া কতকগুলি আঙুলের মতো হইয়া ভিতরের লেখাগুলোকে যেন মুঠা করিয়া চাপিয়া রাখিয়া দিল। সেই নীল ফুলস্ক্যাপের খাতাটি লইয়া করুণাময়ী বিলুপ্তিদেবী কবে বৈতরণীর কোন্ ভাঁটার স্রোতে ভাসাইয়া দিয়াছেন জানি না। আহা, তাহার ভবভয় আর নাই। মুদ্রাঘন্ত্রের জঠরযন্ত্রণার হাত সে এড়াইল।

আমি 'কবিতা' লিখি, এ খবর যাহাতে রটিয়া যায় নিশ্চয়ই সে সম্বন্ধে আমার ঔদাসীন্য ছিল না। সাতকড়ি দত্ত' মহাশয় যদিচ আমাদের ক্লাসের শিক্ষক ছিলেন না তবু আমার প্রতি তাঁহার বিশেষ স্নেহ ছিল। তিনি প্রাণিবৃত্তান্ত নামে একখানা বই লিখিয়াছিলেন। আশা করি কোনো সুদক্ষ পরিহাসরসিক ব্যক্তি সেই গ্রন্থলিখিত বিষয়ের প্রতি লক্ষ্য করিয়া তাঁহার স্নেহের কারণ নির্ণয় করিবেন না। তিনি একদিন আমাকে ডাকিয়া জিজ্ঞাসা করিলেন, "তুমি নাকি কবিতা লিখিয়া থাক।" লিখিয়া যে থাকি সে-কথা গোপন করি নাই। ইহার পর হইতে তিনি আমাকে উৎসাহ দিবার জন্ত মাঝে মাঝে দুই-এক পদ কবিতা দিয়া, তাহা পূরণ করিয়া আনিতে বলিতেন। তাহার মধ্যে একটি আমার মনে আছে—

রবিকরে জ্বালাতন আছিল সবাই,
বরষা ভরসা দিল আর ভয় নাই।

আমি ইহার সন্দে যে-পদ জুড়িয়াছিলাম তাহার কেবল দুটো লাইন মনে আছে। আমার সেকালের কবিতাকে কোনোমতেই যে দুর্বোধ বলা চলে না, তাহারই প্রমাণস্বরূপে লাইনদুটোকে এই স্মরণে এখানেই দলিলভুক্ত করিয়া রাখিলাম—

মৌনগণ হীন হয়ে ছিল সরোবরে,
এখন তাহার পুখে জলক্রীড়া করে।

ইহার মধ্যে যেটুকু গভীরতা আছে তাহা সরোবরসংক্রান্ত— অত্যন্তই স্বচ্ছ।

আর-একটি কোনো ব্যক্তিগত বর্ণনা হইতে চার লাইন উদ্ধৃত করি, আশা করি, ইহার ভাষা ও ভাব অলংকারশাস্ত্রে প্রাজ্ঞল বলিয়া গণ্য হইবে—

আমসম্ব দুখে ফেলি, তাহাতে কদলী দলি,
সন্দেশ মাখিয়া দিয়া তাতে—

হাপুস্ হপুস্ শব্দ, চারিদিক নিস্তব্ধ,
পিপিড়া কাঁদিয়া যায় পাতে ।

আমাদের ইস্কুলের গোবিন্দবাবু ঘনকৃষ্ণবর্ণ বেঁটেখাটো মোটাসোটা মানুষ। ইনি ছিলেন সুপারিন্টেন্ডেন্ট। কালো চাপকান পরিয়া দোতলায় আপিসঘরে খাতাপত্র লইয়া লেখাপড়া করিতেন। ইহাকে আমরা ভয় করিতাম। ইনিই ছিলেন বিদ্যালয়ের দণ্ডধারী বিচারক। একদিন অত্যাচারে পীড়িত হইয়া দ্রুতবেগে ইহার ঘরের মধ্যে প্রবেশ করিয়াছিলাম। আসামি ছিল পাঁচ-ছয়জন বড়ো বড়ো ছেলে; আমার পক্ষে সাক্ষী কেহই ছিল না। সাক্ষীর মধ্যে ছিল আমার অশ্রুজল। সেই কৌজদারিতে আমি জিতিয়াছিলাম এবং সেই পরিচয়ের পর হইতে গোবিন্দবাবু আমাকে করুণার চক্ষে দেখিতেন।

একদিন ছুটির সময় তাঁহার ঘরে আমার হঠাৎ ডাক পড়িল। আমি ভীতচিত্তে তাঁহার সম্মুখে গিয়া দাঁড়াইতেই তিনি আমাকে জিজ্ঞাসা করিলেন, “তুমি নাকি কবিতা লেখ।” কবুল করিতে ক্ষণমাত্র দ্বিধা করিলাম না। মনে নাই কী একটা উচ্চ অঙ্গের স্মৃনীতি সন্দক্ষে তিনি আমাকে কবিতা লিখিয়া আনিতে আদেশ করিলেন। গোবিন্দবাবুর মতো ভীষণগঞ্জীর লোকের মুখ হইতে কবিতা লেখার এই আদেশ যে কিরূপ অদ্ভুত সুললিত, তাহা বাঁহারা তাঁহার ছাত্র নহেন তাঁহারা বুঝিবেন না। পরদিন লিখিয়া যখন তাঁহাকে দেখাইলাম তিনি আমাকে সন্দেহ করিয়া লইয়া ছাত্রবৃত্তির ক্লাসের সম্মুখে দাঁড় করাইয়া দিলেন। বলিলেন, “পড়িয়া শোনাও।” আমি উচ্চৈঃস্বরে আবৃত্তি করিয়া গেলাম।

এই নীতিকবিতাটির প্রশংসা করিবার একটিমাত্র বিষয় আছে—এটি সকাল-সকাল হারাইয়া গেছে। ছাত্রবৃত্তি-ক্লাসে ইহার নৈতিক ফল যাহা দেখা গেল তাহা আশাপ্রদ নহে। অন্তত, এই কবিতার দ্বারায় শ্রোতাদের মনে কবির প্রতি কিছুমাত্র সদৃভাবসঞ্চার হয় নাই। অধিকাংশ ছেলেই আপনাদের মধ্যে বলাবলি করিতে লাগিল, এ লেখা নিশ্চয়ই আমার নিজের রচনা নহে। একজন বলিল, যে ছাপার বই হইতে এ লেখা চুরি সে তাহা আনিয়া দেখাইয়া দিতে পারে। কেহই তাহাকে দেখাইয়া দিবার জন্য পীড়াপীড়ি করিল না। বিশ্বাস করাই তাহাদের আবশ্যিক—প্রমাণ করিতে গেলে তাহার ব্যাঘাত হইতে পারে। ইহার পরে কবিযশঃপ্রার্থীর সংখ্যা বাড়িতে লাগিল। তাহারা যে-পথ অবলম্বন করিল তাহা নৈতিক উন্নতির প্রশস্ত পথ নহে।

এখনকার দিনে ছোটোছেলের কবিতা লেখা কিছুমাত্র বিরল নহে। আজকাল কবিতার গুমর একেবারে ফাঁক হইয়া গিয়াছে। মনে আছে, তখন দৈবাৎ যে দুই-

একজনমাত্র স্ত্রীলোক কবিতা লিখিতেন তাঁহাদিগকে বিধাতার আশ্চর্য সৃষ্টি বলিয়া সকলে গণ্য করিত। এখন যদি শুনি, কোনো স্ত্রীলোক কবিতা লেখেন না, তবে সেইটেই এমন অসম্ভব বোধ হয় যে, সহজে বিশ্বাস করিতে পারি না। কবিদের অক্ষুর এখনকার কালে উৎসাহের অনাবৃষ্টিতেও ছাত্রবৃত্তি-ক্রাসের অনেক পূর্বেই মাথা তুলিয়া উঠে। অতএব, বালকের যে-কীর্তিকাহিনী এখানে উদ্ঘাটিত করিলাম, তাহাতে বর্তমানকালের কোনো গোবিন্দবাবু বিস্মিত হইবেন না।

- ১ 'কলিকাতাহ গবর্ণমেন্ট বাঙ্গলা পাঠশালার' বা নর্মাল স্কুলের শিক্ষক।
- ২ "পোড়া গোবিন্দ ময়রা", ড্র 'ভালোসানুশ', গল্পসল্প।

শ্রীকণ্ঠবাবু

এই সময়ে একটি শ্রোতা লাভ করিয়াছিলাম— এমন শ্রোতা আর পাইব না।^১ -ভালো লাগিবার শক্তি ইঁহার এতই অসাধারণ যে মাসিকপত্রের সংক্ষিপ্ত-সমালোচক-পদলাভের ইনি একেবারেই অযোগ্য। বুদ্ধ একেবারে স্পন্দক বোম্বাই আমটির মতো— অল্পরসের আভাসমাত্রবর্জিত— তাঁহার স্বভাবের কোথাও এতটুকু আঁশও ছিল না। মাথা-ভরা টাক, গৌঁফদাড়ি-কামানো স্নিগ্ধ মধুর মুখ, মুখবিবরের মধ্যে দন্তের কোনো বালাই ছিল না, বড়ো বড়ো দুই চক্ষু অবিরাম হাশ্বে সমুজ্জ্বল। তাঁহার স্বাভাবিক ভারি গলায় যখন কথা কহিতেন তখন তাঁহার সমস্ত হাত মুখ চোখ কথা কহিতে থাকিত। ইনি সেকালের ফারসি-পড়া রসিক মান্নুষ, ইংরেজির কোনো ধার ধারিতেন না। তাঁহার বামপার্শ্বের নিত্যসঙ্গিনী ছিল একটি গুড়গুড়ি, কোলে কোলে সর্বদাই ক্লিষ্ট একটি সেতার, এবং কণ্ঠে গানের আর বিশ্রাম ছিল না।^২

পরিচয় থাকু আর নাই থাকু, স্বাভাবিক হৃগতার জোরে মান্নুষমাত্রেরই প্রতি তাঁহার এমন একটি অবাধ অধিকার ছিল যে, কেহই সেটি অস্বীকার করিতে পারিত না। বেশ মনে পড়ে, তিনি একদিন আমাদের লইয়া একজন ইংরেজ ছবিওয়ালার দোকানে ছবি তুলিতে গিয়াছিলেন। তাহার সঙ্গে হিন্দিতে বাংলাতে তিনি এমনি আলাপ জমাইয়া তুলিলেন— অত্যন্ত পরিচিত আত্মীয়ের মতো তাহাকে এমন জোর করিয়া বলিলেন, “ছবি তোলায় জ্ঞান অত বেশি দাম আমি কোনোমতেই দিতে পারিব না, আমি গরিব মান্নুষ— না না সাহেব, সে কিছুতেই হইতে পারিবে না”— যে, সাহেব হাসিয়া সস্তায় তাঁহার ছবি তুলিয়া দিল। কড়া ইংরেজের দোকানে তাঁহার মুখে এমনতরো অসংগত অম্লরোধ যে কিছুমাত্র অশোভন শোনাইল না, তাহার কারণ সকল মান্নুষের সঙ্গেই তাঁহার সম্বন্ধটি স্বভাবত নিষ্কটক ছিল— তিনি কাহারও সম্বন্ধেই সংকোচ রাখিতেন না, কেননা তাঁহার মনের মধ্যে সংকোচের কারণই ছিল না।

তিনি এক-একদিন আমাকে সঙ্গে করিয়া একজন যুরোপীয় মিশনারির বাড়িতে যাইতেন। সেখানে গিয়া তিনি গান গাহিয়া, সেতার বাজাইয়া, মিশনারির মেয়েদের আদর করিয়া, তাহাদের বুটপরা ছোটো দুইটি পায়ের অজস্র স্তুতিবাদ করিয়া সভা এমন জমাইয়া তুলিতেন যে, তাহা আর কাহারও দ্বারা কখনোই সাধ্য হইত না। আর-কেহ এমনতরো ব্যাপার করিলে নিশ্চয়ই তাহা উপদ্রব বলিয়া গণ্য হইত, কিন্তু শ্রীকণ্ঠবাবুর পক্ষে ইহা আতিশয্যই নহে— এইজন্ম সকলেই তাঁহাকে লইয়া হাসিত, খুশি হইত।

আবার, তাঁহাকে কোনো অত্যাচারকারী দুর্বৃত্ত আঘাত করিতে পারিত না।

অপমানের চেষ্টা তাঁহার উপরে অপমানরূপে আসিয়া পড়িত না। আমাদের বাড়িতে একসময়ে একজন বিখ্যাত গায়ক^৩ কিছুদিন ছিলেন। তিনি মত্ত অবস্থায় শ্রীকণ্ঠবাবুকে বাহা মুখে আসিত তাহাই বলিতেন। শ্রীকণ্ঠবাবু প্রসন্নমুখে সমস্তই মানিয়া লইতেন, লেশমাত্র প্রতিবাদ করিতেন না। অবশেষে তাঁহার প্রতি দুর্ব্যবহারের জন্ত সেই গায়কটিকে আমাদের বাড়ি হইতে বিদায় করাই স্থির হইল। ইহাতে শ্রীকণ্ঠবাবু ব্যাকুল হইয়া তাঁহাকে রক্ষা করিবার চেষ্টা করিলেন। বার বার করিয়া, বলিলেন, “ও তো কিছুই করে নাই, মদে করিয়াছে।”

কেহ দুঃখ পায়, ইহা তিনি সহিতে পারিতেন না— ইহার কাহিনীও তাঁহার পক্ষে অসহ ছিল। এইজন্ত বালকদের কেহ যখন কৌতুক করিয়া তাঁহাকে পীড়ন করিতে চাহিত তখন বিদ্রাস্যগরের ‘সীতার বনবাস’ বা ‘শকুন্তলা’ হইতে কোনো-একটা করুণ অংশ তাঁহাকে পড়িয়া শোনাইত, তিনি দুই হাত মেলিয়া নিষেধ করিয়া, অল্পনয় করিয়া, কোনোমতে থামাইয়া দিবার জন্ত ব্যস্ত হইয়া পড়িতেন।

এই বৃদ্ধটি যেমন আমার পিতার, তেমনি দাদাদের, তেমনি আমাদেরও বন্ধু ছিলেন। আমাদের সকলেরই সঙ্গে তাঁহার বয়স মিলিত। কবিতা শোনাইবার এমন অল্পকুল শ্রোতা সহজে মেলে না। ঝরনার ধারা যেমন এক টুকরা ছুড়ি পাইলেও তাহাকে ঘিরিয়া ঘিরিয়া নাচিয়া মাত করিয়া দেয়, তিনিও তেমনি যে-কোনো একটা উপলক্ষ্য পাইলেই আপন উল্লাসে উদ্বেল হইয়া উঠিতেন। দুইটি ঈশ্বরস্তুত রচনা করিয়াছিলাম। তাহাতে যথারীতি সংসারের দুঃখকষ্ট ও ভবযন্ত্রণার উল্লেখ করিতে ছাড়ি নাই। শ্রীকণ্ঠবাবু মনে করিলেন, এমন সর্বাঙ্গসম্পূর্ণ পারমাণ্বিক কবিতা আমার পিতাকে শুনাইলে, নিশ্চয় তিনি ভারি খুশি হইবেন; মহা উৎসাহে কবিতা শুনাইতে লইয়া গেলেন। ভাগ্যক্রমে আমি স্বয়ং সেখানে উপস্থিত ছিলাম না— কিন্তু খবর পাইলাম যে, সংসারের দুঃসহ দাবদাহ এত সকাল-সকালই যে তাঁহার কনিষ্ঠ পুত্রকে পীড়া দিতে আরম্ভ করিয়াছে, পয়ারচ্ছন্দে তাহার পরিচয় পাইয়া তিনি খুব হাসিয়াছিলেন। বিষয়ের গাভীর্ষে তাঁহাকে কিছুমাত্র অভিভূত করিতে পারে নাই। আমি নিশ্চয় বলিতে পারি, আমাদের সুপারিণ্টেণ্ডেণ্ট গোবিন্দবাবু হইলে সে কবিতা-ছুটির আদর বুঝিতেন।

গান সম্বন্ধে আমি শ্রীকণ্ঠবাবুর প্রিয়শিষ্য ছিলাম। তাঁহার একটা গান ছিল— ‘ময়্ ছোড়োঁ ব্রজকি বাসরী।’ ওই গানটি আমার মুখে সকলকে শোনাইবার জন্ত তিনি আমাকে ঘরে ঘরে টানিয়া লইয়া বেড়াইতেন। আমি গান ধরিতাম, তিনি সেতাবে বাংকার দিতেন এবং যেখানটিতে গানের প্রধান বৌক ‘ময়্ ছোড়োঁ’, সেই-

খানটাতে মাতিয়া উঠিয়া তিনি নিজে যোগ দিতেন ও অশ্রাস্তভাবে সেটা ফিরিয়া ফিরিয়া আবৃত্তি করিতেন এবং মাথা নাড়িয়া মুগ্ধদৃষ্টিতে সকলের মুখের দিকে চাহিয়া যেন সকলকে ঠেলা দিয়া ভালো-লাগায় উৎসাহিত করিয়া তুলিতে চেষ্টা করিতেন।

ইনি আমার পিতার ভক্তবন্ধু ছিলেন। ইহারই দেওয়া হিন্দীগান হইতে ভাঙা একটি ব্রহ্মসংগীত^৩ আছে—‘অন্তরতর অন্তরতম তিনি যে— ভুলো না রে তাঁয়।’ এই গানটি তিনি পিতৃদেবকে শোনাইতে শোনাইতে আবেগে চৌকি ছাড়িয়া উঠিয়া দাঁড়াইতেন। সেতारे ঘন ঘন বাংকার দিয়া একবার বলিতেন, “অন্তরতর অন্তরতম তিনি যে”— আবার পালটাইয়া লইয়া তাঁহার মুখের সম্মুখে হাত নাড়িয়া বলিতেন, “অন্তরতর অন্তরতম তুমি যে।”

এই বৃদ্ধ যেদিন আমার পিতার সঙ্গে শেষ সাক্ষাৎ করিতে আসেন তখন পিতৃদেব চুঁচুড়ায় গঙ্গার ধারের বাগানে ছিলেন। শ্রীকণ্ঠবাবু তখন অস্থির রোগে আক্রান্ত, তাঁহার উঠিবার শক্তি ছিল না, চৌথের পাতা আঙুল দিয়া তুলিয়া চোখ মেলিতে হইত। এই অবস্থায় তিনি তাঁহার কণ্ঠার শুশ্রূষাধীনে বীরভূমের রায়পুর হইতে চুঁচুড়ায় আসিয়াছিলেন। বহুকষ্টে একবারমাত্র পিতৃদেবের পদধূলি লইয়া চুঁচুড়ার বাসায় ফিরিয়া আসেন ও অল্পদিনেই তাঁহার মৃত্যু হয়। তাঁহার কণ্ঠার কাছে শুনিতে পাই, আসন্ন মৃত্যুর সময়েও ‘কী মধুর তব করুণা, প্রভো’ গানটি^৬ গাহিয়া তিনি চির-নীরবতা লাভ করেন।

১ “ইনি রায়পুরের সিংহপরিবারের শ্রীকণ্ঠ সিংহ মহাশয়।” —পাণ্ডুলিপি।

“সত্যেন্দ্রপ্রসন্ন সিংহ মহাশয়ের জ্যেষ্ঠতাত।”

২ “আমার এই বাল্যকালের বৃদ্ধ বন্ধুটির আদেশেই বসন্তরায়কে [বোঁঠাকুরানীর হাট] আঁকিবার চেষ্টা করিয়াছিলাম।” —পাণ্ডুলিপি।

৩ ? ‘বদ্র ভট্ট’ —যদুনাথ ভট্টাচার্য, ড্র ছেলেবেলা, অধ্যায় ৭।

৪ জ্যোতিরিন্দ্রনাথ ঠাকুর-রচিত।

৫ ১২৯১ আশ্বিন [১৮৮৪], ড্র গ্রন্থপরিচয়।

৬ জ্যোতিরিন্দ্রনাথ ঠাকুর-রচিত, ড্র তত্ত্বপত্রিকা, শক ১৭৯৬ ফাল্গুন [১৮৭৫], পৃ ২০৯, বা ‘ব্রহ্মসংগীত’ গ্রন্থ।

বাংলাশিক্ষার অবসান

আমরা ইস্কুলে তখন ছাত্রবৃত্তি-ক্লাসের এক ক্লাস নিচে বাংলা পড়িতেছি। বাড়িতে আমরা সে-ক্লাসের বাংলা পাঠ্য ছাড়াইয়া অনেকদূর অগ্রসর হইয়া গিয়াছি। বাড়িতে আমরা অক্ষয়কুমার দত্তের পদার্থবিজ্ঞা শেষ করিয়াছি, মেঘনাদবধও পড়া হইয়া গিয়াছে। পদার্থবিজ্ঞা পড়িয়াছিলাম কিন্তু পদার্থের সঙ্গে কোনো সম্পর্ক ছিল না, কেবল পুঁথির পড়া— বিজ্ঞাও তদনুরূপ হইয়াছিল। সে-সময়টা সম্পূর্ণ নষ্ট হইয়াছিল। আমার তো মনে হয়, নষ্ট হওয়ার চেয়ে বেশি ; কারণ, কিছু না করিয়া যে-সময় নষ্ট হয় তাহার চেয়ে অনেক বেশি লোকসান করি কিছু করিয়া যে সময়টা নষ্ট করা যায়। মেঘনাদবধ-কাব্যটিও আমাদের পক্ষে আরামের জিনিস ছিল না। যে-জিনিসটা পাতে পড়িলে উপাদেয় সেইটাই মাথায় পড়িলে গুরুতর হইয়া উঠিতে পারে। ভাষা শিক্ষাইবার জন্ত ভালো কাব্য পড়াইলে তরবারি দিয়া ফোঁরি করাইবার মতো হয়— তরবারির তো অমর্ষণা হয়ই, গণ্ডদেশেরও বড়ো দুর্গতি ঘটে। কাব্য-জিনিসটাকে রসের দিক হইতে পুরাপুরি কাব্য হিসাবেই পড়ানো উচিত, তাহার দ্বারা ফাঁকি দিয়া অভিধান-ব্যাকরণের কাজ চালাইয়া লওয়া কখনোই সরস্বতীর তুষ্টিকর নহে।

এই সময়ে আমাদের নর্মাণ স্কুলের পালা হঠাৎ শেষ হইয়া গেল। তাহার একটু ইতিহাস আছে। আমাদের বিদ্যালয়ের কোনো-একজন শিক্ষক কিশোরীমোহন মিত্রের রচিত আমার পিতামহের^১ ইংরেজি জীবনী^২ পড়িতে চাহিয়াছিলেন। আমার সহপাঠী ভাগিনেয় সত্যপ্রসাদ সাহসে ভর করিয়া পিতৃদেবের নিকট হইতে সেই বইখানি চাহিতে গিয়াছিল। সে মনে করিয়াছিল, সর্বসাধারণের সঙ্গে সচরাচর যে প্রাকৃত বাংলায় কথা কহিয়া থাকি সেটা তাঁহার কাছে চলিবে না। সেইজন্ত সাধু গোড়ীর ভাষায় এমন অনিন্দনীয় রীতিতে সে বাক্যবিদ্যাস করিয়াছিল যে, পিতা বুঝিলেন, আমাদের বাংলাভাষা অগ্রসর হইতে হইতে শেষকালে নিজের বাংলাকেই প্রায় ছাড়াইয়া যাইবার জো করিয়াছে। পরদিন সকালে যখন যথানিয়মে দক্ষিণের বারান্দায় টেবিল পাতিয়া দেয়ালে কালো বোর্ড বুলাইয়া নীলকমলবাবুর^৩ কাছে পড়িতে বসিয়াছি, এমনসময় পিতার তেতালার ঘরে আমাদের তিনজনের ডাক পড়িল। তিনি কহিলেন, “আজ হইতে তোমাদের আর বাংলা পড়িবার দরকার নাই।” খুশিতে আমাদের মন নাচিতে লাগিল।

তখনো নিচে বসিয়া আছেন আমাদের নীলকমল পণ্ডিতমহাশয় ; বাংলা জ্যামিতির বইখানা তখনো খোলা এবং মেঘনাদবধ কাব্যখানা বোধ করি পুনরাবৃত্তির সংকল্প

চলিতেছে। কিন্তু মৃত্যুকালে পরিপূর্ণ ঘরকন্নার বিচিত্র আয়োজন মাহুষের কাছে যেমন মিথ্যা প্রতিভাত হয়, আমাদের কাছেও পণ্ডিতমশায় হইতে আরম্ভ করিয়া আর ওই বোর্ড টাঙাইবার পেরেকটা পর্যন্ত তেমনি একমুহূর্তে মায়ামরীচিকার মতো শূণ্য হইয়া গিয়াছে। কী রকম করিয়া যথোচিত গাঞ্জীর্ষ রাখিয়া পণ্ডিতমহাশয়কে আমাদের নিষ্কৃতির খবরটা দিব, সেই এক মুশকিল হইল। সংযতভাবেই সংবাদটা জানাইলাম। দেয়ালে-টাঙানো কালো বোর্ডের উপরে জ্যামিতির বিচিত্র রেখাগুলো আমাদের মুখের দিকে একদৃষ্টে তাকাইয়া রহিল; যে-মেঘনাদবধের প্রত্যেক অক্ষরটিই আমাদের কাছে অমিত্র ছিল সে আজ এতই নিরীহভাবে টেবিলের উপর চিত হইয়া পড়িয়া রহিল যে, তাহাকে আজ মিত্র বলিয়া কল্পনা করা অসম্ভব ছিল না।

বিদায় লইবার সময় পণ্ডিতমহাশয় কহিলেন, “কর্তব্যের অহুরোধে তোমাদের প্রতি অনেকসময় অনেক কঠোর ব্যবহার করিয়াছি, সে-কথা মনে রাখিয়ো না। তোমাদের যাহা শিখাইয়াছি ভবিষ্যতে তাহার মূল্য বুঝিতে পারিবে।”

মূল্য বুঝিতে পারিয়াছি। ছেলেবেলায় বাংলা পড়িতেছিলাম বলিয়াই সমস্ত মনটার চালনা সম্ভব হইয়াছিল। শিক্ষা জিনিসটা যথাসম্ভব আহা-ব্যাপারের মতো হওয়া উচিত। ঋগ্বেদ প্রথম কামড়টা দিবারাত্রই তাহার স্বাদের সুখ আরম্ভ হয়, পেট ভরিবার পূর্ব হইতেই পেটটি খুশি হইয়া জাগিয়া উঠে— তাহাতে তাহার জারক রসগুলির আলস্য দূর হইয়া যায়। বাঙালির পক্ষে ইংরেজি শিক্ষায় এটি হইবার জো নাই। তাহার প্রথম কামড়েই দুইপাটি দাঁত আগাগোড়া নড়িয়া উঠে— মুখবিবরের মধ্যে একটা ছোটোখাটো ভূমিকম্পের অবতারণা হয়। তারপরে, সেটা যে লৌহজাতীয় পদার্থ নহে, সেটা যে রসে-পাক-করা মোদকবস্ত, তাহা বুঝিতে-বুঝিতেই বয়স অর্ধেক পার হইয়া যায়। বানানে ব্যাকরণে বিষম লাগিয়া নাক-চোখ দিয়া যখন অজস্র জলধারা বহিয়া যাইতেছে, অন্তরটা তখন একেবারেই উপবাসী হইয়া আছে। অবশেষে বহুকষ্টে অনেক দেরিতে খাবারের সঙ্গে যখন পরিচয়-মটে তখন ক্ষুধাটাই যায় মরিয়া। প্রথম হইতেই মনটাকে চালনা করিবার সুযোগ না পাইলে মনের চলৎশক্তিতেই মন্দা পড়িয়া যায়। যখন চারিদিকে খুব কষিয়া ইংরেজি পড়াইবার ধুম পড়িয়া গিয়াছে, তখন যিনি সাহস করিয়া আমাদেরকে দীর্ঘকাল বাংলা শিখাইবার ব্যবস্থা করিয়াছিলেন, সেই আমার স্বর্গগত সেজদাদার উদ্দেশে সন্মতজ্ঞ প্রণাম নিবেদন করিতেছি।

নর্মাল স্কুল ত্যাগ করিয়া আমরা বেঙ্গল একাডেমি^০ নামক এক ফিরিঙ্গি স্কুলে ভরতি হইলাম। ইহাতে আমাদের গৌরব কিছু বাড়িল। মনে হইল, আমরা

অনেকখানি বড়ো হইয়াছি— অন্তত, স্বাধীনতার প্রথম তলাটাতে উঠিয়াছি। বস্তুত, এ বিদ্যালয়ে আমরা যেটুকু অগ্রসর হইয়াছিলাম সে কেবলমাত্র ওই স্বাধীনতার দিকে। সেখানে কী-যে পড়িতেছি তাহা কিছুই বুঝিতাম না, পড়াশুনা করিবার কোনো চেষ্টাই করিতাম না — না করিলেও বিশেষ কেহ লক্ষ্য করিত না। এখানকার ছেলেরা ছিল দুর্বৃত্ত কিন্তু ঘৃণ্য ছিল না, সেইটে অনুভব করিয়া খুব আরাম পাইয়াছিলাম। তাহারা হাতের তেলের উলটা করিয়া ass লিখিয়া ‘হেলো’ বলিয়া যেন আদর করিয়া পিঠে চাপড় মারিত, তাহাতে জনসমাজে অবজ্ঞাভাজন উক্ত চতুষ্পদের নামাক্ষরটি পিঠের কাপড়ে অঙ্কিত হইয়া যাইত; হয়তো-বা হঠাৎ চলিতে চলিতে মাথার উপরে খানিকটা কলা খেঁতলাইয়া দিয়া কোথায় অন্তহিত হইত, ঠিকানা পাওয়া যাইত না; কখনো-বা ধাঁ করিয়া মারিয়া অত্যন্ত নিরীহ ভালোমানুষটির মতো অগ্র দিকে মুখ ফিরাইয়া থাকিত, দেখিয়া পরম সাধু বলিয়া ভ্রম হইত। এ-সকল উৎসীড়ন গায়েই লাগে, মনে ছাপ দেয় না— এ-সমস্তই উৎপাতমাত্র, অপমান নহে। তাই আমার মনে হইল, এ যেন পাকের থেকে উঠিয়া পাথরে পা দিলাম— তাহাতে পা কাটিয়া যায় সেও ভালো, কিন্তু মলিনতা হইতে রক্ষা পাওয়া গেল। এই বিদ্যালয়ে আমার মতো ছেলের একটা মস্ত স্মৃতি এই ছিল যে, আমরা যে লেখাপড়া করিয়া উন্নতিলাভ করিব, সেই অসম্ভব দুর্ভাষা আমাদের সম্বন্ধে কাহারও মনে ছিল না। ছোটো ইন্স্কুল, আয় অল্প, ইন্স্কুলের অধ্যক্ষ আমাদের একটি সদৃশ্যে মুগ্ধ ছিলেন— আমরা মাসে মাসে নিয়মিত বেতন চুকাইয়া দিতাম। এইজন্ত ল্যাটিন ব্যাকরণ আমাদের পক্ষে দুঃসহ হইয়া উঠে নাই এবং পাঠচর্চার গুরুতর ক্রটিতেও আমাদের পৃষ্ঠদেশ অনাহত ছিল। বোধকরি বিদ্যালয়ের যিনি অধ্যক্ষ ছিলেন তিনি এ-সম্বন্ধে শিক্ষকদিগকে নিবেদন করিয়া দিয়াছিলেন— আমাদের প্রতি মমতাই তাহার কারণ নহে।

এই ইন্স্কুলে উৎপাত কিছুই ছিল না, তবু হাজার হইলেও ইহা ইন্স্কুল। ইহার ঘরগুলো নির্গম, ইহার দেয়ালগুলো পাহারাওয়ালার মতো— ইহার মধ্যে বাড়ির ভাব কিছুই নাই, ইহা খোপওয়ালা একটা বড়ো বাক্স। কোথাও কোনো সজ্জা নাই, ছবি নাই, রঙ নাই, ছেলেদের হৃদয়কে আকর্ষণ করিবার লেশমাত্র চেষ্টা নাই। ছেলেদের যে ভালো মন্দ লাগা বলিয়া একটা খুব মস্ত জিনিস আছে, বিদ্যালয় হইতে সে-চিন্তা একেবারে নিঃশেষে নির্বাসিত। সেইজন্ত বিদ্যালয়ের দেউড়ি পার হইয়া তাহার সংকীর্ণ আঙিনার মধ্যে পা দিলামাত্র তৎক্ষণাৎ সমস্ত মন বিমর্ষ হইয়া যাইত— অতএব, ইন্স্কুলের সঙ্গে আমার সেই পালাইবার সম্পর্ক আর ঘুচিল না।

পলারনের একটি সহায় পাইয়াছিলাম। দাদারা একজনের কাছে ফারসি পড়িতেন— তাঁহাকে সকলে মুন্শি^৩ বলিত— নামটা কী ভুলিয়াছি। লোকটি প্রোঢ়— অস্থিচর্মসার। তাঁহার কন্ঠালটাকে যেন একখানা কালো মোমছামা দিয়া মুড়িয়া দেওয়া হইয়াছে; তাহাতে রস নাই, চর্বি নাই। ফারসি হয়তো তিনি ভালোই জানিতেন, এবং ইংরেজিও তাঁর চলনসই-রকম জানা ছিল, কিন্তু সে-ক্ষেত্রে যশোলাভ করিবার চেষ্টা তাঁহার কিছুমাত্র ছিল না। তাঁহার বিশ্বাস ছিল, লাঠিখেলায় তাঁহার যেমন আশ্চর্য নৈপুণ্য সংগীতবিদ্যায় সেইরূপ অসামান্য পারদর্শিতা। আমাদের উঠানে রোডে দাঁড়াইয়া তিনি নানা অদ্ভুত ভঙ্গিতে লাঠি খেলিতেন— নিজের ছায়া ছিল তাঁহার প্রতিবন্দী। বলা বাহুল্য, তাঁহার ছায়া কোনো দিন তাঁহার সঙ্গে জিতিতে পারিত না— এবং হহংকারে তাহার উপরে বাড়ি মারিয়া যখন তিনি জয়গর্বে ঈষৎ হাস্য করিতেন তখন স্নান হইয়া তাঁহার পায়ের কাছে নীরবে পড়িয়া থাকিত। তাঁহার নাকী বেসুরের গান প্রেতলোকের রাগিনীর মতো শুনাইত— তাহা প্রলাপে বিলাপে মিশ্রিত একটা বিভীষিকা ছিল। আমাদের গায়ক বিষ্ণু মাঝে মাঝে তাঁহাকে বলিতেন, “মুনশিজি, আপনি আমার কুট মারিলেন।”— কোনো উত্তর না দিয়া তিনি অত্যন্ত অবজ্ঞা করিয়া হাসিতেন।

ইহা হইতে বুঝিতে পারিবেন, মুনশিকে খুশি করা শক্ত ছিল না। আমরা তাঁহাকে ধরিলেই, তিনি আমাদের ছুটির প্রয়োজন জানাইয়া ইস্কুলের অধ্যক্ষের নিকট পত্র লিখিয়া দিতেন। বিদ্যালয়ের অধ্যক্ষ এরূপ পত্র লইয়া অধিক বিচারবিতর্ক করিতেন না— কারণ, তাঁহার নিশ্চয় জানা ছিল যে, আমরা ইস্কুলে যাই বা না যাই, তাহাতে বিদ্যাশিক্ষা সম্বন্ধে আমাদের কিছুমাত্র ইতরবিশেষ ঘটিবে না।

এখন, আমার নিজের একটি স্থূল^৭ আছে এবং সেখানে ছাত্রেরা নানাপ্রকার অপরাধ করিয়া থাকে— কারণ, অপরাধ করা ছাত্রদের এবং ক্ষমা না করা শিক্ষকদের ধর্ম। যদি আমাদের কেহ তাহাদের ব্যবহারে ক্রুদ্ধ ও ভীত হইরা বিদ্যালয়ের অমঙ্গল-আশঙ্কায় অসহিষ্ণু হন ও তাহাদিগকে সচুই কঠিন শাস্তি দিবার জন্ত ব্যস্ত হইয়া উঠেন, তখন আমার নিজের ছাত্র-অবস্থার সমস্ত পাপ সারি সারি দাঁড়াইয়া আমার মুখের দিকে তাকাইয়া হাসিতে থাকে।

আমি বেশ বুঝিতে পারি, ছেলেদের অপরাধকে আমরা বড়োদের মাপকাঠিতে মাপিয়া থাকি, ভুলিয়া যাই যে, ছোটো ছেলেরা নিব্বারের মতো বেগে চলে; সে জলে দোষ যদি স্পর্শ করে তবে হতাশ হইবার কারণ নাই, কেননা সচলতার মধ্যে সকল দোষের সহজ প্রতিকার আছে; বেগ যেখানে থামিয়াছে সেইখানেই বিপদ, সেইখানেই

সাবধান হওয়া চাই। এইজন্ত শিক্ষকদের অপরাধকে যত ভয় করিতে হয় ছাত্রদের তত নহে।

জাত বাঁচাইবার জন্ত বাঙালি ছাত্রদের একটি স্বতন্ত্র জলখাবারের ঘর ছিল। এই ঘরে দুই-একটি ছাত্রের সঙ্গে আমাদের আলাপ হইল। তাহাদের সকলেই আমাদের চেয়ে বয়সে অনেক বড়ো। তাহাদের মধ্যে একজন কাকি রাগিণীটা খুব ভালোবাসিত এবং তাহার চেয়ে ভালোবাসিত শ্বশুরবাড়ির কোনো একটি বিশেষ ব্যক্তিকে— সেই জন্ত সে ওই রাগিণীটা প্রায়ই আলাপ করিত এবং তাহার অগ্ৰ আলাপটারও বিরাম ছিল না।

আর-একটি ছাত্র ৮ সপ্তকে কিছু বিস্তার করিয়া বলা চলিবে। তাহার বিশেষত্ব এই যে, ম্যাজিকের শখ তাহার অত্যন্ত বেশি। এমন-কি, ম্যাজিক সপ্তকে একখানি চাট বই বাহির করিয়া সে আপনাকে প্রোফেসর উপাধি দিয়া প্রচার করিয়াছিল। ছাপার বইয়ে নাম বাহির করিয়াছে, এমন ছাত্রকে ইতিপূর্বে আর-কখনো দেখি নাই। এজন্ত অন্তত ম্যাজিকবিগা সপ্তকে তাহার প্রতি আমার শ্রদ্ধা গভীর ছিল। কারণ, ছাপা অক্ষরের খাড়া লাইনের মধ্যে কোনোরূপ মিথ্যা চালানো যায়, ইহা আমি মনেই করিতে পারিতাম না। এ-পর্ষন্ত ছাপার অক্ষর আমাদের উপর গুরুমহাশয়গিরি করিয়া আসিয়াছে, এইজন্ত তাহার প্রতি আমার বিশেষ সম্মম ছিল। যে-কালি মোছে না সেই কালিতে নিজের রচনা লেখা— এ কি কম কথা! কোথাও তার আড়াল নাই, কিছুই তার গোপন করিবার জো নাই— জগতের সম্মুখে সার বাঁধিয়া সিধা দাঁড়াইয়া তাহাকে আত্মপরিচয় দিতে হইবে— পলায়নের রাস্তা একেবারেই বন্ধ, এতবড়ো অবিচলিত আত্মবিশ্বাসকে বিশ্বাস না করাই যে কঠিন। বেশ মনে আছে, ব্রাহ্মসমাজের ছাপাখানা অথবা আর-কোথাও হইতে একবার নিজের নামের দুই-একটা ছাপার অক্ষর পাইয়াছিলাম। তাহাতে কালি মাখাইয়া কাগজের উপর টিপিয়া ধরিতেই যখন ছাপ পড়িতে লাগিল, তখন সেটাকে একটা স্মরণীয় ঘটনা বলিয়া মনে হইল।^{১০}

সেই সহপাঠী গ্রন্থকার বন্ধুকে রোজ আমরা গাড়ি করিয়া ইস্কুলে লইয়া যাইতাম। এই উপলক্ষ্যে সর্বদাই আমাদের বাড়িতে তাহার যাওয়া-আসা ঘটতে লাগিল। নাটক-অভিনয় সপ্তকেও তাহার যথেষ্ট উৎসাহ ছিল। তাহার সাহায্যে আমাদের কুস্তির আখড়ায় একবার আমরা গোটাকত বাঁধার পুঁতিয়া, তাহার উপর কাগজ মারিয়া, নানা রঙের চিত্র আঁকিয়া, একটা স্টেজ খাড়া করিয়াছিলাম।^{১১} বোধকরি উপরের নিষেধে সে-স্টেজে অভিনয় ঘটতে পারে নাই।

কিন্তু, বিনা স্টেজেই একদা একটা প্রহসন অভিনয় হইয়াছিল। তাহার নাম দেওয়া

যাইতে পারে 'ভ্রান্তিবিলাস'। যিনি সেই প্রহসনের রচনাকর্তা পাঠকেরা তাঁহার পরিচয় পূর্বেই কিছু কিছু পাইয়াছেন। তিনি আমার ভাগিনেয় সত্যপ্রসাদ। তাঁহার ইদানীন্তন শাস্ত সৌম্য মূর্তি যাহারা দেখিয়াছেন তাঁহারা কল্পনা করিতে পারিবেন না, বাল্যকালে কোঁতুকচ্ছলে তিনি সকলপ্রকার অঘটন ঘটাইবার কিরূপ ওস্তাদ ছিলেন।

যে সময়ের কথা লিখিতেছিলাম ঘটনাটি তাহার পরবর্তী কালের। তখন আমার বয়স বোধকরি বারো-তেরো হইবে। আমাদের সেই বন্ধু সর্বদা দ্রব্যগুণ সম্বন্ধে এমন সকল আশ্চর্য কথা বলিত, যাহা শুনিয়া আমি একেবারে স্তম্ভিত হইয়া যাইতাম— পরীক্ষা করিয়া দেখিবার জন্ত আমার এত ঐশ্বর্য্য জন্মিত যে আমাকে অধীর করিয়া তুলিত। কিন্তু, দ্রব্যগুণি প্রায়ই এমন দুর্লভ ছিল যে, সিদ্ধুবাদ নাবিকের অল্পসরণ না করিলে তাহা পাইবার কোনো উপায় ছিল না। একবার, নিশ্চয়ই অসতর্কতাবশত, প্রোফেসর কোনো-একটি অসাধ্যসাধনের অপেক্ষাকৃত সহজ পন্থা বলিয়া ফেলাতে আমি সেটাকে পরীক্ষা করিবার জন্ত কৃতসংকল্প হইলাম। মনসাসিঞ্জের আঠা একুশবার বীজের গায়ে মাখাইয়া শুকাইয়া লইলেই যে সে বীজ হইতে এক ঘণ্টার মধ্যেই গাছ বাহির হইয়া ফল ধরিতে পারে, এ-কথা কে জানিত। কিন্তু, যে-প্রোফেসর ছাপার বই বাহির করিয়াছে তাহার কথা একেবারে অবিশ্বাস করিয়া উড়াইয়া দেওয়া চলে না।

আমরা আমাদের বাগানের মালীকে দিয়া কিছুদিন ধরিয়া যথেষ্ট পরিমাণে মনসাসিঞ্জের আঠা সংগ্রহ করিলাম এবং একটা আমের আঁটির উপর পরীক্ষা করিবার জন্ত রবিবার ছুটির দিনে আমাদের নিভৃত রহস্যনিকেতনে তেতালার ছাদে গিয়া উপস্থিত হইলাম।

আমি তো একমনে আঁটিতে আঠা লাগাইয়া কেবলই রোদ্রে শুকাইতে লাগিলাম— তাহাতে যে কিরূপ ফল ধরিয়াছিল, নিশ্চয়ই জানি, বয়স্ক পাঠকেরা সে সম্বন্ধে কোনো প্রশ্নই জিজ্ঞাসা করিবেন না। কিন্তু, সত্য তেতালার কোন্-একটা কোণে এক ঘণ্টার মধ্যেই ডালপালা-সমেত একটা অদ্ভুত মায়াতরু যে জাগাইয়া তুলিয়াছে, আমি তাহার কোনো খবরই জানিতাম না। তাহার ফলও বড়ো বিচিত্র হইল।

এই ঘটনার পর হইতে প্রোফেসর যে আমার সংশ্রব সংস্কোচে পরিহার করিয়া চলিতেছে, তাহা আমি অনেকদিন লক্ষ্য করি নাই। গাড়িতে সে আমার পাশে আর বসে না, সর্বত্রই সে আমার নিকট হইতে কিছু যেন দূরে দূরে চলে।

একদিন হঠাৎ আমাদের পড়িবার ঘরে মধ্যাহ্নে সে প্রস্তাব করিল, “এসো, এই বেঞ্চের উপর হইতে লাফাইয়া দেখা যাক, কাহার কিরূপ লাফাইবার প্রণালী।” আমি ভাবিলাম, সৃষ্টির অনেক রহস্যই প্রোফেসরের বিদিত, বোধকরি লাফানো সম্বন্ধেও

কোনো-একটা গুঁটতর তাহার জানা আছে। সকলেই লাফাইল, আমিও লাফাইলাম। প্রোফেসর একটি অন্তরঙ্গক অব্যক্ত 'হঁ' বলিয়া গস্ত্ররভাবে মাথা নাড়িল। অনেক অল্পময়েও তাহার কাছ হইতে 'ইহা' অপেক্ষা ক্ষুটতর কোনো বাণী বাহির করা গেল না।

একদিন জাহুকর বলিল, “কোনো সম্ভ্রান্ত বংশের ছেলেরা তোমাদের সঙ্গে আলাপ করিতে চায়, একবার তাহাদের বাড়ি যাইতে হইবে।” অভিভাবকেরা আপত্তির কারণ কিছুই দেখিলেন না, আগরও সেখানে গেলাম।

কৌতূহলীর দলে ঘর ভরতি হইয়া গেল। সকলেই আমার গান শুনিবার জন্ত আগ্রহ প্রকাশ করিল। আমি দুই-একটা গান গাইলাম। তখন আমার বয়স অল্প, কণ্ঠস্বরও সিংহগর্জনের মতো স্নগস্ত্র ছিল না। অনেকেই মাথা নাড়িয়া বলিল— তাই তো, ভারি মিষ্ট গলা!

তাহার পরে যখন খাইতে গেলাম তখনো সকলে ঘিরিয়া বসিয়া আহারপ্রণালী পর্যবেক্ষণ করিতে লাগিল। তৎপূর্বে বাহিরের লোকের সঙ্গে নিতান্ত অল্পই মিশিয়াছি স্মতরাং স্বভাবটা সলজ্জ ছিল। তাহা ছাড়া পূর্বেই জানাইয়াছি, আমাদের ঈশ্বর-চাকরের লোলুপদৃষ্টির সম্মুখে খাইতে খাইতে, অল্প খাওয়াই আমার চিরকালের মতো অভ্যস্ত হইয়া গিয়াছে। সেদিন আমার আহারে সংকোচ দেখিয়া দর্শকেরা সকলেই বিস্ময় প্রকাশ করিল। যেরূপ স্তম্ভদৃষ্টিতে সেদিন সকলে নিমন্ত্রিত বালকের কার্যকলাপ নিরীক্ষণ করিয়া দেখিল, তাহা যদি স্থায়ী এবং ব্যাপক হইত, তাহা হইলে বাংলাদেশে প্রাণিবিজ্ঞানের অসাধারণ উন্নতি হইতে পারিত।

ইহার অনতিকাল পরে পঞ্চমাকে জাহুকরের নিকট হইতে দুই-একখানা অদ্ভুত পত্র পাইয়া সমস্ত ব্যাপারটা বুঝিতে পারিলাম। ইহার পরে যবনিকাপতন।

সত্যর কাছে শোনা গেল, একদিন আমের আঁটির মধ্যে জাহু প্রয়োগ করিবার সময় সে প্রোফেসরকে বুঝাইয়া দিয়াছিল যে, বিতালিফার সুবিধার জন্ত আমার অভিভাবকেরা আমাকে বালকবেশে বিতালয়ে পাঠাইতেছিলেন কিন্তু ওটা আমার ছদ্মবেশ। যাহারা স্বকপোলকল্পিত বৈজ্ঞানিক আলোচনায় কৌতূহলী তাঁহাদিগকে এ কথা বলিয়া রাখা উচিত, লাফানোর পরীক্ষায় আমি বাঁ পা আগে বাড়াইয়াছিলাম— সেই পদক্ষেপটা যে আমার কত বড়ো ভুল হইয়াছিল, তাহা সেদিন জানিতে পারি নাই।

১ ছারকানাথ ঠাকুর (১৮৪৪-১৮৪৬)।

২ Memoir of Dwarkanath Tagore by Kissory Chand Mitra (1870)

- ৩ ড্র 'নানা বিছার আয়োজন' অধ্যায়।
- ৪ "ডিক্রুজ নাহেব [DeCruz] ছিলেন ইন্ডুলের মালিক।" —'মুনশী', গল্পসল্প ; ড্র ছেলেবেলা, অধ্যায় ১৪।
- ৫ ডিক্রুজ নাহেব।
- ৬ ড্র 'মুনশী', গল্পসল্প।
- ৭ শান্তিনিকেতন ব্রহ্মচর্যাশ্রম, ১৯০১ খ্রীষ্টাব্দে স্থাপিত।
- ৮ ড্র 'ম্যাজিসিয়ান', গল্পসল্প (হ. চ. হ.— হরিশ্চন্দ্র হালদার)।
- ৯ তু 'নামের খেলা', লিপিকা।
- ১০ ড্র 'মুক্তকুন্তলা', গল্পসল্প।

পিতৃদেব

আমার জন্মের কয়েক বৎসর পূর্ব হইতেই আমার পিতা^১ প্রায় দেশভ্রমণেই নিযুক্ত ছিলেন। বাল্যকালে তিনি আমার কাছে অপরিচিত ছিলেন বলিলেই হয়। মাঝে মাঝে তিনি কখনো হঠাৎ বাড়ি আসিতেন; সঙ্গে বিদেশী চাকর লইয়া আসিতেন; তাহাদের সঙ্গে ভাব করিয়া লইবার জন্ত আমার মনে ভারি ঔৎসুক্য হইত। একবার লেহু^২ বলিয়া অল্পবয়স্ক একটি পাঞ্জাবি চাকর তাঁহার সঙ্গে আসিয়াছিল। সে আমাদের কাছে যে সমাদরটা পাইয়াছিল তাহা স্বয়ং রণজিতসিংহের পক্ষেও কম হইত না। সে একে বিদেশী তাহাতে পাঞ্জাবি— ইহাতেই আমাদের মন হরণ করিয়া লইয়াছিল। পুরাণে ভীমাজুনের প্রতি বেরকম শ্রদ্ধা ছিল, এই পাঞ্জাবি জাতের প্রতিও মনে সেই প্রকারের একটা সন্দেহ ছিল। ইহারো যোদ্ধা— ইহারো কোনো কোনো লড়াইয়ে হারিয়াছে বটে, কিন্তু সেটাকেও ইহাদের শত্রুপক্ষেরই অপরাধ বলিয়া গণ্য করিয়াছি। সেই জাতের লেহুকে ঘরের মধ্যে পাইয়া মনে খুব একটা স্ফূর্তি অনুভব করিয়াছিলাম। বউঠাকুরানীর^৩ ঘরে একটা কাচাবরণে-ঢাকা খেলার জাহাজ ছিল, তাহাতে দম দিলেই রঙকরা কাপড়ের ঢেউ ফুলিয়া ফুলিয়া উঠিত এবং জাহাজটা আর্গিন-বাণের সঙ্গে তুলিতে থাকিত।^৪ অনেক অনুনয় বিনয় করিয়া এই আশ্চর্য সামগ্রীটি বউঠাকুরানীর কাছ হইতে চাহিয়া লইয়া, প্রায় মাঝে মাঝে এই পাঞ্জাবিকে চমৎকৃত করিয়া দিতাম। ঘরের খাচায় বন্ধ ছিলাম বলিয়া যাহাকিছু বিদেশের, যাহাকিছু দূরদেশের, তাহাই আমার মনকে অত্যন্ত টানিয়া লইত। তাই লেহুকে লইয়া ভারি ব্যস্ত হইয়া পড়িতাম। এই কারণেই গাব্রিয়েল বলিয়া একটা যিহুদি তাঁহার যুষ্টি-দেওয়া যিহুদি পোশাক পরিয়া যখন আতর বেচিতে আসিত, আমার মনে ভারি একটা নাড়া দিত, এবং ঝোলাঝুলিওয়ালা টিলাঢালা ময়লা পায়জামা-পরা বিপুলকায় কাবুলিওয়ালাও আমার পক্ষে ভীতিমিশ্রিত রহস্যের সামগ্রী ছিল।

যাহা হউক, পিতা যখন আসিতেন আমরা কেবল আশপাশ হইতে দূরে তাঁহার চাকরবাকরদের মহলে ঘুরিয়া ঘুরিয়া কোঁতুহল মিটাইতাম। তাঁহার কাছে পৌঁছানো ঘটয়া উঠিত না।

বেশ মনে আছে, আমাদের ছেলেবেলায় কোনো-এক সময়ে ইংরেজ গবর্নমেন্টের চিরন্তন জুজু রাসিয়ান কর্তৃক ভারত-আক্রমণের আশঙ্কা লোকের মুখে আলোচিত হইতেছিল। কোনো হিতৈষিনী আত্মীয়া আমার মায়ের কাছে সেই আসন্ন বিপ্লবের সম্ভাবনাকে মনের সাথে পল্লবিত করিয়া বলিয়াছিলেন। পিতা তখন পাহাড়ে ছিলেন।

তিকত ভেদ করিয়া হিমালয়ের কোন্-একটা ছিদ্রপথ দিয়া যে রুসীয়েরা সহসা ধুমকেতুর মতো প্রকাশ পাইবে, তাহা তো বলা যায় না। এইজন্ত মার মনে অত্যন্ত উদ্বেগ উপস্থিত হইয়াছিল। বাড়ির লোকেরা নিশ্চয়ই কেহ তাঁহার এই উৎকণ্ঠার সমর্থন করেন নাই। মা সেই কারণে পরিণতবয়স্ক দলের সহায়তলাভের চেষ্টায় হতাশ হইয়া শেষকালে এই বালককে আশ্রয় করিলেন। আমাকে বলিলেন, “রাসিয়ানদের খবর দিয়া কর্তাকে একখানা চিঠি লেখো তো।” মাতার উদ্বেগ বহন করিয়া পিতার কাছে সেই আমার প্রথম চিঠি।^১ কেমন করিয়া পাঠ লিখিতে হয়, কী করিতে হয় কিছুই জানি না। দকতরখানায় মহানন্দ মুনশির^২ শরণাপন্ন হইলাম। পাঠ যথাবিহিত হইয়াছিল সন্দেহ নাই। কিন্তু, ভাষাটাতে জমিদারি সেরেস্তার সরস্বতী যে জীর্ণ কাগজের শুষ্ক পদ্মদলে বিহার করেন তাহারই গন্ধ মাখানো ছিল। এই চিঠির উত্তর পাইয়াছিলাম। তাহাতে পিতা লিখিয়াছিলেন, ‘ভয় করিবার কোনো কারণ নাই, রাসিয়ানকে তিনি স্বয়ং তাড়াইয়া দিবেন। এই প্রবল আশ্বাসবাণীতেও মাতার রাসিয়ানভীতি দূর হইল বলিয়া বোধ হইল না, কিন্তু পিতার সম্বন্ধে আমার সাহস খুব বাড়িয়া উঠিল। তাহার পর হইতে রোজই আমি তাঁহাকে পত্র লিখিবার জন্ত মহানন্দের দকতরে হাজির হইতে লাগিলাম। বালকের উপদ্রবে অস্থির হইয়া কয়েকদিন মহানন্দ খসড়া করিয়া দিল। কিন্তু মাসুলের সংগতি তো নাই। মনে ধারণা ছিল, মহানন্দের হাতে চিঠি সমর্পণ করিয়া দিলেই বাকি দায়িত্বের কথা আমাকে আর চিন্তা করিতেই হইবে না, চিঠি অনায়াসেই যথাস্থানে গিয়া পৌঁছবে। বলা বাহুল্য, মহানন্দের বয়স আমার চেয়ে অনেক বেশি ছিল এবং এ-চিঠিগুলি হিমাচলের শিখর পর্যন্ত পৌঁছে নাই।

বহুকাল প্রবাসে থাকিয়া পিতা অল্প কয়েক দিনের জন্ত যখন কলিকাতায় আসিতেন তখন তাঁহার প্রভাবে যেন সমস্ত বাড়ি ভরিয়া উঠিয়া গম্ গম্ করিতে থাকিত। দেখিতাম, গুরুজনেরা গায়ে জোকা পরিয়া, সংঘত পরিচ্ছন্ন হইয়া, মুখে পান থাকিলে তাহা বাহিরে ফেলিয়া দিয়া তাঁহার কাছে যাইতেন। সকলেই সাবধান হইয়া চলিতেন। রন্ধনের পাছে কোনো ত্রুটি হয়, এইজন্ত মা নিজে রান্নাঘরে গিয়া বসিয়া থাকিতেন। বৃদ্ধ কিছু হরকরা তাহার তকমাওয়াল পাগড়ি ও শুভ্র চাপকান পরিয়া দ্বারে হাজির থাকিত। পাছে বারান্দায় গোলমাল দৌঁড়াদৌঁড়ি করিয়া তাঁহার বিরাম ভঙ্গ করি, এজন্ত পূর্বেই আমাদিগকে সতর্ক করিয়া দেওয়া হইয়াছে। আমরা ধীরে ধীরে চলি, ধীরে ধীরে বলি, উঁকি মারিতে আমাদের সাহস হয় না।

একবার পিতা আসিলেন আমাদের তিনজনের উপনয়ন দিবার জন্ত। বেদান্ত-বাগীশকে^৩ লইয়া তিনি বৈদিক মন্ত্র হইতে উপনয়নের অনুষ্ঠান নিজে সংকলন করিয়া

লইলেন। অনেক দিন ধরিয়া দালানে বসিয়া বেচারামবাবু^৮ প্রত্যহ আমাদিগকে ব্রাহ্মধর্মগ্রন্থে-সংগৃহীত উপনিষদের মন্ত্রগুলি বিশুদ্ধ রীতিতে বাবুদ্বার আবৃত্তি করাইয়া লইলেন। যথাসম্ভব প্রাচীন বৈদিক পদ্ধতি অনুসরণ করিয়া আমাদের উপনয়ন হইল।^৯ মাথা মুড়াইয়া, বীরবোলি পরিয়া, আমরা তিন বটু তেতালার ঘরে তিন দিনের জন্ত আবদ্ধ হইলাম।^{১০} সে আমাদের ভারি মজা লাগিল। পরস্পরের কানের কুণ্ডল ধরিয়া আমরা টানাটানি বাধাইয়া দিলাম। একটা বাঁরা ঘরের কোণে পড়িয়া ছিল; বারান্দায় দাঁড়াইয়া যখন দেখিতাম নিচের তলা দিয়া কোনো চাকর চলিয়া যাইতেছে ধপাধপ শব্দে আওয়াজ করিতে থাকিতাম, তাহারা উপরে মুখ তুলিয়াই আমাদিগকে দেখিতে পাইয়া, তৎক্ষণাৎ মাথা নিচু করিয়া অপরাধ-আশঙ্কায় ছুটিয়া পলাইয়া যাইত। বস্তুত, গুরুগৃহে ঋষিবালকদের যে-ভাবে কঠোর সংযমে দিন কাটাবার কথা আমাদের ঠিক সে-ভাবে দিন কাটে নাই। আমার বিশ্বাস, সাবেক কালের তপোবন অন্বেষণ করিলে আমাদের মতো ছেলে যে মিলিত না তাহা নহে; তাহারা খুব যে বেশি ভালোমানুষ ছিল, তাহার প্রমাণ নাই। শারদ্বত ও শাদ্রবের বয়স যখন দশ-বারো ছিল তখন তাহারা কেবলই বেদমন্ত্র উচ্চারণ করিয়া অগ্নিতে আহুতিদান করিয়াই দিন কাটাইয়াছেন, একথা যদি কোনো পুরাণে লেখে তবে তাহা আগাগোড়াই আমরা বিশ্বাস করিতে বাধ্য নই— কারণ, শিশুচরিত্র নামক পুরাণটি সকল পুরাণের অপেক্ষা পুরাতন। তাহার মতো প্রামাণিক শাস্ত্র কোনো ভাষায় লিখিত হয় নাই।

নূতন ব্রাহ্মণ হওয়ার পরে গায়ত্রীমন্ত্রটা জপ করার দিকে খুব-একটা ঘোঁক পড়িল। আমি বিশেষ যত্নে একমনে ওই মন্ত্র জপ করিবার চেষ্টা করিতাম। মন্ত্রটা এমন নহে যে সে-বয়সে উহার তাৎপর্য আমি ঠিকভাবে গ্রহণ করিতে পারি। আমার বেশ মনে আছে, আমি 'ভূভুবঃ স্বঃ' এই অংশকে অবলম্বন করিয়া মনটাকে খুব করিয়া প্রসারিত করিতে চেষ্টা করিতাম। কী বুঝিতাম, কী ভাবিতাম তাহা স্পষ্ট করিয়া বলা কঠিন, কিন্তু ইহা নিশ্চয় যে, কথার মানে বোঝাটাই মানুষের পক্ষে সকলের চেয়ে বড়ো জিনিস নয়। শিক্ষার সকলের চেয়ে বড়ো অঙ্গটা— বুঝাইয়া দেওয়া নহে, মনের মধ্যে ঘা দেওয়া। সেই আঘাতে ভিতরে যে-জিনিসটা বাজিয়া উঠে যদি কোনো বালককে তাহা ব্যাখ্যা করিয়া বলিতে বলা হয় তবে সে যাহা বলিবে, সেটা নিতান্তই একটা ছেলে-মানুষি কিছু। কিন্তু যাহা সে মুখে বলিতে পারে তাহার চেয়ে তাহার মনের মধ্যে বাজে অনেক বেশি; যাহার বিদ্যালয়ের শিক্ষকতা করিয়া কেবল পরীক্ষার দ্বারাই সকল ফল নির্ণয় করিতে চান, তাহারা এই জিনিসটার কোনো খবর রাখেন না। আমার

মনে পড়ে, ছেলেবেলায় আমি অনেক জিনিস বুঝি নাই কিন্তু তাহা আমার অন্তরের মধ্যে খুব-একটা নাড়া দিয়াছে। আমার নিতান্ত শিশুকালে মুলাজোড়ে গঙ্গার ধারের বাগানে মেঘোদয়ে বড়দাদা ছাদের উপরে একদিন মেঘদূত আওড়াইতেছিলেন, তাহা আমার বুঝিবার দরকার হয় নাই এবং বুঝিবার উপায়ও ছিল না— তাঁহার আনন্দ-আবেগপূর্ণ ছন্দ-উচ্চারণই আমার পক্ষে যথেষ্ট ছিল। ছেলেবেলায় যখন ইংরেজি আমি প্রায় কিছুই জানিতাম না তখন প্রচুর-ছবিওয়ালা একখানি Old Curiosity Shop' লইয়া আগাগোড়া পড়িয়াছিলাম। পনেরো-আনা কথাই বুঝিতে পারি নাই— নিতান্ত আবছায়া-গোছের কী একটা মনের মধ্যে তৈরি করিয়া সেই আপন মনের নানা রঙের ছিন্ন সূত্রে গ্রন্থি বাঁধিয়া তাহাতেই ছবিগুলো গাঁথিয়াছিলাম; পরীক্ষকের হাতে যদি পড়িতাম তবে মস্ত একটা শূণ্য পাইতাম সন্দেহ নাই কিন্তু আমার পক্ষে সে পড়া ততবড়ো শূণ্য হয় নাই। একবার বাল্যকালে পিতার সঙ্গে গঙ্গায় বোটে বেড়াইবার সময়^{১২} তাঁহার বইগুলির মধ্যে একখানি অতি পুরাতন ফোর্ট উইলিয়মের প্রকাশিত গীতগোবিন্দ পাইয়াছিলাম। বাংলা অক্ষরে ছাপা; ছন্দ অল্পসারে তাহার পদের ভাগ ছিল না; গণ্ডের মতো এক লাইনের সঙ্গে আর-এক লাইন অবিচ্ছেদে জড়িত। আমি তখন সংস্কৃত কিছুই জানিতাম না। বাংলা ভালো জানিতাম বলিয়া অনেকগুলি শব্দের অর্থ বুঝিতে পারিতাম। সেই গীতগোবিন্দখানা যে কতবার পড়িয়াছি তাহা বলিতে পারি না। জয়দেব যাহা বলিতে চাহিয়াছেন তাহা কিছুই বুঝি নাই, কিন্তু ছন্দে ও কথায় মিলিয়া আমার মনের মধ্যে যে-জিনিসটা গাঁথা হইতেছিল তাহা আমার পক্ষে সামান্য নহে। আমার মনে আছে, 'নিভৃতনিকুঞ্জগৃহং গতয়া নিশি রহসি নিলীয় বসন্তং'— এই লাইনটি আমার মনে ভারি একটি সৌন্দর্যের উদ্ভেক করিত — ছন্দের ঝংকারের মুখে 'নিভৃতনিকুঞ্জগৃহং' এই একটিমাত্র কথাই আমার পক্ষে প্রচুর ছিল। গণ্ডরীতিতে সেই বইখানি ছাপানো ছিল বলিয়া জয়দেবের বিচিত্র ছন্দকে নিজের চেষ্টায় আবিষ্কার করিয়া লইতে হইত— সেইটেই আমার বড়ো আনন্দের কাজ ছিল। যেদিন আমি 'অহহ কলয়ামি বলয়াদিমণিভূষণং হরিবিরহদহনবহনেন বহুদূষণং'— এই পদটি ঠিকমতো যতি রাখিয়া পড়িতে পারিলাম, সেদিন কতই খুশি হইয়াছিলাম। জয়দেব সম্পূর্ণ তো বুঝিই নাই, অসম্পূর্ণ বোঝা বলিলে যাহা বোঝায় তাহাও নহে, তবু সৌন্দর্যে আমার মন এমন ভরিয়া উঠিয়াছিল যে, আগাগোড়া সমস্ত গীতগোবিন্দ একখানি খাতায় নকল করিয়া লইয়াছিলাম। আরও একটু বড়ো বয়সে কুমারসম্ভবের—

মন্দাকিনীনির্ব্বারশীকরাণাং

বোটা মুহুঃ কস্পিতদেবদারুঃ

যদ্যয়ুরদ্বিষ্টমৃগেঃ কিরাতৈ-

রাসেবাত্তে ভিন্নশিখণ্ডিবর্হঃ— ১৩

এই শ্লোকটি পড়িয়া একদিন মনের ভিতরটা ভারি মাতিয়া উঠিয়াছিল। আর কিছুই বুঝি নাই— কেবল ‘মন্দাকিনীনির্ব্বারশীকর’ এবং ‘কস্পিতদেবদারু’ এই দুইটি কথাই আমার মন ভুলাইয়াছিল। সমস্ত শ্লোকটির রস ভোগ করিবার জন্ত মন ব্যাকুল হইয়া উঠিল। যখন পণ্ডিত মহাশয়^{১১} সবটার মানে বুঝাইয়া দিলেন তখন মন খারাপ হইয়া গেল। মৃগ-অন্বেষণ-তৎপর কিরাতের মাথায় যে-ময়ূরপুচ্ছ আছে বাতাস তাহাকেই চিরিয়া চিরিয়া ভাগ করিতেছে, এই স্বস্মতায় আমাকে বড়োই পীড়া দিতে লাগিল। যখন সম্পূর্ণ বুঝি নাই তখন বেশ ছিলাম।

নিজের বাল্যকালের কথা যিনি ভালো করিয়া স্মরণ করিবেন তিনিই ইহা বুঝিবেন যে, আগাগোড়া সমস্তই স্মৃষ্টি বৃত্তিতে পারাই সকলের চেয়ে পরম লাভ নহে। আমাদের দেশের কথকেরা এই তত্ত্বটি জানিতেন, সেইজন্ত কথকতার মধ্যে এমন অনেক বড়ো বড়ো কান-ভরাট-করা সংস্কৃত শব্দ থাকে এবং তাহার মধ্যে এমন তত্ত্বকথাও অনেক নিবিষ্ট হয় যাহা শ্রোতার কখনোই স্মৃষ্টি বোঝে না কিন্তু আভাসে পায়— এই আভাসে পাওয়ার মূল্য অল্প নহে। যাহারা শিক্ষার হিসাবে জমাখরচ খতাইয়া বিচার করেন তাঁহারা অত্যন্ত কষাকষি করিয়া দেখেন, যাহা দেওয়া গেল তাহা বুঝা গেল কিনা। বালকেরা, এবং যাহারা অত্যন্ত শিক্ষিত নহে, তাহারা জ্ঞানের যে প্রথম স্বর্গলোকে বাস করে সেখানে মানুষ না বুঝিয়াই পায়— সেই স্বর্গ হইতে যখন পতন হয় তখন বুঝিয়া পাইবার দুঃখের দিন আসে। কিন্তু একথাও সম্পূর্ণ সত্য নহে। জগতে না বুঝিয়া পাইবার রাস্তাই সকল সময়েই সকলের চেয়ে বড়ো রাস্তা। সেই রাস্তা একেবারে বন্ধ হইয়া গেলে সংসারের পাড়ার হাটবাজার বন্ধ হয় না বটে কিন্তু সমুদ্রের ধারে যাইবার উপায় আর থাকে না, পর্ব্বতের শিখরে চড়াও অসম্ভব হইয়া উঠে।

তাই বলিতেছিলাম, গায়ত্রীমন্ত্রের কোনো তাৎপর্য আমি সে-বয়সে যে বুঝিতাম তাহা নহে, কিন্তু মানুষের অন্তরের মধ্যে এমন কিছু-একটা আছে সম্পূর্ণ না বুঝিলেও যাহার চলে। তাই আমার একদিনের কথা মনে পড়ে— আমাদের পড়িবার ঘরে শানবাঁধানে মেজের এক কোণে বসিয়া গায়ত্রী জপ করিতে করিতে সহসা আমার দুই চোখ ভরিয়া কেবলই জল পড়িতে লাগিল। জল কেন পড়িতেছে তাহা আমি নিজে কিছুমাত্র

বুঝিতে পারিলাম না। অতএব, কঠিন পরীক্ষকের হাতে পড়িলে আমি মুঢ়ের মতো এমন কোনো-একটা কারণ বলিতাম গায়ত্রীমন্ত্রের সঙ্গে যাহার কোনোই যোগ নাই। আসল কথা, অন্তরের অন্তঃপুরে যে-কাজ চলিতেছে বুদ্ধির ক্ষেত্রে সকল সময়ে তাহার খবর আসিয়া পৌঁছায় না।

- ১ মহর্ষি দেবেন্দ্রনাথ ঠাকুর (১৮১৭-১৯০৫)।
- ২ “লেনা সিং” —পাণ্ডুলিপি।
- ৩ কাদম্বরী [কাদম্বিনী] দেবী, জ্যোতিরিন্দ্রনাথের পত্নী।
- ৪ তু গোরী, অধ্যায় ৮, সতীশের আর্গিন।
- ৫ ইং ১৮৬৮ মে হইতে ১৮৭০ ডিসেম্বরের মধ্যে কোনো এক সময়ে পত্রটি লিখিত হয়।
- ৬ ড্র, ঘরোয়া, পৃ ১।
- ৭ আনন্দচন্দ্র ভট্টাচার্য, বেদান্তবাগীশ (? ১৮২০-১৭৫), আদিব্রাহ্মসমাজের আচার্য ও সহকারী সম্পাদক।
- ৮ বেচারান চট্টোপাধ্যায় (১৮৩৪-৮৬), দেবেন্দ্রনাথের বন্ধু।
- ৯ বাংলা ১২৭৯, ২৫ মাঘ। ড্র গ্রন্থপরিচয়।
- ১০ “মনে পড়ে পৈতের সময় বৌঠাকরণ [কাদম্বরী দেবী] আমাদের দুই ভাইয়ের হবিষ্যাম রেঁধে দিতেন” —ছেলেবেলা, অধ্যায় ১৩।
- ১১ The Old Curiosity Shop (1840-41), by Charles Dickens.
- ১২ ? শক ১৭৯৭ [ইং ১৮৭৫], ড্র ‘সংবাদ’, তত্ত্ব পত্রিকা, শক ১৭৯৭ মাঘ, পৃ ১৮৫।
- ১৩ প্রথম সর্গ, ১৫শ শ্লোক। মূল পাঠ : ভাগীরথী ইত্যাদি।
- ১৪ ? জ্ঞানচন্দ্র ভট্টাচার্য। ড্র ‘ঘরের পড়া’ অধ্যায়।

হিমালয়যাত্রা

পইতা উপলক্ষে মাথা মুড়াইয়া ভয়ানক ভাবনা হইল, ইঙ্কল যাইব কী করিয়া। গোজ্ঞাতির প্রতি ফিরিঙ্গির ছেলের আন্তরিক আকর্ষণ যেমনি থাক্ ব্রাহ্মণের প্রতি তো তাহাদের ভক্তি নাই। অতএব, নেড়া মাথার উপরে তাহারা আর-কোনো জিনিস বর্ষণ যদি নাও করে তবে হাশ্ববর্ষণ তো করিবেই।

এমন দুশ্চিন্তার সময়ে একদিন তেতালার ঘরে ডাক পড়িল। পিতা জিজ্ঞাসা করিলেন, আমি তাঁহার সঙ্গে হিমালয়ে যাইতে চাই কিনা। 'চাই' এই কথাটা যদি চীংকার করিয়া আকাশ ফাঁটাইয়া বলিতে পারিতাম, তবে মনের ভাবের উপযুক্ত উত্তর হইত। কোথায় বেদল একাডেমি আর কোথায় হিমালয়।

বাড়ি হইতে যাত্রা করিবার সময় পিতা তাঁহার চিররীতি-অনুসারে বাড়ির সকলকে দালানে লইয়া উপাসনা করিলেন। গুরুজনদিগকে প্রণাম করিয়া পিতার সঙ্গে গাড়িতে চড়িলাম। আমার বয়সে এই প্রথম আমার জন্ম পোশাক তৈরি হইয়াছে। কী রঙের কিরূপ কাপড় হইবে তাহা পিতা স্বয়ং আদেশ করিয়া দিয়াছিলেন। মাথার জন্ম একটা জরিব-কাজ-করা গোল মখমলের টুপি হইয়াছিল। সেটা আমার হাতে ছিল, কারণ নেড়া মাথার উপর টুপি পরিতে আমার মনে মনে আপত্তি ছিল। গাড়িতে উঠিয়াই পিতা বলিলেন, "মাথায় পরো।" পিতার কাছে যথারীতি পরিচ্ছন্নতার ক্রটি হইবার জো নাই। লজ্জিত মস্তকের উপর টুপিটা পরিতেই হইল। রেলগাড়িতে একটু সুরোগ বুলিলেই টুপিটা খুলিয়া রাখিতাম। কিন্তু, পিতার দৃষ্টি একবারও এড়াইত না। তখনই সেটাকে স্বস্থানে তুলিতে হইত।

ছোটো হইতে বড়ো পর্যন্ত পিতৃদেবের সমস্ত কল্পনা এবং কাজ অত্যন্ত যথাযথ ছিল। তিনি মনের মধ্যে কোনো জিনিস ঝাপসা রাখিতে পারিতেন না, এবং তাঁহার কাজেও যেমন-তেমন করিয়া কিছু হইবার জো ছিল না। তাঁহার প্রতি অগ্নের এবং অগ্নের প্রতি তাঁহার সমস্ত কর্তব্য অত্যন্ত সুনির্দিষ্ট ছিল। আমাদের জাতিগত স্বভাবটা যথেষ্ট টিলাঢালা। অল্পস্বল্প এদিক-ওদিক হওয়াকে আমরা ধর্তব্যের মধ্যেই গণ্য করি না। সেইজন্য তাঁহার সঙ্গে ব্যবহারে আমাদের সকলকেই অত্যন্ত ভীত ও সতর্ক থাকিতে হইত। উনিশ-বিশ হইলে হয়তো কিছু ক্ষতিবৃদ্ধি না হইতে পারে, কিন্তু তাহাতে ব্যবস্থার যে লেশমাত্র নড়চড় ঘটে সেইখানে তিনি আঘাত পাইতেন। তিনি যাহা সংকল্প করিতেন তাহার প্রত্যেক অঙ্গপ্রত্যঙ্গ তিনি মনশ্চক্ষুতে স্পষ্টরূপে প্রত্যক্ষ করিয়া লইতেন। এইজন্য কোনো ক্রিয়াকর্মে কোন্ জিনিসটা ঠিক কোথায় থাকিবে, কে

কোথায় বসিবে, কাহার প্রতি কোন্ কাজের কতটুকু ভার থাকিবে, সমস্তই তিনি আগাগোড়া মনের মধ্যে ঠিক করিয়া লইতেন এবং কিছুতেই কোনো অংশে তাহার অগ্রথা হইতে দিতেন না। তাহার পরে সে-কাজটা সম্পন্ন হইয়া গেলে নানা লোকের কাছে তাহার বিবরণ শুনিতেন। প্রত্যেকের বর্ণনা মিলাইয়া লইয়া এবং মনের মধ্যে জোড়া দিয়া ঘটনাটি তিনি স্পষ্ট করিয়া দেখিতে চেষ্টা করিতেন। এ-সম্বন্ধে আমাদের দেশের জাতিগত ধর্ম তাঁহার একেবারেই ছিল না। তাঁহার সংকল্প, চিন্তায়, আচরণে ও অনুষ্ঠানে তিলমাত্র শৈথিল্য ঘটবার উপায় থাকিত না। এইজন্য হিমালয়-যাত্রায় তাঁহার কাছে যতদিন ছিলাম, এক দিকে আমার প্রচুর পরিমাণে স্বাধীনতা ছিল, অত্র দিকে সমস্ত আচরণ অলঙ্কারে নির্দিষ্ট ছিল। যেখানে তিনি ছুটি দিতেন সেখানে তিনি কোনো কারণে কোনো বাধাই দিতেন না, যেখানে তিনি নিয়ম বাধিতেন সেখানে তিনি লেশমাত্র ছিদ্ৰ রাখিতেন না।

যাত্রার আরম্ভে প্রথমে কিছুদিন বোলপুরে থাকিবার কথা। কিছুকাল পূর্বে পিতামাতার সঙ্গ সত্য^২ সেখানে গিয়াছিল। তাহার কাছে ভ্রমণবৃত্তান্ত যাহা শুনিয়াছিলাম, ঊনবিংশ শতাব্দীর কোনো ভদ্রঘরের শিশু তাহা কখনোই বিশ্বাস করিতে পারিত না। কিন্তু, আমাদের সকলে সম্ভব-অসম্ভবের মাঝখানে সীমারেখাটা যে কোথায় তাহা ভালো করিয়া চিনিয়া রাখিতে শিখি নাই। কৃত্তিবাস, কাশীরামদাস এ-সম্বন্ধে আমাদের কোনো সাহায্য করেন নাই। রঙকরা ছেলেদের বই এবং ছবি-দেওয়া ছেলেদের কাগজ সত্যমিথ্যা সম্বন্ধে আমাদেরিগকে আগে-ভাগে সাবধান করিয়া দেয় নাই। জগতে যে একটা কড়া নিয়মের উপসর্গ আছে সেটা আমাদেরিগকে নিজে ঠেকিয়া শিখিতে হইয়াছে।

সত্য বলিয়াছিল, বিশেষ দক্ষতা না থাকিলে রেলগাড়িতে চড়া এক ভয়ংকর সংকট, পা ফসকাইয়া গেলেই আর রক্ষা নাই। তারপর, গাড়ি যখন চলিতে আরম্ভ করে তখন শরীরের সমস্ত শক্তিকে আশ্রয় করিয়া খুব জোর করিয়া বসা চাই, নহিলে এমন ভয়ানক ধাক্কা দেয় যে মানুষকে কোথায় ছিটকাইয়া পড়ে তাহার ঠিকানা পাওয়া যায় না। স্টেশনে পৌঁছিয়া মনের মধ্যে বেশ একটু ভয়-ভয় করিতেছিল। কিন্তু, গাড়িতে এত সহজেই উঠিলাম যে মনে সন্দেহ হইল, এখনো হয়তো গাড়ি ওঠার আসল অঙ্গটাই বাকি আছে। তাহার পরে যখন অত্যন্ত সহজে গাড়ি ছাড়িয়া দিল তখন কোথাও বিপদের একটুও আভাস না পাইয়া মনটা বিমর্ষ হইয়া গেল।

গাড়ি ছুটিয়া চলিল; তরুণশ্রীর সবুজ-নীল পাড়-দেওয়া বিস্তীর্ণ মাঠ এবং

ছায়াছন্ন গ্রামগুলি রেলগাড়ির দুই ধারে দুই ছবির বরনার মতো বেগে ছুটিতে লাগিল, যেন মরীচিকার বজ্রা বহিয়া চলিয়াছে। সন্ধ্যার সময় বোলপুরে পৌঁছিলাম।^৩ পানকিতে চড়িয়া চোখ বুজিলাম। একেবারে কাল সকালবেলায় বোলপুরের সমস্ত বিস্ময় আমার জাগ্রত চোখের সম্মুখে খুলিয়া যাইবে, এই আমার ইচ্ছা— সন্ধ্যার অস্পষ্টতার মধ্যে কিছু কিছু আভাস যদি পাই তবে কালকের অথগু আনন্দের রসভঙ্গ হইবে।

ভোরে উঠিয়া বুক দুকদুক করিতে করিতে বাহিরে আসিয়া দাঁড়াইলাম। আমার পূর্ববর্তী ভ্রমণকারী আমাকে বলিয়াছিল, পৃথিবীর অগ্ন্যাগ্ন স্থানের সঙ্গে বোলপুরের একটা বিষয়ে প্রভেদ এই ছিল যে, কুঠিবাড়ি হইতে রান্নাঘরে যাইবার পথে যদিও কোনো প্রকার আবরণ নাই তবু গায়ে রৌদ্র রুষ্টি কিছুই লাগে না। এই অদ্ভুত রাস্তাটা খুঁজিতে বাহির হইলাম। পাঠকেরা শুনিয়া আশ্চর্য হইবেন না যে, আজ পর্যন্ত তাহা খুঁজিয়া পাই নাই।

আমরা শহরের ছেলে, কোনোকালে ধানের খেত দেখি নাই এবং রাখালবালকের কথা বইয়ে পড়িয়া তাহাদিগকে খুব মনোহর করিয়া কল্পনার পটে আঁকিয়াছিলাম। সত্যর কাছে শুনিয়াছিলাম, বোলপুরের মাঠে চারিদিকেই ধান ফলিয়া আছে এবং সেখানে রাখালবালকদের সঙ্গে খেলা প্রতিদিনের নিত্যনৈমিত্তিক ঘটনা। ধানখেত হইতে চাল সংগ্রহ করিয়া ভাত রাঁধিয়া রাখালদের সঙ্গে একত্রে বসিয়া খাওয়া, এই খেলার একটা প্রধান অঙ্গ।

ব্যাকুল হইয়া চারিদিকে চাহিলাম। হায় রে, মরুপ্রান্তরের মধ্যে কোথায় ধানের খেত। রাখালবালক হয়তো-বা মাঠের কোথাও ছিল, কিন্তু তাহাদিগকে বিশেষ করিয়া রাখালবালক বলিয়া চিনিবার কোনো উপায় ছিল না।

যাহা দেখিলাম না তাহার খেদ মিটিতে বিলম্ব হইল না— যাহা দেখিলাম তাহাই আমার পক্ষে যথেষ্ট হইল। এখানে চাকরদের শাসন ছিল না। প্রান্তরলক্ষ্মী দিক্চক্রবালে একটিমাত্র নীল রেখার গণ্ডি আঁকিয়া রাখিয়াছিলেন, তাহাতে আমার অবাধসঞ্চরণের কোনো ব্যাঘাত করিত না।

যদিচ আমি নিতান্ত ছোটো ছিলাম কিন্তু পিতা কখনো আমাকে যথেষ্টবিহারে নিবেদন করিতেন না। বোলপুরের মাঠের মধ্যে স্থানে স্থানে বর্ষার জলধারায় বালিমাটি ক্ষয় করিয়া, প্রান্তরতল হইতে নিম্নে, লাল কঁকর ও নানাপ্রকার পাথরে খচিত ছোটো ছোটো শৈলমালা গুহাগহ্বর নদী-উপনদী রচনা করিয়া, বালশিল্যদের দেশের ভূবৃত্তান্ত প্রকাশ করিয়াছে। এখানে এই টিবিওয়লা খাদগুলিকে খোয়াই বলে। এখান

হইতে জামার আঁচলে নানা প্রকারের পাথর সংগ্রহ করিয়া পিতার কাছে উপস্থিত করিতাম। তিনি আমার এই অধ্যবসায়কে তুচ্ছ বলিয়া একদিনও উপেক্ষা করেন নাই। তিনি উৎসাহ প্রকাশ করিয়া বলিতেন, “কী চমৎকার! এ-সমস্ত তুমি কোথায় পাইলে!” আমি বলিতাম, “এমন আরও কত আছে! কত হাজার হাজার! আমি রোজ আনিয়া দিতে পারি।” তিনি বলিতেন, “সে হইলে তো বেশ হয়। ওই পাথর দিয়া আমার এই পাহাড়টা তুমি সাজাইয়া দাও।”

একটা পুকুর খুঁড়িবার চেষ্টা করিয়া অত্যন্ত কঠিন মাটি বলিয়া ছাড়িয়া দেওয়া হয়। সেই অসমাপ্ত গর্তের মাটি তুলিয়া দক্ষিণ ধারে পাহাড়ের অঙ্কুরণে একটি উচ্চ স্থাপ তৈরি হইয়াছিল। সেখানে প্রভাতে আমার পিতা চৌকি লইয়া উপাসনায় বসিতেন। তাঁহার সম্মুখে পূর্বদিকের প্রান্তরসীমায় স্বর্ষোদয় হইত। এই পাহাড়টাই পাথর দিয়া খচিত করিবার জন্ত তিনি আমাকে উৎসাহ দিলেন। বোলপুর ছাড়িয়া আসিবার সময় এই রাশীকৃত পাথরের সঞ্চয় সঙ্গ করিয়া আনিতে পারি নাই বলিয়া, মনে বড়োই দুঃখ অনুভব করিয়াছিলাম। বোঝামাত্রেরই যে বহনের দায় ও মাসুল আছে সে-কথা তখন বুঝিতাম না; এবং সঞ্চয় করিয়াছি বলিয়াই যে তাহার সঙ্গ সঞ্চয়ক্ষম করিতে পারিব এমন কোনো দাবি নাই, সে-কথা আজও বুদ্ধিতে ঠেকে। আমার সেদিনকার একান্তমনের প্রার্থনায় বিধাতা যদি বর দিতেন যে ‘এই পাথরের বোঝা তুমি চিরদিন বহন করিবে’, তাহা হইলে এ কথাটা লইয়া আজ এমন করিয়া হাসিতে পারিতাম না।

খোয়াইয়ের মধ্যে একজায়গায় মাটি চুঁইয়া একটা গভীর গর্তের মধ্যে জল জমা হইত। এই জলসঞ্চয় আপন বেঠন ছাপাইয়া বিবু বিবু করিয়া বালির মধ্য দিয়া প্রবাহিত হইত। অতি ছোটো ছোটো মাছ সেই জলকুণ্ডের মুখের কাছে শ্রোতের উজানে সস্তরণের স্পর্ধা প্রকাশ করিত। আমি পিতাকে গিয়া বলিলাম, “ভারি সুন্দর জলের ধারা দেখিয়া আসিয়াছি, সেখান হইতে আমাদের স্নানের ও পানের জল আনিলে বেশ হয়।” তিনি আমার উৎসাহে যোগ দিয়া বলিলেন “তাই তো, সে তো বেশ হইবে।” এবং আবিষ্কারকর্তাকে পুরস্কৃত করিবার জন্ত সেইখান হইতেই জল আনাইবার ব্যবস্থা করিয়া দিলেন।

আমি যখন-তখন সেই খোয়াইয়ের উপত্যকা-অধিত্যকার মধ্যে অভূতপূর্ব কোনো-একটা কিছুর সন্ধানে ঘুরিয়া বেড়াইতাম। এই ক্ষুদ্র অজ্ঞাত রাজ্যের আমি ছিলাম লিভিংস্টোন। এটা যেন একটা দূরবীনের উলটা দিকের দেশ। নদী-পাহাড়গুলোও যেমন ছোটো ছোটো, মাঝে মাঝে ইতস্তত বুনো-জাম বুনো-খেজুরগুলোও তেমনি

বের্টেখাটো। আমার আবিষ্কৃত ছোটো নদীটির মাছগুলিও তেমনি, আর আবিষ্কার-কর্তাটির তো কথাই নাই।

পিতা বোধকরি আমার সাবধানতাবৃত্তির উন্নতিসাধনের জন্ত আমার কাছে দুই-চারি আনা পয়সা রাখিয়া বলিতেন, হিসাব রাখিতে হইবে, এবং আমার প্রতি তাঁহার দামি সোনার ঘড়িটি দম দিবার ভার দিলেন। ইহাতে যে ক্ষতির সম্ভাবনা ছিল সে-চিন্তা তিনি করিলেন না, আমাকে দায়িত্বে দীক্ষিত করাই তাঁহার অভিপ্রায় ছিল। সকালে যখন বেড়াইতে বাহির হইতেন, আমাকে সঙ্গে লইতেন। পথের মধ্যে ভিক্ষুক দেখিলে, ভিক্ষা দিতে আমাকে আদেশ করিতেন। অবশেষে তাঁহার কাছে জমাখরচ মেলাইবার সময় কিছুতেই মিলিত না। একদিন তো তহবিল বাড়িয়া গেল। তিনি বলিলেন, “তোমাকেই দেখিতেছি আমার ক্যাশিয়ার রাখিতে হইবে, তোমার হাতে আমার টাকা বাড়িয়া উঠে।” তাঁহার ঘড়িতে যত্ন করিয়া নিয়মিত দম দিতাম। যত্ন কিছু প্রবলবেগেই করিতাম; ঘড়িটা অনতিকালের মধ্যেই মেরামতের জন্ত কলিকাতায় পাঠাইতে হইল।

বড়ো বয়সে কাজের ভার^৩ পাইয়া যখন তাঁহার কাছে হিসাব দিতে হইত সেই-দিনের কথা এইখানে আমার মনে পড়িতেছে। তখন তিনি পার্ক স্ট্রীটে থাকিতেন।^৫ প্রতি মাসের দোসরা ও তেসরা আমাকে হিসাব পড়িয়া শুনাইতে হইত। তিনি তখন নিজে পড়িতে পারিতেন না। গত মাসের ও গত বৎসরের সঙ্গে তুলনা করিয়া সমস্ত আয়ব্যয়ের বিবরণ তাঁহার সম্মুখে ধরিতে হইত। প্রথমত মোটা অঙ্কগুলা তিনি শুনিয়া লইতেন ও মনে মনে তাহার যোগবিযোগ করিয়া লইতেন। মনের মধ্যে যদি কোনোদিন অসংগতি অনুভব করিতেন তবে ছোটো ছোটো অঙ্কগুলা শুনাইয়া যাইতে হইত। কোনো কোনো দিন এমন ঘটয়াছে, হিসাবে যেখানে কোনো দুর্বলতা থাকিত সেখানে তাঁহার বিরক্তি ঝাঁচাইবার জন্ত চাপিয়া গিয়াছি, কিন্তু কখনো তাহা চাপা থাকে নাই। হিসাবের মোট চেহারা তিনি চিত্তপটে আঁকিয়া লইতেন। যেখানে ছিদ্র পড়িত সেখানেই তিনি ধরিতে পারিতেন। এই কারণে মাসের ওই ছুটা দিন বিশেষ উদ্বেগের দিন ছিল। পূর্বেই বলিয়াছি, মনের মধ্যে সকল জিনিস সুস্পষ্ট করিয়া দেখিয়া লওয়া তাঁহার প্রকৃতিগত ছিল— তা হিসাবের অঙ্কই হোক, বা প্রাকৃতিক দৃশ্যই হোক, বা অনুষ্ঠানের আয়োজনই হোক। শাস্তিনিকেতনের নূতন মন্দির প্রভৃতি অনেক জিনিস তিনি চক্ষে দেখেন নাই। কিন্তু যে-কেহ শাস্তিনিকেতন দেখিয়া তাঁহার কাছে গিয়াছে, প্রত্যেক লোকের কাছ হইতে বিবরণ শুনিয়া তিনি অপ্রত্যক্ষ জিনিসগুলিকে মনের মধ্যে সম্পূর্ণরূপে আঁকিয়া না লইয়া ছাড়েন নাই। তাঁহার স্মরণশক্তি ও

ধারণাশক্তি অসাধারণ ছিল। সেইজন্য একবার মনের মধ্যে যাহা গ্রহণ করিতেন তাহা কিছুতেই তাহার মন হইতে ভ্রষ্ট হইত না।

ভগবদ্গীতার পিতার মনের মতো শ্লোকগুলি চিহ্নিত করা ছিল। সেইগুলি বাংলা অনুবাদ সমেত আমাকে কাপি করিতে দিয়াছিলেন। বাড়িতে আমি নগণ্য বালক ছিলাম, এখানে আমার 'পরে এই-সকল গুরুতর কাজের ভার পড়াতে তাহার গৌরবটা খুব করিয়া অনুভব করিতে লাগিলাম।

ইতিমধ্যে সেই ছিন্নবিচ্ছিন্ন নীল খাতাটি বিদায় করিয়া একখানা বাঁধানো লেটস্ ডায়ারি সংগ্রহ করিয়াছিলাম। এখন খাতাপত্র এবং বাহ্য উপকরণের দ্বারা কবিত্বের ইজ্জত রাখিবার দিকে দৃষ্টি পড়িয়াছে। শুধু কবিতা লেখা নহে, নিজের কল্পনার সম্মুখে নিজেকে কবি বলিয়া খাড়া করিবার জন্ম একটা চেষ্টা জন্মিয়াছে। এইজন্য বোলপুরে যখন কবিতা লিখিতাম তখন বাগানের প্রান্তে একটি শিশু নারিকেলগাছের তলায় মাটিতে পা ছড়াইয়া বসিয়া খাতা ভরাইতে ভালোবাসিতাম। এটাকে বেশ কবিজনোচিত বলিয়া বোধ হইত। তৃণহীন কঙ্করশযায় বসিয়া রৌদ্রের উত্তাপে 'পৃথ্বীরাজের পরাজয়' বলিয়া একটা বীররসায়ক কাব্য লিখিয়াছিলাম। তাহার প্রচুর বীররসেও উক্ত কাব্যটাকে বিনাশের হাত হইতে রক্ষা করিতে পারে নাই। তাহার উপযুক্ত বাহন সেই বাঁধানো লেটস্ ডায়ারিটিও জ্যেষ্ঠা সহোদরা নীল খাতাটির অনুসরণ করিয়া কোথায় গিয়াছে তাহার ঠিকানা কাহারও কাছে রাখিয়া যায় নাই।

বোলপুর হইতে বাহির হইয়া সাহেবগঞ্জ, দানাপুর, এলাহাবাদ, কানপুর প্রভৃতি স্থানে মাঝে মাঝে বিশ্রাম করিতে করিতে অবশেষে অমৃতসরে গিয়া পৌঁছিলাম।

পথের মধ্যে একটা ঘটনা ঘটয়াছিল যেটা এখনো আমার মনে স্পষ্ট আঁকা রহিয়াছে। কোনো-একটা বড়ো স্টেশনে গাড়ি থামিয়াছে। টিকিটপরীক্ষক আসিয়া আমাদের টিকিট দেখিল। একবার আমার মুখের দিকে চাছিল। কী একটা সন্দেহ করিল কিন্তু বলিতে সাহস করিল না। কিছুক্ষণ পরে আর-একজন আসিল; উভয়ে আমাদের গাড়ির দরজার কাছে উসখুসু করিয়া আবার চলিয়া গেল। তৃতীয় বারে বোধহয় স্বয়ং স্টেশনমাস্টার আসিয়া উপস্থিত। আমার হাফটিকিট পরীক্ষা করিয়া পিতাকে জিজ্ঞাসা করিল, "এই ছেলেটির বয়স কি বারো বছরের অধিক নহে?" পিতা কহিলেন, "না।" তখন আমার বয়স এগারো। বয়সের চেয়ে নিশ্চয়ই আমার বুদ্ধি কিছু বেশি হইয়াছিল। স্টেশনমাস্টার কহিল, "ইহার জন্ম পুরা ভাড়া দিতে হইবে।" আমার পিতার দুই চক্ষু জলিয়া উঠিল। তিনি বাঞ্চ হইতে তখনই নোট বাহির করিয়া

দিলেন। ভাড়ার টাকা বান দিয়া অবশিষ্ট টাকা যখন তাহারা ফিরাইয়া দিতে আসিল তিনি সে-টাকা লইয়া ছুড়িয়া ফেলিয়া দিলেন, তাহা প্ল্যাটফর্মের পাথরের মেজের উপর ছড়াইয়া পড়িয়া বন্ঝন করিয়া বাজিয়া উঠিল। স্টেশনমাস্টার অত্যন্ত সংকুচিত হইয়া চলিয়া গেল; টাকা বাঁচাইবার জন্ত পিতা যে মিথ্যা কথা বলিবেন, এ সন্দেহের ক্ষুদ্রতা তাহার মাথা হেঁট করিয়া দিল।

অমৃতসরে গুরুদরবার আমার স্বপ্নের মতো মনে পড়ে। অনেকদিন সকালবেলায় পিতৃদেবের সঙ্গে পদব্রজে সেই সরোবরের মাঝখানে শিখ-মন্দিরে গিয়াছি। সেখানে নিয়তই ভজনা চলিতেছে। আমার পিতা সেই শিখ-উপাসকদের মাঝখানে বসিয়া সহসা একসময় সুর করিয়া তাহাদের ভজনায় যোগ দিতেন; বিদেশীর মুখে তাহাদের এই বন্দনাগান শুনিয়া তাহারা অত্যন্ত উৎসাহিত হইয়া উঠিয়া তাঁহাকে সমাদর করিত। ফিরিবার সময় মিছরির খণ্ড ও হালুয়া লইয়া আসিতেন।

একবার পিতা গুরুদরবারের একজন গায়ককে বাসায় আনাইয়া তাহার কাছ হইতে ভজনাগান শুনিয়াছিলেন। বোধকরি তাহাকে যে-পুরস্কার দেওয়া হইয়াছিল তাহার চেয়ে কম দিলেও সে খুশি হইত। ইহার ফল হইল এই, আমাদের বাসায় গান শোনাইবার উমেদারের আমদানি এত বেশি হইতে লাগিল যে, তাহাদের পথরোধের জন্ত শব্দ বন্দোবস্তের প্রয়োজন হইল। বাড়িতে সুবিধা না পাইয়া তাহারা সরকারি রাস্তায় আসিয়া আক্রমণ আরম্ভ করিল। প্রতিদিন সকালবেলায় পিতা আমাকে সঙ্গে করিয়া বেড়াইতে বাহির হইতেন। সেই সময়ে ক্ষণে ক্ষণে হঠাৎ সম্মুখে তানপুরা ঘাড়ে গায়কের আবির্ভাব হইত। 'যে-পাথির কাছে শিকারি অপরিচিত নহে সে যেমন কাহারও ঘাড়ের উপর বন্দুকের চোঙ দেখিলেই চমকিয়া উঠে, রাস্তার স্তূদূর কোনো-একটা কোণে তানপুরা-যন্ত্রের ডগাটা দেখিলেই আমাদের সেই দশা হইত। কিন্তু, শিকার এমনি সেয়ানা হইয়া উঠিয়াছিল যে, তাহাদের তানপুরার আওয়াজ নিতান্ত ফাঁকা আওয়াজের কাজ করিত; তাহা আমাদের দূরে ভাগাইয়া দিত, পাড়িয়া ফেলিতে পারিত না।

যখন সন্ধ্যা হইয়া আসিত পিতা বাগানের সম্মুখে বারান্দায় আসিয়া বসিতেন। তখন তাঁহাকে ব্রহ্মসংগীত শোনাইবার জন্ত আমার ডাক পড়িত। চাঁদ উঠিয়াছে, গাছের ছায়ার ভিতর দিয়া জ্যোৎস্নার আলো বারান্দার উপর আসিয়া পড়িয়াছে, আমি বেহাগে গান গাহিতেছি—

তুমি বিনা কে প্রভু সংকট নিবारे,
কে সহায় ভব-অন্ধকারে।

তিনি নিস্তর হইয়া নতশিরে কোলের উপর দুই হাত জোড় করিয়া শুনিতেছেন— সেই সন্ধ্যাবেলাটির ছবি আজও মনে পড়িতেছে।

পূর্বেই বলিয়াছি একদিন আমার রচিত দুইটি পারমার্থিক কবিতা শ্রীকণ্ঠবাবুর নিকট শুনিয়া পিতৃদেব হাসিয়াছিলেন। তাহার পরে বড়ো বয়সে আর-একদিন আমি তাহার শোধ লইতে পারিয়াছিলাম। সেই কথাটা এখানে উল্লেখ করিতে ইচ্ছা করি।

একবার মাঘোৎসবে সকালে ও বিকালে আমি অনেকগুলি গান তৈরি করিয়াছিলাম। তাহার মধ্যে একটা গান—‘নয়ন তোমাতে পায় না দেখিতে, রয়েছ নয়নে নয়নে।’

পিতা তখন চুঁচুড়ায় ছিলেন। সেখানে আমার এবং জ্যোতিদাদার^২ ডাক পড়িল। হারমোনিয়ামে জ্যোতিদাদাকে বসাইয়া আমাকে তিনি নূতন গান সব-কটি একে একে গাহিতে বলিলেন। কোনো কোনো গান দুবারও গাহিতে হইল।

গান গাওয়া যখন শেষ হইল তখন তিনি বলিলেন, “দেশের রাজা যদি দেশের ভাষা জানিত ও সাহিত্যের আদর বুঝিত, তবে কবিকে তো তাহার পুরস্কার দিত। রাজার দিক হইতে যখন তাহার কোনো সম্ভাবনা নাই তখন আমাকেই সে-কাজ করিতে হইবে।” এই বলিয়া তিনি একখানি পাঁচ-শ টাকার চেক আমার হাতে দিলেন।

পিতা আমাকে ইংরেজি পড়াইবেন বলিয়া Peter Parley's Tales পর্ষায়ের অনেকগুলি বই লইয়া গিয়াছিলেন। তাহার মধ্য হইতে বেঞ্জামিন ফ্র্যাঙ্কলিনের জীবনবৃত্তান্ত তিনি আমার পাঠ্যরূপে বাছিয়া লইলেন। তিনি মনে করিয়াছিলেন, জীবনী অনেকটা গল্পের মতো লাগিবে এবং তাহা পড়িয়া আমার উপকার হইবে। কিন্তু, পড়াইতে গিয়া তাঁহার ভুল ভাঙিল। বেঞ্জামিন ফ্র্যাঙ্কলিন নিতান্তই সুবুদ্ধি মানুষ ছিলেন। তাঁহার হিসাব-করা কেজো ধর্মনীতির সংকীর্ণতা আমার পিতাকে পীড়িত করিত। তিনি এক-এক জায়গা পড়াইতে পড়াইতে ফ্র্যাঙ্কলিনের ঘোরতর সাংসারিক বিজ্ঞতার দৃষ্টান্তে ও উপদেশবাক্যে অত্যন্ত বিরক্ত হইয়া উঠিতেন এবং প্রতিবাদ না করিয়া থাকিতে পারিতেন না।

ইহার পূর্বে মুগ্ধবোধ মুখস্থ করা ছাড়া সংস্কৃত পড়ার আর-কোনো চর্চা হয় নাই। পিতা আমাকে একেবারেই ঋজুপাঠ দ্বিতীয়ভাগ^৩ পড়াইতে আরম্ভ করিলেন এবং তাহার সঙ্গে উপক্রমিকার শব্দরূপ মুখস্থ করিতে দিলেন। বাংলা আমাদিগকে এমন করিয়া পড়িতে হইয়াছিল যে, তাহাতেই আমাদের সংস্কৃতশিক্ষার কাজ অনেকটা

অগ্রসর হইয়া গিয়াছিল। একেবারে গোড়া হইতেই যথাসাধ্য সংস্কৃত রচনা কার্ণে তিনি আমাকে উৎসাহিত করিতেন। আমি যাহা পড়িতাম তাহারই শব্দগুলা উলটপালট করিয়া লগ্না লগ্না সমাস গাঁথিয়া যেখানে-সেখানে যথেষ্ট অনুস্বার যোগ করিয়া দেবভাবাকে অপদেবের যোগ্য করিয়া তুলিতাম। কিন্তু, পিতা আমার এই অদ্ভুত দুঃসাহসকে একদিনও উপহাস করেন নাই।

ইহা ছাড়া তিনি প্রকটের^{১১} লিখিত সরলপাঠ্য ইংরেজি জ্যোতিষগ্রন্থ হইতে অনেক বিষয় মুখে মুখে আমাকে বুঝাইয়া দিতেন; আমি তাহা বাংলায় লিখিতাম।^{১২}

তাঁহার নিজের পড়ার জন্ত তিনি যে-বইগুলি সঙ্গে লইয়াছিলেন তাহার মধ্যে একটা আমার চোখে খুব ঠেকিত। দশ-বারো খণ্ডে বাঁধানো বৃহদাকার গিবনের 'রোম।'^{১৩} দেখিয়া মনে হইত না ইহার মধ্যে কিছুমাত্র রস আছে। আমি মনে ভাবিতাম, আমাকে দায়ে পড়িয়া অনেক জিনিস পড়িতে হয়, কারণ আমি বালক, আমার উপায় নাই—কিন্তু ইনি তো ইচ্ছা করিলেই না পড়িলেই পারিতেন, তবে এ দুঃখ কেন।

অমৃতসরে মাসখানেক ছিলাম। সেখান হইতে চৈত্রমাসের শেষে ডালহৌসি পাহাড়ে যাত্রা করা গেল। অমৃতসরে মাস আর কাটিতেছিল না। হিমালয়ের আহ্বান আমাকে অস্থির করিয়া তুলিতেছিল।

যখন ঝাঁপানে করিয়া পাহাড়ে উঠিতেছিলাম তখন পর্বতের উপত্যকা-অধিত্যকাদেশে নানাবিধ চৈতালি ফসলে স্তরে স্তরে পঙ্ক্তিতে পঙ্ক্তিতে সৌন্দর্যের আগুন লাগিয়া গিয়াছিল। আমরা প্রাতঃকালেই দুধকট খাইয়া বাহির হইতাম এবং অপরাহ্নে ডাকবাংলায় আশ্রয় লইতাম। সমস্তদিন আমার দুই চোখের বিরাম ছিল না—পাছে কিছু-একটা এড়াইয়া যায়, এই আমার ভয়। যেখানে পাহাড়ের কোনো কোণে, পথের কোনো বাঁকে, পল্লবভাঙ্গাচ্ছন্ন বনস্পতির দল নিবিড় ছায়া রচনা করিয়া দাঁড়াইয়া আছে এবং ধ্যানরত বৃদ্ধ তপস্বীদের কোলের কাছে লীলাময়ী মুনিকণ্ঠাদের মতো দুই-একটি বারনার ধারা সেই ছায়াতল দিয়া, শৈবালাচ্ছন্ন কালো পাথরগুলার গা বাহিয়া ঘনশীতল অন্ধকারের নিভৃত নৈপথ্য হইতে কুলকুল করিয়া বারিয়া পড়িতেছে, সেখানে ঝাঁপানির ঝাঁপান নামাইয়া বিশ্রাম করিত। আমি লুক্কভাবে মনে করিতাম, এ-সমস্ত জায়গা আমাদিগকে ছাড়িয়া যাইতে হইতেছে কেন। এইখানে থাকিলেই তো হয়।

নূতন পরিচয়ের ওই একটা মস্ত স্মৃতি। মন তখনো জানিতে পারে না যে, এমন আরও অনেক আছে। তাহা জানিতে পারিলেই হিসাবি মন মনোযোগের খরচটা বাঁচাইতে চেষ্টা করে। যখন প্রত্যেক জিনিসটাকেই একান্ত দুর্লভ বলিয়া মনে করে

তখনই মন আপনার কৃপণতা ঘুচাইয়া পূর্ণ মূল্য দেয়। তাই আমি এক-একদিন কলিকাতার রাস্তা দিয়া যাইতে যাইতে নিজেকে বিদেশী বলিয়া কল্পনা করি। তখনই বুঝিতে পারি, দেখিবার জিনিস ঢের আছে, কেবল মন দিবার মূল্য দিই না বলিয়া দেখিতে পাই না। এই কারণেই দেখিবার ক্ষুধা মিটাইবার জন্ত লোকে বিদেশে যায়।

আমার কাছে পিতা তাঁহার ছোটো ক্যাশবাক্সটি রাখিবার ভার দিয়াছিলেন। এ সম্বন্ধে আমিই যোগ্যতম ব্যক্তি, সে-কথা মনে করিবার হেতু ছিল না। পথ-খরচের জন্ত তাহাতে অনেক টাকাই থাকিত। 'কিশোরী চাটুর্জের' হাতে দিলে তিনি নিশ্চিত থাকিতে পারিতেন, কিন্তু আমার উপর বিশেষ ভার দেওয়াই তাঁহার উদ্দেশ্য ছিল। ডাকবাংলায় পৌঁছিয়া একদিন বাক্সটি তাঁহার হাতে না দিয়া ঘরের টেবিলের উপর রাখিয়া দিয়াছিলাম, ইহাতে তিনি আমাকে ভৎসনা করিয়াছিলেন।

ডাকবাংলায় পৌঁছিলে পিতৃদেব বাংলার বাহিরে চোঁকি লইয়া বসিতেন। সন্ধ্যা হইয়া আসিলে পর্বতের স্বচ্ছ আকাশে তারাগুলি আশ্চর্য সুস্পষ্ট হইয়া উঠিত এবং পিতা আমাকে গ্রহতারকা চিনাইয়া দিয়া জ্যোতিষ্ক সম্বন্ধে আলোচনা করিতেন।

বক্রেটায় আমাদের বাসা একটি পাহাড়ের সর্বোচ্চ চূড়ায় ছিল। যদিও তখন বৈশাখ মাস, কিন্তু শীত অত্যন্ত প্রবল। এমন-কি, পথের যে-অংশে রোদ্দ পড়িত না সেখানে তখনও বরফ গলে নাই।

এখানেও কোনো বিপদ আশঙ্কা করিয়া আপন ইচ্ছায় পাহাড়ে ভ্রমণ করিতে পিতা একদিনও আমাকে বাধা দেন নাই।

আমাদের বাসার নিম্নবর্তী এক অধিত্যকায় বিস্তীর্ণ কেলুবন^{১০} ছিল। সেই বনে আমি একলা আমার লৌহফলকবিশিষ্ট লাঠি লইয়া প্রায় বেড়াইতে যাইতাম। বনস্পতিগুলা প্রকাণ্ড দৈত্যের মতো মস্ত মস্ত ছায়া লইয়া দাঁড়াইয়া আছে; তাহাদের কত শত বৎসরের বিপুল প্রাণ। কিন্তু, এই সেদিনকার অতি ক্ষুদ্র একটি মাছুবের শিশু অসংকোচে তাহাদের গা ঘেঁষিয়া ঘুরিয়া বেড়াইতেছে, তাহার একটি কথাও বলিতে পারে না! বনের ছায়ার মধ্যে প্রবেশ করিবামাত্রই যেন তাহার একটা বিশেষ স্পর্শ পাইতাম। যেন সরীসৃপের গাত্রের মতো একটি ঘন শীতলতা, এবং বনতলের শুষ্ক পত্ররাশির উপরে ছায়া-আলোকের পর্যায় যেন প্রকাণ্ড একটা আদিম সরীসৃপের গাত্রের বিচিত্র রেখাবলী।

আমার শোবার ঘর ছিল একটা প্রান্তের ঘর। রাত্রে বিছানায় শুইয়া কাচের জানালার ভিতর দিয়া নক্ষত্রালোকের অস্পষ্টতায় পর্বতচূড়ার পাণ্ডুরবর্ণ ভূষারদীপ্তি

দেখিতে পাইতাম। এক-একদিন, জানি না কত রাত্রে, দেখিতাম, পিতা গায়ে একখানি লাল শাল পরিয়া হাতে একটি মোমবাতির সেজ লইয়া নিঃশব্দসঙ্করণে চলিয়াছেন। কাচের আবরণে ঘেরা বাহিরের বারান্দায় বসিয়া উপাসনা করিতে যাইতেছেন।

তাহার পর আর-এক ঘুমের পরে হঠাৎ দেখিতাম, পিতা আমাকে ঠেলিয়া জাগাইয়া দিতেছেন। তখনো রাত্রির অন্ধকার সম্পূর্ণ দূর হয় নাই। উপক্রমণিকা হইতে 'নরঃ নরো নরঃ' মুখস্থ করিবার জন্ত আমার সেই সময় নির্দিষ্ট ছিল। শীতের কবলরাশির তপ্ত বেঠন হইতে বড়ো দুঃখের এই উদবোধন।

স্বর্ঘোদয়কালে যখন পিতৃদেব তাঁহার প্রভাতের উপাসনা-অন্তে একবাটি দুধ খাওয়া শেষ করিতেন, তখন আমাকে পাশে লইয়া দাঁড়াইয়া উপনিষদের মন্ত্রপাঠ দ্বারা আর-একবার উপাসনা করিতেন।

তাহার পরে আমাকে লইয়া বেড়াইতে বাহির হইতেন। তাঁহার সঙ্গে বেড়াইতে আমি পারিব কেন। অনেক বয়স্ক লোকেরও সে সাধ্য ছিল না। আমি পশ্চিমঘোই কোনো-একটা জায়গায় ভঙ্গ দিয়া পায়ে-চলা পথ বাহিয়া উঠিয়া আমাদের বাড়িতে গিয়া উপস্থিত হইতাম।

পিতা ফিরিয়া আসিলে ঘণ্টাখানেক ইংরেজি পড়া চলিত।^{১৬} তাহার পর দশটার সময় বরফগলা ঠাণ্ডাজলে স্নান। ইহা হইতে কোনোগতেই অব্যাহতি ছিল না; তাঁহার আদেশের বিরুদ্ধে ঘড়ায় গরমজল মিশাইতেও তৃত্যেরা কেহ সাহস করিত না। যৌবনকালে তিনি নিজে কিরূপ দুঃসহনীয় জলে স্নান করিয়াছেন, আমাকে উৎসাহ দিবার জন্ত সেই গল্প করিতেন।

দুধ খাওয়া আমার আর-এক তপস্যা ছিল। আমার পিতা প্রচুর পরিমাণে দুধ খাইতেন। আমি এই পৈতৃক দুগ্ধপানশক্তির অধিকারী হইতে পরিতাম কিনা নিশ্চয় বলা যায় না। কিন্তু, পূর্বেই জানাইয়াছি, কী কারণে আমার পানাহারের অভ্যাস সম্পূর্ণ উলটাদিকে চলিয়াছিল। তাঁহার সঙ্গে বরাবর আমাকে দুধ খাইতে হইত। তৃত্যদের শরণাপন্ন হইলাম। তাহারা আমার প্রতি দয়া করিয়া বা নিজের প্রতি মমতাবশত বাটিতে দুধের অপেক্ষা ফেনার পরিমাণ বেশি করিয়া দিত।

মধ্যাহ্নে আহারের পর পিতা আমাকে আর-একবার পড়াইতে বসিতেন। কিন্তু সে আমার পক্ষে অসাধ্য হইত। প্রত্যুষের নষ্টঘুম তাহার অকালব্যাপ্যতের শোধ লইত। আমি ঘুমে বার বার ঢুলিয়া পড়িতাম। আমার অবস্থা বুঝিয়া পিতা ছুটি দিবামাত্র ঘুম কোথায় ছুটিয়া যাইত। তাহার পরে দেবতাত্মা নগাধিরাজের পালা।

এক-একদিন দুপুরবেলায় লাঠিহাতে একলা এক পাহাড় হইতে আর-এক পাহাড়ে চলিয়া যাইতাম; পিতা তাহাতে কখনো উদ্বেগ প্রকাশ করিতেন না। তাঁহার জীবনের শেষ পর্বন্ত ইহা দেখিয়াছি, তিনি কোনোমতেই আমাদের স্বাতন্ত্র্যে বাধা দিতে চাহিতেন না। তাঁহার রুচি ও মতের বিরুদ্ধ কাজ অনেক করিয়াছি; তিনি ইচ্ছা করিলেই শাসন করিয়া তাহা নিবারণ করিতে পারিতেন, কিন্তু কখনো তাহা করেন নাই। যাহা কর্তব্য তাহা আমরা অন্তরের সঙ্গে করিব, এজ্ঞ তিনি অপেক্ষা করিতেন। সত্যকে এবং শোভনকে আমরা বাহিরের দিক হইতে লইব, ইহাতে তাঁহার মন তৃপ্তি পাইত না; তিনি জানিতেন, সত্যকে ভালোবাসিতে না পারিলে সত্যকে গ্রহণ করাই হয় না। তিনি ইহাও জানিতেন যে, সত্য হইতে দূরে গেলেও একদিন সত্যে ফেরা যায়, কিন্তু কৃত্রিম শাসনে সত্যকে অগত্যা অথবা অন্ধভাবে মানিয়া লইলে সত্যের মধ্যে ফিরিবার পথ রুদ্ধ করা হয়।

আমার যৌবনারম্ভে এক সময়ে আমার খেয়াল গিয়াছিল, আমি গোরুর গাড়িতে করিয়া গ্র্যান্ড ট্রাঙ্ক রোড ধরিয়া পেশোয়ার পর্যন্ত যাইব। আমার এ প্রস্তাব কেহ অনুমোদন করেন নাই এবং ইহাতে আপত্তির বিষয় অনেক ছিল। কিন্তু, আমার পিতাকে যখনই বলিলাম তিনি বলিলেন, “এ তো খুব ভালো কথা; রেলগাড়িতে ভ্রমণকে কি ভ্রমণ বলে।” এই বলিয়া তিনি কিরূপে পদব্রজে এবং ঘোড়ার গাড়ি প্রভৃতি বাহনে ভ্রমণ করিয়াছেন, তাহার গল্প করিলেন। আমার যে ইহাতে কোনো কষ্ট বা বিপদ ঘটতে পারে, তাহার উল্লেখমাত্র করিলেন না।

আর-একবার যখন আমি আদিসমাজের সেক্রেটারিপদে নূতন নিযুক্ত হইয়াছি তখন পিতাকে পার্কস্ট্রীটের বাড়িতে গিয়া জানাইলাম যে, “আদিব্রাহ্মসমাজের বেদিতে ব্রাহ্মণ ছাড়া অন্তবর্ণের আচার্য বসেন না, ইহা আমার কাছে ভালো বোধ হয় না।” তিনি তখনই আমাকে বলিলেন, “বেশ তো, যদি তুমি পার তো ইহার প্রতিকার করিয়ে।” যখন তাঁহার আদেশ পাইলাম তখন দেখিলাম, প্রতিকারের শক্তি আমার নাই। আমি কেবল অসম্পূর্ণতা দেখিতে পারি কিন্তু পূর্ণতা সৃষ্টি করিতে পারি না। লোক কোথায়। ঠিক লোককে আহ্বান করিব, এমন জোর কোথায়। ভাঙিয়া সে-জায়গায় কিছু গড়িব, এমন উপকরণ কই। যতক্ষণ পর্যন্ত যথার্থ মানুষ আপনি না আসিয়া জোটে ততক্ষণ একটা বাধা নিয়মও ভালো, ইহাই তাঁহার মনে ছিল। কিন্তু, ক্ষণকালের জ্ঞানও কোনো বিপ্লবের কথা বলিয়া তিনি আমাকে নিষেধ করেন নাই। যেমন করিয়া তিনি পাহাড়ে-পর্বতে আমাকে একলা বেড়াইতে দিয়াছেন, সত্যের পথেও তেমনি করিয়া চিরদিন তিনি আপন গম্যস্থান নির্ণয় করিবার স্বাধীনতা

দিয়াছেন। ভুল করিব বলিয়া তিনি ভয় পান নাই, কষ্ট পাইব বলিয়া তিনি উদ্বিগ্ন হন নাই। তিনি আমাদের সম্মুখে জীবনের আদর্শ ধরিয়াছিলেন, কিন্তু শাসনের দণ্ড উত্তম করেন নাই।

পিতার সঙ্গে অনেক সময়েই বাড়ির গল্প বলিতাম। বাড়ি হইতে কাহারও চিঠি পাইবামাত্র তাঁহাকে দেখাইতাম। নিশ্চয়ই তিনি আমার কাছ হইতে এমন অনেক ছবি পাইতেন যাহা আর-কাহারও কাছ হইতে পাইবার কোনো সম্ভাবনা ছিল না।

বড়দাদা মেজদাদার^{১৬} কাছ হইতে কোনো চিঠি আসিলে তিনি আমাকে তাহা পড়িতে দিতেন। কী করিয়া তাঁহাকে চিঠি লিখিতে হইবে, এই উপায়ে তাহা আমার শিক্ষা হইয়াছিল। বাহিরের এই-সমস্ত কায়দাকাঙ্ক্ষন সম্বন্ধে শিক্ষা তিনি বিশেষ আবশ্যক বলিয়া জানিতেন।

আমার বেশ মনে আছে, মেজদাদার কোনো চিঠিতে ছিল তিনি 'কর্মক্ষেত্রে গলবদ্ধরজ্জু' হইয়া খাটিয়া মরিতেছেন—সেই স্থানের কয়েকটি বাক্য লইয়া পিতা আমাকে তাহার অর্থ জিজ্ঞাসা করিয়াছিলেন। আমি যেরূপ অর্থ করিয়াছিলাম তাহা তাঁহার মনোনীত হয় নাই, তিনি অগ্র অর্থ করিলেন। কিন্তু, আমার এমন ধৃষ্টতা ছিল যে সে-অর্থ আমি স্বীকার করিতে চাহিলাম না। তাহা লইয়া অনেকক্ষণ তাঁহার সঙ্গে তর্ক করিয়াছিলাম। আর-কেহ হইলে নিশ্চয় আমাকে ধমক দিয়া নিরস্ত করিয়া দিতেন, কিন্তু তিনি ধৈর্যের সঙ্গে আমার সমস্ত প্রতিবাদ সহ করিয়া আমাকে বুঝাইবার চেষ্টা করিয়াছিলেন।

তিনি আমার সঙ্গে অনেক কৌতুকের গল্প করিতেন। তাঁহার কাছ হইতে সেকালের বড়োমানুষের অনেক কথা শুনিতাম। ঢাকাই কাপড়ের পাড় তাহাদের গায়ে কর্কশ ঠেকিত বলিয়া তখনকার দিনের শৌখিন লোকেয়া পাড় ছিঁড়িয়া ফেলিয়া কাপড় পরিত, এই-সব গল্প তাঁহার কাছে শুনিয়াছি। গয়লা দুধে জল দিত বলিয়া দুধ-পরিদর্শনের জগু ভৃত্য নিযুক্ত হইল, পুনশ্চ তাহার কার্যপরিদর্শনের জগু দ্বিতীয় পরিদর্শক নিযুক্ত হইল, এইরূপে পরিদর্শকের সংখ্যা যতই বাড়িয়া চলিল দুধের রঙও ততই ঘোলা এবং ক্রমশ কাকচক্ষুর মতো স্বচ্ছনীল হইয়া উঠিতে লাগিল—এবং কৈফিয়ত দিবার কালে গয়লা বাবুকে জানাইল, পরিদর্শক যদি আরো বাড়ানো হয় তবে অগত্যা দুধের মধ্যে শামুক বিষক ও চিংড়িমাছের প্রাদুর্ভাব হইবে। এই গল্প তাঁহারই মুখে প্রথম শুনিয়া খুব আমোদ পাইয়াছি।

এমন করিয়া কয়েক মাস কাটিলে পর, পিতৃদেব তাঁহার অল্পচর কিশোরী চাটুর্জের সঙ্গে আমাকে কলিকাতায় পাঠাইয়া দিলেন।^{১৭}

- ১ সারদাপ্রসাদ গঙ্গোপাধ্যায় (মৃত্যু ইং ১৮৮৩) ও দেবেন্দ্রনাথের জ্যেষ্ঠা কন্যা সৌদামিনী দেবী (ইং ১৮৩৭-১৯২০) ।
- ২ ভাগিনেয় সত্যপ্রসাদ গঙ্গোপাধ্যায় ।
- ৩ বাংলা ১২৭৯ ফাল্গুন (ইং ১৮৭৩) ।
- ৪ জমিদারি এবং আদিব্রাহ্মসমাজের কাজ ।
- ৫ ৫২ নং বাড়ি । মহাবীর পার্ক স্ট্রীটে বাস, ইং ১৮৮৭-৯৮ ।
- ৬ তু রুদ্রচণ্ড নাটিকা (ইং ১৮৮১), রচনাবলী-অ ১ ।
- ৭ গানটি সত্যেন্দ্রনাথ ঠাকুর কর্তৃক রচিত (১২৭৫ মাঘ) । দ্র তত্ত্ব পত্রিকা, শক ১৭৯১ আষাঢ় [ইং ১৮৬৯], পৃ ৩৯, বা 'ব্রহ্মসংগীত' গ্রন্থ ।
- ৮ বাংলা ১২৯৩ মাঘ ।
- ৯ জ্যোতিরিন্দ্রনাথ ঠাকুর (ইং ১৮৪৮-১৯২৫) ।
- ১০ ঠাণ্ডারচন্দ্র বিভাসাগর-প্রণীত ।
- ১১ Richd A. Proctor.
- ১২ “আমি অমৃতনর হইতে আবার সেই আমার বক্রোটাশেখরে আসিয়া পঁহুঁছিয়াছি ।... রবীন্দ্র এখানে ভালো আছে এবং আমার নিকটে সংস্কৃত ও ইংরাজি অল্প অল্প পাঠ শিখিতেছে । ইহাকে ব্রাহ্মধর্মও পড়াইয়া থাকি ।” বক্রোটা, রাজনারায়ণ বহুকে লিখিত পত্র, ১৭৯৫ শক, ১৪ বৈশাখ [২৫ এপ্রিল, ১৮৭৩] — পত্রাবলী (৭৬) ।
- তু 'ক্রমশঃপ্রকাশ' প্রবন্ধ 'গ্রহগণ জীবের আবাস-ভূমি' (?) — তত্ত্ব পত্রিকা, শক ১৭৯৬ পৌষ, পৃ ১৬১-৬৩ ।
- ১৩ The History of the Decline and Fall of the Roman Empire by Edward Gibbon (1888 ed.).
- ১৪ কিশোরীনাথ চট্টোপাধ্যায়, দেবেন্দ্রনাথের অনূচর ।
- ১৫ পাইন বন ; দ্র আত্মজীবনী, পৃ ২৬০-৬১ ।
- ১৬ “ফিরিয়া আসিয়া পিতার কাছে বেঙ্গলিন ক্রাঙ্ক্লিনের জীবনী পড়িতাম ।” — পাণ্ডুলিপি ।
- ১৭ প্রথম নিয়োগ, ১২৯১ আশ্বিন (ইং ১৮৮৪) ।
- ১৮ সত্যেন্দ্রনাথ ঠাকুর (ইং ১৮৪২-১৯২৩) ।
- ১৯ “রবীন্দ্রকে একটি জীবন্ত পত্ররূপ করিয়া তোনাাদের নিকট পাঠাইরাছি”, রাজনারায়ণ বহুকে লিখিত পত্র, বক্রোটাশেখর, ১৭৯৫ শক, ১৪ আষাঢ় [২৭ জুন, ১৮৭৩] — পত্রাবলী (৭৭) ।

প্রত্যাবর্তন

পূর্বে যে-শাসনের মধ্যে সংকুচিত হইয়া ছিলাম হিমালয়ে যাইবার সময়ে তাহা একেবারে ভাঙিয়া গেল। যখন ফিরিলাম তখন আমার অধিকার প্রশস্ত হইয়া গেছে। যে-লোকটা চোখে চোখে থাকে সে আর চোখেই পড়ে না ; দৃষ্টিক্ষেত্র হইতে একবার দূরে গিয়া ফিরিয়া আসিয়া তবেই এবার আমি বাড়ির লোকের চোখে পড়িলাম।

ফিরিবার সময়ে রেলের পথেই আমার ভাগ্যে আদর শুরু হইল। মাথায় এক জরির টুপি পরিয়া আমি একলা বালক ভ্রমণ করিতেছিলাম, সঙ্গে কেবল একজন ভৃত্য ছিল ; স্বাস্থ্যের প্রাচুর্যে শরীর পরিপুষ্ট হইয়া উঠিয়াছিল। পথে যেখানে যত সাহেব মেম গাড়িতে উঠিত আমাকে নাড়াচাড়া না করিয়া ছাড়িত না।

বাড়িতে যখন আসিলাম তখন কেবল যে প্রবাস হইতে ফিরিলাম তাহা নহে— এতকাল বাড়িতে থাকিয়াই যে-নির্বাসনে ছিলাম সেই নির্বাসন হইতে বাড়ির ভিতরে আসিয়া পৌঁছিলাম। অন্তঃপুরের বাধা যুচিয়া গেল, চাকরদের ঘরে আর আমাকে কুলাইল না। মায়ের ঘরের সভায় খুব একটা বড়ো আসন দখল করিলাম। তখন আমাদের বাড়ির যিনি কনিষ্ঠ বধু ছিলেন তাঁহার কাছ হইতে প্রচুর স্নেহ ও আদর পাইলাম।

ছোটবেলায় মেয়েদের স্নেহযত্ন মানুষ না যাচিয়াই পাইয়া থাকে। আলো-বাতাসে তাহার যেমন দরকার এই মেয়েদের আদরও তাহার পক্ষে তেমনি আবশ্যিক। কিন্তু, আলো বাতাস পাইতেছি বলিয়া কেহ বিশেষভাবে অমুভব করে না, মেয়েদের যত্ন সঘন্থেও শিশুদের সেইরূপ কিছুই না ভাবাটাই স্বাভাবিক। বরঞ্চ শিশুরা এইপ্রকার যত্নের জাল হইতে কাটিয়া বাহির হইয়া পড়িবার জগ্নই ছটফট করে। কিন্তু, যখনকার যেটি সহজপ্রাপ্য তখন সেটি না জুটিলে মানুষ কাঙাল হইয়া দাঁড়ায়। আমার সেই দশা ঘটিল ; ছেলেবেলায় চাকরদের শাসনে বাহিরের ঘরে মানুষ হইতে হইতে, হঠাৎ এক সময়ে মেয়েদের অপরিাপ্ত স্নেহ পাইয়া সে জিনিসটাকে ভুলিয়া থাকিতে পারিতাম না। শিশুবয়সে অন্তঃপুর যখন আমাদের কাছে দূরে থাকিত তখন মনে মনে সেইখানেই আপনার কল্পলোক সৃজন করিয়াছিলাম। যে-জায়গাটাকে ভাষায় বলিয়া থাকে অবরোধ সেইখানেই সকল বন্ধনের অবসান দেখিতাম। মনে করিতাম, ওখানে ইস্কুল নাই, মাস্টার নাই, জোর করিয়া কেহ কাহাকেও কিছুতে প্রবৃত্ত করায় না ; ওখানকার নিভৃত অবকাশ অত্যন্ত রহস্যময়, ওখানে কারও কাছে সমস্তদিনের সময়ের হিসাবনিকাশ করিতে হয় না, খেলাধুলা সমস্ত আপন ইচ্ছামতো। বিশেষত

দেখিতাম, ছোড়দিদি^২ আমাদের সঙ্গে সেই একই নীলকমল পণ্ডিতমহাশয়ের কাছে পড়িতেন কিন্তু পড়া করিলেও তাঁহার সন্থকে যেমন বিধান, না করিলেও সেইরূপ। দশটার সময় আমরা তাড়াতাড়ি খাইয়া ইস্কুল যাইবার জন্ত ভালোমানুষের মতো প্রস্তুত হইতাম, তিনি বেণী দোলাইয়া দিব্য নিশ্চিন্তমনে বাড়ির ভিতরদিকে চলিয়া যাইতেন; দেখিয়া মনটা বিকল হইত। তাহার পরে গলায় সোনার হারটি পরিয়া বাড়িতে যখন নববধু^৩ আসিলেন তখন অন্তঃপুরের রহস্য আরও ঘনীভূত হইয়া উঠিল। যিনি বাহির হইতে আসিয়াছেন অথচ যিনি ঘরের, যাহাকে কিছুই জানি না অথচ যিনি আপনার, তাঁহার সঙ্গে ভাব করিয়া লইতে ভারি ইচ্ছা করিত। কিন্তু, কোনো সুযোগে কাছে গিয়া পৌছিতে পারিলে ছোড়দিদি তাড়া দিয়া বলিতেন, “এখানে তোমরা কি করতে এসেছ, যাও বাইরে যাও।”— তখন একে নৈরাশু তাহাতে অপমান, দুই মনে বড়ো বাজিত। তারপরে আবার তাঁহাদের আলমারিতে শাশির পাল্লার মধ্য দিয়া সাজানো দেখিতে পাইতাম, কাচের এবং চীনামাটির কত দুর্লভ সামগ্রী— তাহার কত রঙ এবং কত সজ্জা! আমরা কোনোদিন তাহা স্পর্শ করিবার যোগ্য ছিলাম না; কখনো তাহা চাহিতেও সাহস করিতাম না। কিন্তু এই-সকল ছুস্পাণ্য সূন্দর জিনিসগুলি অন্তঃপুরের দুর্লভতাকে আরও কেমন রঙিন করিয়া তুলিত।

এমনি করিয়া তো দূরে দূরে প্রতিহত হইয়া চিরদিন কাটিয়াছে। বাহিরের প্রকৃতি যেমন আমার কাছ হইতে দূরে ছিল, ঘরের অন্তঃপুরও ঠিক তেমনি। সেইজন্ত যখন তাহার যেটুকু দেখিতাম আমার চোখে যেন ছবির মতো পড়িত। রাত্রি নটার পর অঘোরমাস্টারের কাছে পড়া শেষ করিয়া বাড়ির ভিতরে শয়ন করিতে চলিয়াছি; খড়খড়ে-দেওয়া লম্বা বারান্দাটাতে মিটমিটে লগ্নন জলিতেছে, সেই বারান্দা পার হইয়া গোটাচারপাঁচ অঙ্ককার সিঁড়ির ধাপ নামিয়া একটি উঠান-ঘেরা অন্তঃপুরের বারান্দায় আসিয়া প্রবেশ করিয়াছি, বারান্দার পশ্চিমভাগে পূর্ব-আকাশ হইতে বাঁকা হইয়া জ্যোৎস্নার আলো আসিয়া পড়িয়াছে, বারান্দার অপূর্ণ অংশগুলি অঙ্ককার, সেই একটুখানি জ্যোৎস্নায় বাড়ির দাসীরা পাশাপাশি পা মেলিয়া বসিয়া উরুর উপর প্রদীপের সলিতা পাকাইতেছে এবং মৃদুস্বরে আপনাদের দেশের কথা বলাবলি করিতেছে— এমন কত ছবি মনের মধ্যে একেবারে আঁকা হইয়া রহিয়াছে। তারপরে রাত্রে আহার সারিয়া বাহিরের বারান্দায় জল দিয়া পা ধুইয়া একটা মস্ত বিছানায় আমরা তিনজনে শুইয়া পড়িতাম^৩— শংকরী কিথা প্যারী কিথা তিনকড়ি আসিয়া শিয়রের কাছে বসিয়া তেপান্তর-মার্ঠের উপর দিয়া রাজপুত্রের ভ্রমণের কথা বলিত, সে-কাহিনী শেষ হইয়া গেলে শয্যাতেল নীরব হইয়া যাইত; দেয়ালের দিকে মুখ

ফিরাইয়া শুইয়া ক্ষীণালোকে দেখিতাম, দেয়ালের উপর হইতে মাঝে মাঝে চুনকাম খসিয়া গিয়া কালোয় দাদায় নানাপ্রকারের রেখাপাত হইয়াছে ; সেই রেখাগুলি হইতে আমি মনে মনে বহুবিধ অদ্ভুত ছবি উদ্ভাবন করিতে করিতে ঘুমাইয়া পড়িতাম ; তারপরে অর্ধরাত্রে কোনো দিন আধঘুমে শুনিতে পাইতাম, অতিবৃদ্ধ স্বরূপসর্দার উচ্চস্বরে হাঁক দিতে দিতে এক বারান্দা হইতে আর-এক বারান্দায় চলিয়া যাইতেছে ।

সেই অল্পপরিচিত কল্পনাঞ্চিত অস্তঃপুরে একদিন বহুদিনের প্রত্যাশিত আদর পাইলাম । যাহা প্রতিদিন পরিমিতরূপে পাইতে পাইতে সহজ হইয়া যাইত, তাহাই হঠাৎ একদিনে বাকিবকেয়া-সমেত পাইয়া যে বেশ ভালো করিয়া তাহা বহন করিতে পারিয়াছিলাম, তাহা বলিতে পারি না ।

ক্ষুদ্র ভ্রমণকারী বাড়ি ফিরিয়া কিছুদিন ঘরে ঘরে কেবলই ভ্রমণের গল্প বলিয়া বেড়াইতে লাগিল । বার বার বলিতে বলিতে কল্পনার সংঘর্ষে ক্রমেই তাহা এত অত্যন্ত টিলা হইতে লাগিল যে, মূল বৃত্তান্তের সঙ্গে তাহার খাপ খাওয়া অসম্ভব হইয়া উঠিল । হায়, সকল জিনিসের মতোই গল্পও পুরাতন হয়, ম্লান হইয়া যায়, যে গল্প বলে তাহার গৌরবের পূঞ্জি ক্রমেই ক্ষীণ হইয়া আসিতে থাকে । এমনি করিয়া পুরাতন গল্পের উজ্জলতা যতই কমিয়া আসে ততই তাহাতে এক এক পৌচ করিয়া নূতন রঙ লাগাইতে হয় ।

পাহাড় হইতে ফিরিয়া আসার পর ছাত্রদের উপরে মাতার বায়ুসেবনসভায় আমিই প্রধানবক্তার পদ লাভ করিয়াছিলাম । মার কাছে যশস্বী হইবার প্রলোভন ত্যাগ করা কঠিন এবং যশ লাভ করাটাও অত্যন্ত দুঃস্বপ্ন নহে ।

নর্মাল স্কুলে পড়িবার সময় যেদিন কোনো-একটি শিশুপার্ঠে প্রথম দেখা গেল, স্বর্ঘ পৃথিবীর চেয়ে চৌদ্দলক্ষগুণে বড়ো সেদিন মাতার সভায় এই সত্যটাকে প্রকাশ করিয়াছিলাম । ইহাতে প্রমাণ হইয়াছিল, যাহাকে দেখিতে ছোটো সেও হয়তো নিতান্ত কম বড়ো নয় । আমাদের পাঠ্য ব্যাকরণে কাব্যালংকার অংশে যে-সকল কবিতা উদাহৃত ছিল তাহাই মুখস্থ করিয়া মাকে বিন্মিত করিতাম । তাহার একটা আজও মনে আছে ।—

ওরে আমার মাছি !

আহা কী নম্রতা ধর,

এসে হাত জোড় কর,

কিন্তু কেন বারি কর তীক্ষ্ণ শুঁড়গাছি ।

সম্প্রতি প্রকৃটরের গ্রন্থ হইতে গ্রন্থতারা সম্বন্ধে অল্প যে-একটু জ্ঞানলাভ

করিয়াছিলাম তাহাও সেই দক্ষিণবায়ুবীজিত সাক্ষ্যসমিতির মধ্যে বিবৃত করিতে লাগিলাম।

আমার পিতার অল্পচর কিশোরী চাটুর্জে এক কালে পাঁচালির দলের গায়ক ছিল। সে আগাকে পাহাড়ে থাকিতে প্রায় বলিত, “আহা দাদাজি, তোমাকে যদি পাইতাম তবে পাঁচালির দল এমন জমাইতে পারিতাম, সে আর কী বলিব।” গুনিয়া আমার ভারি লোভ হইত— পাঁচালির দলে ভিড়িয়া দেশদেশান্তরে গান গাহিয়া বেড়ানোটা মহা একটা সৌভাগ্য বলিয়া বোধ হইত। সেই কিশোরীর কাছে অনেকগুলি পাঁচালির গান শিখিয়াছিলাম, ‘ওরে ভাই, জানকীকে দিয়ে এসো বন’, ‘প্রাণ তো অন্ত হল আমার কমল-আঁখি’, ‘রাঙা জবায় কী শোভা পায় পায়’, ‘কাতরে রেখে রাঙা পায়, মা অভয়ে’, ‘ভাবো শ্রীকান্ত নরকান্তকারীকে নিতান্ত কৃতান্ত-ভয়ান্ত হবে ভবে’— এই গানগুলিতে আমাদের আসর যেমন জমিয়া উঠিত এমন সূর্যের অগ্নি-উজ্জ্বাস বা শনির চন্দ্রময়তার আলোচনায় হইত না।

পৃথিবীসুস্থ লোকে কৃতিবাসের বাংলা রামায়ণ পড়িয়া জীবন কাটায়, আর আমি পিতার কাছে স্বয়ং মহর্ষি বাল্মীকির স্বরচিত অল্পষ্টুভ ছন্দের রামায়ণ পড়িয়া আসিয়াছি, এই খবরটাতে মাকে সকলের চেয়ে বেশি বিচলিত করিতে পারিয়াছিলাম। তিনি অত্যন্ত খুশি হইয়া বলিলেন, “আচ্ছা, বাছা, সেই রামায়ণ আমাদের একটু পড়িয়া শোনা দেখি।”

হায়, একে ঋজুপাঠের সামান্য উদ্ভূত অংশ, তাহার মধ্যে আবার আমার পড়া অতি অল্পই, তাহাও পড়িতে গিয়া দেখি মাঝে মাঝে অনেকখানি অংশ বিস্মৃতিবশত অস্পষ্ট হইয়া আসিয়াছে। কিন্তু, যে-মা পুত্রের বিঘাবুদ্ধির অসামান্যতা অল্পভব করিয়া আনন্দসন্তোগ করিবার জগু উৎসুক হইয়া বসিয়াছেন, তাঁহাকে ‘ভুলিয়া গেছি’ বলিবার মতো শক্তি আমার ছিল না। স্মরণ, ঋজুপাঠ হইতে যেটুকু পড়িয়া গেলাম তাহার মধ্যে বাল্মীকির রচনা ও আমার ব্যাখ্যার মধ্যে অনেকটা পরিমাণে অসামঞ্জস্য রহিয়া গেল। স্বর্গ হইতে করুণহৃদয় মহর্ষি বাল্মীকি নিশ্চয়ই জননীর নিকট খ্যাতিপ্রত্যাশী অর্বাচীন বালকের সেই অপরাধ সর্কোটুক স্নেহহাশ্বে মার্জনা করিয়াছেন, কিন্তু দর্পহারী মধুসূদন আমাকে সম্পূর্ণ নিষ্কৃতি দিলেন না।

মা মনে করিলেন, আমার দ্বারা অসাধ্যসাধন হইয়াছে; তাই আর-সকলকে বিস্মিত করিয়া দিবার অভিপ্রায়ে তিনি কহিলেন, “একবার দ্বিজেন্দ্রকে শোনা দেখি।” তখন মনে-মনে সমূহ বিপদ গনিয়া প্রচুর আপত্তি করিলাম। মা কোনোমতেই গুনিলেন না। বড়দাদাকে ডাকিয়া পাঠাইলেন। বড়দাদা আসিতেই কহিলেন, “রবি কেমন বাল্মীকির রামায়ণ পড়িতে শিখিয়াছে একবার শোন-না।” পড়িতেই হইল। দয়ালু

মধুসূদন তাঁহার দর্পহারিত্বের একটু আভাসমাত্র দিয়া আমাকে এ-যাত্রা ছাড়িয়া দিলেন। বড়দাদা বোধহয় কোনো-একটা রচনায় নিযুক্ত ছিলেন, বাংলা ব্যাখ্যা শুনিবার জ্ঞান তিনি কোনো আগ্রহ প্রকাশ করিলেন না। গুটিকয়েক শ্লোক শুনিয়াই 'বেশ হইয়াছে' বলিয়া তিনি চলিয়া গেলেন।

ইহার পর ইস্কুলে যাওয়া আমার পক্ষে পূর্বের চেয়ে আরও অনেক কঠিন হইয়া উঠিল। নানা ছল করিয়া বেঙ্গল একাডেমি হইতে পালাইতে শুরু করিলাম।^১ সেন্টজেরিয়াসে আমাদের উন্নতি করিয়া দেওয়া হইল,^২ সেখানেও কোনো কল হইল না।

দাদারা মাঝে মাঝে এক-আধবার চেষ্টা করিয়া আমার আশা একেবারে ত্যাগ করিলেন।^৩ আমাকে ভৎসনা করাও ছাড়িয়া দিলেন। একদিন বড়দিদি^৪ কহিলেন, "আমরা সকলেই আশা করিয়াছিলাম, বড়ো হইলে রবি মাহুকের মতো হইবে, কিন্তু তাহার আশাই সকলের চেয়ে নষ্ট হইয়া গেল।" আমি বেশ বুঝিতাম, ভদ্রসমাজের বাজারে আমার দর কমিয়া যাইতেছে কিন্তু তবু যে-বিদ্যালয় চারিদিকের জীবন ও সৌন্দর্যের সঙ্গে বিচ্ছিন্ন জেলখানা ও হাঁসপাতাল-জাতীয় একটা নির্মম বিভীষিকা, তাহার নিত্য আবর্তিত ঘানির সঙ্গে কোনোমতেই আপনাকে জুড়িতে পারিলাম না।

সেন্টজেরিয়াসের একটি পবিত্রস্মৃতি আজ পর্যন্ত আমার মনের মধ্যে অগ্নান হইয়া রহিয়াছে— তাহা সেখানকার অধ্যাপকদের স্মৃতি। আমাদের সকল অধ্যাপক সমান ছিলেন না, বিশেষভাবে যে দুই-একজন আমার ক্লাসের শিক্ষক ছিলেন তাঁহাদের মধ্যে ভগবদ্ভক্তির গভীর নম্রতা আমি উপলব্ধি করি নাই। বরঞ্চ সাধারণত শিক্ষকেরা যেমন শিক্ষাদানের কল হইয়া উঠিয়া বালকদিগকে হৃদয়ের দিকে পীড়িত করিয়া থাকেন, তাঁহারা তাহার চেয়ে বেশি উপরে উঠিতে পারেন নাই। একে তো শিক্ষার কল একটা মন্ত কল, তাহার উপরে মানুষের হৃদয়প্রকৃতিকে শুষ্ক করিয়া পিষিয়া কেলিবার পক্ষে ধর্মের বাহু অহুষ্ঠানের মতো এমন জাঁতা জগতে আর নাই। যাহারা ধর্মসাধনার সেই বাহিরের দিকেই আটকা পড়িয়াছে তাহারা যদি আবার শিক্ষকতার কলের চাকায় প্রত্যহ পাক খাইতে থাকে, তবে উপাদেয় জিনিস তৈরি হয় না; আমার শিক্ষকদের মধ্যে সেইপ্রকার দুই-কলে-ছাঁটা নমুনা বোধকরি ছিল। কিন্তু তবু সেন্টজেরিয়াসের সমস্ত অধ্যাপকদের জীবনের আদর্শকে উচ্চ করিয়া ধরিয়া মনের মধ্যে বিরাজ করিতেছে, এমন একটি স্মৃতি আমার আছে। ফাদার ডি পেনেরাওয়ার^৫ সহিত আমাদের যোগ তেমন বেশি ছিল না; বোধকরি কিছুদিন তিনি আমাদের নিয়মিত শিক্ষকের বদলিরূপে কাজ করিয়াছিলেন। তিনি জাতিতে স্পেনীয় ছিলেন। ইংরেজি উচ্চারণে তাঁহার যথেষ্ট বাধা ছিল। বোধকরি সেই কারণে তাঁহার ক্লাসের শিক্ষায়

ছাত্রগণ যথেষ্ট মনোযোগ করিত না। আমার বোধ হইত, ছাত্রদের সেই ঔদাসীন্দের ব্যাঘাত তিনি মনের মধ্যে অম্লভব করিতেন কিন্তু নগ্রভাবে প্রতিদিন তাহা সহ করিয়া লইতেন। আমি জানি না কেন, তাঁহার জ্ঞান আমার মনের মধ্যে একটা বেদনা বোধ হইত। তাঁহার মুখশ্রী সুন্দর ছিল না কিন্তু আমার কাছে তাহার কেমন একটা আকর্ষণ ছিল! তাঁহাকে দেখিলেই মনে হইত, তিনি সর্বদাই আপনার মধ্যে যেন একটা দেবোপাসনা বহন করিতেছেন, অন্তরের বৃহৎ এবং নিবিড় স্তরতায় তাঁহাকে যেন আবৃত করিয়া রাখিয়াছে। আশ্চর্য্যত! আমাদের কাপি লিখিবার সময় ছিল, আমি তখন কলম হাতে লইয়া অগ্রমনস্ক হইয়া যাহা তাহা ভাবিতাম। একদিন ফাদার ডি পেনেরাণ্ডা এই ক্লাসের অধ্যক্ষতা করিতেছিলেন। তিনি প্রত্যেক বেক্সির পিছনে পদচারণা করিয়া যাইতেছিলেন। বোধকরি তিনি দুই-তিনবার লক্ষ্য করিয়াছিলেন, আমার কলম সরিতেছে না। এক সময়ে আমার পিছনে ধামিয়া দাঁড়াইয়া নত হইয়া আমার পিঠে তিনি হাত রাখিলেন এবং অত্যন্ত স্নেহ স্বরে আমাকে জিজ্ঞাসা করিলেন, “টাগোর, তোমার কি শরীর ভালো নাই।” বিশেষ কিছুই নহে কিন্তু আজ পর্যন্ত তাঁহার সেই প্রশ্নট ভুলি নাই। অল্প ছাত্রদের কথা বলিতে পারি না কিন্তু আমি তাঁহার ভিতরকার একটা বৃহৎ মনকে দেখিতে পাইতাম; আজও তাহা স্মরণ করিলে আমি যেন নিভৃত নিস্তরক দেবমন্দিরের মধ্যে প্রবেশ করিবার অধিকার পাই।^{১২}

সে-সময়ে আর-একজন প্রাচীন অধ্যাপক ছিলেন, তাঁহাকে ছাত্রেরা বিশেষ ভালো-বাসিত। তাঁহার নাম ফাদার হেনরি। তিনি উপরের ক্লাসে পড়াইতেন, তাঁহাকে আমি ভালো করিয়া জানিতাম না। তাঁহার সঘন্থে একটা কথা আমার মনে আছে, সেটি উল্লেখযোগ্য। তিনি বাংলা জানিতেন। তিনি নীরদ নামক তাঁহার ক্লাসের একটি ছাত্রকে জিজ্ঞাসা করিয়াছিলেন, “তোমার নামের ব্যুৎপত্তি কী।” নিজের সঘন্থে নীরদ চিরকাল সম্পূর্ণ নিশ্চিত ছিল, কোনোদিন নামের ব্যুৎপত্তি লইয়া সে কিছুমাত্র উদবেগ অম্লভব করে নাই; স্মৃতরাং এরূপ প্রশ্নের উত্তর দিবার জ্ঞান সে কিছুমাত্র প্রস্তুত ছিল না। কিন্তু অভিধানে এত বড়ো বড়ো অপরিচিত কথা থাকিতে নিজের নামটা সঘন্থে ঠকিয়া যাওয়া যেন নিজের গাড়ির তলে চাপা পড়ার মতো দুর্ঘটনা; নীরু তাই অল্পানবদনে তৎক্ষণাৎ উত্তর করিল, “নী ছিল রোদ, নীরদ; অর্থাৎ, যাহা উঠিলে রোদ্দ থাকে না তাহাই নীরদ।”

১ কাদম্বরী [কাদম্বিনী] দেবী (ইং ১৮৫২-৮৩), জ্যোতির্বিজ্ঞানপথের পত্নী।

২ বর্গকুমারী দেবী (জন্ম ইং ১৮৫৮)।

৩ কামেশ্বরী দেবী ; বিবাহ, ২৩ আষাঢ়, ১২৭৫ [ইং ১৮৬৮]। তু 'শ্যামা', 'কাঁচা আম', আকাশপ্রদীপ ; রচনাবলী ২৩।

৪ তু 'শৈশব নন্দা', সোনার তরী ; দ্র গ্রন্থপরিচয়।

৫ রচয়িতা দাশরথি রায়।

৬ “ঝুপাঠ দ্বিতীয়ভাগ হইতে কৈকেয়ীশরদ্বয়মংবাদ” — পাণ্ডুলিপি।

৭ “জ্যোতি, স্কুলে বালাকেরা টেকিতে পারিল না, আমি দুই গ্রহর হইতে ৪টা পর্যন্ত এবং পণ্ডিত [? রামসর্বপ] সকাল বেলায় তাহাদিগকে পড়াইতেছি-ছেন। তাহাদের স্কুল অপেক্ষা ভাল পড়া হইতেছে।”

—২৫ মাস ১৭৯৫ শক (ইং ১৮৭৪) তারিখে জ্যোতিরিন্দ্রনাথকে লিখিত দ্বিজেন্দ্রনাথের পত্র।

৮ ‘ফিক্‌থ ইয়ার বা প্রিপারেটরি এক্টাঙ্গ ক্লাসে’ ভরতি, ইং ১৮৭৪ ; বিজ্ঞানময়ভাগ (?) ইং ১৮৭৬।

৯ দাদাদের সহিত রাজনারায়ণ বহু মহাশয়ও চেষ্টা করিয়াছিলেন। দ্র পত্রাবলী, পত্র নং ৮৩, ৮২।

“রবীন্দ্রের তত্ত্বাবধারণ মধ্যে মধ্যে করিয়া থাক, ইহাতে আমি অত্যন্ত সন্তোষ লাভ করিয়াছি।” বক্রোটাশেখর, ১২ আশ্বিন ১৭৯৬ শক [ইং ১৮৭৪]।

“রবীন্দ্রের ইংরাজী পড়া যে ভাল হইতেছে আমার এমন বোধ হয় না, তুমি তাহাকে শ্রেষ্ঠ ইংরাজী কবিদিগের এক ফর্দ করিয়া দিয়াছ। তাহা কি রবীন্দ্র আপনা আপনি পড়িয়া বুঝিতে পারিবে ?” বক্রোটাশেখর, ১১ আষাঢ় ১৭৯৭ শক [ইং ১৮৭৫]।

১০ সৌদামিনী দেবী (ইং ১৮৪৭-১৯২০)।

১১ Father Alphonsus de Penaranda (1884-96).

১২ দ্র ‘শুচি’, তত্ত্ব পত্রিকা, শক ১৮৩৪ আশ্বিন [ইং ১৯১২] ; শান্তিনিকেতন ১৪, রচনাবলী ১৬।

ঘরের পড়া

আনন্দচন্দ্র বেদাস্তবাগীশের পুত্র জ্ঞানচন্দ্র ভট্টাচার্য মহাশয় বাড়িতে আমাদের শিক্ষক ছিলেন। ইস্কুলের পড়ায় যখন তিনি কোনোমতেই আমাকে বাঁধিতে পারিলেন না, তখন হাল ছাড়িয়া দিয়া অল্প পথ ধরিলেন। আমাকে বাংলায় অর্থ করিয়া কুমারসম্ভব' পড়াইতে লাগিলেন। তাহা ছাড়া খানিকটা করিয়া ম্যাকবেথ আমাকে বাংলায় মানে করিয়া বলিতেন এবং যতক্ষণ তাহা বাংলা ছন্দে আমি তর্জমা^২ না করিতাম ততক্ষণ ঘরে বন্ধ করিয়া রাখিতেন। সমস্ত বইটার অম্ববাদ শেষ হইয়া গিয়াছিল। সৌভাগ্যক্রমে সেটি হারাইয়া যাওয়াতে কর্মকলের বোঝা ওই পরিমাণে হালকা হইয়াছে।

রামসর্বস্ব^৩ পণ্ডিতমহাশয়ের প্রতি আমাদের সংস্কৃত অধ্যাপনার ভায় ছিল। অনিচ্ছুক ছাত্রকে ব্যাকরণ শিখাইবার দুঃসাধ্য চেষ্টায় ভঙ্গ দিয়া তিনি আমাকে অর্থ করিয়া করিয়া শকুন্তলা পড়াইতেন। তিনি একদিন আমার ম্যাকবেথের তর্জমা বিদ্যাসাগর^৪ মহাশয়কে শুনাইতে হইবে বলিয়া আমাকে তাঁহার কাছে লইয়া গেলেন। তখন তাঁহার কাছে রাজকৃষ্ণ মুখোপাধ্যায়^৫ বসিয়া ছিলেন। পুস্তক-ভরা তাঁহার ঘরের মধ্যে ঢুকিতে আমার বুক দুর্দুর্দুর করিতেছিল; তাঁহার মুখচ্ছবি দেখিয়া যে আমার সাহস বৃদ্ধি হইল তাহা বলিতে পারি না। ইহার পূর্বে বিদ্যাসাগরের মতো শ্রোতা আমি তো পাই নাই; অতএব, এখান হইতে খ্যাতি পাইবার লোভটা মনের মধ্যে খুব প্রবল ছিল। বোধ করি কিছু উৎসাহ সঞ্চয় করিয়া ফিরিয়াছিলাম। মনে আছে, রাজকৃষ্ণবাবু আমাকে উপদেশ দিয়াছিলেন, নাটকের অন্ত্য অন্ত্যের অপেক্ষা ডাকিনীর উক্তিগুলির ভাষা ও ছন্দের কিছু অদ্ভুত বিশেষত্ব থাকা উচিত।

আমার বাল্যকালে বাংলাসাহিত্যের কলেবর কুশ ছিল। বোধকরি তখন পাঠ্য অপাঠ্য বাংলা বই যে-কটা ছিল সমস্তই আমি শেষ করিয়াছিলাম।^৬ তখন ছেলেদের এবং বড়োদের বইয়ের মধ্যে বিশেষ একটা পার্থক্য ঘটে নাই। আমাদের পক্ষে তাহাতে বিশেষ ক্ষতি হয় নাই। এখনকার দিনে শিশুদের জন্ত সাহিত্যরসে প্রভূত পরিমাণে জল মিশাইয়া যে-সকল ছেলেভুলানো বই লেখা হয় তাহাতে শিশুদিগকে নিতান্তই শিশু বলিয়া মনে করা হয়। তাহাদিগকে মাছুব বলিয়া গণ্য করা হয় না। ছেলেরা যে-বই পড়িবে তাহার কিছু বুঝিবে এবং কিছু বুঝিবে না, এইরূপ বিধান থাকা চাই। আমরা ছেলেবেলায় একধার হইতে বই পড়িয়া যাইতাম; যাহা বুঝিতাম এবং যাহা বুঝিতাম না দুই-ই আমাদের মনের উপর কাজ করিয়া যাইত। সংসারটাও ছেলেদের উপর ঠিক তেমনি করিয়া কাজ করে। ইহার যতটুকু তাহারা বোঝে;

ততটুকু তাহারা পায়, যাহা বোঝে না তাহাও তাহাদিগকে সামনের দিকে ঠেলে ।

দীনবন্ধু মিত্র মহাশয়ের জামাইবারিক প্রহসন যখন বাহির হইয়াছিল^৭ তখন সে-বই পড়িবার বয়স আমাদের হয় নাই । আমার কোনো একজন দূরসম্পর্কীয়া আত্মীয় সেই বইখানি পড়িতেছিলেন । অনেক অল্পনয় করিয়াও তাঁহার কাছ হইতে উহা আদায় করিতে পারিলাম না । সে-বই তিনি বাক্সে চাবিবন্ধ করিয়া রাখিয়াছিলেন । নিষেধের বাধায় আমার উৎসাহ আরও বাড়িয়া উঠিল, আমি তাঁহাকে শাসাইলাম, “এ বই আমি পড়িবই ।”

মধ্যাহ্নে তিনি গ্রাবু খেলিতেছিলেন, আঁচলে-বাঁধা চাবির গোচ্ছা তাঁর পিঠে ঝুলিতেছিল । তাসখেলায় আমার কোনোদিন মন যায় নাই, তাহা আমার কাছে বিশেষ বিরক্তিকর বোধ হইত । কিন্তু, সেদিন আমার ব্যবহারে তাহা অল্পমান করা কঠিন ছিল । আমি ছবির মতো স্তব্ধ হইয়া বসিয়া ছিলাম । কোনো-এক পক্ষে আসন্ন ছক্কাপাঞ্জার সম্ভাবনায় খেলা যখন খুব জমিয়া উঠিয়াছে, এমনসময় আমি আস্তে আস্তে আঁচল হইতে চাবি খুলিয়া লইবার চেষ্টা করিলাম । কিন্তু, এ কার্যে অল্পুলির দক্ষতা ছিল না, তাহার উপর আগ্রহেরও চাঞ্চল্য ছিল ; ধরা পড়িয়া গেলাম । ষাঁহার চাবি তিনি হাসিয়া পিঠ হইতে আঁচল নামাইয়া চাবি কোলের উপর রাখিয়া আবার খেলায় মন দিলেন ।

এখন আমি একটা উপায় ঠাওরাইলাম । আমার এই আত্মীয়ের দোস্তা খাওয়া অভ্যাস ছিল । আমি কোথাও হইতে একটি পাত্রে পান-দোস্তা সংগ্রহ করিয়া তাঁহার সম্মুখে রাখিয়া দিলাম । যেমনটি আশা করিয়াছিলাম তাহাই ঘটিল । পিক ফেলিবার জগ্ন তাঁহাকে উঠিতে হইল ; চাবি-সমত আঁচল কোল হইতে ভ্রষ্ট হইয়া নিচে পড়িল এবং অভ্যাসমতো সেটা তখন তুলিয়া তিনি পিঠের উপর ফেলিলেন । এবার চাবি চুরি গেল এবং চোর ধরা পড়িল না । বই পড়া হইল । তাহার পরে চাবি এবং বই স্বত্বাধিকারীর হাতে ফিরাইয়া দিয়া চৌধাপরাধের আইনের অধিকার হইতে আপনাকে রক্ষা করিলাম । আমার আত্মীয় ভৎসনা করিবার চেষ্টা করিলেন কিন্তু তাহা যথোচিত কঠোর হইল না ; তিনি মনে মনে হাসিতেছিলেন, আমারও সেই দশা ।

রাজেন্দ্রলাল মিত্র মহাশয় বিবিধার্থ-সংগ্রহ^৮ বলিয়া একটি ছবিওয়ালা মাসিকপত্র বাহির করিতেন । তাহারই বাঁধানো একভাগ সেজদাদার আলমারির মধ্যে ছিল । সেটি আমি সংগ্রহ করিয়াছিলাম । বার বার করিয়া সেই বইখানা পড়িবার খুশি আজও আমার মনে পড়ে । সেই বড়ো চৌকা বইটাকে বুক লইয়া আমাদের শোবার ঘরের

তক্তাপোশের উপর চিত হইয়া পড়িয়া নহাঁল তিমিমৎস্তের বিবরণ, কাজির বিচারের কৌতুকজনক গল্প, কৃষ্ণকুমারীর উপন্যাস পড়িতে কত ছুটির দিনের মধ্যাহ্ন কাটিয়াছে।

এই ধরনের কাগজ একখানিও এখন নাই কেন। একদিকে বিজ্ঞান তত্ত্বজ্ঞান পুরাতত্ত্ব, অত্রদিকে প্রচুর গল্প কবিতা ও তুচ্ছ ভ্রমণকাহিনী দিয়া এখনকার কাগজ ভরতি করা হয়। সর্বসাধারণের দিব্য আরামে পড়িবার একটি মাঝারি শ্রেণীর কাগজ দেখিতে পাই না। বিলাতে চেণ্সার্স জার্নাল, কাসল্‌স্‌ ম্যাগাজিন, স্ট্র্যাণ্ড্‌ ম্যাগাজিন প্রভৃতি অধিকসংখ্যক পত্রই সর্বসাধারণের সেবায় নিযুক্ত। তাহারা জ্ঞানভাণ্ডার হইতে সমস্ত দেশকে নিয়মিত মোটা ভাত মোটা কাপড় জোগাইতেছে। এই মোটা ভাত মোটা কাপড়ই বেশির ভাগ লোকের বেশি মাত্রায় কাজে লাগে।

বাল্যকালে আর-একটি ছোটো কাগজের পরিচয় লাভ করিয়াছিলাম। তাহার নাম অবোধবন্ধু^১। ইহার আবাধা খণ্ডগুলি বড়দাদার আলমারি হইতে বাহির করিয়া তাঁহারই দক্ষিণদিকের ঘরে খোলা দরজার কাছে বসিয়া বসিয়া কতদিন পড়িয়াছি। এই কাগজেই বিহারীলাল চক্রবর্তীর কবিতা প্রথম পড়িয়াছিলাম। তখনকার দিনের সকল কবিতার মধ্যে তাহাই আমার সবচেয়ে মন হরণ করিয়াছিল। তাঁহার সেই-সব কবিতা সরল বাঁশির সুরে আমার মনের মধ্যে মাঠের এবং বনের গান বাজাইয়া তুলিত। এই অবোধবন্ধু কাগজেই বিলাতি পৌলবর্জিনী গল্পের সরস বাংলা অল্পবাদ^২ পড়িয়া কত চোখের জল ফেলিয়াছি তাহার ঠিকানা নাই। আহা, সে কোন্ সাগরের তীর। সে কোন্ সমুদ্রসমীরকম্পিত নারিকেলের বন! ছাগল চরা সে কোন্ পাহাড়ের উপত্যকা। কলিকাতা শহরের দক্ষিণের বারান্দার ছপুরের রোড্রে সে কী মধুর মরীচিকা বিস্তীর্ণ হইত। আর সেই মাথায় রঙিন রুমাল-পরা বর্জিনীর সঙ্গে সেই নির্জন দ্বীপের শ্রামল বনপথে একটি বাঙালি বালকের কী প্রেমই জমিয়াছিল!

অবশেষে বন্ধিমের বঙ্গদর্শন^৩ আসিয়া বাঙালির হৃদয় একেবারে লুট করিয়া লইল। একে তো তাহার জ্ঞান মাসান্তের প্রতীক্ষা করিয়া থাকিতাম, তাহার পরে বড়োদলের পড়ার শেষের জ্ঞান অপেক্ষা করা আরও বেশি দুঃসহ হইত। বিষবৃক্ষ, চন্দ্রশেখর, এখন যে-খুশি সেই অনায়াসে একেবারে এক গ্রাসে পড়িয়া ফেলিতে পারে কিন্তু আমরা যেমন করিয়া মাসের পর মাস, কামনা করিয়া, অপেক্ষা করিয়া, অল্প-কালের পড়াকে সুদীর্ঘকালের অবকাশের দ্বারা মনের মধ্যে অহুরণিত করিয়া— তৃপ্তির সঙ্গে অতৃপ্তি, ভোগের সঙ্গে কৌতুহলকে অনেকদিন ধরিয়া গাঁথিয়া গাঁথিয়া পড়িতে পাইয়াছি, তেমন করিয়া পড়িবার সুযোগ আর-কেহ পাইবে না।

শ্রীযুক্ত সারদাচরণ মিত্র ও অক্ষয় সরকার মহাশয়ের প্রাচীনকাব্যসংগ্রহ^৪ সে-সময়ে

আমার কাছে একটি লোভের সামগ্রী হইয়াছিল। গুরুজনেরা^{১৩} ইহার গ্রাহক ছিলেন কিন্তু নিরমিত পাঠক ছিলেন না। স্মৃতরাং এগুলি জড়ো করিয়া আনিতে আমাকে বেশি কষ্ট পাইতে হইত না। বিজ্ঞাপতির দুর্বোধ বিকৃত মৈথিলী পদগুলি অস্পষ্ট বলিয়াই বেশি করিয়া আমার মনোযোগ টানিত। আমি টীকার উপর নির্ভর না করিয়া নিজে বুদ্ধিব্যবহার চেষ্টা করিতাম। বিশেষ কোনো দুরূহ শব্দ যেখানে যতবার ব্যবহৃত হইয়াছে সমস্ত আমি একটি ছোটো বাঁধানো খাতায় নোট করিয়া রাখিতাম। ব্যাকরণের বিশেষত্বগুলিও আমার বুদ্ধি-অঙ্গুসারে যথাসাধ্য টুকিয়া রাখিয়াছিলাম।^{১৪}

১ “[কুমারসম্ভব] তিন সর্গ যতটা পড়াইয়াছিলেন তাহার আগাগোড়া সমস্তই আমার মুখস্থ হইয়া গিয়াছিল।”—পাণ্ডুলিপি। ড্র রবীন্দ্রনাথ-কৃত অনুবাদ, ‘মদন ভাষা’ ভারতী ১২৮৩ মাঘ, বা ‘কুমারসম্ভব’ বিশ্বভারতী পত্রিকা, ১৩৫০ বৈশাখ।

২ “সেই অনুবাদের আর সকল অংশই হারাইয়া গিয়াছিল কেবল ডাকিনীদের অংশটা অনেক দিন পরে ভারতীতে বাহির হইয়াছিল।”—পাণ্ডুলিপি। ড্র ভারতী, ১২৮৭ আশ্বিন। পুনর্মুদ্রিত, র-পরিচয়।

৩ রামনবম্ব ভট্টাচার্য, হেড্ পণ্ডিত, মেট্রোপলিটান ইন্সটিটিউশন্।

৪ ঈশ্বরচন্দ্র বিজ্ঞানাগর (ইং ১৮২০-৯১)।

৫ রাজকৃষ্ণ মুখোপাধ্যায় (ইং ১৮৩৬-৮৬)।

৬ ড্র গ্রহপরিচয়। তু ‘যাত্রাপথ’, আকাশপ্রদীপ, রচনাবলী ২৩।

৭ প্রকাশ, ইং ১৮৭২ মার্চ।

৮ “বিবিধার্থ সমূহ, অর্থাৎ পুরাবৃত্তেতিহাস প্রাণিবিজ্ঞা, শিল্পনানিহিতাদি জ্যোতিষ মাসিকপত্র”। প্রকাশ কার্তিক ১৭৭৩ শক (ইং ১৮৫১)।

৯ বোগেন্দ্রনাথ ঘোষ কর্তৃক প্রকাশিত মাসিকপত্র। প্রকাশ ইং ১৮৬৩ এপ্রিল (১২৭০ বৈশাখ) ; পুনঃপ্রকাশ ১২৭৩ ফাল্গুন (ইং ১৮৬৭)।

১০ ‘পৌল ভর্সানী’, কৃষ্ণকমল ভট্টাচার্য কর্তৃক “পল বর্জিনিয়া গ্রন্থের ফরাসী ভাষা হইতে অনুবাদ”, প্রকাশ ১২৭৫-৭৬।

১১ প্রকাশ ইং ১৮৭২ এপ্রিল (১২৭৯ বৈশাখ)।

১২ ‘প্রাচীন কাব্য সংগ্রহ’, অগ্রহায়ণ ১২৮১-৮৩ [ইং ১৮৭৪-৭৬] খণ্ডসং: প্রকাশ ১। বিজ্ঞাপতি ২। চণ্ডীদাস ৩। গোবিন্দবাবু ৪। রামেশ্বরের মত্যানারায়ণ ৫। মুহুন্দরাম কবিকর্ণণের চণ্ডীমঙ্গল।

১৩ “আমার পূজনীয় দাদা জ্যোতিরিন্দ্রনাথ ঠাকুর মহাশয়ের কাছে এই সংগ্রহের অনিয়মিত ভাবে প্রকাশিত খণ্ডগুলি আসিত। তাঁহাদের পড়া হইলে আমি এগুলি জড় করিয়া আনিতাম।”—পাণ্ডুলিপি।

১৪ তু ‘প্রাচীন-কাব্য-সংগ্রহ’, ভারতী ১২৮৮ শ্রাবণ, ভাদ্র; ‘বিজ্ঞাপতির পরিশিষ্ট’, ভারতী ১২৮৮ কার্তিক; ‘জিজ্ঞাসা’, ‘জিজ্ঞাসা ও উত্তর’, ভারতী ১২৯০ জ্যৈষ্ঠ, আষাঢ়, শ্রাবণ।

বাড়ির আবহাওয়া

ছেলেবেলায় আমার একটা মস্ত স্মরণ এই ছিল যে, বাড়িতে দিনরাত্রি সাহিত্যের হাওয়া বহিত। মনে পড়ে, খুব যখন শিশু ছিলাম বারান্দার রেলিং ধরিয়৷ এক-একদিন সন্ধ্যার সময় চুপ করিয়া দাঁড়াইয়া থাকিতাম। সন্মুখের বৈঠকখানাবাড়িতে আলো জলিতেছে, লোক চলিতেছে, দ্বারে বড়ো বড়ো গাড়ি আসিয়া দাঁড়াইতেছে। কী হইতেছে ভালো বুঝিতাম না, কেবল অন্ধকারে দাঁড়াইয়া সেই আলোকমালার দিকে তাকাইয়া থাকিতাম। মাঝখানে ব্যবধান যদিও বেশি ছিল না, তবু সে আমার শিশুজগৎ হইতে বহুদূরের আলো। আমার খুড়তুত ভাই গণেন্দ্রদাস^১ তখন রামনারায়ণ তর্করত্নকে দিয়া নবনাটক^২ লিখাইয়া বাড়িতে তাহার অভিনয় করাইতেছেন। সাহিত্য এবং ললিতকলায় তাঁহাদের উৎসাহের সীমা ছিল না। বাংলার আধুনিক যুগকে যেন তাঁহারা সকল দিক দিয়াই উদ্বোধিত করিবার চেষ্টা করিতে-ছিলেন। বেশে-ভুষায় কাব্যে-গানে চিত্রে-নাট্যে ধর্মে-স্বাদেশিকতায়, সকল বিষয়েই তাঁহাদের মনে একটি সর্বদ্রসম্পূর্ণ জাতীয়তার আদর্শ জাগিয়া উঠিতেছিল। পৃথিবীর সকল দেশের ইতিহাসচর্চায় গণদাদার অসাধারণ অহুরাগ ছিল। অনেক ইতিহাস তিনি বাংলায় লিখিতে আরম্ভ করিয়া অসমাপ্ত রাখিয়া গিয়াছেন।^৩ তাঁহার রচিত বিক্রমোর্বনী নাটকের একটি অলুবাদ^৪ অনেকদিন হইল ছাপা হইয়াছিল। তাঁহার রচিত ব্রহ্মসংগীতগুলি এখনও ধর্মসংগীতের শ্রেষ্ঠ স্থান অধিকার করিয়া আছে।

গাও হে তাঁহার নাম

রচিত যঁর বিশ্বধাম,

দয়ার যঁর নাহি বিরাম

ঝরে অবিরত ধারে—

বিখ্যাত গানটি^৫ তাঁহারই। বাংলায় দেশান্তরগের গান ও কবিতার প্রথম স্মরণাত তাঁহারাই করিয়া গিয়াছেন। সে আজ কতদিনের কথা যখন গণদাদার রচিত ‘লঙ্কায় ভারতঘণ গাহিব কী করে’ গানটি হিন্দুমেলায়^৬ গাওয়া হইত। যুবাবয়সেই গণদাদার যখন মৃত্যু হয় তখন আমার বয়স নিতান্ত অল্প। কিন্তু, তাঁহার সেই সৌম্য-গভীর উন্নত গৌরবাস্ত দেহ একবার দেখিলে আর ভুলিবার জো থাকে না। তাঁহার ভারি একটা প্রভাব ছিল। সে-প্রভাবটি সামাজিক প্রভাব। তিনি আপনার চারিদিকের সকলকে টানিতে পারিতেন, বাধিতে পারিতেন; তাঁহার আকর্ষণের জোরে সংসারের কিছুই যেন ভাঙিয়াচুরিয়া বিল্লিষ্ট হইয়া পড়িতে পারিত না।

আমাদের দেশে এক-একজন এইরকম মানুষ দেখিতে পাওয়া যায়। তাঁহার চরিত্রের একটি বিশেষ শক্তিপ্রভাবে সমস্ত পরিবারের অথবা গ্রামের কেন্দ্রস্থলে অনায়াসে অধিষ্ঠিত হইয়া থাকেন। ইহারাই যদি এমন দেশে জন্মিতেন যেখানে রাষ্ট্রীয় ব্যাপারে বাণিজ্যব্যবসাতে ও নানাবিধ সর্বজনীন কর্মে সর্বদাই বড়ো বড়ো দল বাঁধা চলিতেছে তবে ইহার স্বভাবতই গণনাগক হইয়া উঠিতে পারিতেন। বহুমানবকে মিলাইয়া এক-একটি প্রতিষ্ঠান রচনা করিয়া তোলা বিশেষ একপ্রকার প্রতিভার কাজ। আমাদের দেশে সেই প্রতিভা কেবল এক-একটি বড়ো বড়ো পরিবারের মধ্যে অখ্যাত-ভাবে আপনার কাজ করিয়া বিলুপ্ত হইয়া যায়। আমার মনে হয়, এমন করিয়া শক্তির বিস্তার অপব্যয় ঘটে; এ যেন জ্যোতিষ্কলোক হইতে নক্ষত্রকে পাড়িয়া তাহার দ্বারা দেশলাইকাঠির কাজ উদ্ধার করিয়া লওয়া।

ইহার কনিষ্ঠ ভাই গুণদাদাকে^১ বেশ মনে পড়ে। তিনিও বাড়িটিকে একেবারে পূর্ণ করিয়া রাখিয়াছিলেন। আত্মীয়বন্ধু আশ্রিত-অমুগত অতিথি-অভ্যাগতকে তিনি আপনার বিপুল ঔদ্যোগের দ্বারা বেষ্ঠন করিয়া ধরিয়াজিলেন। তাঁহার দক্ষিণের বারান্দায়, তাঁহার দক্ষিণের বাগানে, পুকুরের বাঁধা ঘাটে মাছ ধরিবার সভায়, তিনি মূর্তিমান দক্ষিণের মতো বিরাজ করিতেন। সৌন্দর্যবোধ ও গুণগ্রাহিতায় তাঁহার নথর শরীর-মনটি যেন চলচল করিতে থাকিত। নাট্যকৌতুক আমোদ-উৎসবের নানা সংকল্প তাঁহাকে আশ্রয় করিয়া নব নব বিকাশলাভের চেষ্টা করিত। শৈশবের অনধিকারবশত তাঁহাদের সে-সমস্ত উদ্‌যোগের মধ্যে আমরা সকল সময়ে প্রবেশ করিতে পাইতাম না; কিন্তু উৎসাহের ঢেউ চারিদিক হইতে আসিয়া আমাদের ঔৎসুক্যের উপরে কেবলই ষা দিতে থাকিত। বেশ মনে পড়ে, বড়দাদা একবার কী-একটা কিঙ্কৃত কৌতুকনাট্য (Burlesque) রচনা করিয়াছিলেন, প্রতিদিন মধ্যাহ্নে গুণদাদার বড়ো বৈঠকখানায় তাহার রিহাসার্গ চলিত। আমরা এ বাড়ির বারান্দায় দাঁড়াইয়া খোলা জানালার ভিতর দিয়া অট্টহাস্যের সহিত মিশ্রিত অদ্ভুত গানের কিছু কিছু পদ শুনিতে পাইতাম এবং অক্ষয় মজুমদার^২ মহাশয়ের উদ্‌দাম নৃত্যেরও কিছু কিছু দেখা যাইত। গানের এক অংশ এখনও মনে আছে—

ও কথা আর বোলো না, আর বোলো না,
বলছ, বঁধু, কিসের ঝোঁকে =
এ বড়ো হাসির কথা, হাসির কথা,
হাসবে লোকে—

হাঃ হাঃ হাঃ, হাসবে লোকে।—

এতবড়ো হাসির কথাটা যে কী তাহা আজ পর্যন্ত জামিতে পারি নাই ; কিন্তু এক সময়ে জানিতে পাইব, এই আশাতেই মনটা খুব দোলা খাইত।^{১২}

একটা নিতান্ত সামান্য ঘটনায় আমার প্রতি গুণদাদার স্নেহকে আমি কিরূপ বিশেষভাবে উদ্বেষিত করিয়াছিলাম সে-কথা আমার মনে পড়িতেছে। ইস্কুলে আমি কোনোদিন প্রাইজ পাই নাই, একবার কেবল সচ্চরিত্রের পুরস্কার বলিয়া একখানা ছন্দোমালা^{১৩} বই পাইয়াছিলাম। আমাদের তিনজনের মধ্যে সত্যাই পড়াশুনায় সেরা ছিল। সে কোনো-একবার পরীক্ষার ভালোরূপ পাস করিয়া একটা প্রাইজ পাইয়াছিল। সেদিন ইস্কুল হইতে ফিরিয়া গাড়ি হইতে নামিয়াই দৌড়িয়া গুণদাদাকে খবর দিতে চলিলাম। তিনি বাগানে বসিয়া ছিলেন। আমি দূর হইতেই চীৎকার করিয়া ঘোষণা করিলাম, “গুণদাদা, সত্য প্রাইজ পাইয়াছে।” তিনি হাসিয়া আমাকে কাছে টানিয়া লইয়া জিজ্ঞাসা করিলেন, “তুমি প্রাইজ পাও নাই?” আমি কহিলাম, “না, আমি পাই নাই, সত্য পাইয়াছে।” ইহাতে গুণদাদা ভারি খুশি হইলেন। আমি নিজে প্রাইজ না পাওয়া সত্ত্বেও সত্যর প্রাইজ পাওয়া লইয়া এত উৎসাহ করিতেছি, ইহা তাঁহার কাছে বিশেষ একটা সদগুণের পরিচয় বলিয়া মনে হইল। তিনি আমার সামনেই সে-কথাটা অণু লোকের কাছে বলিলেন। এই ব্যাপারের মধ্যে কিছুমাত্র গৌরবের কথা আছে, তাহা আমার মনেও ছিল না ; হঠাৎ তাঁহার কাছে প্রশংসা পাইয়া আমি বিস্মিত হইয়া গেলাম। এইরূপে আমি প্রাইজ না পাওয়ার প্রাইজ পাইলাম, কিন্তু সেটা ভালো হইল না। আমার তো মনে হয়, ছেলেদের দান করা ভালো কিন্তু পুরস্কার দান করা ভালো নহে ; ছেলেরা বাহিরের দিকে তাকাইবে, আপনাদের দিকে তাকাইবে না, ইহাই তাহাদের পক্ষে স্বাস্থ্যকর।

মধ্যাহ্নে আহ্বানের পর গুণদাদা এ বাড়িতে কাছারি করিতে আসিতেন। কাছারি তাঁহাদের একটা ক্লাবের মতোই ছিল ; কাজের সঙ্গে হাশালাপের বড়োবেশি বিচ্ছেদ ছিল না। গুণদাদা কাছারিঘরে একটা কোঁচে হেলান দিয়া বসিতেন ; সেই সুযোগে আমি আশ্বে আশ্বে তাঁহার কোলের কাছে আসিয়া বসিতাম। তিনি প্রায় আমাকে ভারতবর্ষের ইতিহাসের গল্প বলিতেন। ক্লাইভ ভারতবর্ষে ইংরেজরাজত্বের প্রতিষ্ঠা করিয়া অবশেষে দেশে ফিরিয়া গলায় ক্ষুর দিয়া আত্মহত্যা করিয়াছিলেন, এ কথা তাঁহার কাছে শুনিয়া আমার ভারি আশ্চর্য লাগিয়াছিল। এদিকে ভারতবর্ষের নব ইতিহাস তো গড়িয়া উঠিল কিন্তু আর-একদিকে মাহুঘের হৃদয়ের অন্ধকারের মধ্যে এ কী বেদনার রহস্য প্রচ্ছন্ন ছিল। বাহিরে যখন এমন সফলতা অস্তরে তখন এত নিফলতা কেমন করিয়া থাকে। আমি সেদিন অনেক ভাবিয়াছিলাম।— এক-একদিন

গুণদাদা আমার ভাবগতিক দেখিয়া বেশ বুঝিতে পারিতেন যে, আমার পকেটের মধ্যে একটা খাতা লুকানো আছে। একটুখানি প্রশ্নর পাইবামাত্র খাতাটি তাহার আবরণ হইতে নির্লজ্জভাবে বাহির হইয়া আসিত। বলা বাহুল্য, তিনি খুব কঠোর সমালোচক ছিলেন না; এমন-কি, তাঁহার অভিমতগুলি বিজ্ঞাপনে ছাপাইলে কাজে লাগিতে পারিত। তবু, বেশ মনে পড়ে, এক-একদিন কবিদের মধ্যে ছেলেগাছুরিয়ার মাত্রা এত অতিশয় বেশি থাকিত যে তিনি হা-হা করিয়া হাসিয়া উঠিতেন। ভারত-মাতা সম্বন্ধে কী-একটা কবিতা লিখিয়াছিলাম। তাহার কোনো-একটি ছত্রের প্রান্তে কথাটা ছিল 'নিকটে', ওই শব্দটাকে দূরে পাঠাইবার সামর্থ্য ছিল না অথচ কোনো-মতেই তাহার সংগত মিল খুঁজিয়া পাইলাম না। অগত্যা পরের ছত্রে 'শকটে' শব্দটা যোজনা করিয়াছিলাম। সে-জায়গায় সহজে শব্দট আসিবার একেবারেই রাস্তা ছিল না, কিন্তু মিলের দাবি কোনো কৈফিয়তেই কর্ণপাত করে না; কাজেই বিনা কারণেই সে জায়গায় আমাকে শব্দট উপস্থিত করিতে হইয়াছিল। গুণদাদার প্রবল হাস্যে, বোড়াশুদ্ধ শব্দট যে দুর্গম পথ দিয়া আসিয়াছিল সেই পথ দিয়াই কোথায় অন্তর্ধান করিল এ-পর্বন্ত তাহার আর-কোনো খোঁজ পাওয়া যায় নাই।

বড়দাদা তখন দক্ষিণের বারান্দার বিহানা পাতিয়া সামনে একটি ছোটো ডেস্ক লইয়া স্বপ্নপ্রয়াণ^১ লিখিতেছিলেন। গুণদাদাও রোজ সকালে আমাদের সেই দক্ষিণের বারান্দায় আসিয়া বসিতেন। রসভোগে তাঁহার প্রচুর আনন্দ কবিত্ত্ববিকাশের পক্ষে বসন্তবাতাসের মতো কাজ করিত। বড়দাদা লিখিতেছেন আর গুনাইতেছেন, আর তাঁহার ঘন ঘন উচ্চহাস্তে বারান্দা কাঁপিয়া উঠিতেছে। বসন্তে আমার বোল যেমন অকালে অজস্র ঝরিয়া পড়িয়া গাছের তলা ছাইয়া ফেলে, তেমনি স্বপ্নপ্রয়াণের কত পরিত্যক্ত পত্র বাড়িময় ছড়াছড়ি যাইত তাহার ঠিকানা নাই। বড়দাদার কবিকল্পনার এত প্রচুর প্রাণশক্তি ছিল যে, তাঁহার যতটা আবশ্যক তাহার চেয়ে তিনি ফলাইতেন অনেক বেশি। এইজন্ত তিনি বিস্তর লেখা ফেলিয়া দিতেন। সেইগুলি কুড়াইয়া রাখিলে বঙ্গসাহিত্যের একটি সাজি ভরিয়া তোলা যাইত।

তখনকার এই কাব্যরসের ভোজে আড়াল-আবডাল হইতে আমরাও বঞ্চিত হইতাম না। এত ছড়াছড়ি যাইত যে, আমাদের মতো প্রসাদ আমরাও পাইতাম। বড়দাদার লেখনীমুখে তখন ছন্দের ভাষার কল্পনার একেবারে কোর্টালের জোয়ার—বান ডাকিয়া আসিত, নব নব অশ্রান্ত তরঙ্গের কলোচ্ছ্বাসে কুল-উপকুল মুখরিত হইয়া উঠিত। স্বপ্নপ্রয়াণের সব কি আমরা বুঝিতাম। কিন্তু পূর্বেই বলিয়াছি, লাভ করিবার জন্ত পুরাপুরি বুঝিবার প্রয়োজন করে না। সমুদ্রের রত্ন পাইতাম

কিনা জানি না, পাইলেও তাহার মূল্য বুঝিতাম না, কিন্তু মনের সাধ মিটাইয়া
টেটে খাইতাম ; তাহারই আনন্দ-আঘাতে শিরা-উপশিরায় জীবনশ্রোত চঞ্চল
হইয়া উঠিত ।

তখনকার কথা যতই ভাবি আমার একটি কথা কেবলই মনে হয়, তখনকার
দিনে মজলিস বলিয়া একটা পদার্থ ছিল, এখন সেটা নাই । পূর্বেকার দিনে যে একটি
নিবিড় সামাজিকতা ছিল আমরা যেন বাল্যকালে তাহারই শেষ অন্তচ্ছটা দেখিয়াছি ।
পরস্পরের মেলামেশাটা তখন খুব ঘনিষ্ঠ ছিল, স্মৃতিরাজ্য মজলিস তখনকার কালের
একটা অত্যাশ্চর্যক সামগ্রী । ঝাঁহারা মজলিসি মানুষ তখন তাঁহাদের বিশেষ আদর
ছিল । এখন লোকেরা কাজের জন্ত আসে, দেখা-সাক্ষাৎ করিতে আসে, কিন্তু মজলিস
করিতে আসে না । লোকের সময় নাই এবং সে-ঘনিষ্ঠতা নাই । তখন বাড়িতে
কত আনাগোনা দেখিতাম ; হাসি ও গল্পে বারান্দা এবং বৈঠকখানা মুখরিত হইয়া
থাকিত । চারিদিকে সেই নানা লোককে জমাইয়া তোলা, হাসিগল্প জমাইয়া তোলা,
এ একটি শক্তি—সেই শক্তিটাই কোথায় অন্তর্ধান করিয়াছে । মানুষ আছে তবু
সেই-সব বারান্দা, সেই-সব বৈঠকখানা যেন জনশূন্য । তখনকার সময়ের সমস্ত আসবাব-
আয়োজন ক্রিয়াকর্ম, সমস্তই দশজনের জন্ত ছিল ; এইজন্ত তাহার মধ্যে যে জাঁকজমক
ছিল তাহা উদ্ধৃত নহে । এখনকার বড়োমানুষের গৃহসজ্জা আগেকার চেয়ে অনেক বেশি
কিন্তু তাহা নির্মম, তাহা নির্বিচারে উদারভাবে আহ্বান করিতে জানে না ; খোলা
গা, ময়লা চাদর এবং হাসিমুখ সেখানে বিনা ছকুমে প্রবেশ করিয়া আসন জুড়িয়া
বসিতে পারে না । আমরা আজকাল যাহাদের নকল করিয়া ঘর তৈরি করি ও ঘর
সাজাই, নিজেদের প্রণালীমতো তাহাদেরও সমাজ আছে এবং তাহাদের সামাজিকতাও
বহুব্যাপ্ত । আমাদের মুশকিল এই দেখিতেছি, নিজেদের সামাজিক পদ্ধতি ভাঙিয়াছে,
সাহেবি সামাজিক পদ্ধতি গড়িয়া তুলিবার কোনো উপায় নাই ; মাঝে হইতে
প্রত্যেক ঘর নিরানন্দ হইয়া গিয়াছে । আজকাল কাজের জন্ত, দেশহিতের জন্ত,
দশজনকে লইয়া আমরা সভা করিয়া থাকি ; কিন্তু কিছুই জন্ত নহে, স্মৃতিমাত্র দশজনের
জন্তই দশজনকে লইয়া জমাইয়া বসা, মানুষকে ভালো লাগে বলিয়াই মানুষকে
একত্র করিবার নানা উপলক্ষ্য সৃষ্টি করা, এ এখনকার দিনে একেবারেই উঠিয়া
গিয়াছে । এতবড়ো সামাজিক রূপণতার মতো কুশ্রী জিনিস কিছু আছে বলিয়া
মনে হয় না । এইজন্ত তখনকার দিনে ঝাঁহারা প্রাণখোলা হাসির ধ্বনিতে প্রত্যহ
সংসারের ভার হালকা করিয়া রাখিয়াছিলেন, আজকের দিনে তাঁহাদিগকে আর-কোনো
দেশের লোক বলিয়া মনে হইতেছে ।

- ১ গণেন্দ্রনাথ ঠাকুর (ইং ১৮৪১-৬৯), দেবেন্দ্রনাথের অনুজ গিরীন্দ্রনাথের জ্যেষ্ঠপুত্র ।
- ২ রচনা ১৮৬৬ মে ; প্রথম অভিনয় ১৮৬৭, ৫ জামুয়ারি । ড্র গ্রন্থপরিচয় ।
- ৩ ড্র 'বাবু গণেন্দ্রনাথ ঠাকুরের অসম্পূর্ণ পাণ্ডুলিপি', তত্ত্ব পত্রিকা, চৈত্র ১৭২১ শক, পৃ ২৩৫ ।
- ৪ প্রকাশ ১২৭৫ মাল [ইং ১৮৬৮] ।
- ৫ ড্র তত্ত্ব পত্রিকা, শক ১৭২০ আষাঢ় [ইং ১৮৬৮], পৃ ৫৮, অথবা 'ব্রহ্মসংগীত' গ্রন্থ ।
- ৬ ড্র 'স্বাদেশিকতা' অধ্যায় ।
- ৭ গুণেন্দ্রনাথ ঠাকুর, (ইং ১৮৪৭-৮১), গিরীন্দ্রনাথের কনিষ্ঠপুত্র ।
- ৮ 'দে যুগের সুপ্রসিদ্ধ কমিক অভিনেতা' ; ড্র অবনীন্দ্রনাথ ঠাকুরের ঘরোয়া, অধ্যায় ৭, ১০ :
র-কথা পৃ ২৪৭-৪৮ ।
- ৯ বসন্ত, এই 'অদ্ভুতনাট্য' জ্যোতির্বিজ্ঞাননাথের রচনা । ড্র গ্রন্থপরিচয় ।
- ১০ মধুসূদন বাচস্পতি প্রণীত ; প্রকাশ, ৩১ বৈশাখ ১২৭৫ [ইং ১৮৬৮] ।
- ১১ ড্র প্রথম সর্গ, বঙ্গদর্শন, ১২৮০ শ্রাবণ । গ্রন্থাকারে প্রকাশ ১৭২৭ শক [ইং ১৮৭৫] ।

অক্ষয়চন্দ্র চৌধুরী

বাল্যকালে আমার কাব্যালোচনার মন্ত একজন অল্পকূল সূক্ষ্ম জুটিয়াছিল। 'অক্ষয়চন্দ্র চৌধুরী' মহাশয় জ্যোতিদাদার সহপাঠী বন্ধু ছিলেন। তিনি ইংরেজি সাহিত্যে এম. এ। সে সাহিত্যে তাঁহার যেমন ব্যুৎপত্তি তেমনি অনুরাগ ছিল। অপর পক্ষে বাংলা সাহিত্যে বৈষ্ণবপদকর্তা, কবিকঙ্কণ, রামপ্রসাদ, ভারতচন্দ্র, হরঠাকুর, রামবন্দ্য, নিধুবাবু, শ্রীধর কথক প্রভৃতির প্রতি তাঁহার অনুরাগের সীমা ছিল না। বাংলা কত উদ্ভট গানই তাঁহার মুখস্থ ছিল। সে-গান সুরে বেসুরে যেমন করিয়া পারেন, একেবারে মরিয়া হইয়া গাহিয়া যাইতেন। সে-সম্বন্ধে শ্রোতারা আপত্তি করিলেও তাঁহার উৎসাহ অক্ষুণ্ণ থাকিত। সম্মুখে তাল বাজাইবার সম্বন্ধেও অন্তরে বাহিরে তাঁহার কোনো প্রকার বাধা ছিল না। টেবিল হটুক, বই হটুক, বৈধ অবৈধ যাহা কিছু হাতের কাছে পাইতেন, তাহাকে অজস্র টপাটপ শব্দে ধ্বনিত করিয়া আসর গরম করিয়া তুলিতেন। আনন্দ উপভোগ করিবার শক্তি ইহার অসামান্য উদার ছিল। প্রাণ ভরিয়া রসগ্রহণ করিতে ইহার কোনো বাধা ছিল না এবং মন খুলিয়া গুণগান করিবার বেলায় ইনি কার্পণ্য করিতে জানিতেন না। গান এবং খণ্ডকাব্য লিখিতেও ইহার ক্ষিপ্রতা অসামান্য ছিল। অথচ নিজের এই-সকল রচনা সম্বন্ধে তাঁহার লেশমাত্র মমত্ব ছিল না। কত ছিন্নপত্রে তাঁহার কত পেন্সিলের লেখা ছড়াছড়ি যাইত, সেদিকে খেয়ালও করিতেন না। রচনা সম্বন্ধে তাঁহার ক্ষমতার যেমন প্রাচুর্য তেমনি ঔদাসীন্য ছিল। উদাসিনী নামে ইহার একখানি কাব্য তখনকার বঙ্গদর্শনে যথেষ্ট প্রশংসা লাভ করিয়াছিল। ইহার অনেক গান লোককে গাহিতে শুনিয়াছি, কে যে তাহার রচয়িতা তাহা কেহ জানেও না।

সাহিত্যভোগের অকৃত্রিম উৎসাহ সাহিত্যে পাণ্ডিত্যের চেয়ে অনেক বেশি দুর্লভ। অক্ষয়বাবুর সেই অপরিাপ্ত উৎসাহ আমাদের সাহিত্যবোধশক্তিকে সচেতন করিয়া তুলিত।^৩

সাহিত্যে যেমন তাঁর ঔদার্য বন্ধুত্বেও তেমনি। অপরিচিত সভায় তিনি ডাঙায়-তোলা মাছের মতো ছিলেন, কিন্তু পরিচিতদের মধ্যে তিনি বয়স বা বিজ্ঞাবুদ্ধির কোনো বাছবিচার করিতেন না। বালকদের দলে তিনি বালক ছিলেন। দাদাদের সভা হইতে যখন অনেক রাত্রে বিদায় লইতেন তখন কতদিন আমি তাঁহাকে গ্রেফতার করিয়া আমাদের ইস্কুলঘরে টানিয়া আনিয়াছি। সেখানেও রেড়ির তেলের মিটমিটে আলোতে আমাদের পড়িবার টেবিলের উপর বসিয়া সভা জমাইয়া তুলিতে তাঁহার

কোনো কুণ্ঠা ছিল না। এমনি করিয়া তাঁহার কাছে কত ইংরেজি কাব্যের উচ্ছৃঙ্খিত ব্যাখ্যা শুনিয়াছি, তাঁহাকে লইয়া কত তর্কবিতর্ক আলোচনা-সমালোচনা করিয়াছি। নিজেয় লেখা তাঁহাকে কত শুনাইয়াছি এবং সে-লেখার মধ্যে যদি সামান্য কিছু গুণপনা থাকিত তবে তাহা লইয়া তাঁহার কাছে কত অপরিাপ্ত প্রশংসালভ করিয়াছি।

১ অক্ষয়চন্দ্র চৌধুরী (ইং ১৮৫০-৯৮), “হাওড়া জিলার আন্দুলে ইঁহার নিবাদ। এম. এ., বি. এল. পান করিয়া হাইকোর্টের এটর্নী হন।” —র-কথা পৃ ১৯৬। জ জ্যোতিস্মৃতি, পৃ ১৫৩-৫৬।

২ প্রকাশ ১৯৩০ সন্থ [১২৮০ সাল]।

৩ বঙ্গদর্শন, ১২৮১ জ্যৈষ্ঠ।

৪ “ইঁহার সগ রচনাগুলি সর্বদাই পড়িয়া শুনিয়া আলোচনা করিয়া আমার তখনকার রচনারীতি লক্ষ্যে অলক্ষ্যে ইঁহার লেখার অনুসরণ করিয়াছিল।” —পাণ্ডুলিপি।

গীতচর্চা

সাহিত্যের শিক্ষায়, ভাবের চর্চায়, বালাকাল হইতে জ্যোতিদাদা আমার প্রধান সহায় ছিলেন। তিনি নিজে উৎসাহী এবং অন্তর্কবে উৎসাহ দিতে তাঁহার আনন্দ। আমি অবাধে তাঁহার সঙ্গে ভাবের ও জ্ঞানের আলোচনায় প্রবৃত্ত হইতাম; তিনি বালক বলিয়া আমাকে অবজ্ঞা করিতেন না।

তিনি আমাকে খুব-একটা বড়োরকমের স্বাধীনতা দিয়াছিলেন; তাঁহার সংশ্বে আমার ভিতরকার সংকোচ যুচিয়া গিয়াছিল। এইরূপ স্বাধীনতা আমাকে আর-কেহ দিতে সাহস করিতে পারিত না; সেজন্য হয়তো কেহ কেহ তাঁহাকে নিন্দাও করিয়াছে। কিন্তু, প্রথর গ্রীষ্মের পরে বর্ষার যেমন প্রয়োজন, আমার পক্ষে আশৈশব বাধানিষেধের পরে এই স্বাধীনতা তেমনি অত্যাশুক ছিল। সে-সময়ে এই বন্ধনমুক্তি না ঘটলে চিরজীবন একটা পঙ্গুতা থাকিয়া যাইত। প্রবলপক্ষেয়া সর্বদাই স্বাধীনতার অপব্যবহার লইয়া খোঁটা দিয়া স্বাধীনতাকে খর্ব করিতে চেষ্টা করিয়া থাকে, কিন্তু স্বাধীনতার অপব্যয় করিবার যদি অধিকার না থাকে তবে তাহাকে স্বাধীনতাই বলা যায় না। অপব্যয়ের দ্বারাই সদ্ব্যয়ের যে-শিক্ষা হয় তাহাই খাঁটি শিক্ষা। অস্তত, আমি এ কথা জোর করিয়া বলিতে পারি; স্বাধীনতার দ্বারা যেটুকু উৎপাত ঘটয়াছে তাহাতে আমাকে উৎপাতনিবারণের পন্থাতেই পৌঁছাইয়া দিয়াছে। শাসনের দ্বারা, পীড়নের দ্বারা, কানমলা এবং কানে মস্ত দেওয়ার দ্বারা, আমাকে যাহা-কিছু দেওয়া হইয়াছে তাহা আমি কিছুই গ্রহণ করি নাই। যতক্ষণ আমি আপনার মধ্যে আপনি ছাড়া না পাইয়াছি ততক্ষণ নিফল বেদনা ছাড়া আর-কিছুই আমি লাভ করিতে পারি নাই। জ্যোতিদাদাই সম্পূর্ণ নিঃসংকোচে সমস্ত ভালোমন্দের মধ্য দিয়া আমাকে আমার আত্মপলঙ্কির ক্ষেত্রে ছাড়িয়া দিয়াছেন, এবং তখন হইতেই আমার আপন শক্তি নিজের কাঁটা ও নিজের ফুল বিকাশ করিবার জগু প্রস্তুত হইতে পারিয়াছে। আমার এই অভিজ্ঞতা হইতে আমি যে-শিক্ষা লাভ করিয়াছি তাহাতে মন্দকেও আমি তত ভয় করি না, ভালো করিয়া তুলিবার উপদ্রবকে যত ডরাই; ধর্মনৈতিক এবং রাষ্ট্রনৈতিক পুনিতিভ পুলিসের পায়ে আমি গড় করি— ইহাতে যে-দাসত্বের সৃষ্টি করে তাহার মতো বালাই জগতে আর-কিছুই নাই।

এক সময়ে পিয়ানো বাজাইয়া জ্যোতিদাদা নূতন নূতন সুর তৈরি করার মাতিয়াছিলেন। প্রত্যহই তাঁহার অঙ্গুলিনুতোর সঙ্গে সঙ্গে সুরবর্ষণ হইতে থাকিত। আমি এবং অক্ষয়বাবু তাঁহার সেই সত্তোজাত সুরগুলিকে কথা দিয়া বাঁধিয়া রাখিবার চেষ্টায় নিযুক্ত ছিলাম। গান বাঁধিবার শিক্ষানবিসি এইরূপে আমার আরম্ভ হইয়াছিল।

আমাদের পরিবারে শিশুকাল হইতে গানচর্চার মধ্যেই আমরা বাড়িয়া উঠিয়াছি। আমার পক্ষে তাহার একটা সুবিধা এই হইয়াছিল, অতি সহজেই গান আমার সমস্ত প্রকৃতির মধ্যে প্রবেশ করিয়াছিল।^১ তাহার অসুবিধাও ছিল। চেষ্টা করিয়া গান আয়ত্ত করিবার উপযুক্ত অভ্যাস না হওয়াতে, শিক্ষা পাকা হয় নাই। সংগীতবিজ্ঞা বলিতে যাহা বোঝায় তাহার মধ্যে কোনো অধিকার লাভ করিতে পারি নাই।

১ “কবে যে গান গাহিতে পারিতাম না তাহা মনে পড়ে না।” —পাণ্ডুলিপি।

সাহিত্যের সঙ্গী

হিমালয় হইতে ফিরিয়া আসার পর স্বাধীনতার মাত্রা কেবলই বাড়িয়া চলিল। চাকরদের শাসন গেল, ইস্কুলের বন্ধন নানা চেষ্টায় ছেদন করিলাম, বাড়িতেও শিক্ষকদিগকে আমল দিলাম না। আমাদের পূর্বশিক্ষক জ্ঞানবাবু আমাকে কিছু কুমারসন্তব, কিছু আর দুই-একটা জিনিস এলোমেলোভাবে পড়াইয়া ওকালতি করিতে গেলেন। তাঁহার পর শিক্ষক আসিলেন ব্রজবাবু।^২ তিনি আমাকে প্রথমদিন গোল্ডস্মিথের ভিকর অফ ওয়েক্‌ফীল্ড হইতে তর্জমা করিতে দিলেন। সেটা আমার মন্দ লাগিল না। তাহার পরে শিক্ষার আয়োজন আরও অনেকটা ব্যাপক দেখিয়া তাঁহার পক্ষে আমি সম্পূর্ণ ত্বরদিগম্য হইয়া উঠিলাম।

বাড়ির লোকেরা আমার হাল ছাড়িয়া দিলেন। কোনোদিন আমার কিছু হইবে এগন আশা, না আমার না আর-কাহারও মনে রহিল। কাজেই কোনোকিছুর ভরসা না রাখিয়া আপন-মনে কেবল কবিতার খাতা ভরাইতে লাগিলাম। সে-লেখাও তেমনি। মনের মধ্যে আর-কিছুই নাই, কেবল তপ্ত বাষ্প আছে—সেই বাষ্পভরা বুদ্ধবুদ্ধরাশি, সেই আবেগের ফেনিলতা, অলস কল্পনার আবর্তের টানে পাক খাইয়া নিরর্থক ভাবে ঘুরিতে লাগিল। তাহার মধ্যে কোনো রূপের সৃষ্টি নাই, কেবল গতির চাঞ্চল্য আছে। কেবল টগ্‌বগ্‌ করিয়া ফুটিয়া ফুটিয়া ওঠা, ফাটিয়া ফাটিয়া পড়া। তাহার মধ্যে বস্তু যাহা কিছু ছিল তাহা আমার নহে, সে অগ্র কবিদের অমুকরণ; উহার মধ্যে আমার যেটুকু সে কেবল একটা অশান্তি, ভিতরকার একটা ত্বরন্ত আক্ষেপ। যখন শক্তির পরিণতি হয় নাই অথচ বেগ জন্মিয়াছে তখন সে একটা ভারি অন্ধ আন্দোলনের অবস্থা।

সাহিত্যে বউঠাকুরানীর প্রবল অমুরাগ ছিল। বাংলা বই তিনি যে পড়িতেন কেবল সময় কাটাইবার জন্য, তাহা নহে— তাহা যথার্থই তিনি সমস্ত মন দিয়া উপভোগ করিতেন। তাঁহার সাহিত্যচর্চায় আমি অংশী ছিলাম।

স্বপ্নপ্রয়াণ কাব্যের উপরে তাঁহার গভীর শ্রদ্ধা ও প্রীতি ছিল। আমারও এই কাব্য খুব ভালো লাগিত। বিশেষত, আমরা এই কাব্যের রচনা ও আলোচনার হাওয়ার মধ্যেই ছিলাম, তাই ইহার সৌন্দর্য সহজেই আমার হৃদয়ের তন্তুতে তন্তুতে জড়িত হইয়া গিয়াছিল। কিন্তু এই কাব্য আমার অমুকরণের অতীত ছিল। কখনো মনেও হয় নাই, এইরকমের কিছু-একটা আমি লিখিয়া তুলিব।

স্বপ্নপ্রয়াণ যেন একটা রূপকের অপরূপ রাজপ্রাসাদ। তাহার কতরকমের কক্ষ

গবাক্ষ চিত্র মূর্তি ও কারুশৈল্যে। তাহার মহলগুলিও বিচিত্র। তাহার চারিদিকের বাগানবাড়িতে কত ক্রীড়াশৈল, কত ফোয়ারা, কত নিকুঞ্জ, কত লতাবিতান। ইহার মধ্যে কেবল ভাবের প্রাচুর্য নহে, রচনার বিপুল বিচিত্রতা আছে। সেই যে একটি বড়ো জিনিসকে তাহার নানা কলেবরে সম্পূর্ণ করিয়া গড়িয়া তুলিবার শক্তি, সেটি তো সহজ নহে। ইহা যে আমি চেষ্টা করিলে পারি, এমন কথা আমার কল্পনাতেও উদয় হয় নাই।

এই সময়ে বিহারীলাল চক্রবর্তীর^৩ সারদামঙ্গল-সংগীত আর্ষদর্শন^৪ পত্রে বাহির হইতে আরম্ভ করিয়াছিল। বউঠাকুরানী এই কাব্যের মাধুর্যে অত্যন্ত মুগ্ধ ছিলেন। ইহার অনেকটা অংশই তাঁহার একেবারে কণ্ঠস্থ ছিল। কবিকে প্রায় তিনি মাঝে মাঝে নিমন্ত্রণ করিয়া আনিয়া খাওয়াইতেন এবং নিজে হাতে রচনা করিয়া তাঁহাকে একখানি আসন^৫ দিয়াছিলেন।

এই সূত্রে কবির সঙ্গে আমারও বেশ-একটু পরিচয় হইয়া গেল। তিনি আমাকে যথেষ্ট স্নেহ করিতেন। দিনে-দুপুরে যখন-তখন তাঁহার বাড়িতে গিয়া উপস্থিত হইতাম। তাঁহার দেহও যেমন বিপুল তাঁহার হৃদয়ও তেমন প্রশস্ত। তাঁহার মনের চারিদিক ঘেরিয়া কবিত্বের একটি রশ্মিমণ্ডল তাঁহার সঙ্গে সঙ্গেই ফিরিত— তাঁহার যেন কবিতাময় একটি স্মৃষ্ণ শরীর ছিল— তাহাই তাঁহার যথার্থ স্বরূপ। তাঁহার মধ্যে পরিপূর্ণ একটি কবির আনন্দ ছিল। যখনই তাঁহার কাছে গিয়াছি, সেই আনন্দের হাওয়া খাইয়া আসিয়াছি। তাঁহার তেতালার নিভৃত ছোটো ঘরটিতে পঙ্খের কাজ-করা মেজের উপর উপুড় হইয়া গুন্ গুন্ আবৃত্তি করিতে করিতে মধ্যাহ্নে তিনি কবিতা লিখিতেছেন, এমন অবস্থায় অনেকদিন তাঁহার ঘরে গিয়াছি— আমি বালক হইলেও এমন একটি উদার হৃদয়তার সঙ্গে তিনি আমাকে আহ্বান করিয়া লইতেন যে, মনে লেশমাত্র সংকোচ থাকিত না। তাহার পরে ভাবে ভোর হইয়া কবিতা শুনাইতেন, গানও গাহিতেন। গলায় যে তাঁহার খুব বেশি সুর ছিল তাহা নহে, একেবারে বেসুরাও তিনি ছিলেন না—যে-সুরটা গাহিতেছেন তাহার একটা আন্দাজ পাওয়া যাইত। গভীর গদগদ কণ্ঠে চোখ বুজিয়া গান গাহিতেন, সুরে যাহা পৌঁছিত না ভাবে তাহা ভরিয়া তুলিতেন। তাঁহার কণ্ঠের সেই গানগুলি এখনো মনে পড়ে— ‘বালা খেলা করে চাঁদের কিরণে’,^৬ ‘কে রে বালা কিরণময়ী ব্রহ্মরন্ধ্রে বিহরে’^৭। তাঁহার গানে সুর বসাইয়া আমিও তাঁহাকে কখনো কখনো শুনাইতে যাইতাম।

কালিদাস ও বাঙ্গালীর কবিত্তে তিনি মুগ্ধ ছিলেন।

মনে আছে, একদিন তিনি আমার কাছে কুমারসম্ভবের প্রথম শ্লোকটি খুব গলা

ছাড়িয়া আবৃত্তি করিয়া বলিয়াছিলেন, ইহাতে পরে পরে যে এতগুলি দীর্ঘ আ-স্বরের প্রয়োগ হইয়াছে তাহা আকস্মিক নহে— হিমালয়ের উদার মহিমাকে এই আ-স্বরের দ্বারা বিস্তারিত করিয়া দেখাইবার জগ্ৰই 'দেবতাত্মা' হইতে আরম্ভ করিয়া 'নগাধিরাজ' পর্যন্ত কবি এতগুলি আ-কারের সমাবেশ করিয়াছেন।

বিহারীবাবুর মতো কাব্য লিখিব, আমার মনের আকাঙ্ক্ষাটা তখন ওই পর্যন্ত দৌড়িত। হয়তো কোনোদিন বা মনে করিয়া বসিতে পারিতাম যে, তাঁহার মতোই কাব্য লিখিতেছি— কিন্তু এই গর্ব উপভোগের প্রধান ব্যাঘাত ছিলেন বিহারীকবির ভক্ত পাঠিকাটি। তিনি সর্বদাই আমাকে এ কথাটি স্মরণ করাইয়া রাখিতেন যে, 'মন্দঃ কবিশঃপ্রার্থী' আমি 'গমিষ্ঠানুপহাস্তাম্'। আমার অহংকারকে প্রশয় দিলে তাহাকে দমন করা দুষ্কর হইবে, এ কথা তিনি নিশ্চয় বুঝিতেন— তাই কেবল কবিতা সম্বন্ধে নহে আমার গানের কণ্ঠ সম্বন্ধেও তিনি আমাকে কোনোমতে প্রশংসা করিতে চাহিতেন না, আর দুই-একজনের সঙ্গে তুলনা করিয়া বলিতেন, তাহাদের গলা কেমন মিষ্ট। আমারও মনে এ ধারণা বন্ধমূল হইয়া গিয়াছিল যে আমার গলায় যথোচিত মিষ্টতা নাই। কবিত্বশক্তি সম্বন্ধেও আমার মনটা যথেষ্ট দমিয়া গিয়াছিল বটে কিন্তু আত্মদাম্পত্যভাৱের পক্ষে আমার এই একটিমাত্র ক্ষেত্র অবশিষ্ট ছিল, কাজেই কাহারও কথায় আশা ছাড়িয়া দেওয়া চলে না— তা ছাড়া ভিতরে ভরি একটা দুঃস্বপ্ন তাগিদ ছিল, তাহাকে থামাইয়া রাখা কাহারও সাধ্যায়ত্ত ছিল না।

- ১ জ 'স্বরের পড়া' অধ্যায়।
- ২ ব্রজনাথ দে, "মেট্রোপলিটান কলেজের সুপারিন্টেন্ডেন্ট"।
- ৩ বিহারীলাল চক্রবর্তী (ইং ১৮৩৫-২৪)। জ 'বিহারীলাল', সাধুনিক সাহিত্য ; রচনাবলী ২।
- ৪ 'মাসিক পত্র ও সমালোচন', যোগেন্দ্রনাথ বন্দ্যোপাধ্যায় বিভাজ্যুগণের সম্পাদনায় প্রচার, বৈশাখ ১২৮১-২২। 'সারদামঙ্গল' অসম্পূর্ণ আকারে প্রকাশ ১২৮১ [ইং ১৮৭৪]।
- ৫ জ বিহারীলালের 'সাধের আসন' কাব্য, প্রকাশ ১২২৫। জ গ্রন্থপরিচয়।
- ৬ প্রকাশ ভারতী ১২৮৭ আশ্বিন, পৃ ২২৮। জ কবিতা ও সঙ্গীত, গীত-নং ৫।
- ৭ প্রকাশ ভারতী ১২৮৯ শ্রাবণ, পৃ ১৬৫। জ 'মায়াদেবী' কাব্যগ্রন্থের শেষ গান।

রচনাপ্রকাশ

এ-পর্যন্ত যাহাকিছু লিখিতেছিলাম তাহার প্রচার আপনা-আপনি মধ্যেই বন্ধ ছিল। এমনসময় জ্ঞানাসুর^১ নামে এক কাগজ বাহির হইল। কাগজের নামের উপযুক্ত একটি অসুরোদ্গাত কবিও কাগজের কর্তৃপক্ষেরা সংগ্রহ করিলেন। আমার সমস্ত পঞ্চপ্রলাপ^২ নির্বিচারে তাঁহারা বাহির করিতে শুরু করিয়াছিলেন। কালের দরবানের আমার স্মৃতি দুষ্কৃতি বিচারের সময় কোনদিন তাহাদের তলব পড়িবে, এবং কোন্ উৎসাহী পেয়াদা তাহাদিগকে বিশ্বত কাগজের অন্তরমহল হইতে নির্লজ্জভাবে লোকসমাজে টানিয়া বাহির করিয়া আনিবে, জেনানার দোহাই মানিবে না, এ ভয় আমার মনের মধ্যে আছে।

প্রথম যে গল্পপ্রবন্ধ লিখি তাহাও এই জ্ঞানাসুরেই বাহির হয়। তাহা গ্রন্থ-সমালোচনা। তাহার একটু ইতিহাস আছে।

তখন ভুবনমোহিনীপ্রতিভা^৩ নামে একটি কবিতার বই বাহির হইয়াছিল। বইখানি ভুবনমোহিনী-নামধারিণী কোনো মহিলার লেখা বলিয়া সাধারণের ধারণা জন্মিয়া গিয়াছিল। সাধারণী^৪ কাগজে অক্ষয় সরকার মহাশয় এবং এডুকেশন গেজেটে ভূদেববাবু^৫ এই কবির অভ্যুদয়কে প্রবল জয়বাণীর সহিত ঘোষণা করিতেছিলেন।

তখনকার কারেল আমার একটু বন্ধু^৬ আছেন— তাঁহার বয়স আমার চেয়ে বড়ো। তিনি আমাকে মাঝে মাঝে ‘ভুবনমোহিনী’ সই-করা চিঠি আনিয়া দেখাইতেন। ‘ভুবনমোহিনী’ কবিতার ইনি মুগ্ধ হইয়া পড়িয়াছিলেন এবং ‘ভুবনমোহিনী’ ঠিকানায় প্রায় তিনি কাপড়টা বইটা ভক্তি উপহাররূপে পাঠাইয়া দিতেন।

এই কবিতাগুলির স্থানে স্থানে হানে ভাবে ও ভাষায় এমন অসংযম ছিল যে, এগুলিকে স্ত্রীলোকের লেখা বলিয়া মনে করিতে আমার ভালো লাগিত না। চিঠিগুলি দেখিয়াও পত্রলেখককে স্ত্রীজাতীয় বলিয়া মনে করা অসম্ভব হইল। কিন্তু আমার সংশয়ে বন্ধুর নিষ্ঠা টলিল না, তাঁহার প্রতিমাপূজা চলিতে লাগিল।

আমি তখন ভুবনমোহিনীপ্রতিভা, দুঃখসঙ্গিনী ও অবসরসরোজিনী বই তিনখানি অবলম্বন করিয়া জ্ঞানাসুরে এক সমালোচনা লিখিলাম।^৭

খুব ঘটা করিয়া লিখিয়াছিলাম। খণ্ডকাব্যেরই বা লক্ষণ কী, গীতিকাব্যেরই বা লক্ষণ কী, তাহা অপূর্ব বিচক্ষণতার সহিত আলোচনা করিয়াছিলাম। সুবিধার কথা এই ছিল, ছাপার অক্ষর সবগুলিই সমান নির্বিকার, তাহার মুখ দেখিয়া কিছুমাত্র চিনিবার জো নাই, লেখকটি কেমন, তাহার বিচারবুদ্ধির দৌড় কত। আমার বন্ধু

অত্যন্ত উত্তেজিত হইয়া আসিয়া কহিলেন, “একজন বি. এ. তোমার এই লেখার জবাব লিখিতেছেন।” বি এ. শুনিয়া আমার আর বাক্যস্ফূর্তি হইল না। বি. এ! শিশুকালে সত্য যেদিন বারান্দা হইতে পুলিসম্যানকে ডাকিয়াছিল সেদিন আমার যে-দশা আজও আমার সেইরূপ। আমি চোখের সামনে স্পষ্ট দেখিতে লাগিলাম, ঋগুকাব্য গীতিকাব্য সম্বন্ধে আমি যে-কীর্তিস্তম্ভ খাড়া করিয়া তুলিয়াছি বড়ো বড়ো কোটেশনের নির্মম আঘাতে তাহা সমস্ত ধূলিসাৎ হইয়াছে এবং পাঠকসমাজে আমার মুখ দেখাইবার পথ একেবারে বন্ধ। ‘কুক্ষণে জনম তোর, রে সমালোচনা!’ উদ্বেগে দিনের পর দিন কাটিতে লাগিল। কিন্তু বি এ. সমালোচক বাল্যকালের পুলিসম্যানটির মতোই দেখা দিলেন না।

১ ‘জানাঙ্গুর ও প্রতিবিম্ব’ নামক মাসিকপত্র, প্রকাশক যোগেশচন্দ্র বন্দ্যোপাধ্যায়, কলিকাতা, ১২৮২। ‘জানাঙ্গুর’ নামে রাজশাহী হইতে শ্রীকৃষ্ণ দাস-এর সম্পাদনায় প্রথম প্রকাশ ১২৭৯ অগ্রহায়ণ।

২ ‘প্রলাপ’ নামে কবিতাগুচ্ছ ও ‘বনফুল’ কাব্য (১২৮২-৮৩)। “পাহাড় হইতে ফিরিয়া আসিয়া ‘বনফুল’ নামে যে একটি কবিতা লিখিয়াছিলাম সেটি বোধ করি জানাঙ্গুরেই বাহির হইয়াছিল। এবং বছর তিন চার পরে দাদা নোবেলনাথ অরু পক্ষপাতিব্বের উৎসাহে এটি গ্রন্থ আকারে ছাপাইয়াও ছিলেন।” —পাণ্ডুলিপি।

৩ নবীনচন্দ্র মুখোপাধ্যায় (ইং ১৮২৬-১৯২২) প্রণীত। ড্র উক্ত গ্রন্থের দ্বিতীয় সংস্করণ, ১২৮৬; চরিতমালা ৪৪।

৪ মাস্তাহিক পত্র, প্রচার ১২৮০ কার্তিক-১২৯৬ ভাদ্র।

৫ ভূদেব মুখোপাধ্যায়। গেজেটের সম্পাদক ইং ১৮৬৮।

৬ ? প্রবোধচন্দ্র ঘোষ।

৭ ‘ভুবনমোহিনীপ্রতিভা, অবসরমরোজিনী ও দুঃখসঙ্গিনী’ —জানাঙ্গুর ও প্রতিবিম্ব, ১২৮৩ কার্তিক।
“হরিশচন্দ্র নিয়োগীর দুঃখসঙ্গিনী ও রাজকৃষ্ণ রায়ের অবসরমরোজিনী” —পাণ্ডুলিপি।

ভানুসিংহের কবিতা

পূর্বেই লিখিয়াছি, শ্রীযুক্ত অক্ষয়চন্দ্র সরকার ও সারদাচরণ মিত্র মহাশয় কর্তৃক সংকলিত প্রাচীন কাব্যসংগ্রহ আমি বিশেষ আগ্রহের সহিত পড়িতাম। তাহার মৈথিলীমিশ্রিত ভাষা আমার পক্ষে দুর্বোধ ছিল। কিন্তু সেইজন্মই এত অধ্যবসায়ের সঙ্গ আমি তাহার মধ্যে প্রবেশচেষ্টা করিয়াছিলাম। গাছের বীজের মধ্যে যে-অঙ্কুর প্রচ্ছন্ন ও মাটির নিচে যে রহস্য অনাবিষ্কৃত, তাহার প্রতি যেমন একটি একান্ত কোঁতূহল বোধ করিতাম, প্রাচীন পদকর্তাদের রচনা সম্বন্ধেও আমার ঠিক সেই ভাবটা ছিল। আবরণ মোচন করিতে করিতে একটি অপরিচিত ভাণ্ডার হইতে একটি-আধটি কাব্যরত্ন চোখে পড়িতে থাকিবে, এই আশাতেই আমাকে উৎসাহিত করিয়া তুলিয়াছিল। এই রহস্যের মধ্যে তলাইয়া দুর্গম অঙ্ককার হইতে রত্ন তুলিয়া আনিবার চেষ্টায় যখন আছি তখন নিজেকেও একবার এইরূপ রহস্য-আবরণে আবৃত করিয়া প্রকাশ করিবার একটা ইচ্ছা আমাকে পাইয়া বসিয়াছিল।

ইতিপূর্বে অক্ষয়বাবুর কাছে ইংরেজ বালককবি চ্যাটার্টনের^২ বিবরণ শুনিয়াছিলাম। তাঁহার কাব্য যে কিরূপ তাহা জানিতাম না; বোধকরি অক্ষয়বাবুও বিশেষ কিছু জানিতেন না, এবং জানিলে বোধহয় রসভঙ্গ হইবার সম্পূর্ণ সম্ভাবনা ছিল। কিন্তু তাঁহার গল্পটার মধ্যে যে একটা নাটকিয়ানা ছিল সে আমার কল্পনাকে খুব সরগরম করিয়া তুলিয়াছিল।^৩ চ্যাটার্টন প্রাচীন কবিদের এমন নকল করিয়া কবিতা^৪ লিখিয়াছিলেন যে অনেকেই তাহা ধরিতে পারে নাই। অবশেষে ষোলোবছর বয়সে এই হতভাগ্য বালককবি আত্মহত্যা করিয়া মরিয়াছিলেন। আপাততঃ ওই আত্মহত্যার অনাবশ্যক অংশটুকু হাতে রাখিয়া, কোমর বাঁধিয়া দ্বিতীয় চ্যাটার্টন হইবার চেষ্টায় প্রবৃত্ত হইলাম।

একদিন মধ্যাহ্নে খুব মেঘ করিয়াছে। সেই মেঘলাদিনের ছায়াঘন অবকাশের আনন্দে বাড়ির ভিতরে এক ঘরে খাটের উপর উপুড় হইয়া পড়িয়া একটা স্নেট লইয়া লিখিলাম ‘গহন কুসুমকুঞ্জ মাঝে’। লিখিয়া ভারি খুশি হইলাম; তখনই এমন লোককে পড়িয়া শুনাইলাম বুঝিতে পারিবার আশঙ্কামাত্র যাহাকে স্পর্শ করিতে পারে না। স্মৃতরাং সে গভীরভাবে মাথা নাড়িয়া কহিল, “বেশ তো, এ তো বেশ হইয়াছে।”

পূর্বলিখিত আমার বন্ধুটিকে একদিন বলিলাম, “সমাজের লাইব্রেরি খুঁজিতে খুঁজিতে বহুকালের একটি জীর্ণ পুঁথি পাওয়া গিয়াছে, তাহা হইতে ভানুসিংহ নামক কোনো প্রাচীন কবির পদ কাপি করিয়া আনিয়াছি।” এই বলিয়া তাঁহাকে কবিতাগুলি

শুনাইলাম। শুনিয়া তিনি বিষম বিচলিত হইয়া উঠিলেন। কহিলেন, “এ পুঁথি আমার নিতাস্তই চাই। এমন কবিতা বিতাপতি-চণ্ডীদাসের হাত দিয়াও বাহির হইতে পারিত না। আমি প্রাচীন কাব্যসংগ্রহ ছাপিবার জন্ত ইহা অক্ষয়বাবুকে দিব।”

তখন আমার খাতা দেখাইয়া স্পষ্ট প্রমাণ করিয়া দিলাম, এ লেখা বিতাপতি-চণ্ডীদাসের হাত দিয়া নিশ্চয় বাহির হইতে পারে না, কারণ এ আমার লেখা। বন্ধু গম্ভীর হইয়া কহিলেন, “নিতাস্ত মন্দ হয় নাই।”

ভাল্লুসিংহ যখন ভারতীতে বাহির হইতেছিল, ডাক্তার নিশিকান্ত চট্টোপাধ্যায় মহাশয় তখন জর্মনিতে ছিলেন।^১ তিনি যুরোপীয় সাহিত্যের সহিত ভুলনা করিয়া আমাদের দেশের গীতিকাব্য সম্বন্ধে একখানি চট-বই^২ লিখিয়াছিলেন। তাহাতে ভাল্লুসিংহকে তিনি প্রাচীন পদকর্তারূপে যে প্রচুর সম্মান দিয়াছিলেন কোনো আধুনিক কবির ভাণ্ডো তাহা সহজে জোটে না। এই গ্রন্থখানি লিখিয়া তিনি ডাক্তার উপাধি লাভ করিয়াছিলেন।

ভাল্লুসিংহ যিনিই হউন, তাঁহার লেখা যদি বর্তমান আমার হাতে পড়িত তবে আমি নিশ্চয়ই ঠকিতাম না, এ কথা আমি জোর করিয়া বলিতে পারি। উহার ভাষা প্রাচীন পদকর্তার বলিয়া চালাইয়া দেওয়া অসম্ভব ছিল না। কারণ, এ ভাষা তাঁহাদের মাতৃভাষা নহে, ইহা একটা কৃত্রিম ভাষা; ভিন্ন ভিন্ন কবির হাতে ইহার কিছু না কিছু ভিন্নতা ঘটিয়াছে। কিন্তু তাঁহাদের ভাবের মধ্যে কৃত্রিমতা ছিল না। ভাল্লুসিংহের কবিতা একটু বাজাইয়া বা কষিয়া দেখিলেই তাহার মেকি বাহির হইয়া পড়ে। তাহাতে আমাদের দিশি নহবতের প্রাণগলানো ঢালা সুর নাই, তাহা আজকালকার সস্তা আর্গিনের বিলাতি টুংটাংগাত্র।^৩

১ ড ‘বরের পড়া’ অধ্যায়।

২ Thomas Chatterton (1752-70).

৩ ড ‘চ্যাটার্টন—বালক কবি’, ভারতী, ১২৮৬ আষাঢ়।

৪ Rowley poems. Thomas Rowley, an imaginary 15th-cent. Bristol poet and monk.

৫ বাংলা ১২৮৪-৮৮।

৬ নিশিকান্ত চট্টোপাধ্যায় (ইং ১৮৫২-১৯১০); যুরোপপ্রবাসের কাল আনুমানিক ইং ১৮৭৩-৮২।
ড পত্রাবলী (১৩৭)।

ড ‘A Bengali in Germany’, তত্ত্ব পত্রিকা, শক ১৭৯৭ শ্রাবণ; ‘কসিয়া-প্রবাসীর পত্র’, ‘যুরোপ-প্রবাসীর পত্র’, ভারতী ১২৮৭ বৈশাখ, অগ্রহায়ণ।

৭ ? The Yatras ; or, The Popular Dramas of Bengal (Trubner & Co., London, 1882)—শশিভূষণ বিজয়ালঙ্কার প্রণীত 'জীবনোন্মেষ' দ্রষ্টব্য। উক্ত গ্রন্থে ভানুসিংহ ঠাকুরের উল্লেখ নাই।

৮ ড্র রবীন্দ্রনাথের বেনামী রচনা 'ভানুসিংহ ঠাকুরের জীবনী' —নবজীবন, ১২৯১ শ্রাবণ।

স্বাদেশিকতা

বাঁহির হইতে দেখিলে আমাদের পরিবারে অনেক বিদেশী-প্রথার চলন ছিল কিন্তু আমাদের পরিবারের হৃদয়ের মধ্যে একটা স্বদেশাভিমান স্থির দীপ্তিতে জাগিতেছিল। স্বদেশের প্রতি পিতৃদেবের যে একটি আন্তরিক শ্রদ্ধা তাঁহার জীবনের সকলপ্রকার বিপ্লবের মধ্যেও অক্ষুণ্ণ ছিল, তাহাই আমাদের পরিবারস্থ সকলের মধ্যে একটি প্রবল স্বদেশপ্রেম সঞ্চার করিয়া রাখিয়াছিল। বস্তুত, সে-সময়টা স্বদেশপ্রেমের সময় নয়। তখন শিক্ষিত লোকে দেশের ভাষা এবং দেশের ভাব উভয়কেই দূরে ঠেঁকাইয়া রাখিয়াছিলেন। আমাদের বাড়িতে দাদারা টিরকাল মাতৃভাষার চর্চা করিয়া আসিয়াছেন। আমার পিতাকে তাঁহার কোনো নূতন আত্মীয় ইংরেজিতে পত্র লিখিয়াছিলেন, সে পত্র লেখকের নিকটে তখনই ফিরিয়া আসিয়াছিল।

আমাদের বাড়ির সাহায্যে হিন্দুমেলা^১ বলিয়া একটি মেলা সৃষ্টি হইয়াছিল। নবগোপাল মিত্র মহাশয় এই মেলার কর্মকর্তারূপে নিয়োজিত ছিলেন। ভারতবর্ষকে স্বদেশ বলিয়া ভক্তির সহিত উপলব্ধির চেষ্টা সেই প্রথম হয়। মেজদাদা সেই সময়ে বিখ্যাত জাতীয় সংগীত ‘মিলে সব ভারতসন্তান’^২ রচনা করিয়াছিলেন। এই মেলায় দেশের সুবগান গীত, দেশাত্মবোধের কবিতা পঠিত, দেশী শিল্প ব্যায়াম প্রভৃতি প্রদর্শিত ও দেশী গুণীলোক পুরস্কৃত হইত।

লর্ড কর্জনের সময় দিল্লিদরবার সম্বন্ধে একটা গুণপ্রবন্ধ^৩ লিখিয়াছি, লর্ড লিটনের সময় লিখিয়াছিলাম পত্রে^৪—তখনকার ইংরেজ গবর্নেন্ট রুসিয়াকেই ভয় করিত, কিন্তু চৌদ্দপনেরো বছর বয়সের বালক কবির লেখনীকে ভয় করিত না। এইজন্ত সেই কাব্যে বয়সোচিত উত্তেজনা প্রভূত পরিমাণে থাকি সত্ত্বেও তখনকার প্রধান সেনাপতি হইতে আরম্ভ করিয়া পুলিশের কর্তৃপক্ষ পর্যন্ত কেহ কিছুমাত্র বিচলিত হইবার লক্ষণ প্রকাশ করেন নাই। টাইমস্ পত্রেরও কোনো পত্রলেখক এই বালকের ধৃষ্টতার প্রতি শাসনকর্তাদের ঔদাসীণ্যের উল্লেখ করিয়া বৃটিশ রাজত্বের স্থায়িত্ব সম্বন্ধে গভীর নৈরাশ্য প্রকাশ করিয়া অত্যুচ্চ দীর্ঘনিশ্বাস পরিত্যাগ করেন নাই। সেটা পড়িয়াছিলাম হিন্দু-মেলায় গাছের তলায় দাঁড়াইয়া। শ্রোতাদের মধ্যে নবীন সেন^৫ মহাশয় উপস্থিত ছিলেন। আমার বড়ো বয়সে তিনি একদিন এ কথা আমাকে স্মরণ করাইয়া দিয়াছিলেন।

জ্যোতিদাদার উদ্যোগে আমাদের একটা সভা^৬ হইয়াছিল, বুদ্ধ রাজনারায়ণবাবু^৭ ছিলেন তাহার সভাপতি। ইহা স্বাদেশিকের সভা। কলিকাতার এক গলির মধ্যে

এক পোড়ো বাড়িতে সেই সভা বসিত।^১ সেই সভার সমস্ত অস্থান রহস্যে আবৃত ছিল। বসন্ত, তাহার মধ্যে ওই গোপনীয়তাটাই একমাত্র ভয়ংকর ছিল। আমাদের ব্যবহারে রাজার বা প্রজার ভয়ের বিষয় কিছুই ছিল না। আমরা মধ্যাহ্নে কোথায় কী করিতে যাইতেছি, তাহা আমাদের আত্মীয়রাও জানিতেন না। ঘর আমাদের রুদ্ধ, ঘর আমাদের অন্ধকার, দীক্ষা আমাদের স্বক্মন্ত্রে, কথা আমাদের চুপিচুপি— ইহাতেই সকলের রোমহর্ষণ হইত, আর বেশি-কিছুই প্রয়োজন ছিল না।^২ আমার মতো অর্বাচীনও এই সভার সভ্য ছিল। সেই সভায় আমরা এমন একটি খ্যাপামির তপ্ত হাওয়ার মধ্যে ছিলাম যে, অহরহ উৎসাহে যেন আমরা উড়িয়া চলিতাম। লঙ্কা ভয় সংকোচ আমাদের কিছুই ছিল না। এই সভায় আমাদের প্রধান কাজ উত্তেজনার আশুন পোহানো। বীরত্ব জিনিসটা কোথাও বা সুরবিধাকর কোথাও বা অসুরবিধাকর হইতেও পারে, কিন্তু ওটার প্রতি মানুষের একটা গভীর শ্রদ্ধা আছে। সেই শ্রদ্ধাকে জাগাইয়া রাখিবার জন্ত সকল দেশের সাহিত্যেই প্রচুর আয়োজন দেখিতে পাই। কাজেই যে-অবস্থাতেই মানুষ থাক-না, মনের মধ্যে ইহার ধাক্কা না লাগিয়া তো নিষ্কৃতি নাই। আমরা সভা করিয়া, কল্পনা করিয়া, বাক্যালাপ করিয়া, গান করিয়া, সেই ধাক্কাটা সামলাইবার চেষ্টা করিয়াছি। মানুষের যাহা প্রকৃতিগত এবং মানুষের কাছে যাহা চিরদিন আদরণীয়, তাহার সকলপ্রকার রাস্তা মারিয়া, তাহার সকলপ্রকার ছিদ্র বন্ধ করিয়া দিলে একটা যে বিষম বিকারের সৃষ্টি করা হয় সে সম্বন্ধে কোনো সন্দেহই থাকিতে পারে না। একটা বৃহৎ রাজ্যব্যবস্থার মধ্যে কেবল কেরানিগিরির রাস্তা খোলা রাখিলে মানবচরিত্রের বিচিত্র শক্তিকে তাহার স্বাভাবিক স্বাস্থ্যকর চালনার ক্ষেত্র দেওয়া হয় না। রাজ্যের মধ্যে বীরধর্মেরও পথ রাখা চাই, নহিলে মানবধর্মকে পীড়া দেওয়া হয়। তাহার অভাবে কেবলই গুপ্ত উত্তেজনা অন্তঃশীলা হইয়া বহিতে থাকে— সেখানে তাহার গতি অত্যন্ত অদ্ভুত এবং পরিণাম অভাবনীয়। আমার বিশ্বাস সেকালে যদি গবর্নেন্টের সন্দিক্ততা অত্যন্ত ভীষণ হইয়া উঠিত তবে তখন আমাদের সেই সভার বালকেরা যে বীরত্বের প্রহসনমাত্র অভিনয় করিতেছিল, তাহা কঠোর ট্রাজেডিতে পরিণত হইতে পারিত। অভিনয় সাদ হইয়া গিয়াছে, ফোর্ট উইলিয়মের একটি ইষ্টকও খসে নাই এবং সেই পূর্বস্মৃতির আলোচনা করিয়া আজ আমরা হাসিতেছি।

ভারতবর্ষের একটা সর্বজনীন পরিচ্ছদ কী হইতে পারে, এই সভায় জ্যোতিদাদা তাহার নানাপ্রকারের নমুনা উপস্থিত করিতে আরম্ভ করিলেন। ধূতিটা কর্মক্ষেত্রের উপযোগী নহে অথচ পায়জামাটা বিজ্ঞাতীয়, এইজন্ত তিনি এমন একটা আপোস করিবার চেষ্টা করিলেন যেটাতে ধূতিও স্ক্রু হইল, পায়জামাও প্রসন্ন হইল না। অর্থাৎ, তিনি

পায়জামার উপর একখণ্ড কাপড় পাট করিয়া একটা স্বতন্ত্র কৃত্রিম মালকৌচা জুড়িয়া দিলেন। সোনার টুপির সঙ্গে পাগড়ির সঙ্গে মিশাল করিয়া এমন একটা পদার্থ তৈরি হইল যেটাকে অত্যন্ত উৎসাহী লোকেও শিরোভূষণ বলিয়া গণ্য করিতে পারে না। এইরূপ সর্বজনীন পোশাকের নমুনা সর্বজনে গ্রহণ করিবার পূর্বেই একলা নিজে ব্যবহার করিতে পারা যে-সে লোকের সাধ্য নহে। জ্যোতিদাদা অগ্নানবদনে এই কাপড় পরিয়া মধ্যাহ্নের প্রথর আলোকে গাড়িতে গিয়া উঠিতেন— আত্মীয় এবং বান্ধব, ঘাণী এবং সারথি সকলেই অবাক হইয়া তাকাইত, তিনি জক্ষেপমাত্র করিতেন না। দেশের জন্ত অকাতরে প্রাণ দিতে পারে এমন বীরপুরুষ অনেক থাকিতে পারে কিন্তু দেশের মঙ্গলের জন্ত সর্বজনীন পোশাক পরিয়া গাড়ি করিয়া কলিকাতার রাস্তা দিয়া যাইতে পারে এমন লোক নিশ্চয়ই বিয়ল। রবিবারে রবিবারে জ্যোতিদাদা দলবল লইয়া শিকার করিতে বাহির হইতেন। রবাহৃত অনাহৃত যাহারা আমাদের দলে আসিয়া জুটত তাহাদের অধিকাংশকেই আমরা চিনিতাম না। তাহাদের মধ্যে ছুতার কামার প্রভৃতি সকল শ্রেণীরই লোক ছিল। এই শিকারে রক্তপাতটাই সবচেয়ে নগণ্য ছিল, অন্তত সেরূপ ঘটনা আমার তো মনে পড়ে না। শিকারের অগ্ন সমস্ত অল্পটানই বেশ ভরপুরমাত্রায় ছিল—আমরা হত-আহত পশু-পক্ষীর অতিতুচ্ছ অভাব কিছুমাত্র অল্পভব করিতাম না। প্রাতঃকালেই বাহির হইতাম। বউঠাকুরানী রাশীকৃত লুচি তরকারি প্রস্তুত করিয়া আমাদের সঙ্গে দিতেন। ওই জিনিষটাকে শিকার করিয়া সংগ্রহ করিতে হইত না বলিয়াই, একদিনও আমাদের উপবাস করিতে হয় নাই।

মানিকতলায় পোড়োবাগানের অভাব নাই। আমরা যে-কোনো একটা বাগানে ঢুকিয়া পড়িতাম। পুকুরের বাঁধানো ঘাটে বসিয়া উচ্চনীচনির্বিচারে সকলে একত্র মিলিয়া লুচির উপরে পড়িয়া মুহূর্তের মধ্যে কেবল পাত্রটাকে মাত্র বাকি রাখিতাম।

ব্রজবাবুও আমাদের অহিংস্রক শিকারীদের মধ্যে একজন প্রধান উৎসাহী। ইনি মেট্রোপলিটান কলেজের সুপারিন্টেন্ডেন্ট এবং কিছুকাল আমাদের ঘরের শিক্ষক ছিলেন।^{১০} ইনি একদিন শিকার হইতে ফিরিবার পথে একটা বাগানে ঢুকিয়াই মালিকে ডাকিয়া কহিলেন, “ওরে ইতিমধ্যে মামা কি বাগানে আসিয়াছিলেন।” মালী তাঁহাকে শশব্যস্ত হইয়া প্রণাম করিয়া কহিল, “আজ্ঞা না, বাবু তো আসে নাই।” ব্রজবাবু কহিলেন, “আচ্ছা, ডাব পড়িয়া আন।” সেদিন লুচির অস্ত্রে পানীয়ের অভাব হয় নাই।

আমাদের দলের মধ্যে একটি মধ্যবিত্ত জমিদার ছিলেন। তিনি নিষ্ঠাবান হিন্দু। তাঁহার গঙ্গার ধারে একটি বাগান ছিল। সেখানে গিয়া আমরা সকল সভ্য একদিন

জাতিবর্ণনির্বিচারে আহ্বার করিলাম। অপরাহ্নে বিষম ঝড়। সেই ঝড়ে আমরা গদ্যর ঘাটে দাঁড়াইয়া চীৎকার শব্দে গান’’ জুড়িয়া দিলাম। রাজনারায়ণবাবুর কণ্ঠে সাতটা সুর যে বেশ বিগুপ্তভাবে খেলিত তাহা নহে কিন্তু তিনিও গলা ছাড়িয়া দিলেন, এবং সূত্রের চেয়ে ভাঙ্গা যেমন অনেক বেশি হয় তেমনি তাঁহার উৎসাহের তুমুল হাতনাড়া তাঁহার ক্ষীণকণ্ঠকে বহুদূরে ছাড়াইয়া গেল; তালের বোঁকে মাথা নাড়িতে লাগিলেন এবং তাঁহার পাকা দাড়ির মধ্যে ঝড়ের হাওয়া মাতামাতি করিতে লাগিল। অনেক রাত্রে গাড়ি করিয়া বাড়ি ফিরিলাম। তখন ঝড়বাদল খামিয়া তারা ফুটিয়াছে। অন্ধকার নিবিড়, আকাশ নিস্তরু, পাড়গাঁয়ের পথ নির্জন, কেবল দুইধারের বনশ্রেণীর মধ্যে দলে দলে জোনাকি যেন নিঃশব্দে মূঠা মূঠা আঁপুনের হরির লুট ছড়াইতেছে।

স্বদেশে দিরাশালাই প্রভৃতির কারখানা স্থাপন করা আমাদের সভার উদ্দেশ্যের মধ্যে একটি ছিল। এজ্ঞ সভ্যেরা তাঁহাদের আয়ের দশমাংশ এই সভায় দান করিতেন। দেশালাই তৈরি করিতে হইবে, তাহার কাঠি পাওয়া শক্ত। সকলেই জানেন, আমাদের দেশে উপযুক্ত হাতে খেঁরাকাঠির মধ্য দিয়া সস্তায় প্রচুরপরিমাণে তেজ প্রকাশ পায় কিন্তু সে-তেজে যাহা জ্বলে তাহা দেশালাই নহে। অনেক পরীক্ষার পর বাক্ককয়েক দেশালাই তৈরি হইল। ভারতসন্তানদের উৎসাহের নিদর্শন বলিয়াই যে তাহারা মূল্যবান তাহা নহে—আমাদের এক বাক্সে যে-খরচ পড়িতে লাগিল তাহাতে একটা পল্লীর সদৎসরের চুলা-ধরানো চলিত। আরও একটু সামান্য অসুবিধা এই হইয়াছিল যে, নিকটে অগ্নিশিখা না থাকিলে তাহাদিগকে জ্বালাইয়া তোলা সহজ ছিল না। দেশের প্রতি জলন্ত অল্পবাগ যদি তাহাদের জ্বলনশীলতা বাড়াইতে পারিত, তবে আজ পর্যন্ত তাহারা বাজারে চলিত।

খবর পাওয়া গেল, একটি কোনো অল্পবয়স্ক ছাত্র কাপড়ের কল তৈরি করিবার চেষ্টায় প্রবৃত্ত; গেলাম তাহার কল দেখিতে। সেটা কোনো কাজের জিনিস হইতেছে কিনা তাহা কিছুমাত্র বুঝিবার শক্তি আমাদের কাহারও ছিল না, কিন্তু বিশ্বাস করিবার ও আশা করিবার শক্তিতে আমরা কাহারো চেয়ে খাটো ছিলাম না। যন্ত্র তৈরি করিতে কিছু দেনা হইয়াছিল, আমরা তাহা শোধ করিয়া দিলাম। অবশেষে একদিন দেখি ব্রজবাবু মাথায় একখানা গামছা বাঁধিয়া জোড়াসাঁকোর বাড়িতে আসিয়া উপস্থিত। কহিলেন, “আমাদের কলে এই গামছার টুকরা তৈরি হইয়াছে।” বলিয়া দুই হাত তুলিয়া তাণ্ডব নৃত্য!—তখন ব্রজবাবুর মাথার চুলে পাক ধরিয়াছে।

অবশেষে দুটি-একটি সুবুদ্ধি লোক আসিয়া আমাদের দলে ভিড়িলেন, আমাদিগকে জ্ঞানবৃক্ষের ফল খাওয়াইলেন এবং এই স্বর্গলোক ভাঙিয়া গেল।

ছেলেবেলায় রাজনারায়ণবাবুর সঙ্গে যখন আমাদের পরিচয় ছিল তখন সকল দিক হইতে তাঁহাকে বুঝিবার শক্তি আমাদের ছিল না। তাঁহার মধ্যে নানা বৈপরীত্যের সমাবেশ ঘটিয়াছিল। তখনই তাঁহার চুলদাড়ি প্রায় সম্পূর্ণ পাকিয়াছে কিন্তু আমাদের দলের মধ্যে বয়সে সকলের চেয়ে যে-ব্যক্তি ছোটো তাহার সঙ্গেও তাঁহার বয়সের কোনো অনৈক্য ছিল না। তাঁহার বাহিরের প্রবীণতা শুভ্র মোড়কটির মতো হইয়া তাঁহার অন্তরের নবীনতাকে চিরদিন তাঁজা করিয়া রাখিয়া দিয়াছিল। এমন-কি প্রচুর পাণ্ডিত্যেও তাঁহার কোনো ক্ষতি করিতে পারে নাই, তিনি একেবারেই সহজ মানুষটির মতোই ছিলেন। 'জীবনের শেষ পর্বন্ত অজস্র হাস্যোচ্ছ্বাস কোনো বাধাই মানিল না— না বয়সের গাঞ্জীর্ঘ, না অস্বাস্থ্য, না সংসারের দুঃখকষ্ট, ন মেধয়া ন বহুনা শ্রুতেন, কিছুতেই তাঁহার হাসির বেগকে ঠেকাইয়া রাখিতে পারে নাই। একদিকে তিনি আপনার জীবন এবং সংসারটিকে ঈর্ষয়ের কাছে সম্পূর্ণ নিবেদন করিয়া দিয়াছিলেন, আর-একদিকে দেশের উন্নতিসাধন করিবার জন্ত তিনি সর্বদাই কতরকম সাধ্য ও অসাধ্য প্ল্যান করিতেন তাহার আর অন্ত নাই। রিচার্ডসনের^১ তিনি প্রিয় ছাত্র, ইংরেজি বিদ্যাতেই বাল্যকাল হইতে তিনি মানুষ কিন্তু তবু অনভ্যাসের সমস্ত বাধা ঠেলিয়া ফেলিয়া বাংলাভাষা ও সাহিত্যের মধ্যে পূর্ণ উৎসাহ ও শ্রদ্ধার বেগে তিনি প্রবেশ করিয়াছিলেন। এদিকে তিনি মাটির মানুষ কিন্তু তেজে একেবারে পরিপূর্ণ ছিলেন। দেশের প্রতি তাঁহার যে প্রবল অনুরাগ সে তাঁহার সেই তেজের জিনিস। দেশের সমস্ত খর্বতা দীনতা অপমানকে তিনি দখল করিয়া ফেলিতে চাহিতেন। তাঁহার দুই চক্ষু জলিতে থাকিত, তাঁহার হৃদয় দীপ্ত হইয়া উঠিত, উৎসাহের সঙ্গে হাত নাড়িয়া আমাদের সঙ্গে মিলিয়া তিনি গান ধরিতেন—গলায় সুর লাগুক আর না লাগুক সে তিনি খেয়ালই করিতেন না—

এক হুত্রে বাঁধিয়াছি সহস্রটি মন,

এক কার্ঘ্যে সঁপিয়াছি সহস্র জীবন।^২

এই ভগবদ্ভক্ত চিরবালকটির তেজঃপ্রদীপ্ত হৃদয়মধুর জীবন, রোগে শোকে অপরিগ্লান তাঁহার পবিত্র নবীনতা, আমাদের দেশের স্মৃতিভাণ্ডারে সমাদরের সহিত রক্ষা করিবার সামগ্রী তাহাতে সন্দেহ নাই।

১ বাংলা ১২৭৩ [ইং ১৮৬৭] চৈত্রসংক্রান্তিতে 'চৈত্রমেলা' নামে প্রথম অনুষ্ঠিত।

সম্পাদক গণেশনাথ ঠাকুর, সহকারী সম্পাদক নবগোপাল মিত্র। -ত্র গ্রন্থপরিচয়।

২ জ্যোতিরিন্দ্রনাথ ঠাকুরের 'পুত্রবিক্রম নাটক'এর (ইং ১৮৭৪) প্রথম অঙ্কে সম্পূর্ণ গানটি সন্নিবেশিত হয়।

- ৩ ড্র 'অত্মজ্ঞি', রচনাবলী ৪।
- ৪ ইং ১৮৭৭ সালে লিখিত। ড্র জ্যোতিরিন্দ্রনাথের 'প্রথময়ী' নাটক, বা র-পরিচয় পৃ ৬৬।
তু হিন্দুমেলায় প্রথম কবিতাপাঠ 'হিন্দুমেলায় উপহার', ইং ১৮৭৫ —র-পরিচয় পৃ ৬০।
- ৫ কবি নবীনচন্দ্র সেন (ইং ১৮৪৭-১৯০৯)।
- ৬ সঞ্জীবনী সভা, সাংকেতিক নাম—হা নু ছু পা নু হা ফ (? ইং ১৮৭৬); ড্র জ্যোতিস্মৃতি পৃ ১৬৬-৭০ বা গ্রন্থপরিচয়।
- ৭ রাজনারায়ণ বহু (ইং ১৮২৬-৯৯)।
- ৮ "ঠন্থনের একটা পোড়োবাড়িতে এই সভা বসিত" —জ্যোতিস্মৃতি।
- ৯ তু "জ্যোতিদাদা এক গুপ্ত সভা স্থাপন করেছেন. একটি পোড়ো বাড়িতে তার অধিবেশন, ঋগ্বেদের পুঁথি, মড়ার মাথার খুলি আর খোলা তলোয়ার নিয়ে তার অনুষ্ঠান, রাজনারায়ণ বহু তার পুরোহিত; সেখানে আমরা ভারত-উদ্ধারের দীক্ষা পেলাম।"
—সম্প্রতিতম জয়ন্তী উপলক্ষ্যে (ইং ১৯৩১) প্রতিভাষণ, ড্র 'অবতরণিকা', রচনাবলী ১।
- ১০ ড্র পৃ ৯১, পাদটীকা ২।
- ১১ " 'আজি উগাদ পবনে' বলিয়া রবীন্দ্রনাথের নবরচিত গান" —জ্যোতিস্মৃতি, পৃ ১৭০।
ড্র ভারতী, ১২৮৪ আধিন বা ভানুসিংহ ঠাকুরের পদাবলী, ১৩ সংখ্যক।
- ১২ Capt. D. L. Richardson (Hindu College, 1885-43).
- ১৩ ড্র জ্যোতিরিন্দ্রনাথ প্রণীত 'পুরাবিক্রম নাটক', দ্বিতীয় সংস্করণ (১৮০১ শক) পৃ ৮৮-৮৯।

ভারতী

মোটের উপর এই সময়টা আমার পক্ষে একটা উন্নততার সময় ছিল। কতদিন ইচ্ছা করিয়াই, না ঘুমাওয়া রাত কাটাইয়াছি। তাহার যে কোনো প্রয়োজন ছিল তাহা নহে কিন্তু বোধকরি রাত্রে ঘুমানোটাই সহজ ব্যাপার বলিয়াই, সেটা উলটাইয়া দিবার প্রবৃত্তি হইত। আমাদের ইস্কুলঘরের ক্ষীণ আলোতে নির্জন ঘরে বই পড়িতাম ; দুই গির্জার ঘড়িতে পনেরো মিনিট অন্তর ঢং ঢং করিয়া ঘণ্টা বাজিত, প্রহরগুলো যেন একে একে নিলাম হইয়া যাইতেছে ; চিংপুর রোডে নিমন্তলাঘাটের যাত্রীদের কণ্ঠ হইতে ক্ষণে ক্ষণে 'হরিবোল' ধ্বনিত হইয়া উঠিত। কত গ্রীষ্মের গভীর রাত্রে, তেতালার ছাদে সারিসারি টবের বড়ো বড়ো গাছগুলির ছায়াপাতের দ্বারা বিচিত্র চাঁদের আলোতে, একলা প্রেতের মতো বিনা কারণে ঘুরিয়া বেড়াইয়াছি।

কেহ যদি মনে করেন, এ সমস্তই কেবল কবিয়ানা, তাহা হইলে ভুল করিবেন। পৃথিবীর একটা বয়স ছিল যখন তাহার ঘন ঘন ভূমিকম্প ও অগ্নি-উচ্ছ্বাসের সময়। এখনকার প্রবীণ পৃথিবীতেও মাঝে মাঝে সেরূপ চাপল্যের লক্ষণ দেখা দেয়, তখন লোকে আশ্চর্য হইয়া যায় ; কিন্তু প্রথম বয়সে যখন তাহার আশ্রয় এত কঠিন ছিল না এবং ভিতরকার বাষ্প ছিল অনেক বেশি, তখন সদাসর্বদাই অভাবনীয় উৎপাতের তাণ্ডব চলিত। তরুণবয়সের আরম্ভে এও সেইরকমের একটা কাণ্ড। যে-সব উপকরণে জীবন গড়া হয়, যতক্ষণ গড়াটা বেশ পাকা না হয়, ততক্ষণ সেই উপকরণ গুলাই হাদ্যমা করিতে থাকে।

এই সময়টাতেই বড়দাদাকে সম্পাদক করিয়া জ্যোতিদাদা ভারতী পত্রিকা বাহির করিবার সংকল্প করিলেন। এই আর-একটা আমাদের পরম উত্তেজনার বিষয় হইল। আমার বয়স তখন ঠিক ষোলো। কিন্তু আমি ভারতীর সম্পাদকচক্রের বাহিরে ছিলাম না। ইতিপূর্বেই আমি অল্পবয়সের স্পর্ধার বেগে মেঘনাদবধের একটি তীত্র সমালোচনা লিখিয়াছিলাম। কাঁচা আমের রসটা অল্পরস, কাঁচা সমালোচনাও গালিগালাজ। অল্প ক্ষমতা যখন কম থাকে তখন খোঁচা দিবার ক্ষমতাটা খুব তীক্ষ্ণ হইয়া উঠে। আমিও এই অমর কাব্যের উপর নথরাঘাত করিয়া নিজেকে অমর করিয়া তুলিবার সর্বাপেক্ষা সুলভ উপায় অন্বেষণ করিতেছিলাম। এই দাস্তিক সমালোচনাটা দিয়া আমি ভারতীতে প্রথম লেখা আরম্ভ করিলাম।

এই প্রথম বৎসরের ভারতীতেই 'কবিকাহিনী' নামক একটি কাব্য বাহির করিয়াছিলাম।^{১০} যে-বয়সে লেখক জগতের আর-সমস্তকে তেমন করিয়া দেখে নাই,

কেবল নিজের অপরিষ্কৃততার ছায়ামূর্তিটাকেই খুব বড়ো করিয়া দেখিতেছে, ইহা সেই বয়সের লেখা। সেইজন্ম ইহার নায়ক কবি। সে কবি যে লেখকের সত্তা তাহা নহে—লেখক আপনাকে যাহা বলিয়া মনে করিতে ও মোষণা করিতে ইচ্ছা করে, ইহা তাহাই। ঠিক ইচ্ছা করে বলিলে যাহা বুঝায় তাহাও নহে—যাহা ইচ্ছা করা উচিত, অর্থাৎ যেকোনো হইলে অল্প দশজনে মাথা নাড়িয়া বলিবে, হাঁ কবি বটে, ইহা সেই জিনিসটি। ইহার মধ্যে বিগ্নপ্রেমের ঘটনা খুব আছে—তরুণ কবির পক্ষে এইটি বড়ো উপাদেয়, কারণ ইহা শুনিতে খুব বড়ো এবং বলিতে খুব সহজ। নিজের মনের মধ্যে সত্য যখন জাগ্রত হয় নাই, পরের মুখের কথাই যখন প্রধান সদল, তখন রচনার মধ্যে সরলতা ও সংযম রক্ষা করা সম্ভব নহে। তখন, যাহা সত্যই বৃহৎ তাহাকে বাহিরের দিক হইতে বৃহৎ করিয়া তুলিবার চেষ্টা, তাহাকে বিকৃত ও হাস্যকর করিয়া তোলা অনিবার্য। এই বাল্যরচনাগুলি পাঠ করিবার সময় যখন সংকোচ অনুভব করি তখন মনে আশঙ্কা হয় যে, বড়ো বয়সের লেখার মধ্যেও নিশ্চয় এইরূপ অতিপ্রয়াসের বিকৃতি ও অসত্যতা অপেক্ষাকৃত প্রচ্ছন্নভাবে অনেক রহিয়া গেছে। বড়ো কথাকে খুব বড়ো গলায় বলিতে গিয়া নিঃসন্দেহই অনেক সময়ে তাহার শাস্তি ও গাভীর্ষ নষ্ট করিয়াছি। নিশ্চয়ই অনেক সময়ে বলিবার বিষয়টাকে ছাপাইয়া নিজের কণ্ঠটাই সমুচ্চতর হইয়া উঠিয়াছে এবং সেই ফাঁকিটা কালের নিকটে একদিন ধরা পড়িবেই।

এই কবিকাহিনী কাব্যই আমার রচনাবলীর মধ্যে প্রথম গ্রন্থ-আকারে বাহির হয়।^১ আমি যখন মেজদাদার নিকট আমেদাবাদে ছিলাম তখন আমার কোনো উৎসাহী বন্ধু এই বইখানা ছাপাইয়া আমার নিকট পাঠাইয়া দিয়া আমাকে বিস্মিত করিয়া দেন। তিনি যে কাজটা ভালো করিয়াছিলেন তাহা আমি মনে করি না, কিন্তু তখন আমার মনে যে-ভাবোদয় হইয়াছিল, শাস্তি দিবার প্রবল ইচ্ছা তাহাকে কোনোমতেই বলা যায় না। দণ্ড তিনি পাইয়াছিলেন, কিন্তু সে বইলেখকের কাছে নহে, বই কিনিবার মালেক যাহারা তাহাদের কাছ হইতে। শুনা যায়, সেই বইয়ের বোঝা সুদীর্ঘকাল দোকানের শেল্ফ এবং তাঁহার চিত্তকে ভারাত্মক করিয়া অক্ষয় হইয়া বিরাজ করিতেছিল।

যে-বয়সে ভারতীতে লিখিতে শুরু করিয়াছিলাম সে-বয়সের লেখা প্রকাশযোগ্য হইতেই পারে না। বালককালে লেখা ছাপাইবার বাল্যই অনেক—বয়ঃপ্রাপ্ত অবস্থার জন্ম অল্পতাপ সঞ্চয় করিবার এমন উপায় আর নাই। কিন্তু তাহার একটা সুবিধা আছে; ছাপার অক্ষরে নিজের লেখা দেখিবার প্রবল মোহ অল্পবয়সের উপর দিয়াই কাটিয়া যায়। আমার লেখা কে পড়িল, কে কী বলিল, ইহা লইয়া অস্থির হইয়া

উঠা—লেখার কোন্‌খান্টাতে দুটো ছাপার ভুল হইয়াছে, ইহাই লইয়া কণ্টকবিদ্ধ হইতে থাকি— এই-সমস্ত লেখাপ্রকাশের ব্যাধিগুলা বাল্যবয়সে সারিয়া দিয়া অপেক্ষাকৃত সুস্থচিত্তে লিখিবার অবকাশ পাওয়া যায়। নিজের ছাপা লেখাটাকে সকলের কাছে নাচাইয়া বেড়াইবার মুগ্ধ অবস্থা হইতে যতশীঘ্র নিষ্কৃতি পাওয়া যায় ততই মঙ্গল।

তরুণ বাংলা সাহিত্যের এমন একটা বিস্তার ও প্রভাব হয় নাই যাহাতে সেই সাহিত্যের অন্তর্নিহিত রচনাবিধি লেখকদিগকে শাসনে রাখিতে পারে। লিখিতে লিখিতে ক্রমশ নিজের ভিতর হইতেই এই সংঘর্ষটিকে উদ্ভাবিত করিয়া লইতে হয়। এইজন্ত দীর্ঘকাল বহুতর আবের্জনাতে জন্ম দেওয়া অনিবার্য। কাঁচা বয়সে অল্প সময়ে অদ্ভুত কীর্তি করিতে না পারিলে মন স্থির হয় না, কাজেই ভঙ্গিমার আতিশয্য এবং প্রতিপদেই নিজের স্বাভাবিক শক্তিকে ও সেই সঙ্গে সত্যকে সৌন্দর্যকে বহুদূরে লঙ্ঘন করিয়া যাইবার প্রয়াস রচনার মধ্যে প্রকাশ হইয়া পড়ে। এই অবস্থা হইতে প্রকৃতিস্থ হওয়া, নিজের যতটুকু ক্ষমতা ততটুকুর প্রতি আস্থালাভ করা, কালক্রমেই ঘটিয়া থাকে।

যাহাই হউক, ভারতীর পত্রে পত্রে আমার বাল্যলীলার অনেক লজ্জা ছাপার কালির কালিমায় অঙ্কিত হইয়া আছে। কেবলমাত্র কাঁচা লেখার জন্ত লজ্জা নহে— উদ্ধত অধিনয়, অদ্ভুত আতিশয্য ও সাড়ধর কৃত্রিমতার জন্ত লজ্জা।

যাহা লিখিয়াছিলাম তাহার অধিকাংশের জন্ত লজ্জা বোধ হয় বটে, কিন্তু তখন মনের মধ্যে যে-একটা উৎসাহের বিস্ফার সঞ্চারিত হইয়াছিল নিশ্চয়ই তাহার মূল্য সামান্য নহে। সে কালটা তো ভুল করিবারই কাল বটে কিন্তু বিশ্বাস করিবার, আশা করিবার, উল্লাস করিবারও সময় সেই বাল্যকাল। সেই ভুলগুলিকে ইক্ষন করিয়া যদি উৎসাহের আগুন জলিয়া থাকে, তবে যাহা ছাই হইবার তাহা ছাই হইয়া যাইবে কিন্তু সেই অগ্নির যা কাজ তাহা ইহজীবনে কখনোই ব্যর্থ হইবে না।

১ প্রকাশ, ১২৮৪ শ্রাবণ [ইং ১৮৭৭]।

২ অ 'মেঘনাদবধ কাব্য', ভারতী, ১২৮৪, শ্রাবণ-কাতিক, পৌষ, কাঙ্কন।
তু 'মেঘনাদবধ কাব্য', ভারতী, ১২৮২ ভাদ্র।

৩ অ ভারতী, ১২৮৪, পৌষ-চৈত্র।

৪ প্রকাশ "সংবৎ ১৯৩৫" [ইং ১৮৭৮], অ রচনাবলী-অ ১।

৫ প্রবোধচন্দ্র ঘোষ, কবিকাহিনীর প্রকাশক।

আমেদাবাদ

ভারতী যখন দ্বিতীয় বৎসরে পড়িল মেজদাদা প্রস্তাব করিলেন, আমাকে তিনি বিলাতে লইয়া যাইবেন। পিতৃদেব যখন সম্মতি দিলেন তখন আমার ভাগ্যবিধাতার এই আর একটি অঘাচিত বদান্ধতার আমি বিশ্বিত হইয়া উঠিলাম।

বিলাতযাত্রার পূর্বে মেজদাদা আমাকে প্রথমে আমেদাবাদে লইয়া গেলেন। তিনি সেখানে জজ ছিলেন। আমার বউঠাকরন^১ এবং ছেলেরা^২ তখন ইংলণ্ডে, স্মুতরাং বাড়ি একপ্রকার জনশূন্য ছিল।

শাহিবাগে জজের বাসা। ইহা বাদশাহি আমলের প্রাসাদ, বাদশাহের জন্মই নির্মিত^৩। এই প্রাসাদের প্রাকারপাদমূলে গ্রীষ্মকালের ক্ষীণস্বচ্ছশোভা সাবরমতী নদী তাহার বালুশয্যার একপ্রান্ত দিয়া প্রবাহিত হইতেছিল। সেই নদীতীরের দিকে প্রাসাদের সম্মুখভাগে একটি প্রকাণ্ড খোলা ছাদ। মেজদাদা আদালতে চলিয়া যাইতেন। প্রকাণ্ড বাড়িতে আমি ছাড়া আর কেহ থাকিত না— শব্দের মধ্যে কেবল পায়রাগুলির মধ্যাহ্নকুঞ্জন শোনা যাইত। তখন আমি যেন একটা অকারণ কৌতুহলে^৪ শূন্য ঘরে ঘরে ঘুরিয়া বেড়াইতাম। একটি বড়ো ঘরের দেয়ালের খোপে খোপে মেজদাদার বইগুলি সাজানো ছিল। তাহার মধ্যে, বড়ো বড়ো অক্ষরে ছাপা, অনেক-ছবিওয়ালো একখানি টেনিসনের কাব্যগ্রন্থ ছিল। সেই গ্রন্থটিও তখন আমার পক্ষে এই রাজপ্রাসাদেরই মতো নীরব ছিল। আমি কেবল তাহার ছবিগুলির মধ্যে বার বার করিয়া ঘুরিয়া ঘুরিয়া বেড়াইতাম। বাক্যগুলি যে একেবারেই বুঝিতাম না তাহা নহে, কিন্তু তাহা বাক্যের অপেক্ষা আমার পক্ষে অনেকটা কুঞ্জনের মতোই ছিল। লাইব্রেরিতে আর-একখানি বই ছিল, সেটি ডাক্তার হেবলিন কতৃক সংকলিত শ্রীরামপুরের ছাপা পুরাতন সংস্কৃত কাব্যসংগ্রহগ্রন্থ^৫। এই সংস্কৃত কবিতাগুলি বুঝিতে পারা আমার পক্ষে অসম্ভব ছিল। কিন্তু সংস্কৃত বাক্যের ধনি এবং ছন্দের গতি আমাকে কতদিন মধ্যাহ্নে অমরুশতকের মৃদঙ্গঘাতগম্ভীর শ্লোকগুলির মধ্যে ঘুরাইয়া ফিরিয়াছে।

এই শাহিবাগ প্রাসাদের চুড়ার উপরকার একটি ছোটো ঘরে আমার আশ্রয় ছিল। কেবল একটি চাকভরা বোলতার দল আমার এই ঘরের অংশী। রাত্রে আমি সেই নির্জন ঘরে শুইতাম; এক-একদিন অন্ধকারে দুই-একটা বোলতা চাক হইতে আমার বিছানার উপর আসিয়া পড়িত, যখন পাশ ফিরিতাম তখন তাহারাও প্রীত হইত না এবং আমার পক্ষেও তাহা তীক্ষ্ণভাবে অপ্রীতিকর হইত। শুরূপক্ষের গভীর রাত্রে সেই নদীর দিকের প্রকাণ্ড ছাদটাতে একলা ঘুরিয়া ঘুরিয়া বেড়ানো আমার আর-একটা

উপসর্গ ছিল। এই ছাদের উপর নিশাচর্য করিবার সময়ই আমার নিজের সুর দেওয়া সর্বপ্রথম গানগুলি রচনা করিয়াছিলাম।^৫ তাহার মধ্যে ‘বলি ও আমার গোলাপবালা’ গানটি^৬ এখনো আমার কাব্যগ্রন্থের মধ্যে আসন রাখিয়াছে।

ইংরেজিতে নিতাস্তই কাঁচা ছিলাম বলিয়া সমস্তদিন ডিক্‌শনারি লইয়া নানা ইংরেজি বই পড়িতে আরম্ভ করিয়া দিলাম। বাল্যকাল হইতে আমার একটা অভ্যাস ছিল, সম্পূর্ণ বুঝিতে না পারিলেও তাহাতে আমার পড়ার বাধা ঘটত না। অল্পবয়সেই যাহা বুঝিতাম তাহা লইয়া আপনার মনে একটা-কিছু খাড়া করিয়া আমার বেশ-একরকম চলিয়া যাইত। এই অভ্যাসের ভালো মন্দ দুইপ্রকার ফলই আমি আজ পর্যন্ত ভোগ করিয়া আসিতেছি।

১ জ্ঞানদানন্দিনী দেবী (ইং ১৮৫০-১৯৪১), সত্যেন্দ্রনাথের পত্নী, বিবাহ ইং ১৮৫৯ ।

২ সুরেন্দ্রনাথ (ইং ১৮৭২-১৯৪০), ইন্দিরা দেবী (জন্ম ইং ১৮৭৩) ও কবীন্দ্র (ইং ১৮৭৫-৭৯) ।

৩ “আমার মনের মধ্যে প্রথম আভাস দিয়েছিল ক্ষুধিত পাষণের গল্লের।” — ছেলেবেলা, অধ্যায় ১৩ ।

৪ ‘কাব্যসংগ্রহঃ’। অর্থাৎ কালিদাসাদি মহাকবিগণ। বিরচিত ত্রিপঞ্চাশৎ। উত্তম সম্পূর্ণ কাব্যানি ॥

শ্রী ডাক্তার ঘোষন হেবর্লিন কর্তৃক। সমাহৃত-মুদ্রাক্ষিতাণি ॥ শ্রীরামপুরীয় চন্দ্রোদয় যন্ত্রে। ১৮৪৭ ॥

দ্র প্রবাসী, ১৩৪৮ ফাল্গুন, পৃ ৪২৯ ।

৫ সর্বপ্রথম গান : ‘নীরব রজনী দেখো মগ্ন জোছনায়’ — ভগ্নহৃদয়, রচনাবলী-অ ১ ।

তু গীতবিতান ।

৬ দ্র পূর্বপাঠ, ভারতী ১২৮৭ অগ্রহায়ণ, রচনাবলী-অ ১ ।

বিলাত

এহ্নপে আমেদাবাদে ও বোম্বাইয়ে মাসছরেক কাটাইয়া' আমরা বিলাতে যাত্রা করিলাম।^২ অশুভক্ষণে বিলাতযাত্রার পত্র^৩ প্রথমে আত্মীয়দিগকে ও পরে ভারতীতে পাঠাইতে আরম্ভ করিয়াছিলাম। এখন আর এগুলিকে বিলুপ্ত করা আমার সাধ্যের মধ্যে নাই। এই চিঠিগুলির অধিকাংশই বাল্যবয়সের বাহাদুরি। অশ্রদ্ধা প্রকাশ করিয়া, আঘাত করিয়া, তর্ক করিয়া রচনার আতসবাজি করিবার এই প্রয়াস। শ্রদ্ধা করিবার, গ্রহণ করিবার, প্রবেশলাভ করিবার শক্তিই যে সকলের চেয়ে মহৎশক্তি এবং বিনয়ের দ্বারাই যে সকলের চেয়ে বড়ো করিয়া অধিকার বিস্তার করা যায়—কাঁচাবয়সে এ কথা মন বুঝিতে চায় না। ভালোলাগা, প্রশংসা করা, যেন একটা পরাভব, সে যেন দুর্বলতা; এইজন্ত কেবলই খোঁচা দিয়া আপনায় শ্রেষ্ঠত্ব প্রতিপন্ন করিবার এই চেষ্টা আমার কাছে আজ হাগ্রকর হইতে পারিত, যদি ইহার ঐক্য ও অসরলতা আমার কাছে কষ্টকর না হইত।

ছেলেবেলা হইতে বাহিরের পৃথিবীর সঙ্গে আমার সম্বন্ধ ছিল না বলিলেই হয়। এমন সময়ে হঠাৎ সতেরোবছর বয়সে বিলাতের জনসমুদ্রের মধ্যে ভাসিয়া পড়িলে খুব একচোট হাবুডুবু খাইবার আশঙ্কা ছিল। কিন্তু আমার মেজোবউঠাকরুন তখন ছেলেদের লইয়া ব্রাইটনে^৪ বাস করিতেছিলেন, তাঁহার আশ্রয়ে গিয়া বিদেশের প্রথম ধাক্কাটা আর গায়ে লাগিল না।

তখন শীত আসিয়া পড়িয়াছে। একদিন রাত্রে ঘরে বসিয়া আগুনের ধারে গল্প করিতেছি, ছেলেরা উত্তেজিত হইয়া আসিয়া কহিল, বরফ পড়িতেছে।^৫ বাহিরে গিয়া দেখিলাম, কনকনে শীত, আকাশে শুভ্র জ্যোৎস্না এবং পৃথিবী সাদা বরফে ঢাকিয়া গিয়াছে। চিরদিন পৃথিবীর যে-মূর্তি দেখিয়াছি এ সে মূর্তিই নয়—এ যেন একটা স্বপ্ন, যেন আর কিছু—সমস্ত কাছের জিনিস যেন দূরে গিয়া পড়িয়াছে, শুভ্রকায় নিশ্চল তপস্বী যেন গভীর ধ্যানের আবরণে আবৃত। অকস্মাৎ ঘরের বাহির হইয়াই এমন আশ্চর্য বিরাট সৌন্দর্য আর-কখনো দেখি নাই।

বউঠাকুরানীর যত্নে এবং ছেলেদের বিচিত্র উৎপাত-উপদ্ভবের আনন্দে দিন বেশ কাটিতে লাগিল। ছেলেরা আমার অদ্ভুত ইংরেজি উচ্চারণে ভারি আমোদ বোধ করিল। তাহাদের আর সকলরকম খেলায় আমার কোনো বাধা ছিল না, কেবল তাহাদের এই আমোদটাতে আমি সম্পূর্ণরূপে যোগ দিতে পারিতাম না। Warm শব্দে a-র উচ্চারণ o-র মতো এবং worm শব্দে o-র উচ্চারণ a-র মতো—এটা যে

কোনোমতেই সহজজ্ঞানে জানিবার বিষয় নহে, সেটা আমি শিশুদিগকে বুঝাইব কী করিয়া। মন্দভাগ্য আমি, তাহাদের হাসিটা আমার উপর দিয়াই গেল, কিন্তু হাসিটা সম্পূর্ণ পাওনা ছিল ইংরেজি উচ্চারণবিধির। এই ছুটি ছোটো ছেলের মন ভোলাইবার, তাহাদিগকে হাসাইবার, আমোদ দিবার নানা প্রকার উপায় আমি প্রতিদিন উদ্ভাবন করিতাম। ছেলে ভোলাইবার সেই উদ্ভাবনী শক্তি খাটাইবার প্রয়োজন তাহার পরে আরও অনেকবার ঘটয়াছে— এখনো সে-প্রয়োজন যায় নাই। কিন্তু সে শক্তির আর সে অজস্র প্রাচুর্য অহুভব করি না। শিশুদের কাছে হৃদয়কে দান করিবার অবকাশ সেই আমার জীবনে প্রথম ঘটয়াছিল— দানের আয়োজন তাই এমন বিচিত্রভাবে পূর্ণ হইয়া প্রকাশ পাইয়াছিল।

কিন্তু সমুদ্রের এপারের ঘর হইতে বাহির হইয়া সমুদ্রের ওপারের ঘরে প্রবেশ করিবার জন্ত তো আমি যাত্রা করি নাই। কথা ছিল, পড়াশুনা করিব, ব্যারিস্টার হইয়া দেশে ফিরিব। তাই একদিন ব্রাইটনে একটি পাবলিক স্কুলে আমি ভরতি হইলাম। বিদ্যালয়ের অধ্যক্ষ প্রথমেই আমার মুখের দিকে তাকাইয়া বলিয়া উঠিলেন, “বাহবা, তোমার মাথাটা তো চমৎকার।” (What a splendid head you have!) এই ছোটো কথাটা যে আমার মনে আছে তাহার কারণ এই যে, বাড়িতে আমার দর্পহরণ করিবার জন্ত যাহার প্রবল অধ্যবসায় ছিল তিনি বিশেষ করিয়া আমাকে এই কথাটি বুঝাইয়া দিয়াছিলেন যে, আমার ললাট এবং মুখশ্রী পৃথিবীর অল্প অনেকের সহিত তুলনায় কোনোমতে মধ্যমশ্রেণীর বলিয়া গণ্য হইতে পারে। আশা করি, এটাকে পাঠকেরা আমার গুণ বলিয়াই ধরিবেন যে, আমি তাঁহার কথা সম্পূর্ণ বিশ্বাস করিয়াছিলাম এবং আমার সম্বন্ধে সৃষ্টিকর্তার নানা প্রকার কার্পণ্যে দুঃখ অনুভব করিয়া নীরব হইয়া থাকিতাম। এইরূপে ক্রমে ক্রমে তাঁহার মতের সঙ্গে বিলাত-বাসীর মতের দুটো-একটা বিষয়ে পার্থক্য দেখিতে পাইয়া অনেকবার আমি গভীর হইয়া ভাবিয়াছি, হয়তো উভয় দেশের বিচারের প্রণালী ও আদর্শ সম্পূর্ণ বিভিন্ন।

ব্রাইটনের এই স্কুলের একটা জিনিস লক্ষ্য করিয়া আমি বিস্মিত হইয়াছিলাম— ছাত্রেরা আমার সঙ্গে কিছুমাত্র রুঢ় ব্যবহার করে নাই। অনেক সময়ে তাহারা আমার পকেটের মধ্যে কমলালেবু আপেল প্রভৃতি ফল গুঁজিয়া দিয়া পলাইয়া গিয়াছে। আমি বিদেশী বলিয়াই আমার প্রতি তাহাদের এইরূপ আচরণ, ইহাই আমার বিশ্বাস।

এ ইন্সুলেও আমার বেশিদিন পড়া চলিল না— সেটা ইন্সুলের দোষ নয়। তখন তারক পালিত মহাশয় ইংলণ্ডে ছিলেন। তিনি বুঝিলেন, এমন করিয়া আমার কিছু হইবে না। তিনি মেজদাদাকে বলিয়া আমাকে লগুনে আনিয়া প্রথমে একটা বাসায়

একলা ছাড়িয়া দিলেন। সে-বাসাটা ছিল রিজেন্ট উদ্যানের সম্মুখেই। তখন ঘোরতর শীত। সম্মুখের বাগানের গাছগুলায় একটিও পাতা নাই— বরফে-ঢাকা আঁকাবাঁকা রোগা ডালগুলো লইয়া তাহারা সারি সারি আঁকাশের দিকে তাকাইয়া খাড়া দাঁড়াইয়া আছে— দেখিয়া আমার হাড়গুলার মধ্যে পর্যন্ত যেন শীত করিতে থাকিত। নবগত প্রবাসীর পক্ষে শীতের লগনের মতো এমন নির্মম স্থান আর-কোথাও নাই। কাছাকাছির মধ্যে পরিচিত কেহ নাই, রাস্তাঘাট ভালো করিয়া চিনি না। একলা ঘরে চুপ করিয়া বসিয়া বাহিরের দিকে তাকাইয়া থাকিবার দিন আবার আমার জীবনে ফিরিয়া আসিল। কিন্তু বাহির তখন মনোরম নহে, তাহার ললাটে জকুটি; আকাশের রঙ ঘোলা, আলোক মৃতব্যক্তির চক্ষুতারার মতো দীপ্তিহীন; দশদিক আপনাকে সংকুচিত করিয়া আনিয়াছে, জগতের মধ্যে উদার আহ্বান নাই। ঘরের মধ্যে আসবাব প্রায় কিছুই ছিল না। দৈবক্রমে কী কারণে একটা হারমোনিয়ম ছিল। দিন যখন সকাল-সকাল অন্ধকার হইয়া আসিত তখন সেই যন্ত্রটা আপনমনে বাজাইতাম। কখনো কখনো ভারতবর্ষীয় কেহ কেহ আমার সঙ্গে দেখা করিতে আসিতেন। তাঁহাদের সঙ্গে আমার পরিচয় অতি অল্পই ছিল। কিন্তু যখন বিদায় লইয়া তাঁহারা উঠিয়া চলিয়া যাইতেন আমার ইচ্ছা করিত, কোট ধরিয়া তাঁহাদিগকে টানিয়া আবার ঘরে আনিয়া বসাই।

এই বাসায় থাকিবার সময় একজন আমাকে ল্যাটিন শিখাইতে আসিতেন। লোকটি অত্যন্ত রোগা, গায়ের কাপড় জীর্ণপ্রায়, শীতকালের নগ্ন গাছগুলার মতোই তিনি যেন আপনাকে শীতের হাত হইতে বাঁচাইতে পারিতেন না। তাঁহার বয়স কত ঠিক জানি না কিন্তু তিনি যে আপন বয়সের চেয়ে বৃদ্ধা হইয়া গিয়াছেন, তাহা তাঁহাকে দেখিলেই বুঝা যায়। এক-একদিন আমাকে পড়াইবার সময় তিনি যেন কথা খুঁজিয়া পাইতেন না, লজ্জিত হইয়া পড়িতেন। তাঁহার পরিবারের সকল লোকে তাঁহাকে বাতিকগ্রস্ত বলিয়া জানিত। একটা মত তাঁহাকে পাইয়া বসিয়াছিল। তিনি বলিতেন, পৃথিবীতে এক-একটা যুগে একই সময়ে ভিন্ন ভিন্ন দেশের মানবসমাজে একই ভাবের আবির্ভাব হইয়া থাকে; অবশ্য সভ্যতার তারতম্য-অনুসারে সেই ভাবের রূপান্তর ঘটিয়া থাকে কিন্তু হাওয়াটা একই। পরস্পরের দেখাদেখি যে একই ভাব ছড়াইয়া পড়ে তাহা নহে, যেখানে দেখাদেখি নাই সেখানেও অগ্ৰথা হয় না। এই মতটিকে প্রমাণ করিবার জন্ত তিনি কেবলই তথ্যসংগ্রহ করিতেছেন ও লিখিতেছেন। এদিকে ঘরে অন্ন নাই, গায়ে বস্ত্র নাই, তাঁহার মেয়েরা তাঁহার মতের প্রতি শ্রদ্ধামাত্র করে না এবং সম্ভবত এই পাগলামির জন্ত তাঁহাকে সর্বদা ভৎসনা করিয়া থাকে।

এক-একদিন তাঁহার মুখ দেখিয়া বুঝা যাইত— ভালো কোনো-একটা প্রমাণ পাইয়াছেন, লেখা অনেকটা অগ্রসর হইয়াছে। আমি সেদিন সেই বিষয়ে কথা উত্থাপন করিয়া তাঁহার উৎসাহে আরও উৎসাহ সঞ্চার করিতাম; আবার এক-একদিন তিনি বড়ো বিমর্ষ হইয়া আসিতেন, যেন যে-ভার তিনি গ্রহণ করিয়াছেন তাহা আর বহন করিতে পারিতেছেন না। সেদিন পড়ানোর পদে পদে বাধা ঘটত, চোখদুটো কোন্ শূণ্যের দিকে তাকাইয়া থাকিত, মনটাকে কোনোমতেই প্রথমপাঠ্য ল্যাটিন ব্যাকরণের মধ্যে টানিয়া আনিতে পারিতেন না। এই ভাবের ভারে ও লেখার দায়ে অবনত, অনশন-ক্লিষ্ট লোকটিকে দেখিলে আমার বড়োই বেদনা বোধ হইত। যদিও বেশ বুঝিতে-ছিলাম, ইঁহার দ্বারা আমার পড়ার সাহায্য প্রায় কিছুই হইবে না, তবুও কোনোমতেই ইঁহাকে বিদায় করিতে আমার মন সরিল না। যে-কয়দিন সে-বাসায় ছিলাম এমনি করিয়া ল্যাটিন পড়িবার ছল করিয়াই কাটিল। বিদায় লইবার সময় যখন তাঁহার বেতন চূকাইতে গেলাম তিনি করুণস্বরে আমাকে কহিলেন, “আমি কেবল তোমার সময় নষ্ট করিয়াছি, আমি তো কোনো কাজই করি নাই, আমি তোমার কাছ হইতে বেতন লইতে পারিব না।” আমি তাঁহাকে অনেক কষ্টে বেতন লইতে রাজি করিয়াছিলাম। আমার সেই ল্যাটিনশিক্ষক যদিচ তাঁহার মতকে আমার সমক্ষে প্রমাণসহ উপস্থিত করেন নাই, তবু তাঁহার সে-কথা আমি এ-পর্যন্ত অবিশ্বাস করি না। এখনো আমার এই বিশ্বাস যে, সমস্ত মানুষের মনের সঙ্গে মনের একটি অথও গভীর যোগ আছে; তাহার এক জায়গায় যে-শক্তির ক্রিয়া ঘটে অত্র গৃঢ়ভাবে তাহা সংক্রামিত হইয়া থাকে।

এখান হইতে পালিতমহাশয় আমাকে বার্কীর নামক একজন শিক্ষকের বাসায় লইয়া গেলেন।^৯ ইনি বাড়িতে ছাত্রদিগকে পরীক্ষার জন্ত প্রস্তুত করিয়া দিতেন। ইঁহার ঘরে ইঁহার ভালোমানুষ স্ত্রীটি ছাড়া অত্যল্পমাত্রও রম্য জিনিস কিছুই ছিল না। এমন শিক্ষকের ছাত্র যে কেন জোটে তাহা বুঝিতে পারি, কারণ ছাত্রবেচারাদের নিজের পছন্দ প্রয়োগ করিবার সুযোগ ঘটে না— কিন্তু এমন মানুষেরও স্ত্রী মেলে কেমন করিয়া সে কথা ভাবিলে মন ব্যথিত হইয়া উঠে। বার্কীর-জায়ার সান্ত্বনার সামগ্রী ছিল একটি কুকুর— কিন্তু স্ত্রীকে যখন বার্কীর দণ্ড দিতে ইচ্ছা করিতেন তখন পীড়া দিতেন সেই কুকুরকে। সুতরাং এই কুকুরকে অবলম্বন করিয়া মিসেস বার্কীর আপনার বেদনার ক্ষেত্রকে আরও খানিকটা বিস্তৃত করিয়া তুলিয়াছিলেন।

এমন সময়ে বউঠাকুরানী যখন ডেভনশিয়ের টর্কিনগর^{১০} হইতে ডাক দিলেন তখন আনন্দে সেখানে দৌড় দিলাম। সেখানে পাছাড়ে, সমুদ্রে, ফুলবিছানো প্রাস্তরে, পাইনবনের ছায়ায় আমার দুইটি লীলাচঞ্চল শিশুসঙ্গীকে লইয়া কী সুখে কাটিয়াছিল

বলিতে পারি না। দুই চক্ষু যখন মুগ্ধ, মন আনন্দে অভিষিক্ত এবং অবকাশে পূর্ণ দিনগুলি নিকটক স্মৃতির বোঝা লইয়া প্রত্যহ অনন্তের নিস্তন্ধ নীলাকাশসমূহ্রে পাড়ি দিতেছে, তখনো কেন যে মনের মধ্যে কবিতা লেখার তাগিদ আসিতেছে না, এই কথা চিন্তা করিয়া এক-একদিন মনে আঘাত পাইয়াছি। তাই একদিন খাতা-হাতে ছাতা-মাথায় নীল সাগরের শৈলবেলায় কবির কর্তব্য পালন করিতে গেলাম। জায়গাটি সুন্দর বাছিয়াছিলাম— কারণ, সেটা তো ছন্দও নহে, ভাবও নহে। একটি সমুদ্র শিলাতট চিরব্যগ্রতার মতো সমুদ্রের অভিমুখে শূণ্ণে ঝুঁকিয়া রহিয়াছে; সমুদ্রের ফেনরেখান্নিত তরল নীলিমার দোলার উপর দিনের আকাশ দোল খাইয়া তরঙ্গের কলগানে হাসিমুখে ঘুমাইতেছে— পশ্চাতে সারিবাঁধা পাইনের সুগন্ধি ছায়াখানি বনলক্ষ্মীর আলস্তস্থলিত আঁচলটির মতো ছড়াইয়া পড়িয়াছে। সেই শিলাসনে বসিয়া মগ্নতরী^{১১} নামে একটি কবিতা লিখিয়াছিলাম। সেইখানেই সমুদ্রের জলে সেটাকে মগ্ন করিয়া দিয়া আসিলে আজ হয়তো বসিয়া বসিয়া ভাবিতে পারিতাম যে, সে জিনিষটা বেশ ভালোই হইয়াছিল। কিন্তু সে রাস্তা বন্ধ হইয়া গেছে। দুর্ভাগ্যক্রমে এখনো সে সশরীরে সাক্ষ্য দিবার জন্ত বর্তমান। গ্রন্থাবলী হইতে যদিও সে নির্বাসিত তবুও সপিনাজারি করিলে তাহার ঠিকানা পাওয়া দুঃসাধ্য হইবে না।

কিন্তু কর্তব্যের পেয়াদা নিশ্চিত হইয়া নাই। আবার তাগিদ আসিল, আবার লগনে ফিরিয়া গেলাম। এবারে ডাক্তার স্কট নামক একজন ভদ্র গৃহস্থের ঘরে আমার আশ্রয় জুটিল।^{১২} একদিন সন্ধ্যার সময় বাস্তু তোরঙ্গ লইয়া তাঁহাদের ঘরে প্রবেশ করিলাম। বাড়িতে কেবল পরকেশ ডাক্তার, তাঁহার গৃহিণী ও তাঁহাদের বড়ো মেয়েটি আছেন। ছোটো দুইজন মেয়ে ভারতবর্ষীয় অতিথির আগমন আশঙ্কায় অভিভূত হইয়া কোনো আত্মীয়ের বাড়ি পলায়ন করিয়াছেন। বোধকরি যখন তাঁহারা সংবাদ পাইলেন, আমার দ্বারা কোনো সাংঘাতিক বিপদের আশু সম্ভাবনা নাই তখন তাঁহারা ফিরিয়া আসিলেন।

অতি অল্পদিনের মধ্যেই আমি ইঁহাদের ঘরের লোকের মতো হইয়া গেলাম। মিসেস স্কট আমাকে আপন ছেলের মতোই স্নেহ করিতেন। তাঁহার মেয়েরা আমাকে ধেরুপ মনের সঙ্গে যত্ন করিতেন তাহা আত্মীয়দের কাছ হইতেও পাওয়া দুর্লভ।

এই পরিবারে বাস করিয়া আমি একটি ছিনিস লক্ষ্য করিয়াছি— মানুষের প্রকৃতি সব জায়গাতেই সমান। আমরা বলিয়া থাকি এবং আমিও তাহা বিশ্বাস করিতাম যে, আমাদের দেশে পতিভক্তির একটা বিশিষ্টতা আছে, যুরোপে তাহা নাই। কিন্তু আমাদের দেশের সাধ্বীগৃহিণীর সঙ্গে মিসেস স্কটের আমি তো বিশেষ পার্থক্য দেখি

নাই। স্বামীর সেবায় তাঁহার সমস্ত মন ব্যাপ্ত ছিল। মধ্যবিত্ত গৃহস্থঘরে চাকর-বাকরদের উপসর্গ নাই, প্রায় সব কাজই নিজের হাতে করিতে হয়,— এইজন্ত স্বামীর প্রত্যেক ছোটোখাটো কাজটিও মিসেস স্কট নিজের হাতে করিতেন। সন্ধ্যার সময় স্বামী কাজ করিয়া ঘরে ফিরিবেন, তাহার পূর্বেই আগুনের ধারে তিনি স্বামীর আরাগকেদারা ও তাঁহার পশমের জুতাজোড়াটি স্বহস্তে গুছাইয়া রাখিতেন। ডাক্তার স্কটের কী ভালো লাগে আর না লাগে, কোন্ ব্যবহার তাঁহার কাছে প্রিয় বা অপ্রিয়, সে-কথা মুহূর্তের জন্তও তাঁহার স্ত্রী ভুলিতেন না। প্রাতঃকালে একজনমাত্র দাসীকে লইয়া নিজে উপরের তলা হইতে নিচের রান্নাঘর, সিঁড়ি এবং দরজার গায়ের পিতলের কাজগুলিকে পর্যন্ত ধুইয়া মাজিয়া তক্তকে ঝকঝকে করিয়া রাখিয়া দিতেন। ইহার পরে লোকলৌকিকতার নানা কর্তব্য তো আছেই। গৃহস্থালির সমস্ত কাজ সারিয়া সন্ধ্যার সময় আমাদের পড়াশুনা গানবাজনায় তিনি সম্পূর্ণ যোগ দিতেন; অবকাশের কালে আমোদপ্রমোদকে জমাইয়া তোলা, সেটাও গৃহিণীর কর্তব্যেরই অঙ্গ।

মেয়েদের লইয়া এক-একদিন সন্ধ্যাবেলায় সেখানে টেবিল-চালা হইত। আমরা কয়েকজনে মিলিয়া একটা টিপাইয়ে হাত লাগাইয়া থাকিতাম, আর টিপাইটা ঘরময় উন্নতের মতো দাপাদাপি করিয়া বেড়াইত। ক্রমে এমন হইল, আমরা যাহাতে হাত দিই তাহাই নড়িতে থাকে। মিসেস স্কটের এটা যে খুব ভালো লাগিত তাহা নহে। তিনি মুখ গস্তীর করিয়া এক-একবার মাথা নাড়িয়া বলিতেন, “আমার মনে হয়, এটা ঠিক বৈধ হইতেছে না।” কিন্তু তবু তিনি আমাদের এই ছেলেমানুষি কাণ্ডে জোর করিয়া বাধা দিতেন না, এই অনাচার সহ্য করিয়া যাইতেন। একদিন ডাক্তার স্কটের লম্বা টুপি লইয়া সেটার উপর হাত রাখিয়া যখন চালিতে গেলাম, তিনি ব্যাকুল হইয়া তাড়াতাড়ি ছুটিয়া আসিয়া বলিলেন, “না না, ও-টুপি চালাইতে পারিবে না।” তাঁহার স্বামীর মাথার টুপিতে মুহূর্তের জন্ত শয়তানের সংস্রব ঘটে, ইহা তিনি সহিতে পারিলেন না।

এই-সমস্তের মধ্যে একটি জিনিস দেবিতে পাইতাম, সেটি স্বামীর প্রতি তাঁহার ভক্তি। তাঁহার সেই আত্মবিসর্জনপর মধুর নম্রতা স্মরণ করিয়া স্পষ্ট বুঝিতে পারি, স্ত্রীলোকের প্রেমের স্বাভাবিক চরম পরিণাম ভক্তি। যেখানে তাহাদের প্রেম আপন বিকাশে কোনো বাধা পায় নাই সেখানে তাহা আপনি পূজায় আসিয়া ঠেকে। যেখানে ভোগবিলাসের আয়োজন প্রচুর, যেখানে আমোদপ্রমোদেই দিনরাত্তিকে আবিল করিয়া রাখে, সেখানে এই প্রেমের বিকৃতি ঘটে; সেখানে স্ত্রীপ্রকৃতি আপনার পূর্ণ আনন্দ পায় না।

কয়েকমাস এখানে কাটিয়া গেল। মেজদাদার দেশে ফিরিবার সময় উপস্থিত

হইল। পিতা লিখিয়া পাঠাইলেন, আমাকেও তাঁহাদের সঙ্গে ফিরিতে হইবে। সে-প্রস্তাবে আমি খুশি হইয়া উঠিলাম। দেশের আলোক দেশের আকাশ আমাকে ভিতরে ভিতরে ডাক দিতেছিল। বিদায়গ্রহণকালে মিসেস স্কট আমার দুই হাত ধরিয়া কাঁদিয়া কহিলেন, “এমন করিয়াই যদি চলিয়া যাইবে তবে এত অল্পদিনের জগ্ন ভূমি কেন এখানে আসিলে।”—লগনে এই গৃহটি এখন আর নাই; এই ডাক্তার-পরিবারের কেহবা পরলোকে কেহবা ইহলোকে কে কোথায় চলিয়া গিয়াছেন, তাহার কোনো সংবাদই জ্ঞানি না, কিন্তু সেই গৃহটি আমার মনের মধ্যে চিরপ্রতিষ্ঠিত হইয়া আছে।^{১০}

একবার শীতের সময় আমি টনব্রিজ ওয়েল্‌স্‌^{১১} শহরের রাস্তা দিয়া যাইবার সময় দেখিলাম, একজন লোক রাস্তার ধারে দাঁড়াইয়া আছে; তাহার ছেঁড়া জুতার ভিতর দিয়া পা দেখা যাইতেছে, পায়ে মোজা নাই, বুকের খানিকটা খোলা। ভিক্ষা করা নিষিদ্ধ বলিয়া সে আমাকে কোনো কথা বলিল না, কেবল মুহূর্তকালের জগ্ন আমার মুখের দিকে তাকাইল। আমি তাহাকে যে-মুদ্রা দিলাম তাহা তাহার পক্ষে প্রত্যাশার অতীত ছিল। আমি কিছুদূর চলিয়া আসিলে সে তাড়াতাড়ি ছুটিয়া আসিয়া কহিল, “মহাশয়, আপনি আমাকে ভ্রমক্রমে একটি স্বর্ণমুদ্রা দিয়াছেন।”—বলিয়া সেই মুদ্রাটি আমাকে ফিরাইয়া দিতে উগ্গত হইল। এই ঘটনাটি হয়তো আমার মনে থাকিত না কিন্তু ইহার অল্পরূপ আর-একটি ঘটনা ঘটয়াছিল। বোধকরি টর্কি স্টেশনে প্রথম যখন পৌঁছিলাম একজন মুটে আমার মোট লইয়া ঠিকা গাড়িতে তুলিয়া দিল। টাকার খলি খুলিয়া পেনি-জাতীয় কিছু পাইলাম না, একটি অর্ধক্রাউন ছিল—সেইটিই তাহার হাতে দিয়া গাড়ি ছাড়িয়া দিলাম। কিছুক্ষণ পরে দেখি সেই মুটে গাড়ির পিছনে ছুটিতে ছুটিতে গাড়োয়ানকে গাড়ি থামাইতে বলিতেছে। আমি মনে ভাবিলাম, সে আমাকে নির্বোধ বিদেশী ঠাহরাইয়া আরও-কিছু দাবি করিতে আসিতেছে। গাড়ি থামিলে সে আমাকে বলিল, “আপনি বোধকরি পেনি মনে করিয়া আমাকে অর্ধক্রাউন দিয়াছেন।”

যতদিন ইংলণ্ডে ছিলাম কেহ আমাকে বঞ্চনা করে নাই, তাহা বলিতে পারি না—কিন্তু তাহা মনে করিয়া রাখিবার বিষয় নহে এবং তাহাকে বড়ো করিয়া দেখিলে অবিচার করা হইবে। আমার মনে এই কথাটা খুব লাগিয়াছে যে, যাহারা নিজে বিশ্বাস নষ্ট করে না তাহারাই অগ্ৰকে বিশ্বাস করে। আমরা সম্পূর্ণ বিদেশী অপরিচিত, যখন খুশি ফাঁকি দিয়া দৌড় মারিতে পারি—তবু সেখানে দোকানে বাজারে কেহ আমাদেরকে কিছু সন্দেহ করে নাই।

যতদিন বিলাতে ছিলাম, গুরু হইতে শেষ পর্যন্ত একটি প্রহসন আমার প্রবাসবাসের সঙ্গে জড়িত হইয়া ছিল। ভারতবর্ষের একজন উচ্চ ইংরেজ কর্মচারীর বিধবা স্ত্রীর^১ সহিত আমার আলাপ হইয়াছিল। তিনি স্নেহ করিয়া আমাকে রুবি বলিয়া ডাকিতেন। তাঁহার স্বামীর মৃত্যু-উপলক্ষে তাঁহার ভারতবর্ষীয় এক বন্ধু ইংরেজিতে একটি বিলাপগান রচনা করিয়াছিলেন। তাহার ভাষানৈপুণ্য ও কবিত্বশক্তি সঘন্থে অধিক বাক্যব্যয় করিতে ইচ্ছা করি না। আমার দুর্ভাগ্যক্রমে, সেই কবিতাটি বেহাগ-রাগিণীতে গাহিতে হইবে এমন একটা উল্লেখ ছিল। আমাকে একদিন তিনি ধরিলেন, “এই গানটা তুমি বেহাগরাগিণীতে গাহিয়া আমাকে শুনাও।” আমি নিতান্ত ভালোমাহুষ্টি করিয়া তাঁহার কথাটা রক্ষা করিয়াছিলাম। সেই অদ্ভুত কবিতার সঙ্গে বেহাগ সুরের সম্মিলনটা যে কিরূপ হাশ্বকর হইয়াছিল, তাহা আমি ছাড়া বুঝিবার দ্বিতীয় কোনো লোক সেখানে উপস্থিত ছিল না। মহিলাটি ভারতবর্ষীয় সুরে তাঁহার স্বামীর শোকগাথা গুনিয়া খুব খুশি হইলেন। আমি মনে করিলাম, এইখানেই পালা শেষ হইল — কিন্তু হইল না।

সেই বিধবা রমণীর সঙ্গে নিমন্ত্রণসভায় প্রায়ই আমার দেখা হইত। আহা়াস্তে বৈঠকখানাঘরে যখন নিমন্ত্রিত স্ত্রীপুরুষ সকলে একত্রে সমবেত হইতেন তখন তিনি আমাকে সেই বেহাগ গান করিবার জন্ত অনুরোধ করিতেন। অজ্ঞ সকলে ভাবিতেন, ভারতবর্ষীয় সংগীতের একটা বুঝি আশ্চর্য নমুনা শুনিতে পাইবেন— তাঁহারা সকলে মিলিয়া সাহ্ননয় অনুরোধে যোগ দিতেন, মহিলাটির পকেট হইতে সেই ছাপানো কাগজখানি বাহির হইত, আমার কর্ণমূল রক্তিম আভা ধারণ করিত। নতশিরে লজ্জিতকণ্ঠে গান ধরিতাম; স্পষ্টই বুঝিতে পারিতাম, এই শোকগাথার ফল আমার পক্ষে ছাড়া আর-কাহারও পক্ষে যথেষ্ট শোচনীয় হইত না। গানের শেষে চাপা হাসির মধ্য হইতে শুনিতে পাইতাম, “Thank you very much. How interesting!” তখন শীতের মধ্যেও আমার শরীর ঘর্মাক্ত হইবার উপক্রম করিত। (এই ভদ্রলোকের মৃত্যু আমার পক্ষে যে এতবড়ো একটা দুর্ঘটনা হইয়া উঠিবে, তাহা আমার জন্মকালে বা তাঁহার মৃত্যুকালে কে মনে করিতে পারিত!)

তাহার পরে আমি যখন ডাক্তার স্বর্টের বাড়িতে থাকিয়া লণ্ডন যুনিভার্সিটিতে পড়া আরম্ভ করিলাম তখন কিছুদিন সেই মহিলাটির সঙ্গে আমার দেখাসাক্ষাৎ বন্ধ ছিল। লণ্ডনের বাহিরে কিছু দূরে তাঁহার বাড়ি ছিল। সেই বাড়িতে যাইবার জন্ত তিনি প্রায় আমাকে অনুরোধ করিয়া চিঠি লিখিতেন। আমি শোকগাথার ভয়ে কোনোমতেই রাজি হইতাম না। অবশেষে একদিন তাঁহার সাহ্ননয় একটি টেলিগ্রাম পাইলাম।

টেলিগ্রাম যখন পাইলাম তখন কলেজে যাইতেছি। এদিকে তখন কলিকাতায় কিরিবার সময়ও আসন্ন হইয়াছে। মনে করিলাম, এখান হইতে চলিয়া যাইবার পূর্বে বিধবার অনুরোধটা পালন করিয়া যাইব।

কলেজ হইতে বাড়ি না গিয়া একেবারে স্টেশনে গেলাম। সেদিন বড়ো দুর্ঘোণ। খুব শীত, বরফ পড়িতেছে, কুয়াশায় আকাশ আচ্ছন্ন। যেখানে যাইতে হইবে সেই স্টেশনেই এ-লাইনের শেষ গম্যস্থান, তাই নিশ্চিত হইয়া বসিলাম। কখন গাড়ি হইতে নামিতে হইবে তাহা সন্ধান লইবার প্রয়োজন বোধ করিলাম না।

দেখিলাম, স্টেশনগুলি সব ডানদিকে আসিতেছে। তাই ডানদিকের জানলা বেসিয়া বসিয়া গাড়ির দীপালোকে একটা বই পড়িতে লাগিলাম। সকাল-সকাল সন্ধ্যা হইয়া অন্ধকার হইয়া আসিয়াছে, বাহিরে কিছুই দেখা যায় না। লণ্ডন হইতে যে কয়জন যাত্রী আসিয়াছিল তাহারা নিজ নিজ গম্যস্থানে একে একে নামিয়া গেল।

গম্ভব্য স্টেশনের পূর্ব স্টেশন ছাড়িয়া গাড়ি চলিল। এক জায়গায় একবার গাড়ি থামিল। জানলা হইতে মুখ বাড়াইয়া দেখিলাম, সমস্ত অন্ধকার। লোকজন নাই, আলো নাই, প্ল্যাটফর্ম নাই, কিছুই নাই! ভিতরে যাহারা থাকে তাহারা ই প্রকৃত তত্ত্ব জানা হইতে বঞ্চিত—রেলগাড়ি কেন যে অস্থানে অসময়ে থামিয়া বসিয়া থাকে রেলের আরোহীদের তাহা বুঝিবার উপায় নাই, অতএব পুনরায় পড়ায় মন দিলাম। কিছুক্ষণ বাদে গাড়ি পিছু হটিতে লাগিল—মনে ঠিক করিলাম, রেলগাড়ির চরিত্র বুঝিবার চেষ্টা করা মিথ্যা। কিন্তু যখন দেখিলাম যে-স্টেশনটি ছাড়িয়া গিয়াছিলাম সেই স্টেশনে আসিয়া গাড়ি থামিল, তখন উদাসীন থাকা আমার পক্ষে কঠিন হইল। স্টেশনের লোককে জিজ্ঞাসা করিলাম, অমুক স্টেশন কখন পাওয়া যাইবে। সে কহিল, সেইখান হইতেই তো এ গাড়ি এইমাত্র আসিয়াছে। ব্যাকুল হইয়া জিজ্ঞাসা করিলাম, কোথায় যাইতেছে। সে কহিল, লণ্ডনে। বুঝিলাম এ গাড়ি খেয়াগাড়ি, পারাপার করে। ব্যতিবাস্ত হইয়া হঠাৎ সেইখানে নামিয়া পড়িলাম। জিজ্ঞাসা করিলাম, উত্তরের গাড়ি কখন পাওয়া যাইবে। সে কহিল, আজ রাত্রে নয়। জিজ্ঞাসা করিলাম, কাছাকাছির মধ্যে সরাই কোথাও আছে? সে বলিল, পাঁচ মাইলের মধ্যে না।

প্রাতে দশটার সময় আহাৰ করিয়া বাহির হইয়াছি, ইতিমধ্যে জলস্পর্শ করি নাই। কিন্তু বৈরাগ্য ছাড়া যখন দ্বিতীয় কোনো পথ খোলা না থাকে তখন নিবৃত্তিই সবচেয়ে সোজা; মোটা ওভারকোটের বোতাম গলা পর্যন্ত আঁটিয়া স্টেশনের দীপস্তম্ভের

নিচে বেকের উপর বসিয়া বই পড়িতে লাগিলাম। বইটা ছিল স্পেন্সরের Data of Ethics ১৬ সেটি তখন সবেমাত্র প্রকাশিত হইয়াছে; গতান্তর যখন নাই তখন, এইজাতীয় বই মনোযোগ দিয়া পড়িবার এমন পরিপূর্ণ অবকাশ আর জুটিবে না, এই বলিয়া মনকে প্রবোধ দিলাম।

কিছুকাল পরে পোর্টার আসিয়া কহিল, আজ একটি স্পেশাল আছে— আধঘণ্টার মধ্যে আসিয়া পৌঁছবে। শুনিয়া মনে এত স্কুর্তির সঞ্চার হইল যে, তাহার পর হইতে Data of Ethics-এ মনোযোগ করা আমার পক্ষে অসাধ্য হইয়া উঠিল।

সাতটার সময় যেখানে পৌঁছিবার কথা সেখানে পৌঁছিতে সাড়ে-নয়টা হইল। গৃহকর্তী কহিলেন, “এ কী রুবি, ব্যাপারখানা কী।” আমি আমার আশ্চর্য ভ্রমণবৃত্তান্তটি খুব-যে সগর্বে বলিলাম তাহা নয়।

তখন সেখানকার নিমন্ত্রিতগণ ডিনার শেষ করিয়াছেন। আমার মনে ধারণা ছিল যে, আমার অপরাধ যখন স্বেচ্ছাকৃত নহে তখন গুরুতর দণ্ডভোগ করিতে হইবে না— বিশেষত রমণী যখন বিধানকর্তী। কিন্তু উচ্চপদস্থ ভারতকর্মচারীর বিধবা স্ত্রী আমাকে বলিলেন, “এসো রুবি, এক পেয়ালা চা খাইবে।”

আমি কোনোদিন চা খাই না কিন্তু জর্ঠরানল নির্বাপনের পক্ষে পেয়ালা যৎকিঞ্চ সাহায্য করিতে পারে মনে করিয়া গোটাছুয়েক চক্রাকার বিস্কুটের সঙ্গে সেই কড়া চা গিলিয়া ফেলিলাম। বৈঠকখানাঘরে আসিয়া দেখিলাম, অনেকগুলি প্রাচীন নারীর সমাগম হইয়াছে। তাঁহাদের মধ্যে একজন সুন্দরী যুবতী ছিলেন, তিনি আমেরিকান এবং তিনি গৃহস্বামিনীর যুবক ভাতৃপুত্রের সহিত বিবাহের পূর্বে পূর্বরাগের পালা উদ্ঘাপন করিতেছেন। ঘরের গৃহিণী বলিলেন, “এবার তবে নৃত্য শুরু করা যাক।” আমার নৃত্যের কোনো প্রয়োজন ছিল না এবং শরীরমনের অবস্থাও নৃত্যের অনুরূপ ছিল না। কিন্তু অত্যন্ত ভালোমানুষ যাহারা জগতে তাহারা অসাধ্যসাধন করে। সেই কারণে যদিচ এই নৃত্যসভাটি সেই যুবকযুবতীর জন্মই আহূত, তথাপি দশঘণ্টা উপবাসের পর দুইখণ্ড বিস্কুট খাইয়া তিনকাল-উত্তীর্ণ প্রাচীন রমণীদের সঙ্গে নৃত্য করিলাম।

এইখানেই দুঃখের অবধি হইল না। নিমন্ত্রণকর্তী আমাকে জিজ্ঞাসা করিলেন, “রুবি, আজ তুমি রাত্রিযাপন করিবে কোথায়।” এ প্রশ্নের জন্ম আমি একেবারেই প্রস্তুত ছিলাম না। আমি হতবুদ্ধি হইয়া যখন তাঁহার মুখের দিকে তাকাইয়া রহিলাম তিনি কহিলেন, “রাত্রি দ্বিপ্রহরে এখানকার সরাই বন্ধ হইয়া যায়, অতএব আর বিলম্ব না করিয়া এখনই তোমার সেখানে যাওয়া কতব্য।” সৌজন্নের একেবারে অভাব ছিল

না—সরাসী আমাকে নিজে খুঁজিয়া লইতে হয় নাই। লণ্ডন ধরিয়া একজন ভৃত্য আমাকে সরাসীয়ে পৌছাইয়া দিল।

মনে করিলাম, হয়তো শাপে বর হইল— হয়তো এখানে আহারের ব্যবস্থা আছে। জিজ্ঞাসা করিলাম, আমিষ হউক, নিরামিষ হউক, তাজা হউক, বাসি হউক, কিছু খাইতে পাইব কি। তাহারা কহিল, মগ্ন যত চাও পাইবে, খাও নয়। তখন ভাবিলাম, নিদ্রাদেবীর হৃদয় কোমল তিনি আহার না দিন বিস্মৃতি দিবেন। কিন্তু তাঁহার জগৎজোড়া অঙ্কেও তিনি সে-রাত্রে আমাকে স্থান দিলেন না। বেলেপাথরের মেজেওয়াল ঘর ঠাণ্ডা কনকন্ করিতেছে; একটি পুরাতন খাট ও একটি জীর্ণ মুখ ধুইবার টেবিল ঘরের আসবাব।

সকালবেলায় ইঙ্গভারতী বিধবাটি প্রাতরাশ খাইবার জন্ত ডাকিয়া পাঠাইলেন। ইংরেজি দস্তুরে যাহাকে ঠাণ্ডা খানা বলে তাহারই আয়োজন। অর্থাৎ, গতরাত্রির ভোজের অবশেষ আজ ঠাণ্ডা অবস্থায় খাওয়া গেল। ইহারই অতি যৎসামান্য কিছু অংশ যদি উষ্ণ বা কবোষ্ণ আকারে কাল পাওয়া যাইত তাহা হইলে পৃথিবীতে কাহারও কোনো গুরুতর ক্ষতি হইত না— অথচ আমার নৃত্যটা ডাঙায়-তোলা কইমাছের নৃত্যের মতো এমন শোকাবহ হইতে পারিত না।

আহারান্তে নিমন্ত্রণকর্ত্রী কহিলেন, “যাহাকে গান শুনাইবার জন্ত তোমাকে ডাকিয়াছি তিনি অসুস্থ, শয্যাগত; তাঁহার শয়নগৃহের বাহিরে দাঁড়াইয়া তোমাকে গাহিতে হইবে।” সিঁড়ির উপর আমাকে দাঁড় করাইয়া দেওয়া হইল। রুদ্ধদ্বারের দিকে অঙ্গুলি নির্দেশ করিয়া গৃহিণী কহিলেন, “ওই ঘরে তিনি আছেন।” আমি সেই অদৃশ্য রহস্যের অভিমুখে দাঁড়াইয়া শোকের গান বেহাগরাগিণীতে গাহিলাম, তাহার পর রোগিণীর অবস্থা কী হইল সে সংবাদ লোকমুখে বা সংবাদপত্রে জানিতে পাই নাই।

লণ্ডনে ফিরিয়া আসিয়া দুই-তিন দিন বিছানায় পড়িয়া নিরঙ্কুশ ভালোমাহুঘির প্রায়শ্চিত্ত করিলাম। ডাক্তারের মেয়েরা কহিলেন, “দোহাই তোমার, এই নিমন্ত্রণ-ব্যাপারকে আমাদের দেশের আতিথ্যের নমুনা বলিয়া গ্রহণ করিয়ো না। এ তোমাদের ভারতবর্ষের নিমকের গুণ।”

১ ড্র ছেলেবেলা, অধ্যায় ১৩, পৃ ৭৬-৮০।

২ ইং ১৮৭৮, ২০ সেপ্টেম্বর, ‘পুনা’ স্টিমারে যাত্রা। ড্র যুরোপ প্রবাসীর পত্র, প্রথম; রচনাবলী ১।

- ৩ অ 'য়ুরোপ-যাত্রী কোন বঙ্গীয় যুবকের পত্র', ভারতী, ১২৮৬ বৈশাখ-পৌষ, ফাল্গুন; ১২৮৭ বৈশাখ-
শ্রাবণ। তু য়ুরোপপ্রবাসীর পত্র, রচনাবলী ১।
- ৪ Brighton, Sussex। অ য়ুরোপপ্রবাসীর পত্র, ষষ্ঠ।
- ৫ অ 'বরফ পড়া', বালক, ১২২২ আশ্বিন।
- ৬ স্বরেন্দ্র ও ইন্দির।
- ৭ বউঠাকুরানী কামধরী দেবী, অ 'সাহিত্যের সঙ্গী' অধ্যায়।
- ৮ মারু তারকনাথ পালিত (ইং ১৮৪১-১৯১৪)।
- ৯ অ য়ুরোপপ্রবাসীর পত্র, দশম।
- ১০ Torquay, Devonshire। অ য়ুরোপপ্রবাসীর পত্র, নবম।
- ১১ অ 'ভগ্নতরী', ভারতী, ১২৮৬ আষাঢ়; রচনাবলী-অ ১।
- ১২ অ য়ুরোপপ্রবাসীর পত্র, দশম।
- ১৩ তু 'হুই দিন', সন্ধ্যাসংগীত, রচনাবলী ১; 'হুদিন' — শ্রীদিক্ শূচ্য উট্টাটার্ণ, ভারতী ১২৮৭ জ্যৈষ্ঠ।
- ১৪ Tunbridge Wells, Kent; অ য়ুরোপপ্রবাসীর পত্র, অষ্টম।
- ১৫ Mrs. Wood; অ 'রবীন্দ্র-বর্ষপঞ্জী' — প্রশান্তচন্দ্র মহলানবিশ, বিচিত্রা ১৩৩৯ বৈশাখ, পৃ ৪৪৬।
- ১৬ The Data of Ethics by Herbert Spencer (1879, June)।

লোকেন পালিত

বিলাতে যখন আমি যুনিভার্সিটি কলেজে ইংরেজি-সাহিত্য-ক্লাসে তখন সেখানে লোকেন পালিত^২ ছিল আমার সহাধ্যায়ী বন্ধু। বয়সে সে আমার চেয়ে প্রায় বছর-চারেকের ছোটো; যে-বয়সে জীবনস্মৃতি লিখিতেছি সে-বয়সে চারবছরের তারতম্য চোখে পড়িবার মতো নহে; কিন্তু সতেরোর সঙ্গে তেরোর প্রভেদ এত বেশি যে সেটা ডিঙাইয়া বন্ধুত্ব করা কঠিন। বয়সের গোরব নাই বলিয়াই বয়স সঙ্ক্ষে বালক আপনার মর্ষাদা বাঁচাইয়া চলিতে চায়। কিন্তু এই বালকটি সঙ্ক্ষে সে-বাধা আমার মনে একেবারেই ছিল না। তাহার একমাত্র কারণ, বুদ্ধিশক্তিতে আমি লোকেনকে কিছুমাত্র ছোটো বলিয়া মনে করিতে পারিতাম না।

যুনিভার্সিটি কলেজের লাইব্রেরিতে ছাত্র ও ছাত্রীরা বসিয়া পড়াশুনা করে; আমাদের দুইজনের সেখানে গল্প করিবার আড্ডা ছিল। সে-কাজটা চুপিচুপি সারিলে কাহারও আপত্তির কোনো কারণ থাকিত না—কিন্তু হাসির প্রভূত বাস্পে আমার বন্ধুর তরুণ মন একেবারে সর্বদা পরিষ্কীত হইয়াছিল, সামান্য একটু নাড়া পাইলে তাহা সশব্দে উচ্ছ্বসিত হইতে থাকিত। সকল দেশেই ছাত্রীদের পাঠনিষ্ঠায় অস্বাভাবিক পরিমাণ আতিশয্য দেখা যায়। আমাদের কত পাঠরত প্রতিবেশিনী ছাত্রীর নীল চক্ষুর নীরব ভংসনাকটাক্ষ আমাদের সরব হাস্যলাপের উপর নিফলে বর্ষিত হইয়াছে, তাহা স্মরণ করিলে আজ আমার মনে অল্পতাপ উদয় হয়। কিন্তু তখনকার দিনে পাঠাভ্যাসের ব্যাঘাতপীড়া সঙ্ক্ষে আমার চিত্তে সহানুভূতির লেশমাত্র ছিল না। কোনোদিন আমার মাথা ধরে নাই এবং বিধাতার প্রসাদে বিদ্যালয়ের পড়ার বিষয়ে আমাকে একটু কষ্ট দেয় নাই।

এই লাইব্রেরি-মন্দিরে আমাদের নিরবচ্ছিন্ন হাস্যলাপ চলিত বলিলে অত্যাুক্তি হয়। সাহিত্য-আলোচনাও করিতাম। সে-আলোচনায় বালক বন্ধুকে অর্বাচীন বলিয়া মনে করিতে পারিতাম না। যদিও বাংলা বই সে আমার চেয়ে অনেক কম পড়িয়াছিল, কিন্তু চিন্তাশক্তিতে সেই কমটুকু সে অনায়াসেই পোষাইয়া লইতে পারিত।

আমাদের অগ্রাগ্র আলোচনার মধ্যে বাংলা শব্দতত্ত্বের একটা আলোচনা ছিল। তাহার উৎপত্তির কারণটা এই। ডাক্তার স্কটের একটি কথা আমার কাছে বাংলা শিথিবার জন্ত উৎসাহ প্রকাশ করিয়াছিলেন। তাঁহাকে বাংলা বর্ণমালা শিখাইবার সময় গর্ব করিয়া বলিয়াছিলাম যে, আমাদের ভাষায় বানানের মধ্যে একটা ধর্মজ্ঞান

আছে, পদে পদে নিয়ম লঙ্ঘন করাই তাহার নিয়ম নহে। তাঁহাকে জানাইয়াছিলাম, ইংরেজি বানানরীতির অসংখ্য নিতান্তই হাস্যকর, কেবল তাহা মুখস্থ করিয়া আমাদেরকে পরীক্ষা দিতে হয় বলিয়াই সেটা এমন শোকাবহ। কিন্তু আমার গর্ব টিকিল না। দেখিলাম, বাংলা বানানও বাধন মানে না; তাহা যে ক্ষণে ক্ষণে নিয়ম ভিঙাইয়া চলে অভ্যাসবশত এতদিন তাহা লক্ষ্য করি নাই। তখন এই নিয়ম-ব্যতিক্রমের একটা নিয়ম খুঁজিতে প্রবৃত্ত হইলাম। য়ুনিভার্সিটি কলেজের লাইব্রেরিতে বসিয়া এই কাজ করিতাম। লোকেন এই বিষয়ে আমাকে যে-সাহায্য করিত তাহাতে আমার বিশ্বয় বোধ হইত।

তাহার পর কয়েক বৎসর পরে সিভিল সাভিসে প্রবেশ করিয়া লোকেন যখন ভারতবর্ষে ফিরিল তখন সেই কলেজের লাইব্রেরিঘরে হাশ্বোচ্ছাসতরঙ্গিত যে-আলোচনা শুরু হইয়াছিল তাহাই ক্রমশঃ প্রশস্ত হইয়া প্রবাহিত হইতে লাগিল। সাহিত্যে লোকেনের প্রবল আনন্দ আমার রচনার বেগকে পালের হাওয়ার মতো অগ্রসর করিয়াছে। আমার পূর্ণযৌবনের দিনে সাধনার সম্পাদক^১ হইয়া অবিশ্রাম-গতিতে যখন গগনপগুর জুড়ি হাঁকাইয়া চলিয়াছি তখন লোকেনের অজস্র উৎসাহ আমার উত্তমকে একটুও ক্লান্ত হইতে দেয় নাই।^২ তখনকার কত পঞ্চভূতের ডায়ারি^৩ এবং কত কবিতা মঞ্চস্থলে তাহারই বাংলাধরে বসিয়া লেখা। আমাদের কাব্যালোচনা ও সংগীতের সভা কতদিন সন্ধ্যাতারার আমলে শুরু হইয়া শুকতারার আমলে ভোরের হাওয়ার মধ্যে রাত্রে দীপশিখার সঙ্গে-সঙ্গেই অবসান হইয়াছে। সরস্বতীর পদ্মবনে বন্ধুত্বের পদ্মটির পরেই দেবীর বিলাস বুঝি সকলের চেয়ে বেশি। এই বনে স্বর্ণরেণুর পরিচয় বড়ো বেশি পাওয়া যায় নাই কিন্তু প্রণয়ের স্মৃগন্ধি মধু সম্বন্ধে নালিশ করিবার কারণ আমার ঘটে নাই।

১ “ইংরেজি সাহিত্য পড়াচ্ছেন হেন্নি মরলি।... আমি য়ুনিভার্সিটিতে পড়তে পেরেছিলুম তিন মাস মাত্র।” — ছেলেবেলা, অধ্যায় ১৪।

২ লোকেলনাথ পালিত (জন্ম ? ইং ১৮৬৫), তারকনাথ পালিতের পুত্র।

৩ ড্র উত্তরকালীন প্রবন্ধ ‘বাংলা উচ্চারণ’, শব্দতত্ত্ব, রচনাবলী ১২।

৪ সাধনা, ১২২৮ অগ্রহায়ণ - ১৩০২ কার্তিক।

“আমার ভ্রাতৃপুত্র শ্রীযুক্ত সুবীন্দ্রনাথ তিন বৎসর এই কাগজের সম্পাদক ছিলেন — চতুর্থ বৎসরে ইহার সম্পূর্ণ ভার আমাকে লইতে হইয়াছিল। সাধনা পত্রিকায় অধিকাংশ লেখা আমাকে লিখিতে হইত এবং অল্প লেখকদের রচনাতেও আমার হাত ভূরি পরিমাণে ছিল।” — আত্মপরিচয়।

৫ ড্র ‘পত্রালাপ’ — সাধনা (১২২৮ ফাল্গুন - ১২২৯ ভাদ্র-আশ্বিন), রচনাবলী ৮।

৬ ‘ডায়ারি’, সাধনা ১২২২-১৩০০; ‘পঞ্চভূত’, বিভিন্ন প্রবন্ধ, রচনাবলী ২।

ভগ্নহৃদয়

বিলাতে আর-একটি কাব্যের পত্তন হইয়াছিল। কতকটা কিরিবার পথে কতকটা দেশে কিরিয়া আসিয়া^১ ইহা সমাধা করি। ভগ্নহৃদয় নামে ইহা ছাপানো হইয়াছিল,^২ তখন মনে হইয়াছিল, লেখাটা খুব ভালো হইয়াছে। লেখকের পক্ষে এরূপ মনে হওয়া অসামান্য নহে। কিন্তু, তখনকার পাঠকদের কাছেও এ-লেখাটা সম্পূর্ণ অনাদৃত হয় নাই। মনে আছে, এই লেখা বাহির হইবার কিছুকাল পরে কলিকাতায় ত্রিপুরার স্বর্গীয় মহারাজ বীরচন্দ্রমাণিক্যের মন্ত্রী^৩ আমার সহিত দেখা করিতে আসেন। কাব্যটি মহারাজের ভালো লাগিয়াছে এবং কবির সাহিত্যসাধনার সফলতা সম্বন্ধে তিনি উচ্চ আশা পোষণ করেন, কেবল এই কথাটি জানাইবার জন্তই তিনি তাঁহার অমাত্যকে পাঠাইয়া দিয়াছিলেন।

আমার এই আঠারোবছর বয়সের কবিতা সম্বন্ধে আমার ত্রিশবছর বয়সের একটি পত্রে যাহা লিখিয়াছিলাম এইখানে উদ্ধৃত করি—‘ভগ্নহৃদয় যখন লিখতে আরম্ভ করেছিলেম তখন আমার বয়স আঠারো। বাল্যও নয়, যৌবনও নয়। বয়সটা এমন একটা সন্ধিস্থলে যেখান থেকে সত্যের আলোক স্পষ্ট পাবার সুবিধা নেই। একটু-একটু আভাস পাওয়া যায় এবং খানিকটা-খানিকটা ছায়া। এই সময়ে সন্ধ্যাবেলাকার ছায়ার মতো কল্পনাটা অত্যন্ত দীর্ঘ এবং অপরিষ্কৃত হয়ে থাকে। সত্যকার পৃথিবী একটা আজগবি পৃথিবী হয়ে উঠে। মজা এই, তখন আমারই বয়স আঠারো ছিল তা নয়—আমার আশপাশের সকলের বয়স যেন আঠারো ছিল। আমরা সকলে মিলেই একটা বস্তুহীন ভিত্তিহীন কল্পনালোকে বাস করতাম। সেই কল্পনালোকের খুব তীব্র সুখদুঃখও স্বপ্নের সুখদুঃখের মতো। অর্থাৎ, তার পরিমাণ ওজন করবার কোনো সত্য পদার্থ ছিল না, কেবল নিজের মনটাই ছিল; তাই আপন মনে তিল তাল হয়ে উঠত।’

আমার পনেরো-ষোলো হইতে আরম্ভ করিয়া বাইশ-তেইশ বছর পর্যন্ত এই যে একটা সময় গিয়াছে, ইহা একটা অত্যন্ত অব্যবস্থার কাল ছিল। যে-যুগে পৃথিবীতে জলস্থলের বিভাগ ভালো করিয়া হইয়া যায় নাই, তখনকার সেই প্রথম পক্ষস্বরের উপর বৃহদায়তন অদ্ভুত-আকার উভচর জন্তুসকল আদিকালের শাখাসম্পদহীন অরণ্যের মধ্যে সঞ্চার করিয়া ফিরিত। অপরিণত মনের প্রদোষালোকে আবেগগুলা সেইরূপ পরিমাণবহির্ভূত অদ্ভুতমূর্তি ধারণ করিয়া একটা নামহীন পথহীন অস্বহীন অরণ্যের ছায়ায় ঘুরিয়া বেড়াইত। তাহারা আপনাকেও জানে না, বাহিরে আপনায় লক্ষ্যকেও

জানে না। তাহারা নিজেকে কিছুই জানে না বলিয়া পদে পদে আর-একটা-কিছুকে নকল করিতে থাকে। অসত্য সত্যের অভাবকে অসংযমের দ্বারা পূরণ করিতে চেষ্টা করে। জীবনের সেই একটা অকৃতার্থ অবস্থায় যখন অন্তর্নিহিত শক্তিগুলি বাহির হইবার জন্ত ঠেলাঠেলি করিতেছে, যখন সত্য তাহাদের লক্ষ্যগোচর ও আয়ত্তগম্য হয় নাই, তখন আতিশয্যের দ্বারাই সে আপনাকে ঘোষণা করিবার চেষ্টা করিয়াছিল।

শিশুদের দাঁত যখন উঠিবার চেষ্টা করিতেছে তখন সেই অহুদগত দাঁতগুলি শরীরের মধ্যে জ্বরের দাহ আনয়ন করে। সেই উত্তেজনার সার্থকতা ততক্ষণ কিছুই নাই যতক্ষণ পর্যন্ত দাঁতগুলি বাহির হইয়া বাহিরের খাণ্ডপদার্থকে অন্তরস্থ করিবার সহায়তা না করে। মনের আবেগগুলারও সেই দশা। যতক্ষণ পর্যন্ত বাহিরের সঙ্গে তাহারা আপন সত্যসম্বন্ধ স্থাপন না করে ততক্ষণ তাহারা ব্যাধির মতো মনকে পীড়া দেয়।

তখনকার অভিজ্ঞতা হইতে যে-শিক্ষাটা লাভ করিয়াছি সেটা সকল নীতিশাস্ত্রেই লেখে— কিন্তু তাই বলিয়াই সেটা অবজ্ঞার যোগ্য নহে। আমাদের প্রবৃত্তিগুলিকে যাহা কিছুই নিজের মধ্যে ঠেলিয়া রাখে, সম্পূর্ণ বাহির হইতে দেয় না, তাহাই জীবনকে বিষাক্ত করিয়া তোলে। স্বার্থ আমাদের প্রবৃত্তিগুলিকে শেষপরিণাম পর্যন্ত যাইতে দেয় না, তাহাকে পুরাপুরি ছাড়িয়া দিতে চায় না; এইজন্ত সকলপ্রকার আঘাত আতিশয্য অসত্য স্বার্থসাধনের সাধের সাধি। মঙ্গলকর্মে যখন তাহারা একেবারে মুক্তিলাভ করে তখনই তাহাদের বিকার ঘুচিয়া যায়, তখনই তাহারা স্বাভাবিক হইয়া উঠে। আমাদের প্রবৃত্তির সত্য পরিণাম সেইখানে, আনন্দেরও পথ সেই দিকে।

নিজের মনের এই যে অপরিণতির কথা বলিলাম ইহার সঙ্গে তখনকার কালের শিক্ষা ও দৃষ্টান্ত যোগ দিয়াছিল। সেই কালটার বেগ এখনই যে চলিয়া গিয়াছে তাহাও নিশ্চয় বলিতে পারি না। যে-সময়টার কথা বলিতেছি তখনকার দিকে তাকাইলে মনে পড়ে, ইংরেজি সাহিত্য হইতে আমরা যে-পরিমাণে মাদক পাইয়াছি সে-পরিমাণে খাণ্ড পাই নাই। তখনকার দিনে আমাদের সাহিত্যদেবতা ছিলেন শেক্সপীয়ার মিল্টন ও বায়র্ন। ইহাদের লেখার ভিতরকার যে-জিনিসটা আমাদের কাছে খুব করিয়া নাড়া দিয়াছে সেটা হৃদয়বেগের প্রবলতা। এই হৃদয়বেগের প্রবলতাটা ইংরেজের লোকব্যবহারে চাপা থাকে কিন্তু তাহার সাহিত্যে ইহার আধিপত্য যেন সেই পরিমাণেই বেশি। হৃদয়বেগকে একান্ত আতিশয্যে লইয়া গিয়া তাহাকে একটা বিষম অগ্নিকাণ্ডে শেষ করা, এই সাহিত্যের একটা বিশেষ স্বভাব। অন্তত সেই দুর্দাম উদ্দীপনাকেই আমরা ইংরেজি সাহিত্যের সার বলিয়া গ্রহণ করিয়াছিলাম।

আমাদের বাল্যবয়সের সাহিত্য-দীক্ষাদাতা অক্ষয় চৌধুরী মহাশয় যখন বিভোর হইয়া ইংরেজি কাব্য আওড়াইতেন তখন সেই আবৃত্তির মধ্যে একটা তীব্র নেশার ভাব ছিল। রোমিও-জুলিয়েটের প্রেমোন্মাদ, লিয়রের অক্ষয় পরিতাপের বিক্ষোভ, ওথেলোর ঈর্ষানলের প্রলয়দাবদাহ, এই সমস্তেরই মধ্যে যে-একটা প্রবল অতিশয়তা আছে তাহাই তাঁহাদের মনের মধ্যে উত্তেজনার সঞ্চার করিত।

আমাদের সমাজ, আমাদের ছোটো ছোটো কর্মক্ষেত্র এমন-সকল নিতান্ত একঘেয়ে বেড়ার মধ্যে ঘেরা যে সেখানে হৃদয়ের ঝড়ঝাপট প্রবেশ করিতেই পায় না, সমস্তই যতদূর সম্ভব ঠাণ্ডা এবং চূপচাপ; এই জগতই ইংরেজি সাহিত্যে হৃদয়বেগের এই বেগ এবং রুদ্রতা আমাদের কাছে এমন একটি প্রাণের আঘাত দিয়াছিল যাহা আমাদের হৃদয় স্বভাবতই প্রার্থনা করে। সাহিত্যিকতার সৌন্দর্য আমাদের কাছে যে-সুখ দেয় ইহা সে-সুখ নহে, ইহা অত্যন্ত স্থিরত্বের মধ্যে খুব-একটা আন্দোলন আনিবারই সুখ। তাহাতে যদি তলার সমস্ত পাক উঠিয়া পড়ে তবে সেও স্বীকার।

যুরোপে যখন একদিন মাল্লুয়ের হৃদয়প্রবৃত্তিকে অত্যন্ত সংযত ও পীড়িত করিবার দিন যুচিয়া গিয়া তাহার প্রবল প্রতিক্রিয়াস্বরূপে বেনেসাঁশের যুগ আসিয়াছিল, শেক্সপীয়ারের সমসাময়িককালের নাট্যসাহিত্য সেই বিপ্লবের দিনেরই নৃত্যলীলা। এ সাহিত্যে ভালোমন্দ সুন্দর-অসুন্দরের বিচারই মুখ্য ছিল না— মাল্লুয় আপনার হৃদয়প্রকৃতিকে তাহার অস্তঃপুরের সমস্ত বাধা মুক্ত করিয়া দিয়া, তাহারই উদ্দাম শক্তির যেন চরম মূর্তি দেখিতে চাহিয়াছিল। এইজগতই এই সাহিত্যে প্রকাশের অত্যন্ত তীব্রতা প্রাচুর্য ও অসংযম দেখিতে পাওয়া যায়। যুরোপীয় সমাজের সেই হোলিখেলার মাতামাতির সুর আমাদের এই অত্যন্ত শিষ্ট সমাজে প্রবেশ করিয়া হঠাৎ আমাদের ঘুম ভাঙাইয়া চঞ্চল করিয়া তুলিয়াছিল। হৃদয় যেখানে কেবলই আচারের ঢাকার মধ্যে চাপা থাকিয়া আপনার পূর্ণপরিচয় দিবার অবকাশ পায় না, সেখানে স্বাধীন ও সজীব হৃদয়ের অবাধ লীলার দীপকরাগিনীতে আমাদের চমক লাগিয়া গিয়াছিল।

ইংরেজি সাহিত্যে আর-একদিন যখন পোপ-এর কালের টিমাতেতালা বন্ধ হইয়া ফরাসি-বিপ্লবনৃত্যের বাঁপতালের পালা আরম্ভ হইল, বায়রন সেই সময়কার কবি। তাঁহার কাব্যেও সেই হৃদয়বেগের উদ্দামতা আমাদের এই ভালোমাল্লুয় সমাজের ঘোমটাপরা হৃদয়টিকে, এই কনেবউকে, উতলা করিয়া তুলিয়াছিল।

তাই ইংরেজি সাহিত্য্যালোচনার সেই চঞ্চলতাটা আমাদের দেশের শিক্ষিত যুবকদের মধ্যে বিশেষভাবে প্রকাশ পাইয়াছিল। সেই চঞ্চলতার চেউটাই বাল্যকালে আমাদের কাছে

চারিদিক হইতে আঘাত করিয়াছে। সেই প্রথম জাগরণের দিন সংঘমের দিন নহে, তাহা উত্তেজনারই দিন।

অথচ যুরোপের সঙ্গে আমাদের অবস্থার খুব একটা প্রভেদ ছিল। যুরোপীয় চিন্তের এই চাঞ্চল্য, এই নিয়মবন্ধনের বিরুদ্ধে বিদ্রোহ, সেখানকার ইতিহাস হইতেই সাহিত্যে প্রতিফলিত হইয়াছিল। তাহার অন্তরে বাহিরে একটা মিল ছিল। সেখানে সত্যই ঝড় উঠিয়াছিল বলিয়াই ঝড়ের গর্জন শুনা গিয়াছিল। আমাদের সমাজে যে অল্প-একটু হাওয়া দিয়াছিল তাহার সত্যস্বরূপ মর্মরন্ধনীর উপরে চড়িতে চায় না— কিন্তু সেটুকুতে তো আমাদের মন ভূপ্তি মানিতেছিল না, এইজন্যই আমরা ঝড়ের ডাকের নকল করিতে গিয়া নিজের প্রতি জ্বরদস্তি করিয়া অতিশয়োক্তির দিকে যাইতেছিলাম। এখনো সেই ঝাঁকটা কাটিয়াছে বলিয়া মনে হয় না। সহজে কাটিবে না তাহার প্রধান কারণ, ইংরেজি সাহিত্যে সাহিত্যিকলার সংঘম এখনো আসে নাই; এখনো সেখানে বেশি করিয়া বলা ও তীব্র করিয়া প্রকাশ করার প্রাচুর্যবৎ সর্বত্রই। হৃদয়বেগ সাহিত্যের একটা উপকরণমাত্র, তাহা যে লক্ষ্য নহে— সাহিত্যের লক্ষ্যই পরিপূর্ণতার সৌন্দর্য, স্মরণ্য সংঘম ও সরলতা, এ কথাটা এখনও ইংরেজি সাহিত্যে সম্পূর্ণরূপে স্বীকৃত হয় নাই।

আমাদের মন শিশুকাল হইতে মৃত্যুকাল পর্যন্ত কেবলমাত্র এই ইংরেজি সাহিত্যেই গড়িয়া উঠিতেছে। যুরোপের যে-সকল প্রাচীন ও আধুনিক সাহিত্যে সাহিত্যিকলার মর্যাদা সংঘমের সাধনায় পরিস্ফুট হইয়া উঠিয়াছে সে-সাহিত্যগুলি আমাদের শিক্ষার অঙ্গ নহে, এইজন্যই সাহিত্যরচনার রীতি ও লক্ষ্যটি এখনো আমরা ভালো করিয়া ধরিতে পারিয়াছি বলিয়া মনে হয় না।

তখনকার কালের ইংরেজি-সাহিত্যশিক্ষার তীব্র উত্তেজনাকে যিনি আমাদের কাছে মূর্তিমান করিয়া তুলিয়াছিলেন তিনি হৃদয়েরই উপাসক ছিলেন। সত্যকে যে সমগ্রভাবে উপলব্ধি করিতে হইবে তাহা নহে, তাহাকে হৃদয় দিয়া অনুভব করিলেই যেন তাহার সার্থকতা হইল, এইরূপ তাঁহার মনের ভাব ছিল। জ্ঞানের দিক দিয়া ধর্মে তাঁহার কোনো আস্থাই ছিল না, অথচ শ্রাম্যবিষয়ক গান করিতে তাঁহার দুই চক্ষু দিয়া জ্বল পড়িত। এস্থলে কোনো সত্য বস্তু তাঁহার পক্ষে আবশ্যিক ছিল না, যে-কোনো কল্পনায় হৃদয়বেগকে উত্তেজিত করিতে পারে তাহাকেই তিনি সত্যের মতো ব্যবহার করিতে চাহিতেন। সত্য-উপলব্ধির প্রয়োজন অপেক্ষা হৃদয়ানুভূতির প্রয়োজন প্রবল হওয়াতেই, যাহাতে সেই প্রয়োজন মেটে তাহা স্থূল হইলেও তাহাকে গ্রহণ করিতে তাঁহার বাধা ছিল না।

তখনকার কালের যুরোপীয় সাহিত্যে নাস্তিকতার প্রভাবই প্রবল। তখন বেহাম^৬, মিল^৭ ও কঁোতের^৮ আধিপত্য। তাঁহাদেরই যুক্তি লইয়া আমাদের যুবকেরা তখন তর্ক করিতেছিলেন। যুরোপে এই মিল-এর যুগ ইতিহাসের একটি স্বাভাবিক পর্যায়। মানুষের চিন্তের আবর্জনা দূর করিয়া দিবার জ্ঞান স্বভাবের চেষ্টারূপেই এই ভাঙিবার ও সরাইবার প্রলয়শক্তি কিছুদিনের জ্ঞান উত্তত হইয়া উঠিয়াছিল। কিন্তু, আমাদের দেশে ইহা আমাদের পড়িয়া-পাওয়া জিনিস। ইহাকে আমরা সত্যরূপে খাটাইবার জ্ঞান ব্যবহার করি নাই। ইহাকে আমরা শুদ্ধমাত্র একটা মানসিক বিদ্রোহের উদ্ভেজনারূপেই ব্যবহার করিয়াছি। নাস্তিকতা আমাদের একটা নেশা ছিল। এইজ্ঞান তখন আমরা দুই দল মানুষ দেখিয়াছি। একদল ঈশ্বরের অস্তিত্ববিশ্বাসকে যুক্তি-অস্ত্রে ছিন্নভিন্ন করিবার জ্ঞান সর্বদাই গায়ে পড়িয়া তর্ক করিতেন। পাখিশিকারে শিকারির যেমন আমোদ, গাছের উপরে বা তলায় একটা সজীব প্রাণী দেখিলেই তখনই তাহাকে নিকাশ করিয়া ফেলিবার জ্ঞান শিকারির হাত যেমন নিশপিশ করিতে থাকে, তেমনি যেখানে তাঁহারা দেখিতেন কোনো নিরীহ বিশ্বাস কোথাও কোনো বিপদের আশঙ্কা না করিয়া আরামে বসিয়া আছে তখনই তাহাকে পাড়িয়া ফেলিবার জ্ঞান তাঁহাদের উদ্ভেজনা জন্মিত। অল্পকালের জ্ঞান আমাদের একজন মাস্টার ছিলেন, তাঁহার এই আমোদ ছিল। আমি তখন নিতান্ত বালক ছিলাম, কিন্তু আমাকেও তিনি ছাড়িতেন না। অথচ তাঁহার বিদ্যা সামান্যই ছিল, তিনি যে সত্যাহসন্ধানের উৎসাহে সকল মতামত আলোচনা করিয়া একটা পন্থা গ্রহণ করিয়াছিলেন তাহাও নহে; তিনি আর-একজন ব্যক্তির মুখ হইতে তর্কগুলি সংগ্রহ করিয়াছিলেন। আমি প্রাণপণে তাঁহার সঙ্গে লড়াই করিতাম, কিন্তু আমি তাঁহার নিতান্ত অসমকক্ষ প্রতিপক্ষ ছিলাম বলিয়া আমাকে প্রায়ই বড়ো দুঃখ পাইতে হইত। এক-একদিন এত রাগ হইত যে কাঁদিতে ইচ্ছা করিত।

আর-একদল ছিলেন তাঁহারা ধর্মকে বিশ্বাস করিতেন না, সন্তোষ করিতেন। এইজ্ঞান ধর্মকে উপলক্ষ্য করিয়া যত কলাকৌশল, যতপ্রকার শব্দগন্ধরূপরসের আয়োজন আছে, তাহাকে ভোগীর মতো আশ্রয় করিয়া তাঁহারা আবিষ্ট হইয়া থাকিতে ভালো-বাসিতেন; ভক্তিই তাঁহাদের বিলাস। এই উভয়দলেই সংশয়বাদ ও নাস্তিকতা সত্যসন্ধানের তপস্শাস্ত্র ছিল না; তাহা প্রধানত আবেগের উদ্ভেজনা ছিল।

যদিও এই ধর্মবিদ্রোহ আমাকে পীড়া দিত, তথাপি ইহা যে আমাকে একেবারে অধিকার করে নাই তাহা নহে। যৌবনের প্রারম্ভে বুদ্ধির ঔদ্ধত্যের সঙ্গে এই বিদ্রোহিতা আমার মনেও যোগ দিয়াছিল। আমাদের পরিবারে যে-ধর্মসাধনা ছিল

আমার সঙ্গে তাহার কোনো সংশ্রব ছিল না—আমি তাহাকে গ্রহণ করি নাই। আমি কেবল আমার হৃদয়বেগের চূলাতে হাপর করিয়া করিয়া মস্ত একটা আশুনা জ্বালাইতেছিলাম। সে কেবলই অগ্নিপূজা; সে কেবলই আহুতি দিয়া শিখাকেই বাড়াইয়া তোলা; তাহার আর-কোনো লক্ষ্য ছিল না। ইহার কোনো লক্ষ্য নাই বলিয়াই ইহার কোনো পরিমাণ নাই; ইহাকে যত বাড়ানো যায় তত বাড়ানোই চলে।

যেমন ধর্ম সম্বন্ধে তেমনি নিজের হৃদয়বেগ সম্বন্ধেও কোনো সত্য থাকিবার কোনো প্রয়োজন ছিল না, উত্তেজনা থাকিলেই যথেষ্ট। তখনকার কবির^১ একটি শ্লোক মনে পড়ে—

আমার হৃদয় আমারি হৃদয়

বেচিনি তো তাহা কাহারো কাছে,

ভাঙাচোরা হোক, যা হোক তা হোক,

আমার হৃদয় আমারি আছে।^২

সত্যের দিক দিয়া হৃদয়ের কোনো বালাই নাই, তাহার পক্ষে ভাঙিয়া যাওয়া বা অণু কোনোপ্রকার দুর্ঘটনা নিতান্তই অনাবশ্যক; দুঃখবৈরাগ্যের সত্যটা স্পৃহনীয় নয়, কিন্তু শুদ্ধমাত্র তাহার ঝাঁঝটুকু উপভোগের সামগ্রী, এইজন্ত কাব্যে সেই জিনিসটার কারবার জমিয়া উঠিয়াছিল— ইহাই দেবতাকে বাদ দিয়া দেবোপাসনার রসটুকু ছাঁকিয়া লওয়া। আজও আমাদের দেশে এ বালাই ঘুচে নাই। সেইজন্তই আজও আমরা ধর্মকে যেখানে সত্যে প্রতিষ্ঠিত করিতে না পারি সেখানে ভাবুকতা দিয়া আর্টের শ্রেণীভুক্ত করিয়া তাহার সমর্থন করি। সেইজন্তই বহুল পরিমাণে আমাদের দেশহিতৈষিতা দেশের যথার্থ সেবা নহে, কিন্তু দেশ সম্বন্ধে হৃদয়ের মধ্যে একটা ভাব অল্পভব করার আয়োজন করা।

১ দেশে প্রত্যাভর্তন ১৮৮০, ? ফেব্রুয়ারি, "S. S. Oxus February 1880." ড় ভগ্নহৃদয়ের পাণ্ডুলিপির একট পৃষ্ঠার প্রতিলিপি, রচনাবলী ১, পৃ ২৫৬।

২ ১৮৮১ জুন। ড় প্রথম ৬ সর্গ—ভারতী, ১২৮৭ কার্তিক-ফাল্গুন।

৩ মহারাজের প্রাইভেট সেক্রেটারি রাধারমণ ঘোষ।

ড় 'ত্রিপুরার রাজবংশ ও রবীন্দ্রনাথ'—প্রবাসী, ১৩৪৮ অগ্রহায়ণ।

৪ অক্ষয়চন্দ্র চৌধুরী।

৫ Jeremy Bentham (1748-1832).

৬ John Stuart Mill (1806-73).

৭ Auguste Comte (1798-1857).

৮ ? অক্ষয়চন্দ্র চৌধুরী।

৯ "শারদ জ্যোৎস্নায়। ভগ্ন হৃদয়ের গীতোচ্ছ্বাস।" ড় স্তবক ১৬—ভারতী ১২৮৪ কার্তিক, পৃ ১৫৫।

বিলাতি সংগীত

ব্রাইটনে থাকিতে সেখানকার সংগীতশালার একবার একজন বিখ্যাত গায়িকার গান শুনিতে গিয়াছিলাম। তাঁহার নামটা ভুলিতেছি,—মাদাম নীলসন^১ অথবা মাদাম আল্‌বানী^২ হইবেন। কণ্ঠস্বরের এমন আশ্চর্য শক্তি পূর্বে কখনো দেখি নাই। আমাদের দেশে বড়ো বড়ো ওস্তাদ গায়কেরাও গান গাহিবার প্রয়াসটাকে ঢাকিতে পারেন না—সে-সকল খাদস্বর বা চড়াস্বর সহজে তাঁহাদের গলায় আসে না, যেমন-তেমন করিয়া সেটাকে প্রকাশ করিতে তাঁহাদের কোনো লজ্জা নাই। কারণ, আমাদের দেশে শ্রোতাদের মধ্যে যাহারা রসজ্ঞ তাঁহারা নিজের মনের মধ্যে নিজের বোধশক্তির জোরেই গানটাকে খাড়া করিয়া তুলিয়া খুশি হইয়া থাকেন; এই কারণে তাঁহারা সুকণ্ঠ গায়কের সুললিত গানের ভঙ্গিকে, অবজ্ঞা করিয়া থাকেন; বাহিরের কর্কশতা এবং কিয়ৎ পরিমাণে অসম্পূর্ণতাতেই আসল জিনিসটার যথার্থ স্বরূপটা যেন বিনা আবরণে প্রকাশ পায়। এ যেন মহেশ্বরের বাহু দারিদ্র্যের মতো, তাহাতে তাঁহার ঐশ্বর্য নগ্ন হইয়া দেখা দেয়। যুরোপে এ-ভাবটা একেবারেই নাই। সেখানে বাহিরের আয়োজন একেবারে নিখুঁত হওয়া চাই—সেখানে অল্পটানে ক্রটি হইলে মাহুষের কাছে মুখ দেখাইবার জো থাকে না। আমরা আসরে বসিয়া আধঘণ্টা ধরিয়া তানপুরার কান মলিতে ও তবলাটাকে ঠকাঠকু শব্দে হাতুড়িপেটা করিতে কিছুই মনে করি না। কিন্তু যুরোপে এইসকল উদ্যোগকে নেপথ্যে লুকাইয়া রাখা হয়—সেখানে বাহিরে বাহ্যিক প্রকাশিত হয় তাহা একেবারেই সম্পূর্ণ। এইজন্ম সেখানে গায়কের কণ্ঠস্বরে কোথাও লেশমাত্র দুর্বলতা থাকিলে চলে না। আমাদের দেশে গান সাধাটাই মুখ্য, সেই গানেই আমাদের যতকিছু দুর্বলতা; যুরোপে গলা সাধাটাই মুখ্য, সেই গলার স্বরে তাহারা অসাধ্য সাধন করে। আমাদের দেশে যাহারা প্রকৃত শ্রোতা তাহারা গানটাকে শুনিলেই সন্তুষ্ট থাকে, যুরোপে শ্রোতার গান-গাওয়াটাকে শোনে। সেদিন ব্রাইটনে তাই দেখিলাম—সেই গায়িকাটির গান-গাওয়া অদ্ভুত, আশ্চর্য। আমার মনে হইল যেন কণ্ঠস্বরে সার্কাসের ঘোড়া হাঁকাইতেছে। কণ্ঠনলীর মধ্যে স্বরের লীলা কোথাও কিছুমাত্র বাধা পাইতেছে না। মনে যতই বিস্ময় অনুভব করি—না কেন সেদিন গানটা আমার একেবারেই ভালো লাগিল না। বিশেষত, তাহার মধ্যে স্থানে স্থানে পাখির ডাকের নকল ছিল, সে আমার কাছে অত্যন্ত হাস্যজনক মনে হইয়াছিল। মোটের উপর আমার কেবলই মনে হইতে লাগিল মনুষ্যকণ্ঠের প্রকৃতিকে যেন অতিক্রম করা হইতেছে। তাহার পরে পুরুষ গায়কদের গান শুনিয়া আমার আরাম বোধ হইতে লাগিল—বিশেষত 'টেনর' গলা যাহাকে বলে সেটা

নিতান্ত একটা পথহারা বোড়ো হাওয়ার অশরীরী বিলাপের মতো নয়—তাহার মধ্যে নরকণ্ঠের রক্তমাংসের পরিচয় পাওয়া যায়। ইহার পরে গান শুনিতে শুনিতে ও শিথিতে শিথিতে যুরোপীয় সংগীতের রস পাইতে লাগিলাম। কিন্তু আজ পর্যন্ত আমার এই কথা মনে হয় যে, যুরোপের গান এবং আমাদের গানের মহল যেন ভিন্ন; ঠিক এক দরজা দিয়া হৃদয়ের একই মহলে যেন তাহারা প্রবেশ করে না। যুরোপের সংগীত যেন মানুষের বাস্তবজীবনের সঙ্গে বিচিত্রভাবে জড়িত। তাই দেখিতে পাই, সকলরকমেরই ঘটনা ও বর্ণনা আশ্রয় করিয়া যুরোপে গানের সুর খাটানো চলে; আমাদের দিশি সুরে যদি সরুপ করিতে যাই তবে অদ্ভুত হইয়া পড়ে, তাহাতে রস থাকে না। আমাদের গান যেন জীবনের প্রতিদিনের বেষ্টন অতিক্রম করিয়া যায়, এইজন্ম তাহার মধ্যে এত করুণা এবং বৈরাগ্য; সে যেন বিশ্বপ্রকৃতি ও মানবহৃদয়ের একটি অন্তরতর ও অনির্বচনীয় রহস্যের রূপটিকে দেখাইয়া দিবার জন্ম নিযুক্ত; সেই রহস্যলোক বড়ো নিভৃত নির্জন গভীর— সেখানে ভোগীর আরামকুঞ্জ ও ভক্তের তপোবন রচিত আছে, কিন্তু সেখানে কর্মনিরত সংসারীর জন্ম কোনোপ্রকার সুব্যবস্থা নাই।

যুরোপীয় সংগীতের মর্মস্থানে আমি প্রবেশ করিতে পারিয়াছি, এ কথা বলা আমাকে সাজে না। কিন্তু বাহির হইতে যতটুকু আমার অধিকার হইয়াছিল তাহাতে যুরোপের গান আমার হৃদয়কে একদিক দিয়া খুবই আকর্ষণ করিত। আমার মনে হইত, এ সংগীত রোমাণ্টিক। রোমাণ্টিক বলিলে যে ঠিকটি কী বুঝায় তাহা বিশ্লেষণ করিয়া বলা শক্ত। কিন্তু, মোটামুটি বলিতে গেলে, রোমাণ্টিকের দিকটা বিচিত্রতার দিক, প্রাচুর্যের দিক, তাহা জীবনসমুদ্রের তরঙ্গলীলার দিক, তাহা অবিরাম গতিচাক্ষুরের উপর আলোকছায়ার ছন্দসম্পাতের দিক; আর-একটা দিক আছে যাহা বিস্তার, যাহা আকাশনীলিমার নির্নিমেষতা, যাহা সূদূর দিগন্তরেখায় অসীমতার নিস্তর অভ্যাস। যাহাই হউক, কথাটা পরিষ্কার না হইতে পারে কিন্তু আমি যখনই যুরোপীয় সংগীতের রসভোগ করিয়াছি তখনই বারম্বার মনের মধ্যে বলিয়াছি, ইহা রোমাণ্টিক। ইহা মানবজীবনের বিচিত্রতাকে গানের সুরে অল্পবাদ করিয়া প্রকাশ করিতেছে। আমাদের সংগীতে কোথাও কোথাও সে-চেষ্টা নাই যে তাহা নহে, কিন্তু সে-চেষ্টা প্রবল ও সফল হইতে পারে নাই। আমাদের গান ভারতবর্ষের নক্ষত্রখচিত নিশীথিনীকে ও নবোন্মেষিত অক্ষয়রাগকে ভাষা দিতেছে; আমাদের গান বনবর্ষার বিশ্বব্যাপী বিরহ-খেদনা ও নববসন্তের বনাস্তপ্রসারিত গভীর উন্মাদনার বাক্যবিশ্বত বিহ্বলতা।

১ Christine Nilsson (1843-1922), Swedish prima donna.

২ Dame Albani (1852-1980), Canadian prima donna.

বাল্মীকিপ্রতিভা

আমাদের বাড়িতে পাতায় পাতায় চিত্রবিচিত্র-করা কবি মূরের রচিত একখানি আইরিশ মেলডীজ্‌ ছিল। অক্ষয়বাবুর কাছে সেই কবিতাগুলির মুগ্ধ আবৃত্তি অনেকবার শুনিয়াছি। ছবির সঙ্গে বিজড়িত সেই কবিতাগুলি আমার মনে আয়র্লণ্ডের একটি পুরাতন মায়ালোক স্বজন করিয়াছিল। তখন এই কবিতার সুরগুলি শুনি নাই, তাহা আমার কল্পনার মধ্যেই ছিল। ছবিতে বীণা আঁকা ছিল, সেই বীণার সুর আমার মনের মধ্যে বাজিত। এই আইরিশ মেলডীজ্‌ আমি সুরে শুনিব, শিথিব এবং শিথিয়া আসিয়া অক্ষয়বাবুকে শুনাইব, ইহাই আমার বড়ো ইচ্ছা ছিল। দুর্ভাগ্যক্রমে জীবনের কোনো কোনো ইচ্ছা পূর্ণ হয় এবং হইয়াই আত্মহত্যা সাধন করে। আইরিশ মেলডীজ্‌ বিলাতে গিয়া কতকগুলি শুনলাম ও শিখিলাম কিন্তু আগাগোড়া সব গানগুলি সম্পূর্ণ করিবার ইচ্ছা আর রহিল না। অনেকগুলি সুর মিষ্ট এবং করুণ এবং সরল, কিন্তু তবু তাহাতে আয়র্লণ্ডের প্রাচীন কবিসভার নীরব বীণা তেমন করিয়া যোগ দিল না।

দেশে ফিরিয়া আসিয়া এইসকল এবং অগ্ণা অগ্ণা বিলাতি গান স্বজনসমাজে গাহিয়া শুনাইলাম। সকলেই বলিলেন, রবির গলা এমন বদল হইল কেন, কেমন যেন বিদেশী রকমের, মজার রকমের হইয়াছে। এমন-কি তাঁহারা বলিতেন, আমার কথা কহিবার গলারও একটু কেমন সুর বদল হইয়া গিয়াছে।

এই দেশী ও বিলাতি সুরের চর্চার মধ্যে বাল্মীকিপ্রতিভার জন্ম হইল।^২ ইহার সুরগুলি অধিকাংশই দিশি, কিন্তু এই গীতিনাট্যে তাহাকে তাহার বৈঠকি মর্ষাদা হইতে অতিক্ষেত্রে বাহির করিয়া আনা হইয়াছে; উড়িয়া চলা যাহার ব্যবসায় তাহাকে মাটিতে দৌড় করাইবার কাজে লাগানো গিয়াছে। ষাঁহারা এই গীতিনাট্যের অভিনয় দেখিয়াছেন তাঁহারা, আশা করি, এ কথা সকলেই স্বীকার করিবেন যে, সংগীতকে এইরূপ নাট্যকার্যে নিযুক্ত করাটা অসংগত বা নিষ্ফল হয় নাই। বাল্মীকি-প্রতিভা গীতিনাট্যের ইহাই বিশেষত্ব। সংগীতের এইরূপ বন্ধনমোচন ও তাহাকে নিঃসংকোচে সকলপ্রকার ব্যবহারে লাগাইবার আনন্দ আমার মনকে বিশেষভাবে অধিকার করিয়াছিল। বাল্মীকিপ্রতিভার অনেকগুলি গান বৈঠকি-গান-ভাঙা, অনেকগুলি জ্যোতিদাদার রচিত গানের সুরে বসানো এবং গুটিতিনেক গান বিলাতি সুর হইতে লওয়া। আমাদের বৈঠকি গানের তেলেনা অঙ্গের সুরগুলিকে সহজেই এইরূপ নাটকের প্রয়োজনে ব্যবহার করা যাইতে পারে; এই নাট্যে অনেক-

স্থলে তাহা করা হইয়াছে। বিলাতি সুরের মধ্যে দুইটিকে ডাকাতদের মন্ততীর গানে লাগানো হইয়াছে এবং একটি আইরিশ সুর বনদেবীর বিলাপগানে বসাইয়াছি। বস্তুত, বাল্মীকিপ্রতিভা পাঠযোগ্য কাব্যগ্রন্থ নহে, উহা সংগীতের একটি নূতন পরীক্ষা; অভিনয়ের সঙ্গে কানে না শুনিলে ইহার কোনো স্বাদগ্রহণ সম্ভবপর নহে। যুরোপীয় ভাষায় যাহাকে অপেরা বলে, বাল্মীকিপ্রতিভা তাহা নহে, ইহা সুরে নাটিকা; অর্থাৎ সংগীতই ইহার মধ্যে প্রাধান্য লাভ করে নাই, ইহার নাট্যবিষয়টাকে সুর করিয়া অভিনয় করা হয় মাত্র, স্বতন্ত্র সংগীতের মাধুর্য ইহার অতি অল্পস্থলেই আছে।

আমার বিলাত যাইবার আগে হইতে আমাদের বাড়িতে মাঝে মাঝে বিদ্বজ্জন-সমাগম নামে সাহিত্যিকদের সম্মিলন হইত। সেই সম্মিলনে গীতবাণ কবিতা-আবৃত্তি ও আহ্বারের আয়োজন থাকিত। আমি বিলাত হইতে ফিরিয়া আসার পর একবার এই সম্মিলনী আহূত হইয়াছিল^১, ইহাই শেষবার।^২ এই সম্মিলনী-উপলক্ষ্যেই বাল্মীকি-প্রতিভা রচিত হয়। আমি বাল্মীকি সাজিয়াছিলাম এবং আমার ভ্রাতুষ্পুত্রী প্রতিভা^৩ সরস্বতী সাজিয়াছিল; বাল্মীকিপ্রতিভা নামের মধ্যে সেই ইতিহাসটুকু রহিয়া গিয়াছে।

হার্বাট স্পেন্সরের একটা লেখার^৪ মধ্যে পড়িয়াছিলাম যে, সচরাচর কথার মধ্যে যেখানে একটু হৃদয়বেগের সঞ্চার হয় সেখানে আপনিই কিছু না কিছু সুর লাগিয়া যায়। বস্তুত, রাগ দুঃখ আনন্দ বিষয় আমরা কেবলমাত্র কথা দিয়া প্রকাশ করি না, কথার সঙ্গে সুর থাকে। এই কথাবার্তার-আত্মষদিক সুরটারই উৎকর্ষসাধন করিয়া মাহুষ সংগীত পাইয়াছে। স্পেন্সরের এই কথাটা মনে লাগিয়াছিল।^৫ ভাবিয়াছিলাম এই মত-অনুসারে আগাগোড়া সুর করিয়া নানা ভাবে গানের ভিতর দিয়া প্রকাশ করিয়া অভিনয় করিয়া গেলে চলিবে না কেন। আমাদের দেশে কথকতায় কতকটা এই চেষ্টা আছে; তাহাতে বাক্য মাঝে মাঝে সুরকে আশ্রয় করে, অথচ তাহা তালমানসংগত রীতিমতো সংগীত নহে। ছন্দ হিসাবে অমিত্রাক্ষর ছন্দ যেমন, গান হিসাবে এও সেইরূপ; ইহাতে তালের কড়াকড় বান্ধন নাই, একটা লয়ের মাত্রা আছে; ইহার একমাত্র উদ্দেশ্য, কথার ভিতরকার ভাবাবেগকে পরিস্ফুট করিয়া তোলা, কোনো বিশেষ রাগিণী বা তালকে বিশুদ্ধ করিয়া প্রকাশ করা নহে। বাল্মীকিপ্রতিভায় গানের বান্ধন সম্পূর্ণ ছিন্ন করা হয় নাই, তবু ভাবের অনুগমন করিতে গিয়া তালটাকে খাটো করিতে হইয়াছে। অভিনয়টাই মুখ্য হওয়াতে এই তালের ব্যতিক্রম শ্রোতাদিগকে দুঃখ দেয় না।

বাল্মীকিপ্রতিভার গান সহস্রে এই নূতন পন্থায় উৎসাহ বোধ করিয়া এই শ্রেণীর আরও একটা গীতিনাট্য লিখিয়াছিলাম। তাহার নাম কালমুগয়া^৬। দশরথকর্তৃক অন্ধমূনির পুত্রবধ তাহার নাট্যবিষয়। তেতালার ছন্দে স্টেজ খাটাইয়া ইহার অভিনয়

হইয়াছিল^১ ; ইহার করুণরসে শ্রোতার অত্যন্ত বিচলিত হইয়াছিলেন। পরে, এই গীতনাট্যের অনেকটা অংশ বাল্মীকিপ্রতিভার সঙ্গে মিশাইয়া দিয়াছিলাম^২ বলিয়া ইহা গ্রন্থাবলীর মধ্যে প্রকাশিত হয় নাই।

ইহার অনেককাল পরে ‘মায়ার খেলা’^১^২ বলিয়া আর-একটা গীতনাট্য লিখিয়াছিলাম কিন্তু সেটা ভিন্ন জাতের জিনিস। তাহাতে নাট্য মুখ্য নহে, গীতই মুখ্য। বাল্মীকিপ্রতিভা ও কালমৃগয়া যেমন গানের সূত্রে নাট্যের মালা, মায়ার খেলা তেমনি নাট্যের সূত্রে গানের মালা। ঘটনাস্রোতের ‘পরে তাহার নির্ভর নহে, হৃদয়াবেগই তাহার প্রধান উপকরণ। বস্তুত, ‘মায়ার খেলা’ যখন লিখিয়াছিলাম তখন গানের রসেই সমস্ত মন অভিযুক্ত হইয়া ছিল।

বাল্মীকিপ্রতিভা ও কালমৃগয়া যে-উৎসাহে লিখিয়াছিলাম সে-উৎসাহে আর-কিছু রচনা করি নাই। ওই দুটি গ্রন্থে আমাদের সেই সময়কার একটা সংগীতের উত্তেজনা প্রকাশ পাইয়াছে। জ্যোতিদাদা তখন প্রত্যহই প্রায় সমস্তদিন ওস্তাদি গানগুলাকে পিয়ানো যন্ত্রের মধ্যে ফেলিয়া তাহাদিগকে যথেষ্টা মনন করিতে প্রবৃত্ত ছিলেন। তাহাতে ক্ষণে ক্ষণে রাগিণীগুণ্ডলির এক-একটি অপূর্বমূর্তি ও ভাবব্যঞ্জনা প্রকাশ পাইত। যে-সকল সুর বাঁধা নিয়মের মধ্যে মন্দগতিতে দস্তুর রাখিয়া চলে তাহাদিগকে প্রথাবিরুদ্ধ বিপর্যস্তভাবে দৌড় করাইবামাত্র সেই বিপ্লবে তাহাদের প্রাকৃতিকে নূতন নূতন অভাবনীয় শক্তি দেখা দিত এবং তাহাতে আমাদের চিত্তকে সর্বদা বিচলিত করিয়া তুলিত। সুরগুলা যেন নানাপ্রকার কথা কহিতেছে, এইরূপ আমরা স্পষ্ট গুণিতে পাইতাম। আমি ও অক্ষয়বাবু অনেক সময়ে জ্যোতিদাদার সেই বাজনার সঙ্গে সঙ্গে সুরে কথাযোজনার চেষ্টা করিতাম। কথাগুলি যে সুপাঠ্য হইত তাহা নহে, তাহারা সেই সুরগুলির বাহনের কাজ করিত।

এইরূপ একটা দস্তুরভাঙা গীতবিপ্লবের প্রলয়ানন্দে এই দুটি নাট্য লেখা। এইজন্ত উহাদের মধ্যে তাল-বেতালের নৃত্য আছে এবং ইংরেজি-বাংলার বাছবিচার নাই। আমার অনেক মত ও রচনারীতিতে আমি বাংলাদেশের পাঠকসমাজকে বারম্বার উত্যক্ত করিয়া তুলিয়াছি, কিন্তু আশ্চর্যের বিষয় এই যে, সংগীত সম্বন্ধে উক্ত দুই গীতনাট্যে যে দুঃসাহসিকতা প্রকাশ পাইয়াছে তাহাতে কেহই কোনো ক্ষেত্র প্রকাশ করেন নাই এবং সকলেই খুশি হইয়া ঘরে ফিরিয়াছেন। বাল্মীকিপ্রতিভায় অক্ষয়বাবুর কয়েকটি গান আছে এবং ইহার দুইটি গানে বিহারী চক্রবর্তী মহাশয়ের সারদামঙ্গলসংগীতের দুই-একস্থানের ভাষা ব্যবহার করা হইয়াছে।

এই দুটি গীতনাট্যের অভিনয়ে আমিই প্রধান পদ গ্রহণ করিয়াছিলাম। বাল্যকাল

হইতেই আমার মনের মধ্যে নাট্যাভিনয়ের শখ ছিল। আমার দৃঢ়বিশ্বাস ছিল, এ কার্যে আমার স্বাভাবিক নিপুণতা আছে। আমার এই বিশ্বাস অমূলক ছিল না, তাহার প্রমাণ হইয়াছে। নাট্যক্ষেত্রে সাধারণের সমক্ষে প্রকাশ হইবার পূর্বে জ্যোতিদাদার 'এমন কর্ম আর করব না' গ্রন্থসনে আমি অলৌকিকবাবু সাজিয়াছিলাম। সেই আমার প্রথম অভিনয়।^১ তখন আমার অল্প বয়স, গান গাহিতে আমার কণ্ঠের ক্লাস্তি বা বাধামাত্র ছিল না; তখন বাড়িতে দিনের পর দিন, প্রহরের পর প্রহর সংগীতের অবিরলবিগলিত বারনা ঝরিয়া তাহার শীকরবর্ষণে মনের মধ্যে সুরের রামধনুকের রঙ ছড়াইয়া দিতেছে; তখন নবযৌবনে নব নব উত্তম নূতন নূতন কৌতূহলের পথ ধরিয়া ধাবিত হইতেছে; তখন সকল জিনিসই পরীক্ষা করিয়া দেখিতে চাই, কিছু যে পারিব না এমন মনেই হয় না; তখন লিখিতেছি, গাহিতেছি, অভিনয় করিতেছি, নিজেকে সকল দিকেই প্রচুরভাবে ঢালিয়া দিতেছি— আমার সেই কুড়িবছরের বয়সটাতে এমনি করিয়া পদক্ষেপ করিয়াছি। সেদিন এই-যে আমার সমস্ত শক্তিকে এমন দুর্দাম উৎসাহে দৌড় করাইয়াছিলেন, তাহার সার্থি ছিলেন জ্যোতিদাদা। তাঁহার কোনো ভয় ছিল না। যখন নিতান্তই বালক ছিলাম তখন তিনি আমাকে ঘোড়ায় চড়াইয়া তাঁহার সঙ্গে ছুট করাইয়াছেন, আনাড়ি সওয়ার পড়িয়া যাইব বলিয়া কিছুমাত্র উদ্বেগ প্রকাশ করেন নাই। সেই আমার বাল্যবয়সে একদিন শিলাইদহে যখন খবর আসিল যে গ্রামের বনে একটা বাঘ আসিয়াছে, তখন আমাকে তিনি শিকারে লইয়া গেলেন; হাতে আমার অস্ত্র নাই, থাকিলেও তাহাতে বাঘের চেয়ে আমারই বিপদের ভয় বেশি, বনের বাহিরে জুতা খুলিয়া একটা বাঁশগাছের আধ-কাটা কঞ্চির উপর চড়িয়া জ্যোতিদাদার পিছনে কোনোমতে বসিয়া রহিলাম; অসভ্য জন্তুটা গায়ে হাত তুলিলে তাহাকে যে দুই এক ঘা জুতা কষাইয়া অপমানকরিতে পারিব সে-পথও ছিল না। এমনি করিয়া ভিতরে বাহিরে সকল দিকেই সমস্ত বিপদের সম্ভাবনার মধ্যেও তিনি আমাকে মুক্তি দিয়াছেন; কোনো বিধিবিধানকে তিনি ক্রক্ষেপ করেন নাই এবং আমার সমস্ত চিত্তবৃত্তিকে তিনি সংকোচমুক্ত করিয়া দিয়াছেন।

১ 'Irish Melodies' by Thomas Moore (1779-1852)।

দ্র রবীন্দ্রনাথ-কৃত অনুবাদ — 'সম্পাদকের বৈঠক', ভারতী, ১২৮৪ মাস ও ১২৮৬ কার্তিক।

২ প্রথম অভিনয়ের প্রোগ্রাম (?) রূপে প্রকাশ, শক ১৮০২ ফাল্গুন (ইং ১৮৮১)।

দ্র গ্র-পরিচয়-অ ১।

- ৩ প্রথম আঙ্কিত, ১২৮১, ৬ বৈশাখ, শনিবার [ইং ১৮৭৪] ।
 দ্র 'সেকালের কথা', প্রবাসী, ১৩৪০ জ্যৈষ্ঠ, জ্যোতিষ্মতি, পৃ ১৫৭ । দ্র গ্রহপরিচয় ।
- ৪ ১২৮৭, ১৬ ফাল্গুন, শনিবার [ইং ১৮৮১] ।
- ৫ বসন্ত শেষবার নহে, তু 'কাল-সুগয়া'র অভিনয়কাল, নিম্ন পাদটীকা ১০ ।
- ৬ প্রতিভামন্দরী দেবী (ইং ১৮৬৫-১৯২২), হেমেন্দ্রনাথের জ্যেষ্ঠা কন্যা ।
 লক্ষ্মী সাজিয়াছিলেন শরৎকুমারী দেবীর কন্যা হুঁলা দেবী ।
- ৭ 'The Origin and Function of Music', in Essays Scientific, Political, and Speculative by Herbert Spencer, Vol. I p. 210-38.
- ৮ দ্র 'সঙ্গীতের উৎপত্তি ও উপযোগিতা । হার্বার্ট স্পেন্সরের মত ।' — ভারতী ১২৮৮ আষাঢ়
- ৯ প্রকাশ, ১২৮৯ অগ্রহায়ণ (ইং ১৮৮২ ডিসেম্বর) ।
- ১০ 'বিদ্বজ্জন সমাগম' সম্মিলন উপলক্ষ্যে প্রথম অভিনয়, ইং ১৮৮২, ২৩ ডিসেম্বর, শনিবার ।
- ১১ দ্র বাস্তবিকপ্রতিভা, ২য় সংস্করণ, ১২৯২ ফাল্গুন ।
- ১২ প্রকাশ, ১২৯৫ অগ্রহায়ণ । দ্র ১ম সংস্করণের বিজ্ঞাপন, রচনাবলী ১ । .
- ১৩ ইং ১৮৭৭ মালে । দ্র র-কথা, পৃ ১৯২ ; শনিবারের চিঠি, ১৩৪৬ পৌষ, পৃ ৪৪০ ।

সন্ধ্যাসংগীত^১

নিজের মধ্যে অবরুদ্ধ যে-অবস্থার কথা পূর্বে লিখিয়াছি, মোহিতবাবু কর্তৃক সম্পাদিত আমার গ্রন্থাবলীতে^২ সেই অবস্থার কবিতাগুলি 'হৃদয়-অরণ্য' নামের দ্বারা নির্দিষ্ট হইয়াছে। প্রভাতসংগীতে 'পুনর্মিলন' নামক কবিতায়^৩ আছে—

হৃদয় নামেতে এক বিশাল অরণ্য আছে
 দিশে দিশে নাহিক কিনারা,
 তারি মাঝে হনু পথহারা।
 সে-বন আঁধারে ঢাকা, গাছের জটিল শাখা
 সহস্র স্নেহের বাহু দিয়ে
 আঁধার পালিছে বৃকে নিয়ে।

হৃদয়-অরণ্য নাম এই কবিতা হইতে গ্রহণ করা হইয়াছে।^৪

এইরূপে বাহিরের সঙ্গে যখন জীবনটার যোগ ছিল না, যখন নিজের হৃদয়েরই মধ্যে আবিষ্ট অবস্থায় ছিলাম, যখন কারণহীন আবেগ ও লক্ষ্যহীন আকাঙ্ক্ষার মধ্যে আমার কল্পনা নানা ছন্দবেশে ভ্রমণ করিতেছিল তখনকার অনেক কবিতা নূতন গ্রন্থাবলী হইতে বর্জন করা হইয়াছে; কেবল সন্ধ্যাসংগীতে-প্রকাশিত কয়েকটি কবিতা হৃদয়-অরণ্য বিভাগে স্থান পাইয়াছে।

একসময়ে জ্যোতিদাদারা দূরদেশে ভ্রমণ করিতে গিয়াছিলেন; তেতালার ছাদে ঘরগুলি শূণ্য ছিল। সেই সময় আমি সেই ছাদ ও ঘর অধিকার করিয়া নির্জন দিনগুলি যাপন করিতাম।

এইরূপে যখন আপন মনে একা ছিলাম তখন, জানি না কেমন করিয়া, কাব্যরচনার যে-সংস্কারের মধ্যে বেষ্টিত ছিলাম সেটা খসিয়া গেল। আমার সঙ্গীরা যে-সব কবিতা ভালোবাসিতেন ও তাঁহাদের নিকট খ্যাতি পাইবার ইচ্ছায় মন স্বর্ভাবতই যে-সব কবিতার ছাঁচে লিখিবার চেষ্টা করিত, বোধকরি তাঁহারা দূরে যাইতেই আপন-আপনি সেই-সকল কবিতার শাসন হইতে আমার চিত্ত মুক্তিলাভ করিল।

একটা স্নেট লইয়া কবিতা লিখিতাম। সেটাও বোধ হয় একটা মুক্তির লক্ষণ। তাহার আগে কোমর বাঁধিয়া যখন খাতায় কবিতা লিখিতাম তাহার মধ্যে নিশ্চয়ই রীতিমতো কাব্য লিখিবার একটা পণ ছিল, কবিষশের পাকা সেহায় সেগুলি জমা হইতেছে বলিয়া নিশ্চয়ই অশ্রের সঙ্গে তুলনা করিয়া মনে মনে হিসাব মিলাইবার একটা চিন্তা ছিল, কিন্তু স্নেটে যাহা লিখিতাম তাহা লিখিবার থেয়ালেই লেখা। স্নেট

জিনিসটা বলে, 'ভয় কী তোমার, যাহা খুশি তাহাই লেখো-না, হাত ব্লাইলেই তো মুছিয়া যাইবে।'

কিন্তু এমনি করিয়া দুটো-একটা কবিতা লিখিতেই মনের মধ্যে ভারি একটা আনন্দের আবেগ আসিল, আমার সমস্ত অন্তঃকরণ বলিয়া উঠিল; বাঁচিয়া গেলাম, যাহা লিখিতেছি এ দেখিতেছি সম্পূর্ণ আমারই।

ইহাকে কেহ যেন গর্বোচ্ছ্বাস বলিয়া মনে না করেন। পূর্বের অনেক রচনায় বরঞ্চ গর্ব ছিল, কারণ গর্বই সে-সব লেখার শেষ বেতন। নিজের প্রতিষ্ঠা সন্দেহে হঠাৎ নিঃসংশয়তা অনুভব করিবার যে-পরিতৃপ্তি তাহাকে অহংকার বলিব না। ছেলের প্রতি মা-বাপের প্রথম যে-আনন্দ সে ছেলে সুন্দর বলিয়া নহে, ছেলে যথার্থ আমারই বলিয়া। ইহার সঙ্গে সঙ্গে ছেলের গুণ স্মরণ করিয়া তাঁহার গর্ব অনুভব করিতে পারেন, কিন্তু সে আর-একটা জিনিস। এই স্বাধীনতার প্রথম আনন্দের বেগে ছন্দোবন্ধকে আমি একেবারেই খাতির করা ছাড়িয়া দিলাম। নদী যেমন কাটা-খালের মতো সিধা চলে না, আমার ছন্দ তেমনি আঁকিয়া-বাঁকিয়া নানা মূর্তি ধারণ করিয়া চলিতে লাগিল। আগে হইলে এটাকে অপরাধ বলিয়া গণ্য করিতাম, কিন্তু এখন লেশমাত্র সংকোচ বোধ হইল না। স্বাধীনতা আপনাকে প্রথম প্রচায় করিবার সময় নিয়মকে ভাঙে, তাহার পরে নিয়মকে আপন হাতে সে গড়িয়া তুলে, তখনই সে যথার্থ আপনার অধীন হয়।

আমার সেই উচ্ছ্বল কবিতা শোনাঁইবার একজনমাত্র লোক তখন ছিলেন— অক্ষয়বাবু। তিনি হঠাৎ আমার এই লেখাগুলি দেখিয়া ভারি খুশি হইয়া বিষয় প্রকাশ করিলেন। তাঁহার কাছ হইতে অনুমোদন পাইয়া আমার পথ আরও প্রশস্ত হইয়া গেল।

বিহারী চক্রবর্তী মহাশয় তাঁহার বঙ্গসুন্দরী কাব্যে যে ছন্দের প্রবর্তন করিয়াছিলেন তাহা তিনমাত্রামূলক, যেমন—

একদিন দেব তরণ তপন

হেরিলেন সুরনদীর জলে

অপরাপ এক কুমারীরতন

খেলা করে নীল নলিনীদলে।

তিনমাত্রা জিনিসটা দুইমাত্রার মতো চোঁকা নহে, তাহা গোলায় মতো গোল, এইজন্য তাহা দ্রুতবেগে গড়াইয়া চলিয়া যায়, তাহার এই বেগবান গতির নৃত্য যেন ঘনঘন ঝংকারে নূপুর বাজাইতে থাকে। একদা এই ছন্দটাই আমি বেশি করিয়া ব্যবহার

করিতাম। ইহা যেন দুই পায়ে চলা নহে, ইহা যেন বাইসিকলে ধাবমান হওয়ার মতো। এইটেই আমার অভ্যাস হইয়া গিয়াছিল। সন্ধ্যাসংগীতে আমি ইচ্ছা করিয়া নহে কিন্তু স্বভাবতই এই বন্ধন ছেদন করিয়াছিলাম। তখন কোনো বন্ধনের দিকে তাকাই নাই। মনে কোনো ভয়ভর যেন ছিল না। লিখিয়া গিয়াছি, কাহারও কাছে কোনো জবাবদিহির কথা ভাবি নাই। কোনোপ্রকার পূর্বসংস্কারকে খাতির না করিয়া এমনি করিয়া লিখিয়া যাওয়াতে যে-জোর পাইলাম তাহাতেই প্রথম এই আবিষ্কার করিলাম যে, যাহা আমার সকলের চেয়ে কাছে পড়িয়াছিল তাহাকেই আমি দূরে সন্ধান করিয়া ফিরিয়াছি। কেবলমাত্র নিজের উপর ভরসা করিতে পারি নাই বলিয়াই নিজের জিনিসকে পাই নাই। হঠাৎ স্বপ্ন হইতে জাগিয়াই যেন দেখিলাম, আমার হাতে শৃঙ্খল পরানো নাই। সেইজন্তই হাতটাকে যেমন-খুশি ব্যবহার করিতে পারি, এই আনন্দটাকে প্রকাশ করিবার জন্তই হাতটাকে যথেষ্ট ছুঁড়িয়াছি।

আমার কাব্যলেখার ইতিহাসের মধ্যে এই সময়টাই আমার পক্ষে সকলের চেয়ে স্মরণীয়। কাব্যহিসাবে সন্ধ্যাসংগীতের মূল্য বেশি না হইতে পারে। উহার কবিতা-গুলি যথেষ্ট কাঁচা। উহার ছন্দ ভাষা ভাব, মূর্তি ধরিয়া, পরিশ্ফুট হইয়া উঠিতে পারে নাই। উহার গুণের মধ্যে এই যে, আমি হঠাৎ একদিন আপনার ভরসায় যা-খুশি তাই লিখিয়া গিয়াছি। স্মরণ্যং সে-লেখাটার মূল্য না থাকিতে পারে, কিন্তু খুশিটার মূল্য আছে।

১ প্রকাশ ১২৮৮ (ইং ১৮৮২) — রচনাবলী ১।

২ মোহিতচন্দ্র সেন কর্তৃক সম্পাদিত কাব্যগ্রন্থ (১-৯ ভাগ, ১৩১০)।

৩ ড্র রচনাবলী ১। তু ভারতী, ১২৮৯ চৈত্র।

৪ তু সন্নয়ের অরণ্য-সাঁধারে

দুজননে আইলু পথ ভুলি। ইত্যাদি

—‘আদি-হার’, সন্ধ্যাসংগীত ; ভারতী ১২৮৯ বৈশাখ।

৫ প্রকাশ অধোধবন্ধু মাসিকপত্রে, ১২৭৪-৭৬ ; গ্রন্থাকারে, ১২৭৬।

গান সম্বন্ধে প্রবন্ধ

ব্যারিস্টার হইব বলিয়া বিলাতে আয়োজন শুরু করিয়াছিলাম, এমন সময়ে পিতা আমাকে দেশে ডাকিয়া আনাইলেন। আমার কুতিভ্রাণের এই সুযোগ ভাঙিয়া যাওয়াতে বন্ধুগণ কেহ কেহ দুঃখিত হইয়া আমাকে পুনরায় বিলাতে পাঠাইবার জ্ঞপ্তি পিতাকে অনুরোধ করিলেন।^১ এই অনুরোধের জোরে আবার একবার বিলাতে যাত্রা করিয়া বাহির হইলাম।^২ সঙ্গে আরও একজন আত্মীয়^৩ ছিলেন। ব্যারিস্টার হইয়া আসাটা আমার ভাগ্য এমনি সম্পূর্ণ নামঞ্জুর করিয়া দিলেন যে, বিলাত পর্যন্ত পৌঁছিতেও হইল না। বিশেষ কারণে মাদ্রাজের ঘাটে নামিয়া পড়িয়া কলিকাতায় ফিরিয়া আসিতে হইল। ঘটনাটা যত বড়ো গুরুতর, কারণটা তদনুরূপ কিছুই নহে ; শুনিলে লোকে হাসিবে এবং সে-হাস্যটা যোলো-আনা আমারই প্রাপ্য নহে ; এইজন্যই সেটাকে বিবৃত করিয়া বলিলাম না। যাহা হউক, লক্ষ্মীর প্রসাদলাভের জন্ম দুইবার যাত্রা করিয়া দুইবারই তাড়া খাইয়া আসিয়াছি। আশা করি, বার-লাইব্রেরির ভূভার-বৃদ্ধি না করাতে আইনদেবতা আমাকে সদয় চক্ষে দেখিবেন।

পিতা তখন মসুরি পাহাড়ে ছিলেন। বড়ো ভয়ে ভয়ে তাঁহার কাছে গিয়াছিলাম। তিনি কিছুমাত্র বিরক্তি প্রকাশ করিলেন না ; বরং মনে হইল, তিনি খুশি হইয়াছেন। নিশ্চয়ই তিনি মনে করিয়াছিলেন, ফিরিয়া আসাই আমার পক্ষে মঙ্গলকর হইয়াছে এবং এই মঙ্গল ঈশ্বর-আশীর্বাদেই ঘটয়াছে।

দ্বিতীয়বার বিলাতে যাইবার পূর্বদিন^৪ সায়াহ্নে বেথুন-সোসাইটির আমন্ত্রণে মেডিকাল কলেজ হলে আমি প্রবন্ধ^৫ পাঠ করিয়াছিলাম। সভাস্থলে এই আমার প্রথম প্রবন্ধ পড়া। সভাপতি ছিলেন বৃদ্ধ রেভারেন্ড কৃষ্ণমোহন বন্দ্যোপাধ্যায়।^৬ প্রবন্ধের বিষয় ছিল সংগীত। যন্ত্রসংগীতের কথা ছাড়িয়া দিয়া আমি গের সংগীত সম্বন্ধে ইহাই বুঝাইবার চেষ্টা করিয়াছিলাম যে, গানের কথাকেই গানের সুরের দ্বারা পরিস্ফুট করিয়া তোলা এই শ্রেণীর সংগীতের মুখ্য উদ্দেশ্য। আমার প্রবন্ধে লিখিত অংশ অল্পই ছিল। আমি দৃষ্টান্ত দ্বারা বক্তব্যটিকে সমর্থনের চেষ্টায় প্রায় আগাগোড়াই নানাপ্রকার সুর দিয়া নানাভাবে গান গাহিয়াছিলাম। সভাপতিমহাশয় 'বন্দে বাল্মীকি-কোকিলঃ' বলিয়া আমার প্রতি যে প্রচুর সাধুবাদ প্রয়োগ করিয়াছিলেন আমি তাহার প্রধান কারণ এই বুঝি যে, আমার বয়স তখন অল্প ছিল এবং বালককণ্ঠে নানা বিচিত্র গান শুনিয়া তাঁহার মন আর্দ্র হইয়াছিল। কিন্তু, যে-মতটিকে তখন এত স্পর্ধার সঙ্গে ব্যক্ত করিয়াছিলাম সে-মতটি যে সত্য নয়, সে-কথা আজ স্বীকার করিব।

গীতিকলার নিজেই একটি বিশেষ প্রকৃতি ও বিশেষ কাজ আছে। গানে যখন কথা থাকে তখন কথার উচিত হয় না সেই সুরযোগে গানকে ছাড়াইয়া যাওয়া, সেখানে সে গানেরই বাহনমাত্র। গান নিজের ঐশ্বৰ্য্যেই বড়ো; বাক্যের দাসত্ব সে কেন করিতে যাইবে। বাক্য যেখানে শেষ হইয়াছে সেইখানেই গানের আরম্ভ। যেখানে অনির্বচনীয় সেইখানেই গানের প্রভাব। বাক্য যাহা বলিতে পারে না গান তাহাই বলে। এইজন্ত গানের কথাগুলিতে কথার উপদ্রব যতই কম থাকে ততই ভালো। হিন্দুস্থানি গানের কথা সাধারণত এতই অকিঞ্চিৎকর যে, তাহাদিগকে অতিক্রম করিয়া সুর আপনার আবেদন অন্যায়সে প্রচার করিতে পারে। এইরূপে রাগিণী যেখানে স্নেহমাত্র স্বররূপেই আমাদের চিত্তকে অপরূপ ভাবে জাগ্রত করিতে পারে সেইখানেই সংগীতের উৎকর্ষ। কিন্তু, বাংলাদেশে বহুকাল হইতে কথারই আধিপত্য এত বেশি যে এখানে বিস্তৃত সংগীত নিজের স্বাধীন অধিকারটি লাভ করিতে পারে নাই। সেইজন্ত এ দেশে তাহাকে ভগিনী কাব্যকলার আশ্রয়েই বাস করিতে হয়। বৈষ্ণব কবিদের পদাবলা হইতে নিধুবাবুর গান পর্যন্ত সকলেরই অধীন থাকিয়া সে আপনার মাধুর্যবিকাশের চেষ্টা করিয়াছে। কিন্তু, আমাদের দেশে স্ত্রী যেমন স্বামীর অধীনতা স্বীকার করিয়াই স্বামীর উপর কর্তৃত্ব করিতে পারে, এ দেশে গানও তেমনি বাক্যের অনুবর্তন করিবার ভার লইয়া বাক্যকে ছাড়াইয়া যায়। গান রচনা করিবার সময় এইটে বার বার অনুভব করা গিয়াছে। গুন্‌গুন্ করিতে করিতে যখনই একটা লাইন লিখিলাম 'তোমার গোপন কথাটি সধী, রেখো না মনে', তখনই দেখিলাম, সুর যে-জায়গায় কথাটা উড়াইয়া লইয়া গেল কথা আপনি সেখানে পায়ে হাঁটিয়া গিয়া পৌঁছিতে পারিত না। তখন মনে হইতে লাগিল, আমি যে গোপন কথাটি শুনিবার জন্ত সাধাসাধি করিতেছি তাহা যেন বনশ্রেণীর শ্রামলিমার মধ্যে মিলাইয়া আছে, পূর্ণিমারাত্রির নিস্তর গুহ্রতার মধ্যে ডুবিয়া আছে, দিগন্তরালের নীলাভ স্নদুরতার মধ্যে অবগুষ্ঠিত হইয়া আছে; তাহা যেন সমস্ত জল-স্থল-আকাশের নিগূঢ় গোপন কথা। বহু-বাল্যকালে একটা গান শুনিয়াছিলাম, 'তোমায় বিদেশিনী সাজিয়ে কে দিলে!' সেই গানের ওই একটিমাত্র পদ মনে এমন একটি অপরূপ চিত্র আঁকিয়া দিয়াছিল যে, আজও ওই লাইনটা মনের মধ্যে গুঞ্জন করিয়া বেড়ায়। একদিন ওই গানের ওই পদটার মোহে আমিও একটি গান লিখিতে বসিয়াছিলাম। স্বরগুঞ্জনের সঙ্গে প্রথম লাইনটা লিখিয়াছিলাম, 'আমি চিনি গো চিনি তোমারে, ওপো বিদেশিনী'—সঙ্গে যদি সুরটুকু না থাকিত তবে এ গানের কী ভাব দাঁড়াইত বলিতে পারি না। কিন্তু ওই সুরের মন্ত্রগুণে বিদেশিনীর এক

অপরূপ মূর্তি মনে জাগিয়া উঠিল। আমার মন বলিতে লাগিল, আমাদের এই জগতের মধ্যে একটি কোন্ বিদেশিনী আনাগোনা করে, কোন্ রহস্যসিন্দুর পরপারে ঘাটের উপরে তাহার বাড়ি, তাহাকেই শারদপ্রাতে মাধবীরাজিতে ক্ষণে ক্ষণে দেখিতে পাই, হৃদয়ের মাঝখানেও মাঝে মাঝে তাহার আভাস পাওয়া গেছে, আকাশে কান পাতিয়া তাহার কণ্ঠস্বর কখনো বা শুনিয়াছি। সেই বিশ্বরক্ষাণ্ডের বিশ্ববিমোহিনী বিদেশিনীর দ্বারে আমার গানের সুর আমাকে আনিয়া উপস্থিত করিল এবং আমি কহিলাম—

ভুবন ভ্রমিণী শেষে

এসেছি তোমারি দেশে,

আমি অতিথি তোমারি দ্বারে, ওগো বিদেশিনী।

ইহার অনেকদিন পরে একদিন বোলপুরের রাস্তা দিয়া কে গাহিয়া যাইতেছিল—

খাঁচার মাঝে অচিন পাখি কমনে আসে যায়,

ধরতে পারলে মনোবেড়ি দিতেম পাখির পায়।

দেখিলাম, বাউলের গানও ঠিক ওই একই কথা বলিতেছে। মাঝে মাঝে বন্ধ খাঁচার মধ্যে আসিয়া অচিন পাখি বন্ধনহীন অচেনার কথা বলিয়া যায়; মন তাহাকে চিরন্তন করিয়া ধরিয়া রাখিতে চায়, কিন্তু পারে না। এই অচিন পাখির নিঃশব্দ যাওয়া-আসার খবর গানের সুর ছাড়া আর কে দিতে পারে!

এই কারণে চিরকাল গানের বই ছাপাইতে সংকোচ বোধ করি। কেননা, গানের বহিতে আসল জিনিষই বাদ পড়িয়া যায়। সংগীত বাদ দিয়া সংগীতের বাহনগুলিকে সাজাইয়া রাখিলে কেমন হয়, যেমন গণপতিকে বাদ দিয়া তাঁহার মুখকটাকে ধরিয়া রাখা।

১ জ দেবেন্দ্রনাথের পত্র, গ্রন্থপরিচয়।

২ দ্বিতীয়বার বিলাতযাত্রা, বাংলা ১২৮৮ বৈশাখ [ইং ১৮৮১]।

৩ ভাগিনেয় সত্যপ্রসাদ গঙ্গোপাধ্যায়।

৪ ১২৮৮, বৈশাখ ৯ (19 April, 1891)।

“রবিরা শুক্রবার এখান থেকে যাত্রা করিবে। আজ রবি Bethune Societyতে ‘গান ও ভাব’ এই বিষয়ে বক্তৃতা দেবে— with practical illustrations।”

—গুণেন্দ্রনাথকে লিখিত জ্যোতিরিন্দ্রনাথের অপ্রকাশিত পত্র।

৫ জ ‘সদ্বীত ও ভাব’, ভারতী, ১২৮৮ জ্যৈষ্ঠ।

৬ কৃষ্ণমোহন বন্দ্যোপাধ্যায় (ইং ১৮১৩-৮৫)।

৭ রামনিধি গুপ্ত (ইং ১৭৪১-১৮২৯)।

গঙ্গাতীর

বিলাতযাত্রার আরম্ভপথ হইতে যখন ফিরিয়া আসিলাম তখন জ্যোতিদাদা চন্দমনগরে গঙ্গাধারের বাগানে বাস করিতেছিলেন; আমি তাঁহাদের আশ্রয় গ্রহণ করিলাম।^১ আবার, সেই গঙ্গা!^২ সেই আলস্তে আনন্দে অনির্বচনীয়, বিষাদে ও ব্যাকুলতায় জড়িত, শিশু শ্রামল নদীতীরের সেই কলধ্বনিকরণ দিনরাত্রি! এইখানেই আমার স্থান, এইখানেই আমার মাতৃহস্তের অন্নপরিবেষণ হইয়া থাকে। আমার পক্ষে বাংলাদেশের এই আকাশভরা আলো, এই দক্ষিণের বাতাস, এই গঙ্গার প্রবাহ, এই রাজকীয় আলস্ত, এই আকাশের নীল ও পৃথিবীর সবুজের মাঝখানকার দিগন্তপ্রসারিত উদার অবকাশের মধ্যে সমস্ত শরীরমন ছাড়িয়া দিয়া আত্মসমর্পণ— তৃষ্ণার জল ও ক্ষুধার খাণ্ডের মতোই অত্যাবশ্যক ছিল। সে তো খুব বেশি দিনের কথা নহে, তবু ইতিমধ্যেই সময়ের অনেক পরিবর্তন হইয়া গিয়াছে। আমাদের তরুচ্ছায়াপ্রচ্ছন্ন গঙ্গাতটের নিভৃত নীড়গুলির মধ্যে কলকারখানা উর্ধ্বকণা সাপের মতো প্রবেশ করিয়া সৌ সৌ শব্দে কালো নিশ্বাস ফুঁসিতেছে। এখন ধরমধ্যাহ্নে আমাদের মনের মধ্যেও বাংলাদেশের প্রশস্ত শিশুচ্ছায়া সংকীর্ণতম হইয়া আসিয়াছে। এখন দেশের সর্বত্রই অনবসর আপন সহস্র বাহু প্রসারিত করিয়া ঢুকিয়া পড়িয়াছে। হয়তো সে ভালোই— কিন্তু নিরবচ্ছিন্ন ভালো, এমন কথাও জোর করিয়া বলিতে পারি না।

আমার গঙ্গাতীরের সেই সুন্দর দিনগুলি গঙ্গার জলে উৎসর্গ-করা পূর্ণবিকশিত পদ্মফুলের মতো একটি একটি করিয়া ভাসিয়া যাইতে লাগিল। কখনো বা ঘনঘোর বর্ষার দিনে হারমোনীয়ময়ত্র-যোগে বিগাপতির 'ভরাবাদের মাহভাদর' পদটিতে মনের মতো সুর বসাইয়া বর্ষার রাগিণী গাহিতে গাহিতে বৃষ্টিপাতমুখরিত জলধারাচ্ছন্ন মধ্যাহ্ন খ্যাপার মতো কাটাইয়া দিতাম;^৩ কখনো বা সূর্যাস্তের সময় আমরা নৌকা লইয়া বাহির হইয়া পড়িতাম, জ্যোতিদাদা বেহালা বাজাইতেন, আমি গান গাহিতাম; পুরবী রাগিণী হইতে আরম্ভ করিয়া যখন বেহাগে গিয়া পৌঁছিতাম তখন পশ্চিমতটের আকাশে সোনার খেলনার কারখানা একেবারে নিঃশেষে দেউলে হইয়া গিয়া পূর্ববনান্ত হইতে চাঁদ উঠিয়া আসিত। আমরা যখন বাগানের ঘাটে ফিরিয়া আসিয়া নদীতীরের ছাদটার উপরে বিছানা করিয়া বসিতাম তখন জলে স্থলে শুভ্র শান্তি, নদীতে নৌকা প্রায় নাই, তীরের বনরেখা অন্ধকারে নিবিড়, নদীর তরঙ্গহীন প্রবাহের উপর আলো ঝিক্‌ঝিক্‌ করিতেছে।

আমরা যে-বাগানে ছিলাম তাহা মোরান সাহেবের বাগান নামে খ্যাত ছিল।^৪

গঙ্গা হইতে উঠিয়া ঘাটের সোপানগুলি পাথরে বাঁধানো একটি প্রশস্ত সুদীর্ঘ বারান্দায় গিয়া পৌঁছিত। সেই বারান্দাটাই বাড়ির বারান্দা। ঘরগুলি সমতল নহে—কোনো ঘর উচ্চ তলে, কোনো ঘরে দুই-চারিধাপ সিঁড়ি বাহিয়া নামিয়া যাইতে হয়। সবগুলি ঘর যে সমরেখায় তাহাও নহে। ঘাটের উপরেই বৈঠকখানাঘরের সানিশুলিতে রঙিন ছবিওয়লা কাচ বসানো ছিল। * একটি ছবি ছিল, নিবিড় পল্লবে-বেষ্টিত গাছের শাখায় একটি দোলা, সেই দোলায় রৌদ্রছায়াখচিত নিভৃত নিকুঞ্জে দুজনে ছলিতেছে; আর-একটি ছবি ছিল, কোনো দুর্গপ্রাসাদের সিঁড়ি বাহিয়া উৎসববেশে-সজ্জিত নরনারী কেহবা উঠিতেছে কেহবা নামিতেছে। সানিশর উপরে আলো পড়িত এবং এই ছবিগুলি বড়ো উজ্জ্বল হইয়া দেখা দিত। এই দুটি ছবি সেই গঙ্গাতীরের আকাশকে যেন ছুটির সুরে ভরিয়া তুলিত। কোন্ দূরদেশের, কোন্ দূরকালের উৎসব আপনার শব্দহীন কথাকে আলোর মধ্যে বলমূল করিয়া মেলিয়া দিত, এবং কোথাকার কোন্ একটি চিরনিভৃত ছায়ায় যুগলদোলনের রসমাধুর্য নদীতীরের বনশ্রেণীর মধ্যে একটি অপরিষ্কৃত গল্পের বেদনা সঞ্চায় করিয়া দিত। বাড়ির সর্বোচ্চতলে চারিদিক-খোলা একটি গোল ঘর ছিল। সেইখানে আমার কবিতা লিখিবার জায়গা করিয়া লইয়াছিলাম। সেখানে বসিলে ঘনগাছের মাথাগুলি ও খোলা আকাশ ছাড়া আর-কিছু চোখে পড়িত না। তখনো সন্ধ্যাসংগীতের পালা চলিতেছে; এই ঘরের প্রতি লক্ষ্য করিয়াই লিখিয়াছিলাম—

অনন্ত এ আকাশের কোলে

টলমল মেঘের মাঝার

এইখানে বাঁধিয়াছি ঘর

তোর তরে কবিতা আমার।

এখন হইতে কাব্যসমালোচকদের মধ্যে আমার সম্বন্ধে এই একটা রব উঠিতেছিল যে, আমি ভাঙা-ভাঙা ছন্দ ও আধো-আধো ভাষার কবি। সমস্তই আমার ঘোঁরা-ঘোঁরা, ছায়া-ছায়া। কথাটা তখন আমার পক্ষে যতই অপরিষ হউক-না কেন, তাহা অমূলক নহে। বস্তুতই সেই কবিতাগুলির মধ্যে বাস্তব সংসারের দৃঢ়ত্ব কিছুই ছিল না। ছেলেবেলা হইতেই বাহিরের লোকসংস্রব হইতে বহুদূরে যেমন করিয়া গণ্ডিবদ্ধ হইয়া মানুষ হইয়াছিলাম তাহাতে লিখিবার সম্বল পাইব কোথায়। কিন্তু, একটা কথা আমি মানিতে পারি না। তাঁহারা আমার কবিতাকে যখন ঝাপসা বলিতেন তখন সেই সঙ্গে এই খোঁচাটুকুও ব্যক্ত বা অব্যক্তভাবে যোগ করিয়া দিতেন, ওটা যেন একটা ফ্যাসান। যাহার নিজের দৃষ্টি খুব ভালো সে-ব্যক্তি কোনো যুবককে

চশমা পরিত্যক্ত দেখিলে অনেক সময়ে রাগ করে এবং মনে করে, ও বুঝি চশমাটাকে অলংকাররূপে ব্যবহার করিতেছে। বেচারী চোখে কম দেখে এ অপবাদটা স্বীকার করা যাইতে পারে, কিন্তু কম দেখার ভান করে এটা কিছু বেশি হইয়া পড়ে।

যেমন নীহারিকাকে সৃষ্টিছাড়া বলা চলে না, কারণ তাহা সৃষ্টির একটা বিশেষ অবস্থার সত্য, তেমনি কাব্যের অক্ষুটতাকে ফাঁকি বলিয়া উড়াইয়া দিলে কাব্য-সাহিত্যের একটা সত্যেরই অপলাপ করা হয়। মানুষের মধ্যে অবস্থা বিশেষে একটা আবেগ আসে যাহা অব্যক্তের বেদনা, যাহা অপরিষ্কৃততার ব্যাকুলতা। মনুষ্য-প্রকৃতিতে তাহা সত্য, স্মরণ্য তাহার প্রকাশকে মিথ্যা বলিব কী করিয়া। এরূপ কবিতার মূল নাই বলিলে ঠিক বলা হয় না, তবে কিনা মূল্য নাই বলিয়া তর্ক করা চলিতে পারে। কিন্তু, একেবারে নাই বলিলে কি অভ্যুক্তি হইবে না। কেননা, কাব্যের ভিতর দিয়া মানুষ আপনার হৃদয়কে ভাষায় প্রকাশ করিতে চেষ্টা করে; সেই হৃদয়ের কোনো অবস্থার কোনো পরিচয় যদি কোনো লেখায় ব্যক্ত হয় তবে মানুষ তাহাকে কুড়াইয়া রাখিয়া দেয়; ব্যক্ত যদি না হয় তবেই তাহাকে কেহিয়া দিয়া থাকে। অতএব, হৃদয়ের অব্যক্ত আকৃতিকে ব্যক্ত করায় পাপ নাই, যত অপরাধ ব্যক্ত না করিতে পারার দিকে। মানুষের মধ্যে একটা দ্বৈত আছে। বাহিরের ঘটনা, বাহিরের জীবনের সমস্ত চিন্তা ও আবেগের গভীর অন্তরালে যে-মানুষটা বসিয়া আছে, তাহাকে ভালো করিয়া চিনি না ও ভুলিয়া থাকি, কিন্তু জীবনের মধ্যে তাহার সত্তাকে তো লোপ করিতে পারি না। বাহিরের সঙ্গে তাহার অন্তরের সুর যখন মেলে না, সামঞ্জস্য যখন স্তম্ভর ও সম্পূর্ণ হইয়া উঠে না, তখন সেই অন্তরনিবাসীর পীড়ার বেদনায় মানসপ্রকৃতি ব্যঞ্চিত হইতে থাকে। এই বেদনাকে কোনো বিশেষ নাম দিতে পারি না, ইহার বর্ণনা নাই, এইজন্য ইহার যে রোদনের ভাষা তাহা স্পষ্ট ভাষা নহে; তাহার মধ্যে অর্থবদ্ধ কথার চেয়ে অর্থহীন সুরের অংশই বেশি। সন্ধ্যা-সংগীতে যে বিষাদ ও বেদনা ব্যক্ত হইতে চাহিয়াছে তাহার মূল সত্যটি সেই অন্তরের রহস্যের মধ্যে। সমস্ত জীবনের একটি মিল যেখানে আছে সেখানে জীবন কোনো-মতে পৌঁছিতে পারিতেছিল না। নিদ্রায় অভিভূত চৈতন্য যেমন দুঃস্বপ্নের সঙ্গে লড়াই করিয়া কোনোমতে জাগিয়া উঠিতে চায়, ভিতরের সত্তাটি তেমনি করিয়াই বাহিরের সমস্ত জটিলতাকে কাটাইয়া নিজেকে উদ্ধার করিবার জন্ত যুদ্ধ করিতে থাকে; অন্তরের গভীরতম অলক্ষ্য প্রদেশের সেই যুদ্ধের ইতিহাসই অস্পষ্ট ভাষায় সন্ধ্যাসংগীতে প্রকাশিত হইয়াছে। সকল সৃষ্টিতেই যেমন দুই শক্তির লীলা, কাব্য-সৃষ্টির মধ্যেও তেমনি। যেখানে অসামঞ্জস্য অতিরিক্ত অধিক, অথবা সামঞ্জস্য যেখানে

সম্পূর্ণ, সেখানে কাব্য লেখা বোধহয় চলে না। যেখানে অসামঞ্জস্যের বেদনাই প্রবলভাবে সামঞ্জস্যকে পাইতে ও প্রকাশ করিতে চাহিতেছে, সেইখানেই কবিতা বাঁশির অবরোধের ভিতর হইতে নিখাসের মতো রাগিনীতে উচ্ছ্বসিত হইয়া উঠে।

সন্ধ্যাসংগীতের জন্ম হইলে পর স্মৃতিকাগৃহে উচ্ছ্বরে শাঁখ বাজে নাই বটে কিন্তু তাই বলিয়া কেহ যে তাহাকে আদর করিয়া লয় নাই, তাহা নহে। আমার অন্য কোনো প্রবন্ধে^১ আমি বলিয়াছি— রমেশ দত্ত^২ মহাশয়ের জ্যেষ্ঠা কণ্ঠার বিবাহসভার^৩ দ্বারের কাছে বন্ধিমবাবু দাঁড়াইয়া ছিলেন ; রমেশবাবু বন্ধিমবাবুর গলায় মালা পরাইতে উত্তত হইয়াছেন। এমন সময়ে আমি সেখানে উপস্থিত হইলাম। বন্ধিমবাবু তাড়াতাড়ি সে-মালা আমার গলায় দিয়া বলিলেন, “এ-মালা ইহারই প্রাপ্য। রমেশ, তুমি সন্ধ্যাসংগীত পড়িয়াছ ?” তিনি বলিলেন, “না।” তখন বন্ধিমবাবু সন্ধ্যাসংগীতের কোনো কবিতা সন্মুখে যে-মত ব্যক্ত করিলেন তাহাতে আমি পুরস্কৃত হইয়াছিলাম।

- ১ ইং ১৮৮১ নালে, মহুরিতে পিতার সহিত সাক্ষাতের পরে।
- ২ দ্র ‘বাহিরে যাত্রা’ অধ্যায় ; তু ‘পুনর্মিলন’, প্রভাতসংগীত, ভারতী, ১২৮২ চৈত্র।
- ৩ তু ‘ছায়াছবি’, বীথিকা ; রচনাবলী ১৯।
- ৪ “গঙ্গার ধারের প্রথম যে বাসা আমার মনে পড়ে ছোটো সে দোতলা বাড়ি।... তার কিছুদিন পরে বাসা বদল করা হল মোরান সাহেবের বাগানে।” —ছেলেবেলা, অধ্যায় ১৩।
- ৫ ‘গান আরম্ভ’, সন্ধ্যাসংগীত, রচনাবলী ১। দ্র ‘কবিতা সাধনা’, ভাবতী, ১২৮৮ পৌষ।
- ৬ বাংলা ১২৮৮ [ইং ১৮৮২]।
- ৭ “ইহার অধিকাংশ কবিতাই গত দুই বৎসরের মধ্যে রচিত” —বিজ্ঞাপন, ১ম সংস্করণ।
- ৮ ‘বন্ধিমচন্দ্র’, সাধনা, ১০০১ বৈশাখ। দ্র গ্র-পরিচয় ২, পৃ ৫৫৫।
- ৮ রমেশচন্দ্র দত্ত (ইং ১৮৪৮-১৯০৯)।
- ৯ ২০নং বীড়ন স্ট্রীট (?) বাড়িতে, কমলাদেবীর সহিত প্রথমনাথ বহুর বিবাহ, ১২৮৯ শ্রাবণ [ইং ১৮৮২]।

প্রিয়বাবু

এই সন্ধ্যাসংগীত রচনার দ্বারাই আমি এমন একজন বন্ধু পাইয়াছিলাম যাহার উৎসাহ অল্পকূল আলোকের মতো আমার কাব্যরচনার বিকাশচেষ্টার প্রাণসঞ্চায় করিয়া দিয়াছিল। তিনি শ্রীযুক্ত প্রিয়নাথ সেন।^১ তৎপূর্বে ভগ্নহৃদয় পড়িয়া তিনি আমার আশা ত্যাগ করিয়াছিলেন, সন্ধ্যাসংগীতে তাঁহার মন জিতিয়া লইলাম। তাঁহার সন্দেহ যাহাদের পরিচয় আছে তাঁহারা জানেন, সাহিত্যের সাত সমুদ্রের নাবিক তিনি। দেশী ও বিদেশী প্রায় সকল ভাষার সকল সাহিত্যের বড়োরাশ্তায় ও গলিতে তাঁহার সদাসর্বদা আনাগোনা। তাঁহার কাছে বসিলে ভাবরাজ্যের অনেক দূর দিগন্তের দৃশ্য একেবারে দেখিতে পাওয়া যায়। সেটা আমার পক্ষে ভারি কাজে লাগিয়াছিল। সাহিত্য সম্বন্ধে পুরা সাহসের সন্দেহ তিনি আলোচনা করিতে পারিতেন; তাঁহার ভালো-লাগা মন্দলাগা কেবলমাত্র ব্যক্তিগত ঝড়ির কথা নহে। এক দিকে বিশ্বসাহিত্যের রসভাণ্ডারে প্রবেশ ও অল্প দিকে নিজের শক্তির প্রতি নির্ভর ও বিশ্বাস— এই দুই বিষয়েই তাঁহার বন্ধুত্ব আমার যৌবনের আরম্ভকালেই যে কত উপকার করিয়াছে তাহা বলিয়া শেষ করা যায় না। তখনকার দিনে যত কবিতাই লিখিয়াছি সমস্তই তাঁহাকে শুনাইয়াছি এবং তাঁহার আনন্দের দ্বারাই আমার কবিতাগুলির অভিব্যক্তি হইয়াছে। এই সুযোগটি যদি না পাইতাম তবে সেই প্রথম বয়সের চাষ-আবাদে বর্ষা নামিত না এবং তাহার পরে কাব্যের ক্ষমলে ফলন কতটা হইত তাহা বলা শক্ত।

১ প্রিয়নাথ সেন (ইং ১৮১৪-১৯১৬)।

প্রভাতসংগীত

গদ্যর ধারে বসিয়া সন্ধ্যাসংগীত ছাড়া কিছু-কিছু গল্পও লিখিতাম। সেও কোনো বাঁধা লেখা নহে; সেও একরকম যা-খুশি তাই লেখা। ছেলেরা যেমন লীলাচ্ছলে পতঙ্গ ধরিয়৷ থাকে এও সেইরকম। মনের রাজ্যে যখন বসন্ত আসে তখন ছোটো-ছোটো স্বপ্নাব্দু রঙিন ভাবনা উড়িয়া উড়িয়া বেড়ায়, তাহাদিগকে কেহ লক্ষ্যও করে না, অবকাশের দিনে সেইগুলিকে ধরিয়৷ রাখিবার খেয়াল আসিয়াছিল। আসল কথা, তখন সেই একটা বঁকের মুখে চলিয়াছিলাম; মন বুক ফুলাইয়া বলিতেছিল, আমার যাহা ইচ্ছা তাহাই লিখিব— কী লিখিব সে খেয়াল ছিল না, কিন্তু আমিই লিখিব, এইমাত্র তাহার একটা উল্লেখনা। এই ছোটো ছোটো গল্প লেখাগুলো এক সময়ে 'বিবিধ প্রসঙ্গ' নামে গ্রন্থ আকারে বাহির হইয়াছে; প্রথম সংস্করণের শেষেই তাহাদিগকে সমাধি দেওয়া হইয়াছে, দ্বিতীয় সংস্করণে আর তাহাদিগকে নূতন জীবনের পাট্টা দেওয়া হয় নাই।

বোধকরি এই সময়েই 'বউঠাকুরানীর হাট' নামে এক বড়ো নবেল লিখিতে শুরু করিয়াছিলাম।*

এইরূপে গদ্যতীরে কিছুকাল কাটিয়া গেলে জ্যোতিদান৷ কিছুদিনের জন্ত চৌরঙ্গি জাহ্নবরের নিকট দশনধর সদর স্ট্রীটে বাস করিতেন। আমি তাঁহার সঙ্গ ছিলাম। এখানেও একটু একটু করিয়া বউঠাকুরানীর হাট ও একটি একটি করিয়া সন্ধ্যাসংগীত লিখিতেছি, এমন সময়ে আমার মধ্যে হঠাৎ একটা কী উলটপালট হইয়া গেল।

একদিন জোড়াসাঁকোর বাড়ির ছাদের উপর অপরাহ্নের শেষে বেড়াইতেছিলাম। দিবাসবাসনের স্নানিয়ার উপরে সূর্যাস্তের আভাটি জড়িত হইয়া সেদিনকার আসন্ন সন্ধ্যা আমার কাছে বিশেষভাবে মনোহর হইয়া প্রকাশ পাইয়াছিল। পাশের বাড়ির দেয়ালগুলো পর্যন্ত আমার কাছে সুন্দর হইয়া উঠিল। আমি মনে মনে ভাবিতে লাগিলাম, পরিচিত জগতের উপর হইতে এই যে তুচ্ছতার আবরণ একেবারে উঠিয়া গেল এ কি কেবলমাত্র সায়াহ্নের আলোকসম্পাতের একটি জাহ্নমাত্র। কখনোই তাহা নয়। আমি বেশ দেখিতে পাইলাম, ইহার আসল কারণটি এই যে, সন্ধ্যা আমারই মধ্যে আসিয়াছে, আমিই ঢাকা পড়িয়াছি। দিনের আলোতে আমিই যখন অত্যন্ত উগ্র হইয়াছিলাম তখন যাহা-কিছুকেই দেখিতে-শুনিতেছিলাম সমস্তকে আমিই জড়িত করিয়া আবৃত করিয়াছি। এখন সেই আমি সরিয়া আসিয়াছে বলিয়াই জগৎকে তাহার নিজের স্বরূপে দেখিতেছি। সে-স্বরূপ কখনোই তুচ্ছ নহে—

তাহা আনন্দময়, সুন্দর। তাহার পর আমি মাঝে মাঝে ইচ্ছাপূর্বক নিজেকে যেন সরাইয়া ফেলিয়া জগৎকে দর্শকের মতো দেখিতে চেষ্টা করিতাম, তখন মনটা খুশি হইয়া উঠিত। আমার মনে আছে, জগৎটাকে কেমন করিয়া দেখিলে যে ঠিকমতো দেখা যায় এবং সেইসঙ্গে নিজের ভার লাঘব হয়, সেই কথা একদিন বাড়ির কোনো আত্মীয়কে বুঝাইবার চেষ্টা করিয়াছিলাম— কিছুমাত্র ক্লতকার্য হই নাই, তাহা জানি। এমন সময়ে আমার জীবনের একটা অভিজ্ঞতা লাভ করিলাম, তাহা আজ পর্যন্ত ভুলিতে পারি নাই।

সদর স্ট্রীটের রাস্তাটা যেখানে গিয়া শেষ হইয়াছে সেইখানে বোধকরি ফ্রী-স্কুলের বাগানের গাছ দেখা যায়। একদিন সকালে বারান্দায় দাঁড়াইয়া আমি সেইদিকে চাহিলাম। তখন সেই গাছগুলির পল্লবাস্তরাল হইতে সূর্যোদয় হইতেছিল। চাহিয়া থাকিতে থাকিতে হঠাৎ এক মুহূর্তের মধ্যে আমার চোখের উপর হইতে যেন একটা পর্দা সরিয়া গেল। দেখিলাম, একটি অপরূপ মহিমায় বিশ্বসংসার সমাচ্ছন্ন, আনন্দে এবং সৌন্দর্যে সর্বত্রই তরঙ্গিত। আমার হৃদয়ে স্তরে স্তরে যে-একটা বিষাদের আচ্ছাদন ছিল তাহা এক নিমিষেই ভেদ করিয়া আমার সমস্ত ভিতরটাতে বিশ্বের আলোক একেবারে বিচ্ছুরিত হইয়া পড়িল। সেইদিনই ‘নির্ব্বরের স্বপ্নভঙ্গ’ কবিতাটি^৪ নির্ব্বরের মতোই যেন উৎসারিত হইয়া বহিয়া চলিল। লেখা শেষ হইয়া গেল, কিন্তু জগতের সেই আনন্দরূপের উপর তখনো যবনিকা পড়িয়া গেল না। এমনি হইল আমার কাছে তখন কেহই এবং কিছুই অপ্ৰিয় রহিল না। সেইদিনই কিম্বা তাহার পরের দিন একটা ঘটনা ঘটিল, তাহাতে আমি নিজেই আশ্চর্য বোধ করিলাম। একট লোক ছিল সে মাঝে মাঝে আমাকে এই প্রকারের প্রশ্ন জিজ্ঞাসা করিত, “আচ্ছা মশায়, আপনি কি ঈশ্বরকে কখনো স্বচক্ষে দেখিয়াছেন।” আমাকে স্বীকার করিতেই হইত, দেখি নাই; তখন সে বলিত, “আমি দেখিয়াছি।” যদি জিজ্ঞাসা করিতাম “কি রূপ দেখিয়াছ”, সে উত্তর করিত, চোখের সম্মুখে বিজ্জ্বল করিতে থাকেন। এরূপ মানুষের সঙ্গে তত্ত্বালোচনায় কালযাপন সকল সময়ে প্ৰীতিকর হইতে পারে না। বিশেষত, তখন আমি প্রায় লেখার বঁাকে থাকিতাম। কিন্তু, লোকটা ভালোমানুষ ছিল বলিয়া তাহাকে বাধা দিতে পারিতাম না, সমস্ত সহিয়া যাইতাম।

এইবার, মধ্যাহ্নকালে সেই লোকটি যখন আসিল তখন আমি সম্পূর্ণ আনন্দিত হইয়া তাহাকে বলিলাম, “এসো এসো।” সে যে নির্ব্বোধ এবং অদ্ভুতরকমের ব্যক্তি, তাহার সেই বহিরাবরণটি যেন খুলিয়া গেছে। আমি যাহাকে দেখিয়া খুশি হইলাম এবং অভ্যর্থনা করিয়া লইলাম সে তাহার ভিতরকার লোক— আমার

সঙ্গে তাহার অর্নেক্য নাই, আত্মীয়তা আছে। যখন তাহাকে দেখিয়া আমার কোনো পীড়া বোধ হইল না, মনে হইল না যে আমার সময় নষ্ট হইবে, তখন আমার ভারি আনন্দ হইল— বোধ হইল, এই আমার মিথ্যা জাল কাটিয়া গেল, এতদিন এই সম্বন্ধে নিজেকে বারবার যে কষ্ট দিয়াছি তাহা অলীক এবং অনাবশ্যক।

আমি বারান্দার দাঁড়াইয়া থাকিতাম, রাস্তা দিয়া মুটে মজুর যে কেহ চলিত তাহাদের গতিভঙ্গি, শরীরের গঠন, তাহাদের মুখশ্রী আমার কাছে ভারি আশ্চর্য বলিয়া বোধ হইত; সকলেই যেন নিখিলসমুদ্রের উপর দিয়া তরঙ্গলীলার মতো বহিয়া চলিয়াছে। শিশুকাল হইতে কেবল চোখ দিয়া দেখাই অভ্যস্ত হইয়া গিয়াছিল, আজ যেন একেবারে সমস্ত চৈতন্য দিয়া দেখিতে আরম্ভ করিলাম। রাস্তা দিয়া এক যুবক যখন আর-এক যুবকের কাঁধে হাত দিয়া হাসিতে হাসিতে অবলীলাক্রমে চলিয়া যাইত সেটাকে আমি সামান্য ঘটনা বলিয়া মনে করিতে পারিতাম না— বিশ্বজগতের অতলস্পর্শ গভীরতার মধ্যে যে অফুরান রসের উৎস চারিদিকে হাসির বারনা বরাইতেছে সেইটাকে যেন দেখিতে পাইতাম।

সামান্য কিছু কাজ করিবার সময়ে মান্নুষের অঙ্গে প্রত্যঙ্গে যে-গতিবৈচিত্র্য প্রকাশিত হয় তাহা আগে কখনো লক্ষ্য করিয়া দেখি নাই; এখন মুহূর্তে মুহূর্তে সমস্ত মানবদেহের চলনের সংগীত আমাকে মুগ্ধ করিল। এ-সমস্তকে আমি স্বতন্ত্র করিয়া দেখিতাম না, একটা সমষ্টিকে দেখিতাম। এই মুহূর্তেই পৃথিবীর সর্বত্রই নানা লোকালয়ে, নানা কাজে, নানা আবশ্যকে কোটি কোটি মানব চঞ্চল হইয়া উঠিতেছে— সেই ধরণীব্যাপী সমগ্র মানবের দেহচাঞ্চল্যকে স্নব্ধভাবে এক করিয়া দেখিয়া আমি একটি মহাসৌন্দর্য-নৃত্যের আভাস পাইতাম। বন্ধুকে লইয়া বন্ধু হাসিতেছে, শিশুকে লইয়া মাতা লালন করিতেছে, একটা গোরু আর-একটা গোরুর পাশে দাঁড়াইয়া তাহার গা চাটিতেছে, ইহাদের মধ্যে যে-একটি অন্তহীন অপরিমেয়তা আছে তাহাই আমার মনকে বিস্ময়ের আঘাতে যেন বেদনা দিতে লাগিল। এই সময়ে যে লিখিয়াছিলাম—

হৃদয় আজ মোর কেমনে গেল খুলি,

জগৎ আসি দেখা করিছে কোলাকুলি।^৫

ইহা কবিকল্পনার অত্যাক্তি নহে। বস্তুত, যাহা অল্পভব করিয়াছিলাম তাহা প্রকাশ করিবার শক্তি আমার ছিল না।

কিছু কাল আমার এইরূপ আত্মহার্য আনন্দের অবস্থা ছিল।^৬ এমন সময়ে জ্যোতিদাদারা স্থির করিলেন, তাঁহারা দার্জিলিঙে যাইবেন। আমি ভাবিলাম, এ আমার হইল ভালো— সদর স্ট্রীটে শহরের ভিড়ের মধ্যে যাহা দেখিলাম হিমালয়ের উদার

শৈলশিখরে তাহাই আরও ভালো করিয়া, গভীর করিয়া দেখিতে পাইব। অন্তত এই দৃষ্টিতে হিমালয় আপনাকে কেমন করিয়া প্রকাশ করে তাহা জানা যাইবে।^৭

কিন্তু, সদর স্ট্রীটের সেই তুচ্ছ বাড়িটারই জিত হইল। হিমালয়ের উপরে চড়িয়া যখন তাকাইলাম তখন হঠাৎ দেখি, আর সেই দৃষ্টি নাই। বাহির হইতে আসল জিনিস কিছু পাইব এইটে মনে করাই বোধকরি আমার অপরাধ হইয়াছিল। নগাধিরাজ যত বড়োই অভভেদী হোন-না, তিনি কিছুই হাতে তুলিয়া দিতে পারেন না, অথচ যিনি দেনেওয়াল। তিনি গলির মধ্যেই এক মুহূর্তে বিশ্বসংসারকে দেখাইয়া দিতে পারেন।

আমি দেবদারুবনে ঘুরিলাম, বরনার ধারে বসিলাম, তাহার জলে স্নান করিলাম, কাঞ্চনশৃঙ্গার মেঘমুক্ত মহিমার দিকে তাকাইয়া রহিলাম— কিন্তু যেখানে পাওয়া সুসাধ্য মনে করিয়াছিলাম সেইখানেই কিছু খুঁজিয়া পাইলাম না। পরিচয় পাইয়াছি কিন্তু আর দেখা পাই না। রত্ন দেখিতেছিলাম, হঠাৎ তাহা বন্ধ হইয়া এখন কোটা দেখিতেছি। কিন্তু, কোটার উপরকার কারুকার্য যতই থাক, তাহাকে আর কেবল শূন্য কোটামাত্র বলিয়া ভ্রম করিবার আশঙ্কা রহিল না।

প্রভাতসংগীতের গান ধামিয়া গেল, শুধু তার দূর প্রতিধ্বনিস্বরূপ ‘প্রতিধ্বনি’ নামে একটি কবিতা দার্জিলিঙে লিখিয়াছিলাম।^৮ সেটা এমনি একটা অবোধ্য ব্যাপার হইয়াছিল যে, একদা দুই বন্ধু বাজি রাখিয়া তাহার অর্থনির্ণয় করিবার ভার লইয়াছিল। হতাশ হইয়া তাহাদের মধ্যে একজন আমার কাছ হইতে গোপনে অর্থ বুঝিয়া লইবার জন্ত আসিয়াছিল। আমার সহায়তায় সে বেচারী যে বাজি জিত্তিতে পারিয়াছিল, এমন আমার বোধ হয় না। ইহার মধ্যে স্নেহের বিষয় এই যে, দুজনের কাহাকেও হারের টাকা দিতে হইল না। হায় রে, যেদিন পদ্মের উপরে এবং বর্ষার সরোবরের উপরে কবিতা লিখিয়াছিলাম সেই অত্যন্ত পরিষ্কার রচনার দিন কতদূরে চলিয়া গিয়াছে।

কিছু-একটা বুঝাইবার জন্ত কেহ তো কবিতা লেখে না। হৃদয়ের অনুভূতি কবিতার ভিতর দিয়া আকার ধারণ করিতে চেষ্টা করে। এইজন্ত কবিতা শুনিয়া কেহ যখন বলে ‘বুঝিলাম না’ তখন বিষম মুশকিলে পড়িতে হয়। কেহ যদি ফুলের গন্ধ শূঁকিয়া বলে ‘কিছু বুঝিলাম না’, তাহাকে এই কথা বলিতে হয়, ইহাতে বুঝিবার কিছু নাই, এ যে কেবল গন্ধ। উত্তর শুনি, ‘সে তো জানি, কিন্তু খামকা গন্ধই বা কেন, ইহার মানেরটা কী।’ হয় ইহার জবাব বন্ধ করিতে হয়, নয় খুব একটা ঘোরালো করিয়া বলিতে হয়, প্রকৃতির ভিতরকার আনন্দ এমনি করিয়া গন্ধ হইয়া প্রকাশ পায়। কিন্তু মুশকিল এই যে, মানুষকে যে-কথা দিয়া কবিতা লিখিতে হয় সে-কথার যে মানে

আছে। এইজন্মই তো ছন্দবদ্ধ প্রভৃতি নানা উপায়ে কথা কহিবার স্বাভাবিক পদ্ধতি উলটপালট করিয়া দিয়া কবিকে অনেক কৌশল করিতে হইয়াছে, যাহাতে কথার ভাবটা বড়ো হইয়া কথার অর্থটাকে যথাসম্ভব ঢাকিয়া ফেলিতে পারে। এই ভাবটা তত্ত্বও নহে, বিজ্ঞানও নহে, কোনোপ্রকারের কাজের জিনিস নহে, তাহা চোখের জল ও মুখের হাসির মতো অন্তরের চেহারা মাত্র। তাহার সঙ্গে তত্ত্বজ্ঞান, বিজ্ঞান কিম্বা আর-কোনো বুদ্ধিসাধ্য জিনিস মিলাইয়া দিতে পার তো নাও, কিন্তু সেটা গোঁণ। খেয়ানোকায় পার হইবার সময় যদি মাছ ধরিয়া লইতে পার তো সে তোমার বাহাহুরি, কিন্তু তাই বলিয়া খেয়ানোকা জ্বলেডিডি নয়; খেয়ানোকায় মাছ রপ্তানি হইতেছে না বলিয়া পাটুনিকে গালি দিলে অবিচার করা হয়।”

প্রতিধ্বনি কবিতাটা আমার অনেকদিনের লেখা; সেটা কাহারও চোখে পড়ে না স্মরণ্য তাহার জন্ম কাহারও কাছে আজ আমাকে জবাবদিহি করিতে হয় না। সেটা ভালোমন্দ যেমনি হোক, এ কথা জোর করিয়া বলিতে পারি, ইচ্ছা করিয়া পাঠকদের ধাঁধা লাগাইবার জন্ম সে কবিতাটা লেখা হয় নাই এবং কোনো গভীর তত্ত্বকথা কাঁকি দিয়া কবিতায় বলিয়া লইবার প্রয়াসও তাহা নহে।

আসল কথা হৃদয়ের মধ্যে যে-একটা ব্যাকুলতা জন্মিয়াছিল সে নিজেকে প্রকাশ করিতে চাহিয়াছে। যাহার জন্ম ব্যাকুলতা তাহার আর-কোনো নাম খুঁজিয়া না পাইয়া তাহাকে বলিয়াছে প্রতিধ্বনি এবং কহিয়াছে—

ওগো প্রতিধ্বনি,

বুঝি আমি তোরে ভালোবাসি,

বুঝি আর কারেও বাসি না।

বিশ্বের কেন্দ্রস্থলে সে কোন্ গানের ধ্বনি জাগিতেছে— প্রিয়মুখ হইতে, বিশ্বের সমুদয় সুন্দর সামগ্রী হইতে প্রতিঘাত পাইয়া যাহার প্রতিধ্বনি আমাদের হৃদয়ের ভিতরে গিয়া প্রবেশ করিতেছে। কোনো বস্তুকে নয় কিন্তু সেই প্রতিধ্বনিকেই বুঝি আমরা ভালোবাসি; কেননা ইহা যে দেখা গেছে, একদিন যাহার দিকে তাকাই নাই আর-একদিন সেই একই বস্তু আমাদের সমস্ত মন ভুলাইয়াছে।

এতদিন জগৎকে কেবল বাহিরের দৃষ্টিতে দেখিয়া আসিয়াছি, এইজন্ম তাহার একটা সমগ্র আনন্দরূপ দেখিতে পাই নাই। একদিন হঠাৎ আমার অন্তরের যেন একটা গভীর কেন্দ্রস্থল হইতে একটা আলোকরশ্মি মুক্ত হইয়া সমস্ত বিশ্বের উপর যখন ছড়াইয়া পড়িল তখন সেই জগৎকে আর কেবল ঘটনাপুঞ্জ ও বস্তুপুঞ্জ করিয়া দেখা গেল না, তাহাকে আগাগোড়া পরিপূর্ণ করিয়া দেখিলাম। ইহা

হইতেই একটা অল্পভূতি আমার মনের মধ্যে আসিয়াছিল যে, অস্তরের কোন্-একটি গভীরতম গুহা হইতে সুরের ধারা আসিয়া দেশে কালে ছড়াইয়া পড়িতেছে—এবং প্রতিধ্বনিক্রমে সমস্ত দেশকাল হইতে প্রত্যাহত হইয়া সেইখানেই আনন্দস্রোতে ফিরিয়া যাইতেছে। সেই অসীমের দিকে ফেরার মুখের প্রতিধ্বনিই আমাদের মনকে সৌন্দর্যে ব্যাকুল করে। গুণী যখন পূর্ণহৃদয়ের উৎস হইতে গান ছাড়িয়া দেন তখন সেই এক আনন্দ; আবার যখন সেই গানের ধারা তাঁহারই হৃদয়ে ফিরিয়া যায় তখন সে এক দ্বিগুণতর আনন্দ। বিশ্বকবির কাব্যগান যখন আনন্দময় হইয়া তাঁহারই চিত্তে ফিরিয়া যাইতেছে তখন সেইটেকে আমাদের চেতনার উপর দিয়া বহিয়া যাইতে দিলে, আমরা জগতের পরম পরিণামটিকে যেন অনির্বচনীয়রূপে জানিতে পারি। যেখানে আমাদের সেই উপলব্ধি সেইখানে আমাদের প্রীতি; সেখানে আমাদেরও মন সেই অসীমের অভিমুখীন আনন্দস্রোতের টানে উতলা হইয়া সেই দিকে আপনাকে ছাড়িয়া দিতে চায়। সৌন্দর্যের ব্যাকুলতার ইহাই তাৎপর্য। যে-সুর অসীম হইতে বাহির হইয়া সীমার দিকে আসিতেছে তাহাই সত্য, তাহাই মঙ্গল, তাহা নিয়মে বাঁধা, আকারে নির্দিষ্ট; তাহারই যে-প্রতিধ্বনি সীমা হইতে অসীমের দিকে পুনশ্চ ফিরিয়া যাইতেছে তাহাই সৌন্দর্য, তাহাই আনন্দ। তাহাকে ধরাছোঁয়ার মধ্যে আনা অসম্ভব, তাই সে এমন করিয়া ঘরছাড়া করিয়া দেয়। প্রতিধ্বনি কবিতার মধ্যে আমার মনের এই অল্পভূতিই রূপকে ও গানে ব্যক্ত হইবার চেষ্টা করিয়াছে। সে-চেষ্টার ফলটি স্পষ্ট হইয়া উঠিবে এমন আশা করা যায় না, কারণ চেষ্টাটাই আপনাকে আপনি স্পষ্ট করিয়া জানিত না।

আরও কিছু অধিক বয়সে প্রভাতসংগীত সম্বন্ধে একটা পত্র লিখিয়াছিলাম, সেটার এক অংশ এখানে উদ্ধৃত করি—

“জগতে কেহ নাই সবাই প্রাণে মোর”—ও একটা বয়সের বিশেষ অবস্থা। যখন হৃদয়টা সর্বপ্রথম জাগ্রত হয়ে দুই বাহু বাড়িয়ে দেয় তখন মনে করে, সে যেন সমস্ত জগৎটাকে চায়—যেমন নবোদগতদন্ত শিশু মনে করেছেন, সমস্ত বিৎসংসার তিনি গালে পুরে দিতে পারেন।

“ক্রমে ক্রমে বুঝতে পারা যায়, মনটা যথার্থ কী চায় এবং কী চায় না। তখন সেই পরিব্যাপ্ত হৃদয়ব্যাপ্ত সংকীর্ণ সীমা অবলম্বন করে জ্বলতে এবং জ্বালাতে আরম্ভ করে। একেবারে সমস্ত জগৎটা দাবি করে বসলে কিছুই পাওয়া যায় না, অবশেষে একটা কোনোকিছুর মধ্যে সমস্ত প্রাণমন দিয়ে নিবিষ্ট হতে পারলে তবেই অসীমের মধ্যে প্রবেশের সিংহদ্বারটি পাওয়া যায়। প্রভাতসংগীত আমার অস্তরপ্রকৃতির প্রথম

বহির্মুখ উচ্ছ্বাস, সেইজন্মে ওটাতে আর-কিছুমাত্র বাহ্যবিচার নেই।”^{১০}

প্রথম উচ্ছ্বাসের একটা সাধারণভাবে ব্যাপ্ত আনন্দ ক্রমে আমাদের বিশেষ পরিচয়ের দিকে ঠেলিয়া লইয়া যায়— বিলের জল ক্রমে যেন নদী হইয়া বাহির হইতে চায়— তখন পূর্বরাগ অল্পরাগে পরিণত হয়। বস্তুত, অল্পরাগ পূর্বরাগের অপেক্ষা এক হিসাবে সংকীর্ণ। তাহা একগ্রাসে সমস্তটা না লইয়া ক্রমে ক্রমে খণ্ডে খণ্ডে চাখিয়া লইতে থাকে। প্রেম তখন একাগ্র হইয়া অংশের মধ্যেই সমগ্রকে, সীমার মধ্যেই অসীমকে উপভোগ করিতে পারে। তখন তাহার চিত্ত প্রত্যক্ষ বিশেষের মধ্য দিয়াই অপ্রত্যক্ষ অংশের মধ্যে আপনাকে প্রসারিত করিয়া দেয়। তখন সে যাহা পায় তাহা কেবল নিজের মনের একটা অনির্দিষ্ট ভাবানন্দ নহে— বাহিরের সহিত, প্রত্যক্ষের সহিত একান্ত মিলিত হইয়া তাহার হৃদয়ের ভাবটি সর্বাদীণ সত্য হইয়া উঠে।

মোহিতবাবুর গ্রন্থাবলীতে প্রভাতসংগীতের কবিতাগুলিকে ‘নিষ্ক্রমণ’ নাম দেওয়া হইয়াছে। কারণ তাহা হৃদয়ারণ্য হইতে বাহিরের বিশ্বে প্রথম আগমনের বার্তা। তার পরে সুখদুঃখ-আলোক-অন্ধকারে সংসারপথের যাত্রী এই হৃদয়টার সঙ্গে একে-একে খণ্ডে-খণ্ডে নানা সুরে ও নানা ছন্দে বিচিত্রভাবে বিশ্বের মিলন ঘটাইয়াছে— অবশেষে এই বহুবিচিত্রের নানা বাঁধানো ঘাটের ভিতর দিয়া পরিচয়ের ধারা বহিয়া চলিতে চলিতে নিশ্চয়ই, আর-একদিন আবার একবার অসীম ব্যাপ্তির মধ্যে গিয়া পৌঁছাবে, কিন্তু সেই ব্যাপ্তি অনির্দিষ্ট। আভাসের ব্যাপ্তি নহে, তাহা পরিপূর্ণ সত্যের পরিব্যাপ্তি।^{১১}

আমার শিশুকালেই বিশ্বপ্রকৃতির সঙ্গে আমার খুব একটি সহজ এবং নিবিড় যোগ ছিল। বাড়ির ভিতরের নারিকেল গাছগুলি প্রত্যেকে আমার কাছে অভ্যস্ত সত্য হইয়া দেখা দিত। নর্মাল স্কুল হইতে চারিটার পর ফিরিয়া গাড়ি হইতে নামিয়াই আমাদের বাড়ির ছাদটার পিছনে দেখিলাম, ঘন সজল নীলমেঘ রাশীকৃত হইয়া আছে— মনটা তখনই এক নিমিষে নিবিড় আনন্দের মধ্যে অনাবৃত হইয়া গেল— সেই মুহূর্তের কথা আজিও আমি ভুলিতে পারি নাই। সকালে জাগিবামাত্রই সমস্ত পৃথিবীর জীবনোল্লাসে আমার মনকে তাহার খেলার সঙ্গীর মতো ডাকিয়া বাহির করিত, মধ্যাহ্নে সমস্ত আকাশ এবং প্রহর যেন স্তব্ধ হইয়া উঠিয়া আপন গভীরতার মধ্যে আমাকে বিবাগি করিয়া দিত এবং রাত্রির অন্ধকার যে-মায়াপথের গোপন দরজাটা খুলিয়া দিত তাহা সম্ভব-অসম্ভবের সীমানা ছাড়াইয়া রূপকথার অপরূপ রাজ্যে সাতসমুদ্র তেরোনদী পার করিয়া লইয়া যাইত। তাহার পর একদিন যখন যৌবনের প্রথম

উন্মেষে হৃদয় আপনার ধোঁরাকের দাবি করিতে লাগিল, তখন বাহিরের সঙ্গে জীবনের সহজ যোগটি বাধাগ্রস্ত হইয়া গেল। তখন ব্যথিত হৃদয়টাকে ঘিরিয়া ঘিরিয়া নিজের মধ্যেই নিজের আবর্তন শুরু হইল; চেতনা তখন আপনার ভিতর দিকেই আবদ্ধ হইয়া রহিল। এইরূপে রুগ্ন হৃদয়টার শব্দদ্বারা অন্তরের সঙ্গে বাহিরের যে-সামঞ্জসতা ভাঙিয়া গেল, নিজের চিরদিনের যে সহজ অধিকারটি হারাইলাম, সন্ধ্যাসংগীতে তাহারই বেদনা ব্যক্ত হইতে চাহিয়াছে। অবশেষে একদিন সেই রুদ্ধ হার জানি না কোন্ ধাক্কায় হঠাৎ ভাঙিয়া গেল, তখন যাহাকে হারাইয়াছিলাম তাহাকে পাইলাম। শুধু পাইলাম তাহা নহে, বিচ্ছেদের ব্যবধানের ভিতর দিয়া তাহার পূর্ণতর পরিচয় পাইলাম। সহজকে দুর্ভাগ করিয়া তুলিয়া যখন পাওয়া যায় তখনই পাওয়া সার্থক হয়। এইজন্ত আমার শিশুকালের বিশ্বকে প্রভাতসংগীতে যখন আবার পাইলাম তখন তাহাকে অনেক বেশি পাওয়া গেল। এমনি করিয়া প্রকৃতির সঙ্গে সহজ মিলন বিচ্ছেদ ও পুনর্মিলনে^{১২} জীবনের প্রথম অধ্যায়ের একটা পালা শেষ হইয়া গেল। শেষ হইয়া গেল বলিলে মিথ্যা বলা হয়। এই পালাটাই আবার আরও একটু বিচিত্র হইয়া শুরু হইয়া, আবার আরও একটা দুর্ভাগতর সমস্তার ভিতর দিয়া বৃহত্তর পরিণামে পৌঁছিতে চলিল। বিশেষ মানুষ জীবনে বিশেষ একটা পালাই সম্পূর্ণ করিতে আসিয়াছে — পর্বে পর্বে তাহার চক্রটা বৃহত্তর পরিধিকে অবলম্বন করিয়া বাড়িতে থাকে— প্রত্যেক পাককে হঠাৎ পৃথক বলিয়া ভ্রম হয় কিন্তু খুঁজিয়া দেখিলে দেখা যায়, কেহনটা একই।

যখন সন্ধ্যাসংগীত লিখিতেছিলাম তখন খণ্ড খণ্ড গণ্ড ‘বিবিধ প্রসঙ্গ’ নামে বাহির হইতেছিল। আর, প্রভাতসংগীত যখন লিখিতেছিলাম কিম্বা তাহার কিছু পর হইতে ওইরূপ গণ্ড লেখাগুলি আলোচনা^{১৩} নামক গ্রন্থে সংগৃহীত হইয়া ছাপা হইয়াছিল। এই দুই গণ্ডগ্রন্থে যে-প্রভেদ ঘটয়াছে তাহা পড়িয়া দেখিলেই লেখকের চিন্তের গতি নির্ণয় করা কঠিন হয় না।^{১৪}

১ প্রকাশ, শক ১৮০৫ বৈশাখ [ইং ১৮৮৩]। রচনাবলী ১।

তু ‘লেখা কুমারী ও ছাপা হৃদয়’ — ভারতী, ১২২০ জ্যৈষ্ঠ।

২ শক ১৮০৫ ভাদ্র [ইং ১৮৮৩]। রচনাবলী-অ ১।

৩ ড ভারতী, ১২৮৮ কার্তিক - ১২৮৯ আশ্বিন। গ্রন্থপ্রকাশ, শক ১৮০৪ পৌষ [ইং ১৮৮৩]। রচনাবলী ১।

৪ প্রথম প্রকাশ, ভারতী, ১২৭৯ অগ্রহায়ণ।

“আমি সেই দিনই সমস্ত মধ্যাহ্ন ও অপরাহ্ন ‘নির্ঝরের স্বপ্নসঙ্গ’ লিখিলাম।... একটু অপূর্ব

অদ্ভুত হৃদয়সৃষ্টির দিনে ‘নির্ঝরের স্বপ্নভঙ্গ’ লিখিয়াছিলেন কিন্তু সেদিন কে জানিত এই কবিতায় আমার নমস্ত কাব্যের ভূমিকা লেখা হইতেছে।” —পাণ্ডুলিপি।

৫ ‘প্রভাত-উৎসব’, ভারতী, ১২৮৯ পৌষ।

৬ “এই অবস্থায় চার দিন ছিলুম। চার দিন জগৎকে মত্যাভানে দেখেছি।”—মানুষের ধর্ম, পৃ ১০৪।

৭ “দার্জিলিঙে গিয়া শহর হইতে দূরে ‘রোজভিলা’ নামক একটি নিভৃত বাসায় আশ্রয় লইলাম।”
—পাণ্ডুলিপি।

৮ ‘প্রতিধ্বনি’, প্রভাতসংগীত ; ৩ রচনাবলী ১, পৃ ৭৬।

৯ ‘কাব্য। স্পষ্ট এবং অস্পষ্ট’, ভারতী, ১২৯৩ চৈত্র।

১০ ‘মঙ্গলবার এই জ্যৈষ্ঠ [১২৯৯] বোলপুর’ হইতে ইন্দিরা দেবীকে লিখিত পত্র, ত্র বিখন্ডারতী পত্রিকা ১০৫১ কার্তিক-পৌষ।

১১ “আমি দেখিহেছি...‘নির্ঝরের স্বপ্নভঙ্গ’ আমার কবিতার, আমার হৃদয়ের এই যাত্রাপথটির একটি রূপক-মানচিত্র আঁকিয়া দিয়াছিল।” —পাণ্ডুলিপি।

১২ ‘পুনর্মিলন’, প্রভাতসংগীত, রচনাবলী ১ ; ভারতী, ১২৮৯ চৈত্র।

১৩ প্রকাশ, ইং ১৮৮৫, ৭ এপ্রিল। রচনাবলী-অ ২।

১৪ “মদরস্ট্রীটে বাসের সঙ্গে আমার আর একটা কথা মনে আসে। এই সময়ে বিজ্ঞান পড়িবার জন্য আমার অত্যন্ত একটা আগ্রহ উপস্থিত হইয়াছিল। তখন হৃৎস্মিলির রচনা হইতে জীবতত্ত্ব ও লক্ইয়ার, নিউকোম্ প্রভৃতির গ্রন্থ হইতে জ্যোতির্বিজ্ঞান নিবিষ্টচিত্তে পাঠ করিতাম। জীবতত্ত্ব ও জ্যোতির্বিজ্ঞান আমার কাছে অত্যন্ত উপাদের বোধ হইত।” —পাণ্ডুলিপি।

রাজেন্দ্রলাল মিত্র

এই সময়ে, বাংলার সাহিত্যিকগণকে একত্র করিয়া একটি পরিষৎ স্থাপন করিবার কল্পনা জ্যোতিদাদার মনে উদিত হইয়াছিল। বাংলার পরিভাষা বাঁধিয়া দেওয়া ও সাধারণত সর্বপ্রকার উপায়ে বাংলা ভাষা ও সাহিত্যের পুষ্টিসাধন এই সভার উদ্দেশ্য ছিল। বর্তমান সাহিত্যপরিষৎ যে-উদ্দেশ্য লইয়া আবিভূত হইয়াছে তাহার সঙ্গে সেই সংকল্পিত সভার প্রায় কোনো অনৈক্য ছিল না।

রাজেন্দ্রলাল মিত্র মহাশয় উৎসাহের সহিত এই প্রস্তাবটি গ্রহণ করিলেন। তাঁহাকেই এই সভার সভাপতি করা হইয়াছিল। যখন বিত্তাসাগর মহাশয়কে এই সভায় আহ্বান করিবার জন্ত গেলাম, তখন সভার উদ্দেশ্য ও সভ্যদের নাম শুনিয়া তিনি বলিলেন, “আমি পরামর্শ দিতেছি, আমাদের মতো লোককে পরিত্যাগ করো— ‘হোমরাচোমরা’দের লইয়া কোনো কাজ হইবে না, কাহারও সঙ্গে কাহারও মতে মিলিবে না।” এই বলিয়া তিনি এ সভায় যোগ দিতে রাজি হইলেন না। বঙ্কিমবাবু সভ্য হইয়াছিলেন,^১ কিন্তু তাঁহাকে সভার কাজে যে পাওয়া গিয়াছিল তাহা বলিতে পারি না।

বলিতে গেলে যে-কয়দিন সভা বাঁচিয়া ছিল, সমস্ত কাজ একা রাজেন্দ্রলাল মিত্রই করিতেন। ভৌগোলিক পরিভাষানির্ণয়েই আমরা প্রথম হস্তক্ষেপ করিয়াছিলাম। পরিভাষার প্রথম খসড়া সমস্তটা রাজেন্দ্রলালই ঠিক করিয়া দিয়াছিলেন। সেটি ছাপাইয়া অগ্রাণু সভ্যদের আলোচনার জন্ত সকলের হাতে বিতরণ করা হইয়াছিল।^২ পৃথিবীর সমস্ত দেশের নামগুলি সেই সেই দেশে প্রচলিত উচ্চারণ অনুসারে লিপিবদ্ধ করিবার সংকল্পও আমাদের ছিল।

বিত্তাসাগরের কথা ফলিল— হোমরাচোমরাদের একত্র করিয়া কোনো কাজে লাগানো সম্ভবপর হইল না। সভা একটুখানি অস্থিরিত হইয়াই শুকাইয়া গেল।

কিন্তু, রাজেন্দ্রলাল মিত্র সব্যসাচী ছিলেন। তিনি একাই একটি সভা। এই উপলক্ষ্যে তাঁহার সহিত পরিচিত হইয়া আমি ধন হইয়াছিলাম।

এপর্যন্ত বাংলাদেশে অনেক বড়ো বড়ো সাহিত্যিকের সঙ্গে আমার আলাপ হইয়াছে, কিন্তু রাজেন্দ্রলালের স্মৃতি আমার মনে যেমন উজ্জ্বল হইয়া বিরাজ করিতেছে এমন আর কাহারও নহে।

মানিকতলার বাগানে যেখানে কোর্ট অফ ওয়ার্ডস্‌^৩ ছিল সেখানে আমি যখন-তখন তাঁহার সঙ্গে দেখা করিতে যাইতাম। আমি সকালে যাইতাম— দেখিতাম, তিনি

লেখাপড়ার কাজে নিযুক্ত আছেন। অল্পবয়সের অবিবেচনাবশতই অসংকোচে আমি তাঁহার কাজের ব্যাঘাত করিতাম। কিন্তু, সেজ্ঞ তাঁহাকে মুহূর্তকালও অগ্রসর দেখি নাই। আমাকে দেখিযামাত্র তিনি কাজ রাখিয়া দিয়া কথা আরম্ভ করিয়া দিতেন। সকলেই জানেন, তিনি কানে কম শুনিতেন। এইজ্ঞ পারতপক্ষে তিনি আমাকে প্রশ্ন করিবার অবকাশ দিতেন না। কোনো একটা বড়ো প্রশ্ন তুলিয়া তিনি নিজেই কথা কহিয়া যাইতেন। তাঁহার মুখে সেই কথা শুনিবার জ্ঞই আমি তাঁহার কাছে যাইতাম। আর-কাহারও সঙ্গে বাক্যালাপে এত নূতন নূতন বিষয়ে এত বেশি করিয়া ভাবিবার জিনিস পাই নাই। আমি মুগ্ধ হইয়া তাঁহার আলাপ শুনিতাম। বোধকরি তখনকার কালের পাঠ্যপুস্তক-নির্বাচনসমিতির তিনি একজন প্রধান সভ্য ছিলেন। তাঁহার কাছে যে-সব বই পাঠানো হইত তিনি সেগুলি পেন্সিলের দাগ দিয়া নোট করিয়া পড়িতেন। এক-একদিন সেইরূপ কোনো-একটা বই উপলক্ষ্য করিয়া তিনি বাংলা ভাষারীতি ও ভাষাতত্ত্ব সম্বন্ধে কথা কহিতেন, তাহাতে আমি বিস্তর উপকার পাইতাম। এমন অল্প বিষয় ছিল যে-সম্বন্ধে তিনি ভালো করিয়া আলোচনা না করিয়াছিলেন এবং যাহাকিছু তাঁহার আলোচনার বিষয় ছিল তাহাই তিনি প্রাঞ্জল করিয়া বিবৃত করিতে পারিতেন। তখন যে-বাংলাসাহিত্যসভার প্রতিষ্ঠাচেষ্টা হইয়াছিল সেই সভায় আর কোনো সভ্যের কিছুমাত্র মুখাপেক্ষা না করিয়া যদি একমাত্র মিত্রমহাশয়কে দিয়া কাজ করাইয়া লওয়া যাইত, তবে বর্তমান সাহিত্য-পরিষদের অনেক কাজ কেবল সেই একজন ব্যক্তি দ্বারা অনেকদূর অগ্রসর হইত সন্দেহ নাই।

কেবল তিনি মননশীল লেখক ছিলেন ইহাই তাঁহার প্রধান গৌরব নহে। তাঁহার মূর্তিতেই তাঁহার মনুষ্কর যেন প্রত্যক্ষ হইত; আমার মতো অর্বাচীনকেও তিনি কিছুমাত্র অবজ্ঞা না করিয়া, ভারি একটি দাফিণ্যের সহিত আমার সঙ্গেও বড়ো বড়ো বিষয়ে আলাপ করিতেন— অথচ তেজস্বিতায় তখনকার দিনে তাঁহার সমকক্ষ কেহই ছিল না। এমন-কি, আমি তাঁহার কাছ হইতে ‘যমের কুকুর’ নামে একটি প্রবন্ধ আদায় করিয়া ভারতীতে ছাপাইতে পারিয়াছিলাম; তখনকার কালের আর-কোনো যশস্বী লেখকের প্রতি এমন করিয়া উৎপাত করিতে সাহসও করি নাই এবং এতটা প্রশ্রয় পাইবার আশাও করিতে পারিতাম না। অথচ যোদ্ধাবেশে তাঁহার রুদ্রমূর্তি বিপঙ্কনক ছিল। ম্যুনিসিপাল-সভায় সেনেট-সভায় তাঁহার প্রতিপক্ষ সকলেই তাঁহাকে ভয় করিয়া চলিত। তখনকার দিনে কৃষ্ণদাস পালা ছিলেন কৌশলী, আর রাজেন্দ্রলাল ছিলেন বীরধ্বনি। বড়ো বড়ো মন্ত্রের সঙ্গেও ধন্দ্বযুদ্ধে কখনো তিনি পরাভূত হন

নাই ও কখনো তিনি পরাভূত হইতে জানিতেন না। এসিয়াটিক সোসাইটি^১ সভার গ্রন্থপ্রকাশ ও পুরাতত্ত্ব-আলোচনা ব্যাপারে অনেক সংস্কৃতজ্ঞ পণ্ডিতকে তিনি কাজে খাটাইতেন। আমার মনে আছে, এই উপলক্ষ্যে তখনকার কালের মহৎবিদ্বেরী ঈর্ষাপরায়ণ অনেকেই বলিত যে, পণ্ডিতেরাই কাজ করে ও তাহার যশের ফল মিত্র-মহাশয় ফাঁকি দিয়া ভোগ করিয়া থাকেন। আজিও এরূপ দৃষ্টান্ত কখনো কখনো দেখা যায় যে, যে-ব্যক্তি যত্নমাত্র ক্রমশ তাহার মনে হইতে থাকে, “আমিই বুঝি কৃতী আর যন্ত্রটি বুঝি অনাবশ্যক শোভামাত্র।” (কলম বেচারার যদি চেতনা থাকিত তবে লিখিতে লিখিতে নিশ্চয় কোন্-একদিন সে মনে করিয়া বসিত, “লেখার সমস্ত কাজটাই করি আমি, অথচ আমার মুখেই কেবল কালি পড়ে আর লেখকের খ্যাতিই উজ্জ্বল হইয়া উঠে।”)

বাংলাদেশের এই একজন অসামান্য মনস্বী পুরুষ মৃত্যুর পরে দেশের লোকের নিকট হইতে বিশেষ কোনো সম্মান লাভ করেন নাই। ইহার একটা কারণ, ইহার মৃত্যুর^২ অনতিকালের মধ্যে বিত্বাসাগরের মৃত্যু^৩ ঘটে—সেই শোকেই রাজেন্দ্রলালের বিয়োগবেদনা দেশের চিত্ত হইতে বিলুপ্ত হইয়াছিল। তাহার আর-একটা কারণ, বাংলাভাষায় তাঁহার কীর্তির পরিমাণ তেমন অধিক ছিল না, এইজন্ত দেশের সর্বসাধারণের হৃদয়ে তিনি প্রতিষ্ঠা লাভ করিবার সুযোগ পান নাই।

১ ‘সারস্বত সমাজ’, প্রথম আধবেশন ১২৮৯, ২ শ্রাবণ।

২ ‘কলিকাতা সারস্বত-সম্মিলনী’, ভারতী, ১২৮৯ জ্যৈষ্ঠ অথবা গ্রন্থপরিচয়।

৩ বঙ্গীয়-সাহিত্য-পরিষদ, প্রতিষ্ঠা ১৩০১ বৈশাখ।

৪ রাজা রাজেন্দ্রলাল মিত্র (ইং ১৮২২-৯১)।

৫ অষ্টম ‘সহযোগী সভাপতি’ রূপে।

৬ ‘ভৌগোলিক পরিভাষা’, ১ ১২৯০।

৭ মানিকতলা আপার সাকুলার রোডে শ্রীকৃষ্ণ সিংহের বাগানে অবস্থিত ‘ওয়ার্ডস্ ইনস্টিটিউশন’; রাজেন্দ্রলাল ইহার ডিরেক্টর ছিলেন (ইং ১৮৫৬-৮০)। ৮ চরিতমালা ৪০।

৮ ভারতী, ১২৮৯ বৈশাখ।

৯ কৃষ্ণদাস পাল (ইং ১৮৩৯-৮৪)।

১০ ইং ১৮৪৬ সালে রাজেন্দ্রলাল ইহার “আসিষ্টাণ্ট সেক্রেটারি ও লাইব্রেরিয়ানের পদ” পান, ১৮৮৫ খৃষ্টাব্দে ইহার প্রেসিডেন্ট হন।

১১ বাংলা ১২৯৮, ১১ শ্রাবণ।

১২ বাংলা ১২৯৮, ১৩ শ্রাবণ।

কারোয়ার

ইহার পরে কিছুদিনের জন্ত আমরা সদর স্ট্রাটের দল কারোয়ারে সমুদ্রতীরে আশ্রয় লইয়াছিলাম।

কারোয়ার বোম্বাই প্রেসিডেন্সির দক্ষিণ অংশে স্থিত কর্নাটের প্রধান নগর। তাহা এলালতা ও চন্দনতরুর জন্মভূমি মলয়াচলের দেশ। মেজদাদা তখন সেখানে জঙ্গ ছিলেন।

এই ক্ষুদ্র শৈলমালাবেষ্টিত সমুদ্রের বন্দরটি এমন নিভৃত, এমন প্রচ্ছন্ন যে, নগর এখানে নাগরীমূর্তি প্রকাশ করিতে পারে নাই। অর্ধচন্দ্রাকার বেলাভূমি অকুল নীলাশুরাশির অভিমুখে দুই বাহু প্রসারিত করিয়া দিয়াছে—সে যেন অনন্তকে আলিঙ্গন করিয়া ধরিবার একটি মূর্তিমতী ব্যাকুলতা। প্রশস্ত বালুতটের প্রান্তে বড়ো বড়ো ঝাউগাছের অরণ্য; এই অরণ্যের এক সীমায় কালানদী নামে এক ক্ষুদ্র নদী তাহার দুই গিরিবন্ধুর উপকূলরেখার মাঝখান দিয়া সমুদ্রে আসিয়া মিশিয়াছে। মনে আছে, একদিন গুরুপক্ষের গোধূলিতে একটি ছোটো নৌকায় করিয়া আমরা এই কালানদী বাহিয়া উজাইয়া চলিয়াছিলাম। একজারগায় তীরে নামিয়া শিবাজির একটি প্রাচীন গিরিভূগ দেখিয়া আবার নৌকা ভাসাইয়া দিলাম। নিশুর বন, পাহাড় এবং এই নির্জন সংকীর্ণ নদীর স্রোতটির উপর জ্যোৎস্নারাজি ধ্যানাসনে বসিয়া চন্দ্রলোকের জাহ্নব পড়িয়া দিল। আমরা তীরে নামিয়া একজন চাষার কুটিরে বেড়া-দেওয়া পরিষ্কার নিকানো আঙিনায় গিয়া উঠিলাম। প্রাচীরের ঢালু ছায়াটির উপর দিয়া যেখানে চাঁদের আলো আড় হইয়া আসিয়া পড়িয়াছে, সেইখানে তাহাদের দাওয়াটির সামনে আসন পাতিয়া আহ্বার করিয়া লইলাম। কিরিবার সময় ভাঁটিতে নৌকা ছাড়িয়া দেওয়া গেল।

সমুদ্রের মোহানার কাছে আসিয়া পৌঁছিতে অনেক বিলম্ব হইল। সেইখানে নৌকা হইতে নামিয়া বালুতটের উপর দিয়া হাঁটিয়া বাড়ির দিকে চলিলাম। তখন নিশীথরাত্রি, সমুদ্র নিশুরঙ্গ, ঝাউবনের নিয়তমর্ষিত চাঞ্চল্য একেবারে ধামিরা গিয়াছে, সূদূরবিস্তৃত বালুকারাশির প্রান্তে তরুশ্রেণীর ছায়াপুঞ্জ নিস্পন্দ, দিক্চক্রবালে নীলাভ শৈলমালা পাণ্ডুরনীল আকাশতলে নিমগ্ন। এই উদার শুভ্রতা এবং নিবিড় সুরভার মধ্য দিয়া আমরা কয়েকটি মানুষ কালো ছায়া ফেলিয়া নীরবে চলিতে লাগিলাম। বাড়িতে যখন পৌঁছিলাম তখন ঘুমের চেয়েও কোন্ গভীরতার মধ্যে আমার ঘুম ডুবিয়া গেল। সেই রাত্রেই যে-কবিতাটি লিখিয়াছিলাম তাহা সূদূর প্রবাসের সেই সমুদ্রতীরের

একটি বিগত রজনীর সহিত বিজড়িত। সেই স্মৃতির সহিত তাহাকে বিচ্ছিন্ন করিয়া পাঠকদের কেমন লাগিবে সন্দেহ করিয়া মোহিতবাবুর প্রকাশিত গ্রন্থাবলীতে ইহা ছাপানো হয় নাই। কিন্তু আশা করি, জীবনস্মৃতির মধ্যে তাহাকে এইখানে একটি আসন দিলে তাহার পক্ষে অনধিকার-প্রবেশ হইবে না।—

যাই যাই ডুবে যাই, আরো আরো ডুবে যাই
বিহ্বল অবশ অচেতন।

কোন খানে কোন দূরে নিশীথের কোন মাঝে
কোথা হয়ে যাই নিমগন।

হে ধরনী, পদতলে দিয়ো না দিয়ো না বাধা,
দাও মোরে দাও ছেড়ে দাও।

অনন্ত দিবসনিশি এমনি ডুবিতে থাকি,
তোমরা হৃদয়ে চলে যাও।...

তোমরা চাহিয়া থাকো, জ্যোৎস্না-অমৃতপানে
বিহ্বল বিলীন তারাগুলি ;

অপার দিগন্ত ওগো, থাকো এ নাথার 'পরে
দুই দিকে দুই পাখা তুলি।

গান নাই, কথা নাই, শব্দ নাই, স্পর্শ নাই,
নাই ঘুম, নাই জাগরণ—

কোথা কিছু নাহি জাগে, সর্বাস্ত্রে জ্যোৎস্না লাগে,
সর্বাস্ত্র পুলকে অচেতন।

অসীমে হনোলে শূণ্ণে বিথ কোথা স্তেসে গেছে,
তারে যেন দেখা নাহি যায় ;

নিশীথের মাঝে শুধু মহান একাকী আমি
অতলেতে ডুবি রে কোথায়।

গাও বিন, গাও তুমি হৃদয় অদৃশ্য হতে
গাও তব নাবিকের গান,

শতলক্ষ যাত্রী লয়ে কোথায় যেতেছ তুমি
তাই ভাবি মুদিয়া নরান।

অনন্ত রজনী শুধু ডুবে যাই, নিবে যাই,
মরে যাই অসীমধূরে—

বিন্দু হতে বিন্দু হয়ে মিলায়ে মিশায়ে যাই
অনন্তের হৃদয় হৃদয়ে।

এ কথা এখানে বলা আবশ্যিক, কোনো সত্তা-আবেগে মন যখন কানায় কানায় ভরিয়া

উঠে তখন যে লেখা ভালো হইতে হইবে এমন কথা নাই। তখন গদগদ বাক্যের পালা। ভাবের সঙ্গে ভাবকের সম্পূর্ণ ব্যবধান ঘটিলেও যেমন চলে না তেমনি একেবারে অব্যবধান ঘটিলেও কাব্যরচনার পক্ষে তাহা অল্পকূল হয় না। স্বরণের তুলিতেই কবিত্বের রঙ ফোটে ভালো। প্রত্যক্ষের একটা অবয়বদন্তি আছে— কিছু পরিমাণে তাহার শাসন কাটাইতে না পারিলে কল্পনা আপনার জায়গাটি পায় না। শুধু কবিত্ব নয়, সকলপ্রকার কাব্যকলাতেও কাব্যকরের চিত্তের একটি নির্লিপ্ততা থাকা চাই— মাল্লবের অন্তরের মধ্যে যে-সৃষ্টিকর্তা আছে কতৃৎ তাহারই হাতে না থাকিলে চলে না। রচনার বিষয়টাই যদি তাহাকে ছাপাইয়া কতৃৎ করিতে যায় তবে তাহা প্রতিবিদ্য হয়, প্রতিমূর্তি হয় না।

১ 'পূর্বনিয়ম', ভারতী, ১২২০ পৌষ। দ্র. ছবি ও গান, রচনাবলী ১।

প্রকৃতির প্রতিশোধ

এই কারোয়ারে ‘প্রকৃতির প্রতিশোধ’ নামক নাট্যকাব্যটি লিখিয়াছিলাম। এই কাব্যের নায়ক সন্ন্যাসী সমস্ত স্নেহবন্ধন মায়াবন্ধন ছিন্ন করিয়া, প্রকৃতির উপরে জয়ী হইয়া একান্ত বিশুদ্ধভাবে অনন্তকে উপলব্ধি করিতে চাহিয়াছিল। অনন্ত যেন সবকিছুর বাহিরে। অবশেষে একটি বালিকা তাহাকে স্নেহপাশে বদ্ধ করিয়া অনন্তের ধ্যান হইতে সংসারের মধ্যে ফিরাইয়া আনে। যখন ফিরিয়া আসিল তখন সন্ন্যাসী ইহাই দেখিল— ক্ষুদ্রকে লইয়াই বৃহৎ, সীমাকে লইয়াই অসীম, প্রেমকে লইয়াই মুক্তি। প্রেমের আলো যখনই পাই তখনই যেখানে চোখ মেলি সেখানেই দেখি, সীমার মধ্যেও সীমা নাই।

প্রকৃতির সৌন্দর্য যে কেবলমাত্র আমারই মনের মরীচিকা নহে, তাহার মধ্যে যে অসীমের আনন্দই প্রকাশ পাইতেছে এবং সেইজগৎই যে এই সৌন্দর্যের কাছে আমরা আপনাকে ভুলিয়া যাই, এই কথাটা নিশ্চয় করিয়া বুঝাইবার জায়গা ছিল বটে সেই কারোয়ারের সমুদ্রবেলা। বাহিরের প্রকৃতিতে যেখানে নিয়মের ইন্দ্রজালে অসীম আপনাকে প্রকাশ করিতেছেন সেখানে সেই নিয়মের বাঁধাবাঁধির মধ্যে আমরা অসীমকে না দেখিতে পারি, কিন্তু যেখানে সৌন্দর্য ও শ্রীতির সম্পর্কে হৃদয় একেবারে অব্যবহিত-ভাবে ক্ষুদ্রের মধ্যেও সেই ভূমার স্পর্শ লাভ করে, সেখানে এই প্রত্যক্ষবোধের কাছে কোনো তর্ক খাটিবে কী করিয়া। এই হৃদয়ের পথ দিয়াই প্রকৃতি সন্ন্যাসীকে আপনার সীমা-সিংহাসনের অধিরাজ অসীমের খাসদরবারে লইয়া গিয়াছিলেন। প্রকৃতির প্রতিশোধের মধ্যে এক দিকে যতসব পথের লোক, যতসব গ্রামের নরনারী— তাহারা আপনাদের ঘর-গড়া প্রাত্যহিক তুচ্ছতার মধ্যে অচেতনভাবে দিন কাটাইয়া দিতেছে; আর-এক দিকে সন্ন্যাসী, সে আপনার ঘর-গড়া এক অসীমের মধ্যে কোনোমতে আপনাকে ও সমস্ত-কিছুকে বিলুপ্ত করিয়া দিবার চেষ্টা করিতেছে। প্রেমের সেতুতে যখন এই দুই পক্ষের ভেদ যুটিল, গৃহীর সঙ্গে সন্ন্যাসীর যখন মিলন ঘটিল, তখনই সীমায় অসীমে মিলিত হইয়া সীমার মিথ্যা তুচ্ছতা ও অসীমের মিথ্যা শূণ্যতা দূর হইয়া গেল। আমার নিজের প্রথম জীবনে আমি যেমন একদিন আমার অন্তরের একটা অনির্দেশ্যতাময়, অন্ধকার গুহার মধ্যে প্রবেশ করিয়া বাহিরের সহজ অধিকারটি হারাইয়া বসিয়াছিলাম, অবশেষে সেই বাহির হইতেই একটি মনোহর আলোক হৃদয়ের মধ্যে প্রবেশ করিয়া আমাকে প্রকৃতির সঙ্গে পরিপূর্ণ করিয়া মিলাইয়া দিল—

এই প্রকৃতির প্রতিশোধেও সেই ইতিহাসটাই একটু অন্তরকম করিয়া লিখিত হইয়াছে। পরবর্তী আমার সমস্ত কাব্যরচনার ইহাও একটা ভূমিকা। আমার তো মনে হয়, আমার কাব্যরচনার এই একটিমাত্র পালা। সে-পালার নাম দেওয়া যাইতে পারে, সীমার মধ্যেই অসীমের সহিত মিলনসাধনের পালা। এই ভাবটাকেই আমার শেষ বয়সের একটি কবিতার^২ ছন্দে প্রকাশ করিয়াছিলাম—

বৈরাগ্যসাধনে মুক্তি সে আমার নয়।

তখনো আলোচনা নাম দিয়া যে ছোটো ছোটো গল্পপ্রবন্ধ বাহির করিয়াছিলাম তাহার গোড়ার দিকেই প্রকৃতির প্রতিশোধের ভিতরকার ভাবটির একটি তত্ত্বব্যাখ্যা লিখিতে চেষ্টা করিয়াছিলাম।^৩ সীমা যে সীমাবদ্ধ নহে, তাহা যে অতলস্পর্শ গভীরতাকে এককণার মধ্যে সংহত করিয়া দেখাইতেছে, ইহা লইয়া আলোচনা করা হইয়াছে। তত্ত্বহিসাবে সে-ব্যাখ্যার কোনো মূল্য আছে কিনা, এবং কাব্যহিসাবে প্রকৃতির প্রতিশোধের স্থান কী তাহা জানি না, কিন্তু আজ স্পষ্ট দেখা যাইতেছে, এই একটিমাত্র আইডিয়া অলক্ষ্যভাবে নানা বেশে আজ পর্যন্ত আমার সমস্ত রচনাকে অধিকার করিয়া আসিয়াছে।

কারোয়ার হইতে ফিরিবার সময় জাহাজে প্রকৃতির প্রতিশোধের কয়েকটি গান লিখিয়াছিলাম। বড়ো একটি আনন্দের সঙ্গে প্রথম গানটি জাহাজের ডেকে বসিয়া সুর দিয়া-দিয়া গাহিতে-গাহিতে রচনা করিয়াছিলাম—

হৃদে গো নন্দরানী

আমাদের ঋমকে ছেড়ে দাও—

আমরা রাখালবালক গোঠে যাব,

আমাদের ঋমকে দিয়ে যাও।

সকালের সূর্য উঠিয়াছে, ফুল ফুটিয়াছে, রাখালবালকেরা মাঠে যাইতেছে— সেই সূর্যোদয়, সেই ফুল ফোটা, সেই মাঠে বিহার, তাহারা শূন্য রাখিতে চায় না; সেইখানেই তাহারা তাহাদের ঋমের সঙ্গে মিলিত হইতে চাহিতেছে, সেইখানেই অসীমের সাজ-পর্যায় রূপটি তাহারা দেখিতে চায়; সেইখানেই মাঠে-ঘাটে বনে-পর্বতে অসীমের সঙ্গে আনন্দের খেলায় তাহারা যোগ দিবে বলিয়াই তাহারা বাহির হইয়া পড়িয়াছে; দূরে নয়, ঐশ্বর্ষের মধ্যে নয়, তাহাদের উপকরণ অতি সামান্য, পীতধড়া ও বনফুলের মালাই তাহাদের সাজের পক্ষে যথেষ্ট— কেননা, সর্বত্রই যাহার আনন্দ তাহাকে কোনো বড়ো জায়গায় খুঁজিতে গেলে, তাহার জন্ম আয়োজন আড়ম্বর করিতে গেলেই লক্ষ্য হারাইয়া ফেলিতে হয়।

কারোয়ার হইতে ফিরিয়া আসার কিছুকাল পরে ১২৯০ সালে ২৪শে অগ্রহায়ণে আমার বিবাহ^১ হয়, তখন আমার বয়স বাইশ বৎসর।

- ১ রচনা ১২৯০, গ্রন্থপ্রকাশ ১২৯১ [ইং ১৮৮৪]।
- ২ ৩০ সংখ্যক কবিতা, নৈবেদ্য (১৩০৮) ; রচনাবলী ৮।
- ৩ ড্র 'ডুব দেওয়া', ভারতী, ১২৯১ বৈশাখ ; রচনাবলী-অ ২।
- ৪ স্মণালিনী [ভবতারিণী] দেবীর সহিত। স্মণালিনী দেবী (১২৮০-১৩০৯)।

ছবি ও গান

ছবি ও গান' নাম ধরিয়৷ আমার যে-কবিতাগুলি বাহির হইয়াছিল তাহার অধিকাংশ এই সময়কার লেখা ।

চৌরঙ্গির নিকটবর্তী সাকুলার রোডের একটি বাগানবাড়িতে আমরা তখন বাস করিতাম । তাহার দক্ষিণের দিকে মস্ত একটা বসতি ছিল । আমি অনেক সময়েই দোতলার জানালার কাছে বসিয়া সেই লোকালয়ের দৃশ্য দেখিতাম । তাহাদের সমস্ত দিনের নানাপ্রকার কাজ, বিশ্রাম, খেলা ও আনাগোনা দেখিতে আমার ভারি ভালো লাগিত— সে যেন আমার কাছে বিচিত্র গল্পের মতো হইত ।

নানা জিনিসকে দেখিবার যে-দৃষ্টি সেই দৃষ্টি যেন আমাকে পাইয়া বসিয়াছিল । তখন একটি একটি যেন স্বতন্ত্র ছবিকে কল্পনার আলোকে ও মনের আনন্দ দিয়া ঘিরিয়া লইয়া দেখিতাম । এক-একটি বিশেষ দৃশ্য এক-একটি বিশেষ রসে রঙে নিদিষ্ট হইয়া আমার চোখে পড়িত । এমনি করিয়া নিজের মনের কল্পনাপরিবেষ্টিত ছবিগুলি গড়িয়া তুলিতে ভারি ভালো লাগিত । সে আর কিছু নয়, এক-একটি পরিস্ফুট চিত্র আঁকিয়া তুলিবার আকাঙ্ক্ষা । চোখ দিয়া মনের জিনিসকে ও মন দিয়া চোখের দেখাকে দেখিতে পাইবার ইচ্ছা । তুলি দিয়া ছবি আঁকিতে যদি পারিতাম তবে পটের উপর রেখা ও রঙ দিয়া উতলা মনের দৃষ্টি ও স্মৃষ্টিকে বাঁধিয়া রাখিবার চেষ্টা করিতাম কিন্তু সে-উপায় আমার হাতে ছিল না । ছিল কেবল কথা ও ছন্দ । কিন্তু, কথার তুলিতে তখন স্পষ্ট রেখার টান দিতে শিগি নাই, তাই কেবলই রঙ ছড়াইয়া পড়িত । তা হউক, তবু ছেলেরা যখন প্রথম রঙের বাক্স উপহার পায় তখন যেমন-তেমন করিয়া নানাপ্রকার ছবি আঁকিবার চেষ্টায় অস্থির হইয়া ওঠে ; আমিও সেইদিন নবযৌবনের নানান রঙের বাক্সটা নূতন পাইয়া আপনমনে কেবলই রকম-বেরকম ছবি আঁকিবার চেষ্টা করিয়া দিন কাটাইয়াছি । সেই সেদিনের বাইশবছর বয়সের সন্ধে এই ছবিগুলোকে আজ মিলাইয়া দেখিলে হয়তো ইহাদের কাঁচা লাইন ও ঝাপসা রঙের ভিতর দিয়াও একটা-কিছু চেহারা খুঁজিয়া পাওয়া যাইতে পারে ।

পূর্বেই লিখিয়াছি, প্রভাতসংগীতে একটা পর্ব শেষ হইয়াছে । ছবি ও গান হইতে পালটা আবার আর-একরকম করিয়া শুরু হইল । একটা জিনিসের আরম্ভের আয়োজনে বিশ্বর বাহুল্য থাকে । কাজ যত অগ্রসর হইতে থাকে তত সে-সমস্ত সরিয়া পড়ে । এই নূতন পালার প্রথমে দিকে বোধকরি বিশ্বর বাজে জিনিস আছে । সেগুলি যদি গাছের পাতা হইত তবে নিশ্চয়ই বারিয়া যাইত । কিন্তু, বইয়ের পাতা তো অত সহজে

বরে না, তাহার দিন ফুরাইলেও সে টিকিয়া থাকে। নিতান্ত সামান্য জিনিসকেও বিশেষ করিয়া দেখিবার একটা পালা এই ছবি ও গানে আরম্ভ হইয়াছে। গানের সুর যেমন সাদা কথাকেও গভীর করিয়া তোলে তেমনি কোনো-একটা সামান্য উপলক্ষ্য লইয়া সেইটেকে হৃদয়ের রসে রসাইয়া তাহার তুচ্ছতা মোচন করিবার ইচ্ছা ছবি ও গানে ফুটিয়াছে। না, ঠিক তাহা নহে। নিজের মনের তারটা যখন সুরে বাঁধা থাকে তখন বিশ্বসংগীতের বাংকার সকল জায়গা হইতে উঠিয়াই তাহাতে অম্লরণন তোলে। সেদিন লেখকের চিত্তযন্ত্রে একটা সুর জাগিতেছিল বলিয়াই বাহিরে কিছুই তুচ্ছ ছিল না। এক-একদিন হঠাৎ যাহা চোখে পড়িত, দেখিতাম তাহারই সঙ্গে আমার প্রাণের একটা সুর মিলিতেছে। ছোটো শিশু যেমন ধূলা বালি বিছুক শামুক যাহা খুঁশি তাহাই লইয়া খেলিতে পারে, কেননা তাহার মনের ভিতরেই খেলা জাগিতেছে; সে আপনার অন্তরের খেলার আনন্দ দ্বারা জগতের আনন্দখেলাকে সত্যভাবেই আবিষ্কার করিতে পারে, এইজ্ঞ সর্বত্রই তাহার আয়োজন; তেমনি অন্তরের মধ্যে যেদিন আমাদের যৌবনের গান নানা সুরে ভরিয়া ওঠে তখনই আমরা সেই বোধের দ্বারা সত্য করিয়া দেখিতে পাই যে, বিশ্ববীণার হাজার-লক্ষ তার নিত্যসুরে যেখানে বাঁধা নাই এমন জায়গাই নাই— তখন যাহা চোখে পড়ে, যাহা হাতের কাছে আসে, তাহাতেই আসর জমিয়া ওঠে, দূরে যাইতে হয় না।

১ গ্রন্থপ্রকাশ, শক ১৮০৫ ফাল্গুন [ইং ১৮৮৪]। রচনাবলী ১।

“এই গ্রন্থে প্রকাশিত ছোট ছোট কবিতাগুলি গত বৎসরে লিপিত হয়। কেবল শেষ তিনটি কবিতা পূর্বেকার লেখা” —বিজ্ঞাপন, প্রথম সংস্করণ।

ড্র রবীন্দ্রনাথের ‘চিঠি’, সবুজপত্র, ১০২৪ শ্রাবণ, পৃ ২৩৬। গ্রন্থ-পরিচয় ১।

২ ২৩৭ নং লোয়ার দার্কুলার রোডের বাড়ি, সত্যেন্দ্রনাথ ভাড়া লইয়াছিলেন।

বালক

‘ছবি ও গান’ এবং ‘কড়ি ও কোমল’এর মাঝখানে বালক’ নামক একখানি মাসিকপত্র একবৎসরের ওষধির মতো ফসল ফলাইয়া লীলাসম্বরণ^২ করিল।

বালকদের পাঠ্য একটি সচিত্র কাগজ বাহির করার জন্ত মেজবউঠাকুরানীর বিশেষ আগ্রহ জন্মিয়াছিল। তাঁহার ইচ্ছা ছিল, স্ত্রীন্দ্র^৩ বলেদ্র^৪ প্রভৃতি আমাদের বাড়ির বালকগণ এই কাগজে আপন আপন রচনা প্রকাশ করে। কিন্তু, শুধুমাত্র তাহাদের লেখায় কাগজ চলিতে পারে না জানিয়া, তিনি সম্পাদক হইয়া আমাকেও রচনার ভার গ্রহণ করিতে বলেন। দুই-এক সংখ্যা বালক বাহির হইবার পর একবার দুই-একদিনের জন্ত দেওঘরে রাজনারায়ণবাবুকে দেখিতে যাই। কলিকাতায় ফিরিবার সময় রাত্রে গাড়িতে ভিড় ছিল, ভালো করিয়া ঘুম হইতেছিল না— ঠিক চোখের উপর আলো জলিতেছিল। মনে করিলাম, ঘুম যখন হইবেই না তখন এই সুযোগে বালকের জন্ত একটা গল্প ভাবিয়া রাখি। গল্প ভাবিবার ব্যর্থ চেষ্টার টানে গল্প আসিল না, ঘুম আসিয়া পড়িল। স্বপ্ন দেখিলাম, কোন্-এক মন্দিরের সিঁড়ির উপর বলির রক্তচিহ্ন দেখিয়া একটি বালিকা অত্যন্ত করুণ ব্যাকুলতার সঙ্গে তাহার বাপকে জিজ্ঞাসা করিতেছে, “বাবা, এ কী! এ-যে রক্ত!” বালিকার এই কাতরতায় তাহার বাপ অস্তরে ব্যথিত হইয়া অখচ বাহিরে রাণের ভান করিয়া কোনোমতে তার প্রশ্নটাকে চাপা দিতে চেষ্টা করিতেছে।— জাগিয়া উঠিয়াই মনে হইল, এটি আমার স্বপ্নলব্ধ গল্প। এমন স্বপ্নে-পাওয়া গল্প এবং অল্প লেখা আমার আরও আছে। এই স্বপ্নটির সঙ্গে ত্রিপুরার রাজা গোবিন্দমাণিক্যের পুরাবৃত্ত মিশাইয়া রাজর্ষি^৫ গল্প মাসে মাসে লিখিতে লিখিতে বালকে বাহির করিতে লাগিলাম।

তখনকার দিনগুলি নির্ভাবনার দিন ছিল। কী আমার জীবনে কী আমার গড়ে পড়ে, কোনোপ্রকার অভিপ্রায় আপনাকে একাগ্রভাবে প্রকাশ করিতে চায় নাই। পথিকের দলে তখনো যোগ দিই নাই, কেবল পথের ধারের ঘরটাতে আমি বসিয়া থাকিতাম। পথ দিয়া নানা লোক নানা কাজে চলিয়া যাইত, আমি চাহিয়া দেখিতাম— এবং বর্ষা শরৎ বসন্ত দূরপ্রবাসের অতিথির মতো অনাহৃত আমার ঘরে আসিয়া বেলা কাটাইয়া দিত। কিন্তু, শুধু কেবল শরৎ বসন্ত লইয়াই আমার কারবার ছিল না। আমার ছোটো ঘরটাতে কত অদ্ভুত মানুষ যে মাঝে মাঝে দেখা করিতে আসিত তাহার আর সীমা নাই; তাহারা যেন নোঙরছেঁড়া নৌকা— কোনো তাহাদের প্রয়োজন নাই, কেবল ভাসিয়া বেড়াইতেছে। উহারই মধ্যে দুই-একজন লক্ষীছাড়া

বিনা পরিশ্রমে আমার দ্বারা অভাবপূরণ করিয়া লইবার জ্ঞান না ছিল করিয়া আমার কাছে আসিত। কিন্তু, আমাকে ফাঁকি দিতে কোনো কৌশলেরই প্রয়োজন ছিল না— তখন আমার সংসারভার লঘু ছিল এবং বঞ্চনাকে বঞ্চনা বলিয়াই চিনিতাম না। আমি অনেক ছাত্রকে দীর্ঘকাল পড়িবার বেতন দিয়াছি যাহাদের পক্ষে বেতন নিশ্চয়োজন এবং পড়াটার প্রথম হইতে শেষ-পর্যন্তই অনধ্যায়। একবার এক লম্বাচুলওয়ালা ছেলে তাহার কাল্পনিক ভগিনীর এক চিঠি আনিয়া আমার কাছে দিল। তাহাতে তিনি তাঁহারই মতো কাল্পনিক এক বিমাতার অত্যাচারে পীড়িত এই সহোদরটিকে আমার হস্তে সমর্পণ করিতেছেন। ইহার মধ্যে কেবল এই সহোদরটাই কাল্পনিক নহে, তাহার নিশ্চয় প্রমাণ পাইলাম। কিন্তু, যে-পাখি উড়িতে শেখে নাই তাহার প্রতি অত্যন্ত তাগবাগ করিয়া বন্দুক লক্ষ্য করা যেমন অনাবশ্যক, ভগিনীর চিঠিও আমার পক্ষে তেমনি বাহুল্য ছিল। একবার একটি ছেলে আসিয়া খবর দিল, সে বি. এ. পড়িতেছে কিন্তু মাথার ব্যাঘাতে পরীক্ষা দেওয়া তাহার পক্ষে অসাধ্য হইয়াছে। শুনিয়া আমি উদ্বিগ্ন হইলাম কিন্তু অগ্নাগ্ন অধিকাংশ বিদ্যারই গ্নায় ডাক্তারিবিদ্যাতেও আমার পারদর্শিতা ছিল না, সুতরাং কী উপায়ে তাহাকে আশ্বস্ত করিব ভাবিয়া পাইলাম না। সে বলিল, “স্বপ্নে দেখিয়াছি, পূর্বজন্মে আপনার স্ত্রী আমার মাতা ছিলেন, তাঁহার পাদদোদক খাইলেই আমার আরোগ্যলাভ হইবে।” বলিয়া একটু হাসিয়া কহিল, “আপনি বোধহয় এ-সমস্ত বিশ্বাস করেন না।” আমি বলিলাম, “আমি বিশ্বাস নাই করিলাম, তোমার রোগ যদি সারে তো সারুক।” স্ত্রীর পাদদোদক বলিয়া একটা জল চালাইয়া দিলাম। খাইয়া সে আশ্চর্য উপকার বোধ করিল। ক্রমে অভিব্যক্তির পর্ষয়ে জল হইতে অতি সহজে সে অগ্নে আসিয়া উত্তীর্ণ হইল। ক্রমে আমার ঘরের একটা অংশ অধিকার করিয়া বন্ধুবান্ধবদিগকে ডাকাইয়া সে তামাক খাওয়াইতে লাগিল। আমি সংস্কোচে সেই ধূমচ্ছন্ন ঘর ছাড়িয়া দিলাম। ক্রমেই অত্যন্ত স্থূল কয়েকটি ঘটনায় স্পষ্টরূপে প্রমাণ হইতে লাগিল, তাহার অগ্নি যে-ব্যাদি থাক্ মস্তিষ্কের দুর্বলতা ছিল না।^{১৬} ইহার পরে পূর্বজন্মের সম্মানদিগকে বিশিষ্ট প্রমাণ ব্যতীত বিশ্বাস করা আমার পক্ষেও কঠিন হইয়া উঠিল। দেখিলাম, এ-সম্বন্ধে আমার খ্যাতি ব্যাপ্ত হইয়া পড়িয়াছে। একদিন চিঠি পাইলাম, আমার গতজন্মের একটি কল্পাসম্মান রোগশাস্তির জ্ঞান আমার প্রসাদপ্রাধিনী হইয়াছেন। এইখানে শব্দ হইয়া দাঁড়ি টানিতে হইল, পুত্রটিকে লইয়া অনেক দুঃখ পাইয়াছি কিন্তু গতজন্মের কল্পাদায় কোনোমতেই আমি গ্রহণ করিতে সম্মত হইলাম না।

এদিকে শ্রীশচন্দ্র মজুমদার মহাশয়ের সঙ্গে আমার বন্ধুত্ব ভ্রমিয়া উঠিয়াছে। সন্ধ্যার

সময় প্রায় আমার সেই ঘরের কোণে তিনি এবং প্রিয়বাবু আসিয়া জুটিতেন। গানে এবং সাহিত্যসমালোচনায় রাত হইয়া যাইত। কোনো-কোনোদিন দিনও এমনি করিয়া কাটিত। আসল কথা, মানুষের 'আমি' বলিয়া পদার্থটা যখন নানাদিক হইতে প্রবল ও পরিপুষ্ট হইয়া না ওঠে তখন যেমন তাহার জীবনটা বিনা ব্যাঘাতে শরতের মেঘের মতো ভাসিয়া চলিয়া যায়, আমার তখন সেইরূপ অবস্থা।

- ১ প্রকাশ, ১২২২ বৈশাখ। সম্পাদিকা জ্ঞানদানন্দিনী দেবী।
- ২ ১২২৩ বৈশাখ হইতে বালক ভারতী-র সহিত যুক্ত হয়।
- ৩ সুধীন্দ্রনাথ ঠাকুর (ইং ১৮৬২-১৯২৯), দ্বিজেন্দ্রনাথের চতুর্থ পুত্র।
- ৪ বলেন্দ্রনাথ ঠাকুর (ইং ১৮৭০-১৯২৯), দেবেন্দ্রনাথের চতুর্থ পুত্র বীরেন্দ্রনাথের পুত্র।
- ৫ বালক, ১২২২ আষাঢ়-মাঘ, প্রথম ২৬ অধ্যায়। গ্রন্থপ্রকাশ ১২২৩ [ইং ১৮৮৭]। রচনাবলী ২।
- ৬ ড্র দিলীপকুমার রায় প্রণীত তীর্থঙ্কর (১৩৪৬), পৃ ২৭৫-৭৮।
- ৭ শ্রীশচন্দ্র মজুমদার, (ইং ১৮৫৮-১৯০৮)। ড্র পত্র নং ২, ৩, ছিন্নপত্র।

বঙ্কিমচন্দ্র^১

সেই সময়ে বঙ্কিমবাবুর সঙ্গে আমার আলাপের সূত্রপাত হয়। তাঁহাকে প্রথম যখন দেখি সে অনেক দিনের কথা।^২ তখন কলিকাতা বিশ্ববিদ্যালয়ের পুরাতন ছাত্রেরা মিলিয়া একটি বার্ষিক সম্মিলনী স্থাপন করিয়াছিলেন। চন্দ্রনাথ বসু মহাশয় তাহার প্রধান উদ্যোগী ছিলেন।^৩ বোধকরি তিনি আশা করিয়াছিলেন, কোনো-এক দূর ভবিষ্যতে আমিও তাঁহাদের এই সম্মিলনীতে অধিকার লাভ করিতে পারিব— সেই ভরসায় আমাকেও মিলনস্থানে কী একটা কবিতা পড়িবার ভার দিয়াছিলেন। তখন তাঁহার যুবাবয়স ছিল। মনে আছে, কোনো জর্মান ষোল্লকবির যুদ্ধকবিতার ইংরেজি তর্জমা তিনি সেখানে স্বয়ং পড়িবেন, এইরূপ সংকল্প করিয়া খুব উৎসাহের সহিত আমাদের বাড়িতে সেগুলি আবৃত্তি করিয়াছিলেন। কবিবীরের বামপার্শ্বের প্রেয়সী সদ্দিনী তরবারির প্রতি তাঁহার প্রেমোচ্ছ্বাসগীতি যে একদিন চন্দ্রনাথবাবুর প্রিয় কবিতা ছিল ইহাতে পাঠকেরা বুঝিবেন যে, কেবল যে এক সময়ে চন্দ্রনাথবাবু যুবক ছিলেন তাহা নহে, তখনকার সময়টাই কিছু অল্পরকম ছিল।

সেই সম্মিলনসভার ভীড়ের মধ্যে ঘুরিতে ঘুরিতে নানা লোকের মধ্যে হঠাৎ এমন একজনকে দেখিলাম যিনি সকলের হইতে স্বতন্ত্র— যাহাকে অল্প পাঁচজনের সঙ্গে মিশাইয়া কেলিবার জো নাই। সেই গৌরবাস্তি দীর্ঘকায় পুরুষের মুখের মধ্যে এমন একটি দৃষ্ট তেজ দেখিলাম যে, তাঁহার পরিচয় জানিবার কৌতুহল সঞ্চরণ করিতে পারিলাম না। সেদিনকার এত লোকের মধ্যে, কেবলমাত্র, তিনি কে ইহাই জানিবার জ্ঞান প্রশ্ন করিয়াছিলাম। যখন উত্তরে শুনিলাম তিনিই বঙ্কিমবাবু, তখন বড়ো বিস্ময় জন্মিল। লেখা পড়িয়া এতদিন যাহাকে মহৎ বলিয়া জানিতাম চেহারাতেও তাঁহার বিশিষ্টতার যে এমন একটি নিশ্চিত পরিচয় আছে সে-কথা সেদিন আমার মনে খুব লাগিয়াছিল। বঙ্কিমবাবুর খড়্গনাসায়, তাঁহার চাপা ঠোঁটে, তাঁহার তীক্ষ্ণ দৃষ্টিতে ভারি একটা প্রবলতার লক্ষণ ছিল। বক্ষের উপর দুই হাত বন্ধ করিয়া তিনি যেন সকলের নিকট হইতে পৃথক হইয়া চলিতেছিলেন, কাহারও সঙ্গে যেন তাঁর কিছুমাত্র গা-ঘেঁষাঘেঁষি ছিল না, এইটেই সর্বাপেক্ষা বেশি করিয়া আমার চোখে ঠেকিয়াছিল। তাঁহার যে কেবলমাত্র বুদ্ধিশালী মননশীল লেখকের ভাব তাহা নহে, তাঁহার ললাটে যেন একটি অদৃশ্য রাজতিলক পরানো ছিল।

এইখানে একটি ছোটো ঘটনা ঘটিল, তাহার ছবিটি আমার মনে মুদ্রিত হইয়া গিয়াছে। একটি ঘরে একজন সংস্কৃতজ্ঞ পণ্ডিত স্বদেশ সন্থকে তাঁহার কয়েকটি স্বরচিত

শ্লোক পড়িয়া শ্রোতাদের কাছে তাহার বাংলা ব্যাখ্যা করিতেছিলেন। বন্ধিমবাবু ঘরে ঢুকিয়া এক প্রাস্তে দাঁড়াইলেন। পণ্ডিতের কবিতার একস্থলে, অশ্লীল নহে, কিন্তু ইতর একটি উপমা ছিল। পণ্ডিতমহাশয় যেমন সেটিকে ব্যাখ্যা করিতে আরম্ভ করিলেন অমনি বন্ধিমবাবু হাত দিয়া মুখ চাপিয়া তাড়াতাড়ি সে ঘর হইতে বাহির হইয়া গেলেন। দরজার কাছ হইতে তাঁহার সেই দৌড়িয়া পালানোর দৃশ্যটা যেন আমি চোখে দেখিতে পাইতেছি।

তাহার পরে অনেকবার তাঁহাকে দেখিতে ইচ্ছা হইয়াছে কিন্তু উপলক্ষ্য ঘটে নাই। অবশেষে একবার, যখন হাওড়ায় তিনি ডেপুটি ম্যাজিস্ট্রেট ছিলেন তখন^৩ সেখানে তাঁহার বাসায় সাহস করিয়া দেখা করিতে গিয়াছিলাম। দেখা হইল, যথাসাধ্য আলাপ করিবারও চেষ্টা করিলাম, কিন্তু ফিরিয়া আসিবার সময় মনের মধ্যে যেন একটা লজ্জা লইয়া ফিরিলাম। অর্থাৎ, আমি যে নিতান্তই অর্বাচীন, সেইটে অনুভব করিয়া ভাবিতে লাগিলাম, এমন করিয়া বিনা পরিচয়ে বিনা আহ্বানে তাঁহার কাছে আসিয়া ভালো করি নাই।

তাহার পরে বয়সে আরও কিছু বড়ো হইয়াছি; সে-সময়কার লেখকদের মধ্যে সকলের কনিষ্ঠ বলিয়া একটা আসন পাইয়াছি, কিন্তু সে আসনটা কিরূপ ও কোন্‌খানে পড়িবে তাহা ঠিকমতো স্থির হইতেছিল না; ক্রমে ক্রমে যে একটু খ্যাতি পাইতেছিলাম তাহার মধ্যে যথেষ্ট দ্বিধা ও অনেকটা পরিমাণে অবজ্ঞা জড়িত হইয়া ছিল; তখনকার দিনে আমাদের লেখকদের একটা করিয়া বিলাতি ডাকনাম ছিল, কেহ ছিলেন বাংলার বায়ব্রন, কেহ এমার্সন, কেহ আর-কিছু; আমাকে তখন কেহ কেহ শেলি বলিয়া ডাকিতে আরম্ভ করিয়াছিলেন—সেটা শেলির পক্ষে অপমান এবং আমার পক্ষে উপহাসস্বরূপ ছিল; তখন আমি কলভাবার কবি বলিয়া উপাধি পাইয়াছি; তখন বিদ্যাও ছিল না, জীবনের অভিজ্ঞতাও ছিল অল্প, তাই গল্প পুথু যাহা লিখিতাম তাহার মধ্যে বস্তু যেটুকু ছিল ভাবুকতা ছিল তাহার চেয়ে বেশি, স্মরণ্য তাহাকে ভালো বলিতে গেলেও জোর দিয়া প্রশংসা করা যাইত না। তখন আমার বেশভূষা-ব্যবহারেও সেই অর্ধক্ষুণ্টিত পরিচয় যথেষ্ট ছিল; চুল ছিল বড়ো বড়ো এবং ভাবগতিকেও কবিত্বের একটা তুরীয় রকমের শৌখিনতা প্রকাশ পাইত; অত্যন্তই খাপছাড়া হইয়াছিলাম, বেশ সহজ মানুষের প্রশস্ত প্রচলিত আচার-আচরণের মধ্যে গিয়া পৌঁছিয়া সকলের সঙ্গে সুসংগত হইয়া উঠিতে পারি নাই।

এই সময়ে অক্ষয় সরকার মহাশয় নবজীবন^৪ মাসিকপত্র বাহির করিয়াছেন— আমিও তাহাতে দুটা-একটা লেখা দিয়াছি।^৫

বঙ্কিমবাবু তখন বঙ্গদর্শনের পালা শেষ করিয়া ধর্মালোচনায় প্রবৃত্ত হইয়াছেন। প্রচার^১ বাহির হইতেছে। আমিও তখন প্রচারে একটি গান^২ ও কোনো বৈষ্ণব-পদ অবলম্বন করিয়া একটি গগ্ন-ভাবোচ্ছ্বাস^৩ প্রকাশ করিয়াছি।

এই সময়ে কিম্বা ইহারই কিছু পূর্ব হইতে আমি বঙ্কিমবাবুর কাছে আবার একবার সাহস করিয়া যাতায়াত করিতে আরম্ভ করিয়াছি।^৪ তখন তিনি ভবানীচরণ দত্তর স্ট্রীটে বাস করিতেন। বঙ্কিমবাবুর কাছে যাইতাম বটে কিন্তু বেশি কিছু কথাবার্তা হইত না। আমার তখন গুনিবার বয়স, কথা বলিবার বয়স নহে। ইচ্ছা করিত, আলাপ জমিয়া উঠুক, কিন্তু সংকোচে কথা সরিত না। এক-একদিন দেখিতাম, সঞ্জীববাবু^৫ তাকিয়া অধিকার করিয়া গড়াইতেছেন। তাঁহাকে দেখিলে বড়ো খুশি হইতাম। তিনি আলাপী লোক ছিলেন। গল্প করায় তাঁহার আনন্দ ছিল এবং তাঁহার মুখে গল্প শুনিতেও আনন্দ হইত। যাহারা তাঁহার প্রবন্ধ পড়িয়াছেন তাঁহার নিশ্চয়ই ইহা লক্ষ্য করিয়াছেন যে, সে-লেখাগুলি কথা কহার অজস্র আনন্দবেগেই লিখিত— ছাপার অক্ষরে আসর জমাইয়া যাওয়া; এই ক্ষমতাটি অতি অল্প লোকেরই আছে, তাহার পরে সেই মুগ্ধ বলার ক্ষমতাটিকে লেখার মধ্যেও তেমনি অবাধে প্রকাশ করিবার শক্তি আরও কম লোকের দেখিতে পাওয়া যায়।

এই সময়ে কলিকাতায় শশধর তর্কচূড়ামণি মহাশয়ের অভ্যুদয় ঘটে।^৬ বঙ্কিমবাবুর মুখেই তাঁহার কথা প্রথম শুনিলাম। আমার মনে হইতেছে, প্রথমটা বঙ্কিমবাবুই সাধারণের কাছে তাঁহার পরিচয়ের সূত্রপাত করিয়া দেন। সেইসময় হঠাৎ হিন্দুধর্ম পাশ্চাত্য বিজ্ঞানের সাফল্য দিয়া আপনার কোলীন্ড প্রমাণ করিবার যে অভূত চেষ্টা করিয়াছিল তাহা দেখিতে দেখিতে চারিদিকে ছড়াইয়া পড়িল। ইতিপূর্বে দীর্ঘকাল ধরিয়া থিয়সফিই^৭ আমাদের দেশে এই আন্দোলনের ভূমিকা প্রস্তুত করিয়া রাখিয়াছিল।

কিন্তু, বঙ্কিমবাবু যে ইহার সঙ্গে সম্পূর্ণ যোগ দিতে পারিয়াছিলেন তাহা নহে। তাঁহার 'প্রচার' পত্রে তিনি যে-ধর্মব্যাখ্যা করিতেছিলেন তাহার উপরে তর্কচূড়ামণির ছায়া পড়ে নাই, কারণ তাহা একেবারেই অসম্ভব ছিল।

আমি তখন আমার কোণ ছাড়িয়া বাহিরে আসিয়া পড়িতেছিলাম, আমার তখনকার এই আন্দোলনকালের লেখাগুলিতে তাহার পরিচয় আছে। তাহার কতক বা ব্যঙ্গকাব্যে,^৮ কতক বা কোঁতুকনাট্যে,^৯ কতক বা তখনকার সঞ্জীবনী^{১০} কাগজে পত্র আকারে^{১১} বাহির হইয়াছিল। ভাবাবেশের কুহক কাটাঁইয়া তখন মল্লভূমিতে আসিয়া ভাল ঠুকিতে আরম্ভ করিয়াছি।

সেই লড়ায়ের উত্তেজনার মধ্যে বন্ধিমবাবুর সঙ্গেও আমার একটা বিরোধের সৃষ্টি হইয়াছিল। তখনকার ভারতী ও প্রচারে তাহার ইতিহাস রহিয়াছে^{১৮}; তাহার বিস্তারিত আলোচনা এখানে অনাবশ্যক। এই বিরোধের অবসানে বন্ধিমবাবু আমাকে যে একখানি পত্র লিখিয়াছিলেন আমার দুর্ভাগ্যক্রমে তাহা হারাইয়া গিয়াছে— যদি থাকিত তবে পাঠকেরা দেখিতে পাইতেন, বন্ধিমবাবু কেমন সম্পূর্ণ ক্ষমার সহিত এই বিরোধের কাঁটাটুকু উৎপাটন করিয়া ফেলিয়াছিলেন।

১ বন্ধিমচন্দ্র চট্টোপাধ্যায় (ইং ১৮৩৮-৯৪)।

২ ইং ১৮৭৬, জানুয়ারি মাসে “রাজা শৌরীন্দ্রমোহন ঠাকুরের ‘এম্বার্সেড বাওয়ারে’ দ্বিতীয় কলেজ রিইউনিয়ন নামক মিলন-সভায়” — চরিতমালী ২২। ড্র ‘বন্ধিমচন্দ্র’, রচনাবলী ৯, পৃ ৪০৭।

৩ চন্দ্রনাথ বসু (ইং ১৮৪৪-১৯১০) সেই বৎসর সম্মিলনের সম্পাদক ছিলেন।

—রাজনারায়ণ বসুর আশ্রয়িত, পৃ ২০৭।

৪ ইং ১৮৮১, ফেব্রুয়ারি সেপ্টেম্বর।

৫ প্রকাশ ১২৯১ শ্রাবণ।

৬ ‘বৈষ্ণব কবির গান’ (১২৯১ কার্তিক), ‘রাজপথের কথা’, (১২৯১ অগ্রহায়ণ), ‘ভানুসিংহ ঠাকুরের জীবনী’ (১২৯১ শ্রাবণ)।

৭ প্রকাশ ১২৯১ শ্রাবণ, “নবজীবনের পনের দিন পরে”, মাসিকপত্র, সম্পাদক বন্ধিমচন্দ্রের জামাতা রাখালচন্দ্র বন্দ্যোপাধ্যায়।

৮ ‘মথুরায়’ (১২৯১ মাঘ)। ড্র কড়ি ও কোমল।

৯ ড্র ‘বৈষ্ণব কবির গান’, রচনাবলী-অ ২। বস্তুত ইহা নবজীবন পত্রিকায় প্রকাশিত হয়।

‘প্রচার’ পত্রে ‘কাঙালিনী’ (১২৯১ কার্তিক) ও ‘ভবিষ্যতের রঙ্গভূমি’ (১২৯১ অগ্রহায়ণ) কবিতা দুইটি প্রকাশিত হইয়াছিল। ড্র কড়ি ও কোমল।

১০ ইং ১৮৮২ সালে “বন্ধিমের বাসা কলিকাতার বউবাজার স্ট্রীটে ছিল... দ্বিজেন্দ্রনাথ ঠাকুর এবং মধ্যে মধ্যে রবীন্দ্রনাথ এই সময়ে বন্ধিমের নিকট যাতায়াত করিতেন।... ১৮৮২ পুণ্ড্রাহের ৩ জানুয়ারি, সন্ধ্যায় রবীন্দ্রনাথ আসিয়া তাঁহাদের জোড়াসাঁকোর বাটীতে বন্ধিমকে লইয়া বান। সেই দিন ১১ই মাঘ ছিল” — চরিতমালী ২২।

১১ সঞ্জীবচন্দ্র চট্টোপাধ্যায় (ইং ১৮৩৪-৮৯), বন্ধিমচন্দ্রের অগ্রজ।

১২ শশধর তর্কচূড়ামণি (ইং ১৮৫১-১৯২৮), কলিকাতায় অভ্যুদয় বাংলা ১২৯১।

ড্র ‘পিতাপুত্র’, বঙ্গ-ভাষার লেখক, পৃ ৬৪৫-৪৬ এবং

‘শশধর তর্কচূড়ামণি মহাশয়ের বঙ্কুতার সমালোচনা’ — কালীবর বেদান্তবাগীশ (১২৯১)।

১৩ থিয়োসফিক্যাল সোসাইটির প্রথম কেন্দ্রস্থাপন, বোম্বাই, ইং ১৮৭৯; কলিকাতা-শাখা, ইং ১৮৮২ এপ্রিল।

১৪ ড্র 'পত্র। হৃদয়র শ্রীযুক্ত প্রিঃ স্থলচরবরেন্দ্র' এবং প্রথমসংস্করণ কড়ি ও কোমলের অস্তিত্ব কয়েকটি পত্রাকারে লিখিত কবিতা।

১৫ 'আর্ষ ও অনাৰ্ষ', 'স্বপ্নবিচার', 'আশ্রমপীড়া', 'গুরুবাক্য' ইত্যাদি — হাতকৌতুক, রচনাবলী ৬।
ড্র বালক (১২২২) এবং ভারতী (১২২৩)।

১৬ প্রকাশ ১৮৮৩, সাপ্তাহিক পত্র, সম্পাদক কৃষ্ণকুমার মিত্র।

১৭ 'পত্র। শ্রীমান দামু বহু এবং চানু বহু সম্পাদক সমীপেবু' — সঞ্জীবনী, (?) ১২২১ সালের ভাদ্র বা পরবর্তী মাসের কোনো একটি সংখ্যায়। লেখকের "নামের স্বাভা অক্ষর ছিল,— 'র'।"

ড্র কড়ি ও কোমল, প্রথমসংস্করণ, পৃ ১৩১-৩৭।

১৮ ড্র 'নব্য হিন্দু সম্প্রদায়', তত্ত্ববোধিনী পত্রিকা, শক ১৮০৬ [১২২১] ভাদ্র ; রবীন্দ্রনাথের 'একটি পুরাতন কথা' ও 'কৈফিয়ৎ', ভারতী, ১২২১, অগ্রহায়ণ, পৌষ ; বঙ্কিমচন্দ্রের 'আদি ব্রাহ্মসমাজ ও নব্য হিন্দু সম্প্রদায়', প্রচার ১২২১ অগ্রহায়ণ ; তৎকালীন অস্তিত্ব প্রবন্ধ।

জাহাজের খোল

কাগজে' কী একটা বিজ্ঞাপন দেখিয়া একদিন মধ্যাহ্নে জ্যোতিদাদা নিলামে গিয়া ফিরিয়া আসিয়া খবর দিলেন যে, তিনি সাত হাজার টাকা দিয়া একটা জাহাজের খোল কিনিয়াছেন। এখন ইহার উপরে এঞ্জিন জুড়িয়া কামরা তৈরি করিয়া একটা পুরা জাহাজ নির্মাণ করিতে হইবে।^১

দেশের লোকেরা কলম চালায়, রসনা চালায় কিন্তু জাহাজ চালায় না, বোধকরি এই ক্ষেত্র তাঁহার মনে ছিল। দেশে দেশলাইকাঠি জ্বলাইবার জন্ত তিনি একদিন চেষ্টা করিয়াছিলেন, দেশলাইকাঠি অনেক বর্ষণেও জ্বলে নাই; দেশে তাঁতের কল চালাইবার জন্তও তাঁহার উৎসাহ ছিল কিন্তু সেই তাঁতের কল একটমাত্র গামছা প্রসব করিয়া তাহার পর হইতে স্তব্ধ হইয়া আছে।^২ তাহার পরে স্বদেশী চেষ্টায় জাহাজ চালাইবার জন্ত তিনি হঠাৎ একটা শূন্য খোল কিনিলেন, সে-খোল একদা ভয়তি হইয়া উঠিল শুধু কেবল এঞ্জিনে এবং কামরায় নহে— ঋণে এবং সর্বনাশে। কিন্তু তবু এ কথা মনে রাখিতে হইবে, এই-সকল চেষ্টার ক্ষতি যাহা সে একলা তিনিই স্বীকার করিয়াছেন আর ইহার লাভ যাহা তাহা নিশ্চয়ই এখনো তাঁহার দেশের খাতায় জমা হইয়া আছে। পৃথিবীতে এইরূপ বেহিসাবি অব্যবসায়ী লোকেরাই দেশের কর্মক্ষেত্রের উপর দিয়া বারবার নিফল অধ্যবসায়ের বন্না বহাইয়া দিতে থাকেন; সে-বন্না হঠাৎ আসে এবং হঠাৎ চলিয়া যায়, কিন্তু তাহা স্তরে স্তরে যে-পলি রাখিয়া চলে তাহাতেই দেশের মাটিকে প্রাণপূর্ণ করিয়া তোলে— তাহার পর ফসলের দিন যখন আসে তখন তাঁহাদের কথা কাহারও মনে থাকে না বটে, কিন্তু সমস্ত জীবন যাহারা ক্ষতিবহন করিয়াই আসিয়াছেন, যত্নের পরবর্তী এই ক্ষতিটুকুও তাঁহারা অনায়াসে স্বীকার করিতে পারিবেন।

এক দিকে বিলাতি কোম্পানি^৩ আর-এক দিকে তিনি একলা— এই দুই পক্ষে বাণিজ্য-নৌযুদ্ধ ক্রমশই কিরূপ প্রচণ্ড হইয়া উঠিল তাহা খুলনা-বরিশালের লোকেরা এখনো বোধকরি স্মরণ করিতে পারিবেন। প্রতিযোগিতার তাড়নায় জাহাজের পর জাহাজ^৪ তৈরি হইল, ক্ষতির পর ক্ষতি বাড়িতে লাগিল, এবং আয়ের অল্প ক্রমশই ক্ষীণ হইতে হইতে টিকিটের মূল্যের উপসর্গটা সম্পূর্ণ বিলুপ্ত হইয়া গেল— বরিশাল-খুলনার স্টীমার-লাইনে সত্যযুগ আবির্ভাবের উপক্রম হইল। যাত্রীরা যেকোনো বিনা ভাড়ায় যাতায়াত শুরু করিল তাহা নহে, তাহারা বিনা মূল্যে মিষ্টান্ন খাইতে আরম্ভ করিল। ইহার উপরে বরিশালের ভলন্টিয়ারের দল স্বদেশী কীর্তন গাহিয়া কোমর বাধিয়া যাত্রীসংগ্রহে লাগিয়া গেল,^৫ স্নতরাং জাহাজে যাত্রীর অভাব হইল না কিন্তু

আর সকলপ্রকার অভাবই বাড়িল বই কমিল না। অঙ্কশাস্ত্রের মধ্যে স্বদেশহিতৈষিতার উৎসাহ প্রবেশ করিবার পথ পায় না; কীর্তন যতই জমুক, উত্তেজনা যতই বাড়ুক, গণিত আপনার নামতা ভুলিতে পারিল না— স্তুরাং তিন-ত্রিকুখে নয় ঠিক তালে তালে ফড়িংয়ের মতো লাফ দিতে দিতে ঋণের পথে অগ্রসর হইতে লাগিল।

অব্যবসায়ী ভাবুক মানুষের একটা কুগ্রহ এই যে, লোকেরা তাঁহাদিগকে অতি সহজেই চিনিতে পারে কিন্তু তাঁহারা লোক চিনিতে পারেন না; অথচ তাঁহারা যে চেনেন না এইটুকুমাত্র শিথিতে তাঁহাদের বিস্তর খরচ এবং ততোধিক বিলম্ব হয়, এবং সেই শিক্ষা কাজে লাগানো তাঁহাদের দ্বারা ইহজীবনেও ঘটে না। যাত্রীরা যখন বিনা মূল্যে মিষ্টান্ন খাইতেছিল তখন জ্যোতিদাদার কর্মচারীরা যে তপস্বীর মতো উপবাস করিতেছিল, এমন কোনো লক্ষণ দেখা যায় নাই; অতএব যাত্রীদের জ্ঞাতও জলযোগের ব্যবস্থা ছিল, কর্মচারীরাও বঞ্চিত হয় নাই, কিন্তু সকলের-চেয়ে মহত্তম লাভ রছিল জ্যোতিদাদার— সে তাঁহার এই সর্বস্ব-ক্ষতিস্বীকার।

তখন খুলনা-বরিশালের নদীপথে প্রতিদিনের এই জয়পরাজয়ের সংবাদ-আলোচনায় আমাদের উত্তেজনার অন্ত ছিল না। অবশেষে একদিন খবর আসিল, তাঁহার 'স্বদেশী' নামক জাহাজ হাবড়ার ত্রিজে ঠেকিয়া ডুবিয়াছে। এইরূপে যখন তিনি তাঁহার নিজের সাধ্যের সীমা একেবারে সম্পূর্ণ অতিক্রম করিলেন, নিজের পক্ষে কিছুই আর বাকি রাখিলেন না, তখনই তাঁহার ব্যাবসা বন্ধ হইয়া গেল।

১ Exchange Gazette সংবাদপত্রে।

২ ড্র জ্যোতিস্মৃতি, পৃ ১২১-২০৬।

৩ ড্র 'স্বদেশিকতা' অধ্যায়।

৪ 'ফ্লোটিলা কোম্পানি'; পরে ক্ষতিগ্রস্ত হইয়া উহার 'হোর্মিলার কোম্পানি'কে সমুদয় স্বত্ব বিক্রয় করে। ড্র জ্যোতিস্মৃতি, পৃ ১২৪-৩২।

৫ ইং ১৮৮৪, ২৩ মে তারিখে প্রথম জাহাজ 'সরোজিনী' লইয়া কার্ণ আরম্ভ; ক্রমে 'ভারত', 'লর্ড রিপন', 'বঙ্গলক্ষ্মী' ও 'স্বদেশী' নামক জাহাজ নির্মাণ। ড্র 'সরোজিনী প্রয়াণ', ভারতী ১২৯১ শ্রাবণ, ভাদ্র ও অগ্রহায়ণ।

৬ ড্র 'বরিশালের পত্র', বালক ১২৯২ শ্রাবণ।

মৃত্যুশোক

ইতিমধ্যে বাড়িতে পরে পরে কয়েকটি মৃত্যুঘটনা ঘটিল। ইতিপূর্বে মৃত্যুকে আমি কোনোদিন প্রত্যক্ষ করি নাই। মা'র যখন মৃত্যু হয় আমার তখন বয়স অল্প।' অনেকদিন হইতে তিনি রোগে ভুগিতেছিলেন, কখন যে তাঁহার জীবনসংকট উপস্থিত হইয়াছিল তাহা জানিতেও পাই নাই। এতদিন পর্ষন্ত যে-ঘরে আমরা শুইতাম সেই ঘরেই স্বতন্ত্র শয্যায় মা শুইতেন। কিন্তু, তাঁহার রোগের সময় একবার কিছুদিন তাঁহাকে বোটে করিয়া গদায় বেড়াইতে লইয়া যাওয়া হয়— তাহার পরে বাড়িতে ফিরিয়া তিনি অস্তঃপুরের তেতালার ঘরে থাকিতেন। যে-রাত্রিতে তাঁহার মৃত্যু হয় আমরা তখন ঘুমাইতেছিলাম, তখন কত রাত্রি জানি না, একজন পুরাতন দাসী আমাদের ঘরে ছুটিয়া আসিয়া চীৎকার করিয়া কাঁদিয়া উঠিল, “ওরে তোদের কী সর্বনাশ হল রে!” তখনই বউঠাকুরানী^২ তাড়াতাড়ি তাহাকে ভংসনা করিয়া ঘর হইতে টানিয়া বাহির করিয়া লইয়া গেলেন— পাছে গভীর রাত্রে আচমকা আমাদের মনে গুরুতর আঘাত লাগে এই আশঙ্কা তাঁহার ছিল। স্তিমিত প্রদীপে, অস্পষ্ট আলোকে ক্ষণকালের জ্ঞান জাগিয়া উঠিয়া হঠাৎ বুকটা দমিয়া গেল, কিন্তু কী হইয়াছে ভালো করিয়া বুঝিতেই পারিলাম না। প্রভাতে উঠিয়া যখন মা'র মৃত্যুসংবাদ শুনিলাম তখনো সে-কথাটার অর্থ সম্পূর্ণ গ্রহণ করিতে পারিলাম না। বাহিরের বারান্দায় আসিয়া দেখিলাম, তাঁহার সুসজ্জিত দেহ প্রাঙ্গণে খাটের উপরে শয়ান। কিন্তু, মৃত্যু যে ভয়ংকর সে-দেহে তাহার কোনো প্রমাণ ছিল না; সেদিন প্রভাতের আলোকে মৃত্যুর যে-রূপ দেখিলাম তাহা সুস্বপ্নের মতোই প্রশান্ত ও মনোহর। জীবন হইতে জীবনান্তের বিচ্ছেদ স্পষ্ট করিয়া চোখে পড়িল না। কেবল যখন তাঁহার দেহ বহন করিয়া বাড়ির সদর-দরজার বাহিরে লইয়া গেল এবং আমরা তাঁহার পশ্চাৎ পশ্চাৎ শ্মশানে চলিলাম তখনই শোকের সমস্ত ঝড় যেন একেবারে এক দমকায় আসিয়া মনের ভিতরটাতে এই একটা হাহাকার তুলিয়া দিল যে, এই বাড়ির এই দরজা দিয়া মা আর-একদিনও তাঁহার নিজের এই চিরজীবনের ঘরকরনার মধ্যে আপনার আসনটিতে আসিয়া বসিবেন না। বেঙ্গা হইল, শ্মশান হইতে ফিরিয়া আসিলাম; গলির মোড়ে আসিয়া তেতালায় পিতার ঘরের দিকে চাহিয়া দেখিলাম— তিনি তখনো তাঁহার ঘরের সম্মুখের বারান্দায় শুক হইয়া উপাসনায় বসিয়া আছেন।

বাড়িতে যিনি কনিষ্ঠা বধু^৩ ছিলেন তিনিই মাতৃহীন বালকদের ভার লইলেন। তিনিই আমাদের কাছে খাওয়াইয়া পরাইয়া সর্বদা কাছে টানিয়া, আমাদের যে কোনো

অভাব ঘটিয়াছে তাহা ভুলাইয়া রাখিবার জ্ঞান দিনরাত্রি চেষ্টা করিলেন। যে-ক্ষতি পূরণ হইবে না, যে-বিচ্ছেদের প্রতিকার নাই, তাহাকে ভুলিবার শক্তি প্রাণশক্তির একটা প্রধান অঙ্গ ; শিশুকালে সেই প্রাণশক্তি নবীন ও প্রবল থাকে, তখন সে কোনো আঘাতকে গভীরভাবে গ্রহণ করে না, স্থায়ী রেখায় আঁকিয়া রাখে না। এইজন্ম জীবনে প্রথম যে-মৃত্যু কালো ছায়া ফেলিয়া প্রবেশ করিল তাহা আপনার কালিমাকে চিরস্তন না করিয়া ছায়ার মতোই একদিন নিঃশব্দপদে চলিয়া গেল। ইহার পরে বড়ো হইলে যখন বসন্তপ্রভাতে একমুঠা অনতিশুট মোটা মোটা বেলফুল চাদরের প্রান্তে ঝাঝিয়া খাপার মতো বেড়াইতাম, তখন সেই কোমল চিক্ণ কুঁড়িগুলি ললাটের উপর ব্লাইয়া প্রতিদিনই আমার মায়ের শুভ্র আঙুলগুলি মনে পড়িত ; আমি স্পষ্টই দেখিতে পাইতাম, যে-স্পর্শ সেই সুন্দর আঙুলের আগায় ছিল সেই স্পর্শই প্রতিদিন এই বেলফুলগুলির মধ্যে নির্মল হইয়া ফুটিয়া উঠিতেছে ; জগতে তাহার আর অন্ত নাই, তা আমরা ভুলিই আর মনে রাখি।^{১৩}

কিন্তু, আমার চব্বিশবছর বয়সের সময় মৃত্যুর^{১৪} সঙ্গে যে-পরিচয় হইল তাহা স্থায়ী পরিচয়। তাহা তাহার পরবর্তী প্রত্যেক বিচ্ছেদশোকের সঙ্গে মিলিয়া অশ্রুর মালা দীর্ঘ করিয়া গাঁথিয়া চলিয়াছে। শিশুবয়সের লঘু জীবন বড়ো বড়ো মৃত্যুকেও অনায়াসেই পাশ কাটাইয়া ছুটিয়া যায়, কিন্তু অধিক বয়সে মৃত্যুকে অত সহজে ফাঁকি দিয়া এড়াইয়া চলিবার পথ নাই। তাই সেদিনকার সমস্ত দুঃসহ আঘাত বুক পাতিয়া লইতে হইয়াছিল।

জীবনের মধ্যে কোথাও যে কিছুমাত্র ফাঁক আছে, তাহা তখন জানিতাম না ; সমস্তই হাসিকান্নায় একেবারে নিরেট করিয়া বোন। তাহাকে অতিক্রম করিয়া আর কিছুই দেখা যাইত না, তাই তাহাকে একেবারে চরম করিয়াই গ্রহণ করিয়াছিলাম। এমনসময় কোথা হইতে মৃত্যু আসিয়া এই অত্যন্ত প্রত্যক্ষ জীবনটার একটা প্রান্ত যখন এক মুহূর্তের মধ্যে ফাঁক করিয়া দিল, তখন মনটার মধ্যে সে কী ধাঁধাই লাগিয়া গেল। চারিদিকে গাছপালা মাটিজল চন্দ্রসূর্য গ্রহতার তােমনি নিশ্চিত সত্যেরই মতো বিরাজ করিতেছে, অথচ তাহাদেরই মাঝখানে তাহাদেরই মতো যাহা নিশ্চিত সত্য ছিল, এমন-কি, দেহ প্রাণ হৃদয় মনের সহস্রবিধ স্পর্শের ঘারা যাহাকে তাহাদের সকলের চেয়েই বেশি সত্য করিয়াই অনুভব করিতাম সেই নিকটের মানুষ যখন এত সহজে এক নিমিষে স্বপ্নের মতো মিলাইয়া গেল তখন সমস্ত জগতের দিকে চাহিয়া মনে হইতে লাগিল, এ কী অদ্ভুত আশ্চর্য্য ! যাহা আছে এবং যাহা রহিল না, এই উভয়ের মধ্যে কোনোমতে মিল করিব কেমন করিয়া।^{১৫}

জীবনের এই রক্তটির ভিতর দিয়া যে একটা অতলস্পর্শ অন্ধকার প্রকাশিত হইয়া পড়িল, তাহাই আমাকে দিনরাত্রি আকর্ষণ করিতে লাগিল। আমি ঘুরিয়া কিরিয়া কেবল সেইখানে আসিয়া দাঁড়াই, সেই অন্ধকারের দিকেই তাকাই এবং খুঁজিতে থাকি — যাহা গেল তাহার পরিবর্তে কী আছে। শূণ্যতাকে মানুষ কোনোমতেই অস্তরের সঙ্গে বিশ্বাস করিতে পারে না। যাহা নাই তাহাই মিথ্যা, যাহা মিথ্যা তাহা নাই। এইজন্যই যাহা দেখিতেছি না তাহার মধ্যে দেখিবার চেষ্টা, যাহা পাইতেছি না তাহার মধ্যেই পাইবার সন্ধান কিছুতেই খামিতে চায় না। (চারাগাছকে অন্ধকার বেড়ার মধ্যে বিরিয়া রাখিলে, তাহার সমস্ত চেষ্টা যেমন সেই অন্ধকারকে কোনোমতে ছাড়াইয়া আলোকে মাথা তুলিবার জন্ত পদাদুলিতে ভর করিয়া যথাসম্ভব খাড়া হইয়া উঠিতে থাকে, তেমনি মৃত্যু যখন মনের চারিদিকে হঠাৎ একটা 'নাই'-অন্ধকারের বেড়া গাড়িয়া দিল, তখন সমস্ত মনপ্রাণ অহোরাত্র দুঃসাধ্য চেষ্টায় তাহারই ভিতর দিয়া কেবলই 'আছে'-আলোকের মধ্যে বাহির হইতে চাহিল। কিন্তু, সেই অন্ধকারকে অতিক্রম করিবার পথ অন্ধকারের মধ্যে যখন দেখা যায় না তখন তাহার মতো দুঃখ আর কী আছে।)

তবু এই দুঃশহ দুঃখের ভিতর দিয়া আমার মনের মধ্যে ক্ষণে ক্ষণে একটা আকস্মিক আনন্দের হাওয়া বহিতে লাগিল, তাহাতে আমি নিজেই আশ্চর্য হইতাম। জীবন যে একেবারে অবিচলিত নিশ্চিত নহে, এই দুঃখের সংবাদেই মনের ভার লঘু হইয়া গেল। আমরা যে নিশ্চল সত্যের পাথরে-গাঁথা দেয়ালের মধ্যে চিরদিনের কয়েদি নহি, এই চিন্তায় আমি ভিতরে ভিতরে উল্লাস বোধ করিতে লাগিলাম।^৬ যাহাকে ধরিয়াছিলাম তাহাকে ছাড়িতেই হইল, এইটাকে ক্ষতির দিক দিয়া দেখিয়া যেমন বেদনা পাইলাম তেমনি সেইক্ষণেই ইহাকে মুক্তির দিক দিয়া দেখিয়া একটা উদার শাস্তি বোধ করিলাম। সংসারের বিশ্বব্যাপী অতি বিপুল ভার জীবনমৃত্যুর হরণপূরণে আপনাকে আপনি সহজেই নিয়মিত করিয়া চারিদিকে কেবলই প্রবাহিত হইয়া চলিয়াছে, সে-ভার বন্ধ হইয়া কাহাকেও কোনোখানে চাপিয়া রাখিয়া দিবে না, একেশ্বর জীবনের দোঁরাওয়া কাহাকেও বহন করিতে হইবে না, এই কথাটা একটা আশ্চর্য নূতন সত্যের মতো আমি সেদিন যেন প্রথম উপলব্ধি করিয়াছিলাম।

সেই বৈরাগ্যের ভিতর দিয়া প্রকৃতির সৌন্দর্য আরও গভীররূপে রমণীয় হইয়া উঠিয়াছিল। কিছুদিনের জন্ত জীবনের প্রতি আমার অন্ধ আসক্তি একেবারেই চলিয়া গিয়াছিল বলিয়াই, চারিদিকে আলোকিত নীল আকাশের মধ্যে গাছপালার আন্দোলন আমার অশ্রদ্ধার্থে চক্ষে ভারি একটি মাধুরী বর্ণন করিত। জগৎকে সম্পূর্ণ করিয়া

এবং সুন্দর করিয়া দেখিবার জন্ত যে-দূরত্বের প্রয়োজন, মৃত্যু সেই দূরত্ব ঘটাইয়া দিয়াছিল। (আমি নির্লিপ্ত হইয়া দাঁড়াইয়া মরণের বৃহৎ পটভূমিকার উপর সংসারের ছবিটি দেখিলাম এবং জানিলাম, তাহা বড়ো মনোহর।)

সেই সময়ে আবার কিছুকালের জন্ত আমার একটা স্পষ্টছাড়া রকমের মনের ভাব ও বাহিরের আচরণ দেখা দিয়াছিল। সংসারের লৌকিকতাকে নিরতিশয় সত্য পদার্থের মতো মনে করিয়া তাহাকে সদাসর্বদা মানিয়া চলিতে আমার হাসি পাইত। সে-সমস্ত যেন আমার গায়েই ঠেকিত না। কে আমাকে কী মনে করিবে, কিছুদিন এ দায় আমার মনে একেবারেই ছিল না। ধূতির উপর গায়ে কেবল একটা মোটা চাদর এবং পায়ে একজোড়া চটি পরিয়া কতদিন খ্যাকারের বাড়িতে বই কিনিতে গিয়াছি। আহারের ব্যবস্থাটাও অনেক অংশে ঋণছাড়া ছিল। কিছুকাল ধরিয়া আমার শয়ন ছিল বৃষ্টি বাদল শীতেও তেতালায় বাহিরের বারান্দায়; সেখানে আকাশের তারার সঙ্গে আমার চোখোচোখি হইতে পারিত, এবং ভোরের আলোর সঙ্গে আমার সাক্ষাতের বিলম্ব হইত না।

এ-সমস্ত যে বৈরাগ্যের কৃচ্ছসাধন, তাহা একেবারেই নহে। এ যেন আমার একটা ছুটির পালা; সংসারের বেত-হাতে গুরুমহাশয়কে যখন নিতান্ত একটা ফাঁকি বলিয়া মনে হইল, তখন পাঠশালার প্রত্যেক ছোটো ছোটো শাসনও এড়াইয়া মুক্তির আশ্বাদনে প্রবৃত্ত হইলাম। একদিন সকালে ঘুম হইতে জাগিয়াই যদি দেখি পৃথিবীর ভারাকর্ষণটা একেবারে অর্ধেক কমিয়া গিয়াছে, তাহা হইলে কি আর সরকারি রাস্তা বাহিয়া সাবধানে চলিতে ইচ্ছা করে। নিশ্চয়ই তাহা হইলে হারিসন রোডের চারতলা-পাঁচতলা বাড়িগুলো বিনা কারণেই লাফ দিয়া ডিঙাইয়া চলি এবং ময়দানে হাওয়া খাইবার সময় যদি সামনে অক্টবুলনি মনুমেন্টটা আসিয়া পড়ে তাহা হইলে ওইটুকুখানি পাশ কাটাইতেও প্রবৃত্তি হয় না, ধাঁ করিয়া তাহাকে লজ্জন করিয়া পার হইয়া যাই। আমারও সেই দশা ঘটয়াছিল; পায়ের নিচে হইতে জীবনের টান কমিয়া যাইতেই আমি বাঁধা রাস্তা একেবারে ছাড়িয়া দিবার জো করিয়াছিলাম।)

বাড়ির ছাদে একলা গভীর অন্ধকারে মৃত্যুরাজ্যের কোনো-একটা চূড়ার উপরকার একটা ধ্বজপতাকা, তাহার কালো পাথরের তোরণদ্বারের উপরে আঁক-পাড়া কোনো-একটা অক্ষর কিম্বা একটা চিহ্ন দেখিবার জন্ত আমি যেন সমস্ত রাত্রিটার উপর অন্ধের মতো দুই হাত বুলাইয়া ফিরিতাম। আবার, সকালবেলায় যখন আমার সেই বাহিরের পাতা বিছানার উপরে ভোরের আলো আসিয়া পড়িত তখন চোখ মেলিয়াই দেখিতাম, আমার মনের চারিদিকের আবরণ যেন স্বচ্ছ হইয়া আসিয়াছে;

কুয়াশা কাটিয়া গেলে পৃথিবীর নদী গিরি অরণ্য যেমন ঝলমল করিয়া ওঠে, জীবন-লোকের প্রসারিত ছবিখানি আমার চোখে তেমনি শিশিরসিক্ত নবীন ও সুন্দর করিয়া দেখা দিয়াছে।

- ১ সারদাদেবীর মৃত্যু ১২৮১, বুধবার, ২৭ ফাল্গুন [ইং ১৮৭০, ১১ মার্চ] শেষরাত্রে। 'ঐ গ্রন্থপরিচয়।
- ২ কাদম্বরী দেবী, জ্যোতিরিন্দ্রনাথের পত্নী।
- ৩ তু 'অভাব', শান্তিকিকেতন ১, রচনাবলী ১৩। মাতৃদেবীকে স্বপ্নে দর্শন, ১৩১৫ অগ্রহায়ণ।
ঐ গ্রন্থপরিচয়।
- ৪ কাদম্বরী দেবীর মৃত্যু, ১২২১, ৮ বৈশাখ [ইং ১৮৮৪, ১৯ এপ্রিল] — রবীন্দ্র-জীবনী ১, পৃ ১০০।
- ৫ তু 'কোণায়' (ভারতী, ১২৯১ পৌষ), কড়ি ও কোমল, রচনাবলী ২।
'পুষ্পাঞ্জলি' (ভারতী, ১২৯২ বৈশাখ)। এবং 'প্রথম শোক' ('কথিকা', সবুজপত্র, ১৩২৬ আষাঢ়)
লিপিকা।
- ৬ ঐ 'রুদ্ধ গৃহ', বালক ১২৯২ আশ্বিন ; বিচিত্র প্রবন্ধ, রচনাবলী ৫। 'পথপ্রান্তে', বালক, ১২৯২
অগ্রহায়ণ। 'উত্তর প্রত্যুত্তর', বালক, ১২৯২ পৌষ, পৃ ৪২৭-৩০।
- ৭ Thacker Spink & Co.

বর্ষা ও শরৎ

এক-এক বৎসরে বিশেষ এক-একটা গ্রহ রাজ্যের পদ ও মন্ত্রীর পদ লাভ করে, পঞ্জিকার আরম্ভেই পশুপতি ও হৈমবতীর নিভৃত আলাপে তাহার সংবাদ পাই। তেমনি দেখিতেছি, জীবনের এক-এক পর্যায়ে এক একটা ঋতু বিশেষভাবে আধিপত্য গ্রহণ করিয়া থাকে। বাল্যকালের দিকে যখন তাকাইয়া দেখি তখন সকলের চেয়ে স্পষ্ট করিয়া মনে পড়ে তখনকার বর্ষার দিনগুলি।^১ বাতাসের বেগে জলের ছাঁটে বারান্দা একেবারে ভাসিয়া যাইতেছে, সারি সারি ঘরের সমস্ত দরজা বন্ধ হইয়াছে, প্যারাবুড়ি কক্ষে একটা বড়ো ঝুড়িতে তরিতরকারি বাজার করিয়া ভিজিতে ভিজিতে জলকাদা ভাঙিয়া আসিতেছে, আমি বিনা কারণে দীর্ঘ বারান্দায় প্রবল আনন্দে ছুটিয়া বেড়াইতেছি। আর, মনে পড়ে, ইস্কুলে গিয়াছি; দরমায়-ঘেরা দালানে আমাদের ক্লাশ বসিয়াছে; অপরাহ্নে ঘনঘোর মেঘের স্তূপে স্তূপে আকাশ ছাইয়া গিয়াছে; দেখিতে দেখিতে নিবিড় ধারায় বৃষ্টি নামিয়া আসিল; থাকিয়া থাকিয়া দীর্ঘ একটানা মেঘ-ডাকার শব্দ; আকাশটাকে যেন বিছাতের নখ দিয়া এক প্রাস্ত হইতে আর-এক প্রাস্ত পর্যন্ত কোন্ পাগলি ছিঁড়িয়া ফাড়িয়া ফেলিতেছে; বাতাসের দম্কায় দরমার বেড়া ভাঙিয়া পড়িতে চায়; অন্ধকারে ভালো করিয়া বইয়ের অক্ষর দেখা যায় না, পণ্ডিতমশায় পড়া বন্ধ করিয়া দিয়াছেন; বাহিরের বাড়-বাদলটার উপরেই ছুটাছুটি-মাতামাতির বরাত দিয়া বন্ধ ছুটিতে বেক্ষির উপরে বসিয়া পা দুলাইতে দুলাইতে মনটাকে তেপান্তরের মাঠ পার করিয়া দৌড় করাইতেছি। আরও মনে পড়ে শ্রাবণের গভীর রাত্রি, ঘুমের ফাঁকের মধ্য দিয়া ঘনবৃষ্টির ঝঝঝ শব্দ মনের ভিতরে স্পষ্টরূপে চেয়েও নিবিড়তর একটা পুলক জমাইয়া তুলিতেছে; একটু যেই ঘুম ভাঙিতেছে মনে মনে প্রার্থনা করিতেছি, সকালেও যেন এই বৃষ্টির বিরাম না হয় এবং বাহিরে গিয়া যেন দেখিতে পাই, আমাদের গলিতে জল দাঁড়াইয়াছে এবং পুকুরের ঘাটের একটি ধাপও আর জাগিয়া নাই।

কিন্তু, আমি যে-সময়কার কথা বলিতেছি সে-সময়ের দিকে তাকাইলে দেখিতে পাই, তখন শরৎঋতু সিংহাসন অধিকার করিয়া বসিয়াছে। তখনকার জীবনটা আশ্বিনের একটা বিস্তীর্ণ স্বচ্ছ অবকাশের মাঝখানে দেখা যায়— সেই শিশিরে-বালমল-করা সরস সবুজের উপর সোনা-গলানো রৌদ্রের মধ্যে, মনে পড়িতেছে, দক্ষিণের বারান্দায় গান বাঁধিয়া তাহাতে ঘোণিয়া সুর লাগাইয়া গুন্ গুন্ করিয়া গাহিয়া বেড়াইতেছি, সেই শরতের সকালবেলায়।—

আজি শরত-তপনে প্রভাততপনে

কী জানি পরান কী যে চায় ।২

বেলা বাড়িয়া চলিতেছে, বাড়ির ঘণ্টায় দুপুর বাজিয়া গেল, একটা মধ্যাহ্নের গানের আবেশে সমস্ত মনটা মাতিয়া আছে, কাজকর্মের কোনো দাবিতে কিছুমাত্র কান দিতেছি না, সেও শরতের দিনে।—

হেলাফেলা সারাবেলা

এ কী খেলা আপন-মনে ।৩

মনে পড়ে, দুপুরবেলায় জাজিম-বিছানো কোণের ঘরে একটা ছবি-আঁকার খাতা লইয়া ছবি আঁকিতেছি। সে-যে চিত্রকলার কঠোর সাধনা তাহা নহে—সে কেবল ছবি আঁকার ইচ্ছাটাকে লইয়া আপনমনে খেলা করা। যেটুকু মনের মধ্যে থাকিয়া গেল, কিছুমাত্র আঁকা গেল না, সেইটুকুই ছিল তাহার প্রধান অংশ। এদিকে সেই কর্মহীন শরৎমধ্যাহ্নের একটি সোনালি রঙের মাদকতা দেয়াল ভেদ করিয়া কলিকাতা শহরের সেই একটি সামান্য ক্ষুদ্র ঘরকে পেয়ালার মতো আগাগোড়া ভরিয়া তুলিতেছে। জানি না কেন, আমার তখনকার জীবনের দিনগুলিকে যে-আকাশ যে-আলোকের মধ্যে দেখিতে পাইতেছি তাহা এই শরতের আকাশ, শরতের আলোক। সে যেমন চাষিদের ধান-পাকানো শরৎ তেমনি সে আমার গান-পাকানো শরৎ; সে আমার সমস্ত দিনের আলোকময় অবকাশের গোলা-বোঝাই-করা শরৎ; আমার বন্ধনহীন মনের মধ্যে অকারণ পুলকে ছবি-আঁকানো গল্প-বানানো শরৎ।

সেই বাল্যকালের বর্ষা এবং এই যৌবনকালের শরতের মধ্যে একটা প্রভেদ এই দেখিতেছি যে, সেই বর্ষার দিনে বাহিরের প্রকৃতিই অত্যন্ত নিবিড় হইয়া আমাকে বিরিয়া দাঁড়াইয়াছে, তাহার সমস্ত দলবল সাজসজ্জা এবং বাজনা বাঁগ লইয়া মহা-সমারোহে আমাকে সঙ্গদান করিয়াছে। আর, এই শরৎকালের মধুর উজ্জল আলোকটির মধ্যে যে-উৎসব তাহা মানুষের। মেঘরোজের লীলাকে পশ্চাতে রাখিয়া সুখভূষণের আন্দোলন মর্মরিত হইয়া উঠিতেছে, নীল আকাশের উপরে মানুষের অনিমেঘ দৃষ্টির আবেশটুকু একটা রঙ মাখাইয়াছে, এবং বাতাসের সঙ্গে মানুষের হৃদয়ের আঁকাজ্জাবেগ নিখসিত হইয়া বহিতেছে।

আমার কবিতা এখন মানুষের দ্বারে আসিয়া দাঁড়াইয়াছে। এখনে তো একেবারে অব্যবহিত প্রবেশের ব্যবস্থা নাই; মহলের পর মহল, ঘরের পর ঘর। পথে দাঁড়াইয়া কেবল বাতায়নের ভিতরকার দীপালোকটুকু মাত্র দেখিয়া কতবার ফিরিতে হয়, সানাইয়ের বাঁশিতে ভৈরবীর তান দূর প্রাসাদের সিংহদ্বার হইতে কানে আসিয়া

পৌছে। মনের সঙ্গে মনের আপোস, ইচ্ছার সঙ্গে ইচ্ছার বোঝাপড়া, কত বাঁকাচোরা বাধার ভিতর দিয়া দেওয়া এবং নেওয়া। সেই-সব বাধায় ঠেকিতে ঠেকিতে জীবনের নির্বাহারা মুখরিত উচ্ছ্বাসে হাসিকান্নায় ফেনাইয়া উঠিয়া নৃত্য করিতে থাকে, পদে পদে আবর্ত ঘুরিয়া ঘুরিয়া উঠে এবং তাহার গতিবিধির কোনো নিশ্চিত হিসাব পাওয়া যায় না!

‘কড়ি ও কোমল’^১ মাল্লুষের জীবননিকেতনের সেই সম্মুখের রাস্তাটায় দাঁড়াইয়া গান। সেই রহস্যসভার মধ্যে প্রবেশ করিয়া আসন পাইবার জন্ম দরবার।—

মরিতে চাহি না আমি হৃন্দের ভুবনে,

মাল্লুষের মাঝে আমি বাঁচিবারে চাই।^২

বিশ্বজীবনের কাছে ক্ষুদ্র-জীবনের এই আত্মনিবেদন।

- ১ তু ‘বর্ধার চিঠি’, বালক, ১২২২ শ্রাবণ। দ্র গ্রন্থপরিচয়।
- ২ দ্র ‘আকাঙ্ক্ষা’, কড়ি ও কোমল, রচনাবলী ২।
- ৩ দ্র ‘সারাবেলা’, কড়ি ও কোমল, রচনাবলী ২।
- ৪ দ্র সর্বশেষ অধ্যায়।
- ৫ দ্র ‘প্রাণ’, কড়ি ও কোমলের প্রথম কবিতা, রচনাবলী ২।

শ্রীযুক্ত আশুতোষ চৌধুরী

দ্বিতীয়বার বিলাত যাইবার জন্ত যখন যাত্রা করি তখন আগুর সঙ্গ জাহাজে আমার প্রথম পরিচয় হয়। তিনি কলিকাতা বিশ্ববিদ্যালয়ে এম. এ. পাশ করিয়া কেম্ব্রিজে ডিগ্রি লইয়া ব্যারিস্টার হইতে চলিতেছেন। কলিকাতা হইতে মাদ্রাজ পর্যন্ত কেবল কয়টা দিন মাত্র আমরা জাহাজে একত্র ছিলাম। কিন্তু দেখা গেল, পরিচয়ের গভীরতা দিনসংখ্যার উপর নির্ভর করে না। একটি সহজ সহৃদয়তার দ্বারা অতি অল্পক্ষণের মধ্যেই তিনি এমন করিয়া আমার চিত্ত অধিকার করিয়া লইলেন যে, পূর্বে তাঁহার সঙ্গ যে চেনাশোনা ছিল না সেই ফাঁকটা এই কয়দিনের মধ্যেই যেন আগাগোড়া ভরিয়া গেল।

আশু বিলাত হইতে ফিরিয়া আসিলে তাঁহার সঙ্গ আমাদের আত্মীয়সম্বন্ধ স্থাপিত হইল। তখনো ব্যারিস্টারি ব্যবসায়ের ব্যূহের ভিতরে ঢুকিয়া পড়িয়া ল-এর মধ্যে লীন হইবার সময় তাঁহার হয় নাই। মঞ্চলের কুঞ্চিত থলিগুলি পূর্ণবিকশিত হইয়া তখনো স্বর্ণকোষ উন্মুক্ত করে নাই এবং সাহিত্যবনের মধুসঞ্চয়েই তিনি তখন উৎসাহী হইয়া ফিরিতেছিলেন। তখন দেখিতাম, সাহিত্যের ভাবুকতা একেবারে তাঁহার প্রকৃতির মধ্যে পরিব্যাপ্ত হইয়া গিয়াছিল। তাঁহার মনের ভিতরে যে-সাহিত্যের হাওয়া বহিত তাহার মধ্যে লাইব্রেরি-শেলফের মরক্কো-চামড়ার গন্ধ একেবারেই ছিল না। সেই হাওয়ায় সমুদ্রপারের অপরিচিত নিকুঞ্জের নানা ফুলের নিশ্বাস একত্র হইয়া মিলিত, তাঁহার সঙ্গ আলাপের যোগে আমরা যেন কোন্-একটি দূর বনের প্রান্তে বসন্তের দিনে চড়িভাতি করিতে যাইতাম।

ফরাসি কাব্যসাহিত্যের রসে তাঁহার বিশেষ বিলাস ছিল। আমি তখন কড়ি ও কোমলের কবিতাগুলি লিখিতেছিলাম। আমার সেই-সকল লেখায় তিনি ফরাসি কোনো কোনো কবির ভাবের মিল দেখিতে পাইতেন। তাঁহার মনে হইয়াছিল, মানবজীবনের বিচিত্র রসলীলা কবির মনকে একান্ত করিয়া টানিতেছে, এই কথাটাই কড়ি ও কোমলের কবিতার ভিতর দিয়া নানাপ্রকারে প্রকাশ পাইতেছে। এই জীবনের মধ্যে প্রবেশ করিবার ও তাহাকে সকল দিক দিয়া গ্রহণ করিবার জন্ত একটি অপরিভূষ্ট আকাজক্ষা, এই কবিতাগুলির মূলকথা।

আশু বলিলেন, “তোমার এই কবিতাগুলি যথোচিত পর্যায়ে সাজাইয়া আমিই প্রকাশ করিব।” তাঁহারই পরে প্রকাশের ভার দেওয়া হইয়াছিল। ‘মরিতে চাহি না আমি সুন্দর ভুবনে’—এই চরুর্দশপদী কবিতাটি তিনিই গ্রন্থের প্রথমেই বসাইয়া

দিলেন। তাঁহার মতে এই কবিতাটির মধ্যেই সমস্ত গ্রন্থের মর্মকথাটি আছে।

অসম্ভব নহে। বাল্যকালে যখন ঘরের মধ্যে বন্ধ ছিলাম তখন অস্তঃপুরের ছাদের প্রাচীরের ছিদ্র দিয়া বাহিরের বিচিত্র পৃথিবীর দিকে উৎসুকদৃষ্টিতে হৃদয় মেলিয়া দিয়াছি। যৌবনের আরম্ভে মানুষের জীবনলোক আমাকে তেমনি করিয়াই টানিয়াছে। তাহারও গাঝখানে আমার প্রবেশ ছিল না, আমি প্রান্তে দাঁড়াইয়া ছিলাম। খেয়ানোক পাল তুলিয়া চেউয়ের উপর দিয়া পাড়ি দিতেছে, তীরে দাঁড়াইয়া আমার মন-বুঝি তাহার পাটনিকে হাত বাড়াইয়া ডাক পাড়িত। জীবন যে জীবনযাত্রায় বাহির হইয়া পড়িতে চায়।

১ বৈশাখ ১২৮৮ [ইং ১৮৮১]।

২ সার আশুতোষ চৌধুরী (ইং ১৮৬০-১৯২৪)।

৩ হেনেলনাথের জোষ্ঠা কস্তা প্রতিভা দেবীর সহিত বিবাহ হয়, ১২৯৩ শ্রাবণ [ইং ১৮৮৬]।

৪ ড্র আশুতোষ চৌধুরী লিখিত প্রবন্ধ 'কাব্যজগৎ', 'কথার উপকথা'—ভারতী ও বালক, ১২৯৩।

কড়ি ও কোমল*

জীবনের মাঝখানে ঝাঁপ দিয়া পড়িবার পক্ষে আমার সামাজিক অবস্থার বিশেষত্ব-বশত কোনো বাধা ছিল বলিয়াই যে আমি পীড়াবোধ করিতেছিলাম, সে-কথা সত্য নহে। আমাদের দেশের যাহারা সমাজের মাঝধানটাতে পড়িয়া আছে তাহারাই যে চারিদিক হইতে প্রাণের প্রবল বেগ অনুভব করে, এমন কোনো লক্ষণ দেখা যায় না। চারিদিকে পাড়ি আছে এবং ঘাট আছে, কালো জলের উপর প্রাচীন বনস্পতির শীতল কালো ছায়া আসিয়া পড়িয়াছে; স্নিগ্ধ পল্লবরাশির মধ্যে প্রচ্ছন্ন থাকিয়া কোকিল পুরাতন পঞ্চমন্ডরে ডাকিতেছে— কিন্তু এ তো বাধাপুকুর, এখানে শ্রোত কোথায়, ডেউ কই, সমুদ্র হইতে কোটালের বান ডাকিয়া আসে কবে। মাহুঘের মুক্তজীবনের প্রবাহ যেখানে পাথর কাটিয়া জয়ধ্বনি করিয়া তরঙ্গে তরঙ্গে উঠিয়া পড়িয়া সাগরযাত্রায় চলিয়াছে, তাহারই জলোচ্ছ্বাসের শব্দ কি আমার ওই গলির ওপারটার প্রতিবেশীসমাজ হইতেই আমার কানে আসিয়া পৌঁছিতেছিল। তাহা নহে। যেখানে জীবনের উৎসব হইতেছে সেইখানকার প্রবল স্নগ্ধত্বের নিমন্ত্রণ পাইবার জন্ত একলা-ঘরের প্রাণটা কাঁদে।

যে মূঢ় নিশ্চেষ্টতার মধ্যে মাহুঘ কেবলই মধ্যাহ্নতন্দ্রায় ঢুলিয়া ঢুলিয়া পড়ে, সেখানে মাহুঘের জীবন আপনার পূর্ণ পরিচয় হইতে আপনি বঞ্চিত থাকে বলিয়াই তাহাকে এমন একটা অবসাদে ঘিরিয়া ফেলে। এই অবসাদের জড়িমা হইতে বাহির হইয়া যাইবার জন্ত আমি চিরদিন বেদনা বোধ করিয়াছি। তখন যে-সমস্ত আত্মশক্তিহীন রাষ্ট্রনৈতিক সভা ও ধবরের কাগজের আন্দোলন প্রচলিত হইয়াছিল, দেশের পরিচয়হীন ও সেবাবিমুখ যে-দেশান্তরাগের মূঢ়মাদকতা তখন শিক্ষিতমণ্ডলীর মধ্যে প্রবেশ করিয়াছিল— আমার মন কোনোমতেই তাহাতে সায় দিত না।^১ আপনার সম্বন্ধে, আপনার চারিদিকের সম্বন্ধে বড়ো একটা অর্ধদর্শ ও অসন্তোষ আমাকে ক্ষুদ্র করিয়া তুলিত; আমার প্রাণ বলিত— 'ইহার চেয়ে হতেম যদি আরব বেদুয়িন!'^২

আনন্দময়ীর আগমনে

আনন্দে গিয়েছে দেশ চেয়ে—

হেরো ওই ধনীর দুয়ারে

দাঁড়াইয়া কাঙালিনী মেয়ে।^৩

এ তো আমার নিজেরই কথা। যে-সব সমাজে ঐশ্বর্যশালী স্বাধীন জীবনের উৎসব সেখানে সানাই বাজিয়া উঠিয়াছে, সেখানে আনাগোনা কলরবের অন্ত নাই; আমরা

বাহিরপ্রাঙ্গণে দাঁড়াইয়া লুক্কদৃষ্টিতে তাকাইয়া আছি মাত্র—সাজ করিয়া আসিয়া যোগ দিতে পারিলাম কই।

মানুষের বৃহৎ জীবনকে বিচিত্রভাবে নিজের জীবনে উপলব্ধি করিবার ব্যাধিত আকাঙ্ক্ষা, এ যে সেই দেশেই সম্ভব যেখানে সমস্তই বিচ্ছিন্ন এবং ক্ষুদ্র ক্ষুদ্র কৃত্রিম সীমায় আবদ্ধ। আমি আমার সেই ভূত্যের আঁকা খড়ির গণ্ডির মধ্যে বসিয়া মনে মনে উদার পৃথিবীর উগুক্ত খেলাঘরটিকে যেমন করিয়া কামনা করিয়াছি, যৌবনের দিনেও আমার নিভৃত হৃদয় তেমনি বেদনার সঙ্গেই মানুষের বিরাট হৃদয়লোকের দিকে হাত বাড়াইয়াছে। সে যে দুর্লভ, সে যে দুর্গম, দুর্বর্তী। কিন্তু তাহার সঙ্গে প্রাণের যোগ না যদি ঝামিতে পারি, সেখান হইতে হাওয়া যদি না আসে, শ্রোত যদি না বহে, পথিকের অব্যাহত আনাগোনা যদি না চলে, তবে যাহা জীর্ণ পুরাতন তাহাই নূতনের পথ জুড়িয়া পড়িয়া থাকে, তাহা হইলে মৃত্যুর ভগ্নাবশেষ কেহ সরাইয়া লয় না, তাহা কেবলই জীবনের উপরে চাপিয়া চাপিয়া পড়িয়া তাহাকে আচ্ছন্ন করিয়া ফেলে।

বর্ষার দিনে কেবল ঘনঘটা এবং বর্ষণ। শরতের দিনে মেঘরৌদ্ভের খেলা আছে কিন্তু তাহাই আকাশকে আবৃত করিয়া নাই, এদিকে খেতে খেতে ফসল ফলিয়া উঠিতেছে। তেমনি আমার কাব্যলোকে যখন বর্ষার দিন ছিল তখন কেবল ভাবাবেগের বাষ্প এবং বায়ু এবং বর্ষণ। তখন এলোমেলো ছন্দ এবং অস্পষ্ট বাণী। কিন্তু শরৎকালের কড়ি ও কোমলে কেবলমাত্র আকাশে মেঘের রঙ নহে, সেখানে মাটিতে ফসল দেখা দিতেছে। এবার বাস্তব সংসারের সঙ্গে কারবারে ছন্দ ও ভাবা নানাপ্রকার রূপ ধরিয়া উঠিবার চেষ্টা করিতেছে।

এবারে একটা পালা সাঙ্গ হইয়া গেল। জীবনে এখন ঘরের ও পরের, অন্তরের ও বাহিরের মেলামেলির দিন ক্রমে ঘনিষ্ঠ হইয়া আসিতেছে। এখন হইতে জীবনের যাত্রা ক্রমশই ভাঙার পথ বাহিয়া লোকালয়ের ভিতর দিয়া যে-সমস্ত ভালোমন্দ স্নখদুঃখের বন্ধুরতার মধ্যে গিয়া উল্লীর্ণ হইবে, তাহাকে কেবলমাত্র ছবির মতো করিয়া হালকা করিয়া দেখা আর চলে না। এখানে কত ভাঙাগড়া, কত জয়পরাজয়, কত সংঘাত ও সন্মিলন। এই-সমস্ত বাধা বিরোধ ও বক্রতার ভিতর দিয়া আনন্দময় নৈপুণ্যের সহিত আমার জীবনদেবতা যে একটি অন্তরতম অভিপ্রায়কে বিকাশের দিকে লইয়া চলিয়াছেন তাহাকে উদ্ঘাটিত করিয়া দেখাইবার শক্তি আমার নাই।^৭ সেই আশ্চর্য পরম রহস্যটুকুই যদি না দেখানো যায়, তবে আর-যাহাকিছুই দেখাইতে যাইব তাহাতে পদে পদে কেবল ভুল বুঝানোই হইবে। মৃতিকে বিশ্লেষণ করিতে গেলে কেবল মাটিকেই পাওয়া যায়, শিল্পীর আনন্দকে পাওয়া যায় না।

অতএব খাসমহালের দরজার কাছে পর্যন্ত আসিয়া, এইখানেই আমার জীবনস্মৃতির পাঠকদের কাছ হইতে আমি বিদায়গ্রহণ করিলাম।

১ প্রকাশ, ১২২৩ [ইং ১৮৮৬]। রচনাবলী ২।

২ তু আত্মশক্তি নামক গ্রন্থ (১৩১২) ; রচনাবলী ৩।

৩ অ 'দুয়ন্ত আশা', (১৮ জ্যৈষ্ঠ ১২২৫), মানসী ; রচনাবলী ২।

৪ অ কাঙালিনী (প্রচার, ১২২১ কার্তিক), কড়ি ও কোমল ; রচনাবলী ২।

৫ অ 'রবীন্দ্রনাথ ঠাকুর', বঙ্গভাষার লেখক (১৩১১)। আত্মপরিচয় গ্রন্থের প্রথম প্রবন্ধ-রূপে পুনর্মুদ্রিত।

গ্ৰন্থপরিচয়



• জীবনস্মৃতি ১৩১২ [১২১২ জুলাই] সালে গ্রন্থাকারে প্রকাশিত হয়। গগনেন্দ্রনাথ ঠাকুর কর্তৃক অঙ্কিত চক্ৰশিখা চিত্রে শোভিত হইয়া এই প্রথম সংস্করণ বাহির হয়।

তৎপূর্বে জীবনস্মৃতি প্রবাসী মাসিকপত্রে ১৩১৮ সালের ভাদ্রসংখ্যা হইতে ১৩১৯ শ্রাবণ পর্যন্ত ধারাবাহিক প্রকাশিত হইয়াছিল। প্রবাসীতে রচনাটি সমর্পণ করিবার অব্যবহিত পূর্বে পত্রিকার তৎকালীন সহকারী সম্পাদক চারুচন্দ্র বন্দ্যোপাধ্যায়ের সহিত রবীন্দ্রনাথের যে-পত্রালাপ হয় ১৩২২ কার্তিক, অগ্রহায়ণ, পৌষ এবং ১৩৪৮ কার্তিকের প্রবাসী হইতে নিম্নে তাহার প্রাসঙ্গিক অংশগুলি উদ্ধৃত হইল।—

১

বাঃ তুমি তো বেশ লোক ! একেবারে আমার জীবনে হস্তক্ষেপ করতে চাও ! এতদিন আমার কাব্য নিয়ে অনেক টানাটানি গিয়েছে— এখন বুঝি জীবন নিয়ে ছেঁড়াছেঁড়ি করতে হবে ? সম্পাদক হলে মাহুঘের দয়ামায়া একেবারে অন্তর্হিত হয়, তুমি তারই জাজ্জল্যমান দৃষ্টান্ত হয়ে উঠছ।

যতদিন বেঁচে আছি ততদিন জীবনটা থাকুক ।

[পোর্ট মার্ক শিলাইদহ, ১২১১, ১৬ মে]

২

আমার জীবনের প্রতি দাবি করে তুমি যে-যুক্তি প্রয়োগ করেছ সেটা সন্তোষজনক নয়। তুমি লিখেছ, “আপনার জীবনটা চাই।” এর পিছনে যদি কামান বন্দুক বা Halliday সাহেবের নামস্বাক্ষর থাকত তাহলে তোমার যুক্তির প্রবলতা সম্বন্ধে কারো কোনো সন্দেহ থাকত না। তদভাবে আপাতত আমার জীবন নিরাপদে আমারই অধীনে থাকবে, এইটাই সংগত।

আসল কথা হচ্ছে এই যে, তুমি ইহকাল পরকাল সকল দিক সম্পূর্ণ বিবেচনা করে এই প্রস্তাবটি করেছ না সম্পাদকীয় দুর্জয় লোভে সম্পূর্ণ অন্ধ হয়ে এই দুঃসাহসিকতায় প্রযুক্ত হচ্ছ, তা আমি নিশ্চয় বুঝতে পারছিলাম বলে কিছু স্থির করতে পারছিলাম। তোমার বয়স অল্প, হঠকারিতাই তোমার পক্ষে স্বাভাবিক ও শোভন, অতএব এ সম্বন্ধে রামানন্দবাবুর মত কী তা না জেনে তোমাদের মাসিকপত্রের black and white-এ আমার জীবনটার একগালে চুন ও একগালে কালি লেপন করতে পারব না।

পঞ্চাশ পেরলে লোকে প্রগলভ হবার অধিকার লাভ করে কিন্তু তবুও সাদা চুল ও খেত শ্রাশ্রুতেও অহমিকাকে একেবারে সম্পূর্ণ গুল্ল করে তুলতে পারে না।

[শিলাইদহ, ১৩১৮, ৬ জ্যৈষ্ঠ]

তোমার হাতেই জীবন সমর্পণ করা গেল। রামানন্দবাবুকে লিখেছি। কিন্তু অজিতের প্রবন্ধ শেষ হয়ে গেলে এটা আরম্ভ হলেই ভালো হয়। লোকের তখন জীবন-সম্বন্ধে ঔৎসুক্য একটু বাড়তে পারে। [শিলাইদহ, ১৩১৮, ১৩ জ্যৈষ্ঠ]

৪

...জীবনস্মৃতি তোমাদের হাতে পূর্বেই সমর্পণ করেছি। ভূমিকাটি আগাগোড়া বদলে দিয়েছি বোধহয় দেখেছ। জিনিসটাকে সাধারণ পাঠকের সুখপাঠ্য করবার চেষ্টা করেছি— অর্থাৎ আমার জীবন বলে একটা বিশেষ গল্প যাতে প্রবল হয়ে না ওঠে তার জগ্নে আমার চেষ্টার ক্রটি হয়নি— আমার তো বিশ্বাস ওতে বিশুদ্ধ সাহিত্যের সৌরভ ফুটে উঠেছে, কিন্তু আপরিতোবাদ বিতুষাং ইত্যাদি।

[শিলাইদহ, ১৩১৮ জ্যৈষ্ঠ]

৫

...কবিকে^১ আমার কবিজীবনীটা পড়িতে দিও। সে তো সম্পাদক শ্রেণীর নহে, সুতরাং তাহার হৃদয় কোমল, অতএব সে ওটা পড়িয়া কিরূপ বিচার করে জানিতে ইচ্ছা করি। [শিলাইদহ, ১৩১৮, ২৫ জ্যৈষ্ঠ]

৬

...জীবনস্মৃতিটা নিয়ে পড়েছি— ওটাও সাক্ষাৎ ক'রে দিচ্ছি— খুব মনোযোগ ক'রে দেখলুম, এ-রচনাটা সাহিত্যে চলবার মতো হয়েছে— নইলে কিছুতেই আমি দিতুম না। ২।৩ দিনের মধ্যে ওর প্রথম কিস্তিটা পাঠিয়ে দেব।

[পোস্ট মার্ক শান্তিনিকেতন, ১৯১১, ১৪ জুলাই]

এই প্রসঙ্গে শ্রীশ্রীতা দেবীর সৌজগ্নে প্রাপ্ত রামানন্দ চট্টোপাধ্যায়কে লেখা রবীন্দ্রনাথের আরো কয়েকটি পত্রাংশ উদ্ধারযোগ্য।—

১

আমার জীবনস্মৃতি প্রবাসীতে বাহির করিবার পক্ষে আপনার অল্পবোধ ছাড়া আর একটা কারণ ঘটয়াছে। আমার বিদ্যালয়ের কোনো অত্যাংশী শিক্ষক আমার ঐ লেখা নকল করিয়া মঞ্চস্থলে কোনো সভায় আমার জন্মোৎসব উপলক্ষ্যে পাঠ করিতে

১ 'রবীন্দ্রনাথ', অজিতকুমার চক্রবর্তী, প্রবাসী, ১৩১৮ আষাঢ়-শ্রাবণ

২ সত্যেন্দ্রনাথ দত্ত

পাঠাইয়াছেন। প্রকাশ না করিবার জ্ঞান তিনি অল্পরোধ করিয়াছেন। কিন্তু ইহার অর্থব্যবহার হওয়ার আশঙ্কা যখন আছে তখন বিকৃতলাভের পূর্বেই ওটাকে ছাপার অক্ষরে ধুব করিয়া রাখা ভাল। কিন্তু আগে অজিতের লেখাটা বাহির হইয়া গেলে তাহার পরে এটা প্রকাশ হওয়া কি ভাল নয়। ভাবিয়া দেখিবেন। আমি ঐ লেখাটার ফাঁক ভরাইয়া আবার একটু সংশোধন করিয়া লইতেছি। যখন ইচ্ছা করেন পাইবেন। [শিলাইদহ, ১৩১৮, ২ জ্যৈষ্ঠ]

২

জীবনস্মৃতি কাপি করিতে দিলাম। কিন্তু আমার মনে হয় অজিতের লেখার প্রথম কিন্তু অন্তত বাহির হইয়া গেলে এই প্রবন্ধ প্রকাশ হওয়া উচিত। অজিত আমার জীবনের সঙ্গে কাব্যকে মিশাইয়া সমালোচনা করিয়াছেন— তাঁহার লেখা পড়িয়া যদি পাঠকদের মনে কৌতূহল জাগ্রত হয় তবে এ লেখাটা তাঁহারা ঠিক ভাবে গ্রহণ করিতে পারিবেন। এবং অজিতেরই লেখার অনুরক্তিরূপে এই জীবনস্মৃতির উপযোগিতা কতকটা পরিমাণে আছে। ইতিমধ্যে আমি কা...কে বিশেষ করিয়া লিখিয়া দিতেছি তিনি আমার লেখাটাকে যেন প্রচার না করেন।

জীবনস্মৃতি অনেকটা পরিবর্তিত ও পরিবর্তিত হইতেছে—সমস্তটা আবার নূতন করিয়া লিখিতে হইতেছে। যখন প্রবন্ধটা হাতে পাইবেন একবার ভাল করিয়া আগাগোড়া পড়িয়া দেখিবেন— যদি কোনোখানে লেশমাত্র অহমিকা বা অনাবশ্যক প্রগল্ভতা প্রকাশ হইয়া থাকে তাহা নির্মমভাবে কাটিয়া দিবেন। নিজের কথা বলিবার সময় কথার ওজন থাকে না। যে সব বৃত্তান্তকে অত্যন্ত উৎসুক্যজনক বলিয়া বোধ করি তাহা সাধারণের কাছে তুচ্ছ ও বিরক্তিকর হইতে পারে।

[শিলাইদহ, ১৩১৮, ১৩ জ্যৈষ্ঠ]

৩

...কাল জ্ঞানের হাত দিয়া আমার জীবনস্মৃতির কাপি আপনার কাছে পাঠাইয়াছি—বোধ হয় পাইয়াছেন। আশা করি আমার এই লেখাটিতে আমার শত্রু মিত্র কোনো পক্ষকেই উদ্বেজিত করিয়া তুলিবে না। যে পর্যন্ত পাঠাইয়াছি ইহার পরেও আরো খানিকটা লেখা আছে। তাহাতে ক্রমশ অধিক করিয়া আমার রচনার কথা আসিয়া পড়িয়াছে। আর একবার সংশোধন করিয়া লিখিয়া তাহার পরে বিবেচনা করা যাইবে সে অংশটা বাহির করা চলিবে কিনা। [শিলাইদহ, ১৩১৮, ১৮ জ্যৈষ্ঠ]

কয়েকদিন থেকে আবার অসুস্থ বোধ করছি। জীবনস্মৃতি শ্রাবণের কিস্তিতে

শেষ করে দিয়েছি—দেখলুম আর লেখবার সময়ও পাব না—ক্রমে জটিলতার অরণ্য ভেদ করে কলমও চলবে না।... [শিলাইদহ, ১৩১২, ৩০ বৈশাখ]

জীবনস্মৃতির ভূমিকার ষষ্ঠ অল্পচ্ছেদের পরে প্রবাসীর পাঠে নিয়োদ্ধিত অতিরিক্ত অংশটুকু ছিল :

“এমনি করিয়া ছবি দেখিয়া প্রতিচ্ছবি আঁকার মতো কিছুদিন জীবনের স্মৃতি লিখিয়া চলিয়াছিলাম। কিছুদূর পৰ্যন্ত লিখিতেই কাজের ভিড় আসিয়া পড়িল—লেখা বন্ধ হইয়া গেল।”

রবীন্দ্রভবনে রক্ষিত পাণ্ডুলিপিটি সম্ভবত সেই অসম্পূর্ণ (‘বালক’-প্রকাশের স্মৃতিকথা পর্যন্ত) প্রথম রচনা। ১৩১৮ সালের ২৫শে বৈশাখ উৎসবের সময় শান্তিনিকেতনে ধরোয়া আসরে রবীন্দ্রনাথ এই পাণ্ডুলিপি পাঠ করিয়াছিলেন। প্রবাসীতে প্রকাশিত পরবর্তী পাঠেরও কিয়দংশ রবীন্দ্রভবনে একটি খাতায় রহিয়াছে। উহার সংশোধিত সম্পূর্ণ পাণ্ডুলিপিখানি শ্রীমতী সীতাদেবীর নিকটে আছে (দ্রষ্টব্য ‘পুণ্যস্মৃতি’, পৃ ২০)। ১৩১৯ সালে গ্রন্থপ্রকাশের সময় প্রবাসীর পাঠেও রবীন্দ্রনাথ বহু সংযোজন ও সংশোধন করিয়াছিলেন। সেই শেষ পাঠের কোনও পাণ্ডুলিপির (?) সন্ধান এ-পর্যন্ত আমরা পাই নাই।

রবীন্দ্রভবনে রক্ষিত পাণ্ডুলিপি হইতে হুচনাংশ দুইটি নিম্নে মুদ্রিত হইল :

আমার জীবনবৃত্তান্ত লিখিতে অল্পরোধ আসিয়াছে। সে অল্পরোধ পালন করিব বলিয়া প্রতিশ্রুত হইয়াছি। এখানে অনাবশ্যক বিনয় প্রকাশ করিয়া জায়গা জুড়িব না। কিন্তু নিজের কথা লিখিতে বসিলে যে-অহমিকা আসিয়া পড়ে তাহার জগ্ন পাঠকদের কাছ হইতে ক্ষমা চাই।

যাঁহার সাধু এবং যাঁহার কৰ্মবীর তাঁহাদের জীবনের ঘটনা ইতিহাসের অভাবে নষ্ট হইলে আক্ষেপের কারণ হয়—কেননা, তাঁহাদের জীবনটাই তাঁহাদের সর্বপ্রধান রচনা। কবির সর্বপ্রধান রচনা কাব্য, তাহা তো সাধারণের অবজ্ঞা বা আদর পাইবার জগ্ন প্রকাশিত হইয়াই আছে—আবার জীবনের কথা কেন।

এই কথা মনে মনে আলোচনা করিয়া আমি অনেকের অল্পরোধসঙ্গে নিজের জীবনী লিখিতে কোনোদিন উৎসাহ বোধ করি নাই। কিন্তু সম্প্রতি নিজের জীবনটা এমন একটা জায়গায় আসিয়া দাঁড়াইয়াছে যখন পিছন কিরিয়া তাকাইবার

অবকাশ পাওয়া গেছে— দর্শকভাবে নিজেকে আগাগোড়া দেখিবার যেন সুযোগ পাইয়াছি।

ইহাতে এইটে চোখে পড়িয়াছে যে, কাব্যরচনা ও জীবনরচনা ও-দুটা একই, বৃহৎ-রচনার অঙ্গ। জীবনটা যে কাব্যেই আপনার ফুল ফুটাইয়াছে আর কিছুতে নয়, তাহার তব্ব সমগ্র জীবনের অন্তর্গত।

কর্মবীরদের জীবন কর্মকে জন্ম দেয়, আবার সেই কর্ম তাঁহাদের জীবনকে গঠিত করে। আমি ইহা আজ বেশ করিয়া জানিয়াছি যে, কবির জীবন যেমন কাব্যকে প্রকাশ করে কাব্যও তেমনি কবির জীবনকে রচনা করিয়া চলে।

আমার হাতে আমারই রচিত অনেকগুলি পুরাতন চিঠি কিরিয়া আসিয়াছে— বর্তমান প্রবন্ধে মাঝে মাঝে আমার এই চিঠিগুলি হইতে কোনো কোনো অংশ উদ্ধৃত করিব। আজ এই চিঠিগুলি পড়িতে পড়িতে ১৮৯৪ সালে লিখিত এই ক'টি কথা হঠাৎ চোখে পড়িল।—

‘আমি আমার সৌন্দর্য-উজ্জ্বল আনন্দের মুহূর্তগুলিকে ভাষার দ্বারা বারম্বার স্থায়ীভাবে মূর্তিমান করাতেই ক্রমশই আমার অন্তর্জীবনের পথ সুগম হয়ে এসেছে। সেই মুহূর্তগুলি যদি ক্ষণিক সম্ভোগেই ব্যয় হয়ে যেত তাহলে তারা চিরকালই অস্পষ্ট সুদূর মরীচিকার মতো থাকত, ক্রমশ এমন দৃঢ়বিশ্বাসে এবং সুস্পষ্ট অনুভূতির মধ্যে সুপরিষ্কৃত হয়ে উঠত না। অনেকদিন জ্ঞাতসারে এবং অজ্ঞাতসারে ভাষার দ্বারা চিহ্নিত করে এসে জগতের অন্তর্জগৎ, জীবনের অন্তর্জীবন, স্নেহপ্রীতির দিব্যত্ব আমার কাছে আজ আকার ধারণ করে উঠছে— নিজের কথা আমার নিজেকে সহায়তা করেছে— অন্নের কথা থেকে আমি এ জিনিস কিছুতে পেতুম না।’


এইরকমে পদ্যের বীজকোষ এবং তাহার দলগুলির মতো একত্রে রচিত আমার জীবন ও কাব্যগুলিকে একসঙ্গে দেখাইতে পারিলে সে চিত্র ব্যর্থ হইবে না। কিন্তু তেমন করিয়া লেখা নিতান্ত সহজ নহে। তেমন সময় এবং স্বাস্থ্যের সুযোগ নাই, ক্ষমতাও আছে কিনা সন্দেহ করি।

এখন উপস্থিত-মতো আমার জীবন ও কাব্যকে জড়াইয়া একটা রেখাটানা ছবির আভাসপাত করিয়া যাইব। যে-সকল পাঠক ভালোবাসিয়া আমার লেখা পড়িয়া আসিয়াছেন তাঁহাদের কাছে এটুকুও নিতান্ত নিষ্ফল হইবে না। আমার লেখা যাহারা অল্পকূলভাবে গ্রহণ করেন না তাঁহারাও সম্মুখে বর্তমান আছেন কল্পনা করিলে তাঁহাদের সন্নিগ্ধ দৃষ্টির সম্মুখে সংকোচে কলম সরিতে চায় না— অতএব এই

আত্ম-প্রকাশের সময় তাঁহাদিগকে অন্তত মনে মনেও এই সত্যক্ষেত্রের অন্তরালে রাখিলাম বলিয়া তাঁহারা আমাকে ক্ষমা করিবেন।

আরম্ভেই একটা কথা বলা আবশ্যিক, চিরকালই তারিখ সম্বন্ধে আমি অত্যন্ত কাঁচা। জীবনের বড়ো বড়ো ঘটনারও সন-তারিখ আমি স্মরণ করিয়া বলিতে পারি না, আমার এই অসামান্য বিস্মরণশক্তি; নিকটের ঘটনা এবং দূরের ঘটনা, ছোটো ঘটনা এবং বড়ো ঘটনা, সর্বত্রই সমান অপক্ষপাত প্রকাশ করিয়া থাকে। অতএব আমার এই বর্তমান রচনাটিতে স্মরের ঠিকানা যদিবা থাকে তাঙ্গের ঠিকানা না থাকিতেও পারে।

প্রথমে আমার রাশিচক্র ও জন্মকালটি ঠিকুজি' হইতে নিম্নে উদ্ধৃত করিয়া দিলাম।—



১৭৮৩।০২৪।৫৩।১৭।৩০

কৃষ্ণ ত্রয়োদশী সোমবার


ইহা হইতে বুঝা যাইবে ১৭৮৩ সম্বতে অর্থাৎ ইংরেজি ১৮৬১ খৃষ্টাব্দে ২৫শে বৈশাখে কলিকাতায় আমাদের জোড়াসাঁকোর বাটিতে আমার জন্ম হয়। ইহার পর হইতে সন-তারিখ সম্বন্ধে আমার কাছে কেহ কিছু প্রত্যাশা করিবেন না। —প্রথম পাণ্ডুলিপি

১ প্রিয়পুষ্পাঞ্জলি গ্রন্থে 'ফলিত জ্যোতিষ' প্রবন্ধে (পৃ ২৩৭) প্রিয়নাথ সেন রবীন্দ্রনাথের পরপৃষ্ঠায় মুদ্রিত 'জন্মকুণ্ডলী' বিচার করিয়াছেন।—

এই লেখাটি জীবনী নহে। ইহা কেবল অতীতের স্মৃতিমাত্র। এই স্মৃতিতে অনেক বড়ো ঘটনা ছোটো এবং ছোটো ঘটনা বড়ো হইয়া উঠিয়াছে, সন্দেহ নাই। যেখানে ফাঁক ছিল না সেখানেও হয়তো ফাঁক পড়িয়াছে, যেখানে ফাঁক ছিল সেখানটাও হয়তো ভরা দেখাইতেছে। পৃথিবীর স্তর যেরূপ পর্ধায়ে সৃষ্ট হইয়াছিল আজ সর্বত্র সেরূপ পর্ধায়ে সর্বত্র রক্ষিত হয় নাই, অনেক স্থানে উলটপালট হইয়া গিয়াছে। আমার স্মৃতিতে জীবনের স্তরপর্ধায় আজ হয়তো সকল জায়গায় ঠিক পরে পরে প্রকাশ পাইতেছে না, কোথাও হয়তো আগেকার কথা পরে, পরের কথা আগে আসিয়া পড়িয়াছে। অতএব ইহাকে জীবনের পুরাবৃত্ত বলা চলে না—ইহা স্মৃতির ছবি। ইহার মধ্যে অত্যন্ত যথাযথ সংবাদ কেহ প্রত্যাশা করিবেন না—অতীত জীবন মনের মধ্যে যে-রূপ ধারণ করিয়া উঠিয়াছে এই লেখায় সেই মূর্তিটি দেখা যাইবে না।

নিজেকে নিজের বাইরে দেখিবার একটা বয়স আছে। সেই বয়সে পিছন ফিরিয়া দাঁড়াইলে নিজের জীবনক্ষেত্র নিজের কাছে অপরাঙ্কের আলোকে ছবির মতো দেখা দেয়। অগ্নাশ্রু নানা ছবির মতো সেই আপন জীবনের ছবিও সাহিত্যের পটে জঁাকা চলে। কয়েক বৎসর হইল তেমনি করিয়া অতীত জীবনের কথা কয়েক পাতা লিখিয়াছিলাম।

জীবনের সকল স্মৃতি স্তূপাকার করিয়া ধরিলে তাহার কোনো শ্রী থাকে না।



রবীন্দ্রভবনে রক্ষিত পারিবারিক ঠিকুজির খাতায় পাওয়া যায়—

কৃষ্ণপঞ্চ ত্রয়োদশী সোমবার রেবতী মীন শুক্রের দশা ভোগ্য ১৪।৩।১১।৩৯

সেইজন্য আমি একটা হস্ত বাহিয়া স্মৃতিগুলিকে সাজাইতেছিলাম। সেই হস্তটাই আমার জীবনের প্রধান হস্ত, অর্থাৎ তাহা আমার লেখক-জীবনের ধারা।

এই ধারাটিকে আমার স্মৃতির দ্বারা অনুসরণ করিয়াছিলাম— সন্ধান-সংগ্রহ-বিচারের দ্বারা নহে। এইজন্য, একটা গল্পমাত্রের যেটুকু গুরুত্ব ইহাতে তাহার বেশি গুরুত্ব নাই।

এই কারণেই সম্পাদক মহাশয় যখন এই লেখাটিকে বাহির করিবার জন্য ঔৎসুক্য প্রকাশ করিলেন তখন এই কথা মনে করিয়াই সংকোচ পরিহার করিলাম যে, আমারই জীবন বলিয়া ইহার গৌরব নহে, কোনো মানবজীবনের ছবি বলিয়া সাহিত্যে ইহা স্থান দাবি করিতে পারে— সে দাবি অসংগত হইলে ডিসমিস হইতে বিলম্ব হইবে না।

ইহার মধ্যে একটা আশ্বাসের কথা এই যে, যেটুকু লিখিয়াছি তাহা বেশি নহে, তাহা জীবনের আরম্ভ-অংশটুকু মাত্র।

—দ্বিতীয় পাণ্ডুলিপি

রবীন্দ্রনাথের ইংরেজি জন্ম-তারিখ লইয়া মতবিরোধ হওয়ায় কিশোরীমোহন সীতরা মহাশয় রবীন্দ্রনাথকে সে-সম্বন্ধে প্রশ্ন করেন। তাহার উত্তরে কালিম্পং হইতে রবীন্দ্রনাথ যে-পত্র লেখেন তাহা নিম্নে উদ্ধৃত হইল :

ব্রোসো, আগে তোমার সঙ্গে জন্ম-তারিখের হিসেব নিকেশ করা যাক। তুমি হলে হিসেবী মানুষ। যে-বছরের ২৫শে বৈশাখ আমার জন্ম সে-বছরে ইংরেজি পাঁজি মেলাতে গেলে চোখে ঠেকবে ৬ই মে। কিন্তু ইংরেজের অদ্ভুত রীতি-অনুসারে রাত দুপুরের পরে ওদের তারিখ বদল হয়, অতএব সেই গণনায় আমার জন্ম ৭ই।— তর্কের শেষ এখানেই নয়, গ্রহনক্ষত্রের চক্রান্তে বাংলা পাঁজির দিন ইংরেজি পাঁজির সঙ্গে তাল রেখে চলবে না—ওরা প্রাগ্রসর জাত, পঁচিশে বৈশাখকে ডিঙিয়ে যাচ্ছে— কয়েক বছর ধরে হল ৭ই, তারপরে দাঁড়িয়েছে ৮ই। তোমরা ওই তিনদিনই যদি আমাকে অর্ঘ্য নিবেদন কর, কিরিয়ে দেব না, কোনোটাই বে-আইনি হবে না। এ-কথাটা মনে রেখো। ইতি ২৬বৈশাখ, ১৩৪৫। —প্রবাসী, ১৩৪৬ জ্যৈষ্ঠ, পৃ ১২৬

জীবনস্মৃতির বিভিন্ন পরিচ্ছেদসংক্রান্ত উল্লেখযোগ্য নূতন তথ্য বা বর্ণনা গ্রন্থপরিচয়ে একে একে সন্নিবেশিত হইল। হুঁচীতে পরিচ্ছেদগুলির পৃষ্ঠা নির্দেশ করা হইয়াছে, তাই এখানে সর্বত্র পুনরুল্লেখ করা হইল না।

‘শিক্ষারস্ত’ অধ্যায়ের পূর্ববর্তী একটি উল্লেখযোগ্য ঘটনার বর্ণনা সৌদামিনী দেবীর ‘পিতৃস্মৃতি’ প্রবন্ধ হইতে নিম্নে উদ্ধৃত হইল :

রবির জন্মের পর হইতে আমাদের পরিবারে জাতকর্ম হইতে আরম্ভ করিয়া সকল অনুষ্ঠান অপৌত্তলিক প্রণালিতে সম্পন্ন হইয়াছে। পূর্বে যে-সকল ভট্টাচার্যেরা পোরোহিত্য প্রভৃতি কার্যে নিযুক্ত ছিল রবির জাতকর্ম উপলক্ষে তাহাদের সহিত পিতার অনেক তর্কবিতর্ক হইয়াছিল, আমার অল্প অল্প মনে পড়ে। রবির অনুরোধের যে পিঁড়ার উপরে আলপনার সঙ্গে তাহার নাম লেখা হইয়াছিল, সেই পিঁড়ির চারিধারে পিতার আদেশে ছোটো ছোটো গর্ত করানো হয়। সেই গর্তের মধ্যে সারি সারি মোমবাতি বসাইয়া তিনি আমাদের তাহা জ্বালিয়া দিতে বলিলেন। নামকরণের দিন তাহার নামের চারিদিকে বাতি জ্বলিতে লাগিল— রবির নামের উপরে সেই মহাশয়র আশীর্বাদ এইরূপেই ব্যক্ত হইয়াছিল।

—প্রবাসী, ১৩১৮ ফাল্গুন, পৃ ৪৭২

শিক্ষারস্ত

গুরুমহাশয়ের নিকট পড়া আরম্ভ করার বর্ণনা প্রসঙ্গে ‘ছেলেবেলা’ গ্রন্থ হইতে কিয়দংশ নিম্নে মুদ্রিত হইল :

‘পাড়াগাঁয়ের আরো একটা ছাপ ছিল চণ্ডীমণ্ডপে। ওইখানে গুরুমহাশয়ের পাঠশালা বসত। কেবল বাড়ির নয় পাড়াপ্রতিবেশীর ছেলেদেরও ঐখানেই বিত্তের প্রথম আঁচড় পড়ত তালপাতায়। আমিও নিশ্চয় ওইখানেই স্বরে অ স্বরে আ-র উপর দাগা বুলোতে আরম্ভ করেছিলুম, কিন্তু সৌরলোকের সবচেয়ে দূরের গ্রহের মতো সেই শিশুকে মনে-আনাওয়াল। কোনো দূরবীন দিয়েও তাকে দেখবার জো নেই।

তার পরে বই পড়ার কথা প্রথম যা মনে পড়ে সে যণ্ডমার্ক মুনির পাঠশালার বিষম ব্যাপার নিয়ে, আর হিরণ্যকশিপুর পেট চিরছে নৃসিংহ অবতার, বোধকরি সীসের ফলকে খোদাই করা তার একখানা ছবিও দেখেছি সেই বইয়ে। আর মনে পড়ছে কিছু কিছু চাণক্যের শ্লোক।’

—ছেলেবেলা, অধ্যায় ৮

ঘর ও বাহির

‘ঘর ও বাহির’ পরিচ্ছেদের অন্তর্বৃত্তিরূপ একটি বাল্যস্মৃতি ‘পথে ও পথের প্রান্তে’ গ্রন্থ হইতে উদ্ধৃত হইল। পত্রটি জাপানের পথে জাহাজ হইতে শ্রীমতী রানী মহলানবিশকে লিখিত :

সেদিন হঠাৎ একসময়ে জানিনে কেন ছেলেবেলাকার একটা ছবি খুব স্পষ্ট করে

১ তু ‘শিশুবোধক। আং। বালক বালিকাদিগের শিক্ষার। ...সংগৃহীত’ ও বিভিন্ন সময়ে বিভিন্ন ব্যক্তি কর্তৃক কলিকাতা, আহিরোটোলা হইতে প্রকাশিত।

আমার মনে জেগে উঠল। শীতকালের সকাল, বোধহয় সাড়ে-পাঁচটা। অল্প অল্প অন্ধকার আছে। চির-অভ্যাস-মতো ভোরে উঠে বাইরে এসেছি। গায়ে খুব অল্প কাপড়, কেবল একখানা সূতোর জামা এবং ইজের। এইরকম খুব গরিবের মতোই আমাদের বাল্যকাল কেটেছে। ভিতরে ভিতরে শীত করছিল— তাই একটা কোণের ঘর, যাকে আমরা তোবাখানা বলতুম, যেখানে চাকররা থাকত, সেইখানে গেলুম। আধা-অন্ধকারে জ্যোতিদার চাকর চিন্তে লোহার আঙুটায় কাঠের কয়লা জালিয়ে তার উপরে কাঁঝারি রেখে জৈদা'র জন্তে রুটি তোস্ করছে। সেই রুটির উপর মাখন গলার লোভনীয় গন্ধে ঘর ভরা। তার সঙ্গে ছিল চিন্তের গুণ্গুন্ রবে মধু কানের গান, আর সেই কাঠের আগুন থেকে বড়ো আরামের অল্প-একটুখানি তাত। আমার বয়স বোধহয় তখন নয় হবে। ছিলুম শ্রোতের শাওলার মতো— সংসার-প্রবাহের উপরতলে হালকাভাবে ভেসে বেড়াইতুম— কোথাও শিকড় পৌঁছয়নি— যেন কারো ছিলুম না, সকাল থেকে রাত্রি পর্যন্ত চাকরদের হাতেই থাকতে হত; কারো কাছে কিছুমাত্র আদর পাবার আশা ছিল না। জৈদা তখন বিবাহিত, তাঁর জন্তে ভাববার লোক ছিল, তাঁর জন্তে ভোরবেলা থেকেই রুটি-তোস্ আরম্ভ। আমি ছিলুম সংসার-পদ্মার বালুচরের দিকে, অনাদরের কুলে— সেখানে ফুল ছিল না, ফল ছিল না, ফসল ছিল না— কেবল একলা বসে ভাববার মতো আকাশ ছিল। আর, জৈদা পদ্মার যে-কুলে ছিলেন সেই কুল ছিল শামল— সেখানকার দূর থেকে কিছু গন্ধ আসত, কিছু গান আসত, সচল জীবনের ছবি একটু-আধটু চোখে পড়ত। বুঝতে পারতুম, ওইখানেই জীবনযাত্রা সত্য। কিন্তু পার হয়ে যাবার খেয়া ছিল না— তার শূন্যতার মাঝখানে বসে কেবলই চেয়ে থাকতুম আকাশের দিকে। ছেলেবেলার বাস্তব জগৎ থেকে দূরে ছিলুম বলেই তখন থেকে চিরদিন 'আমি সূদূরের পিয়াসী'। অকারণে ওই ছবিটা অত্যন্ত পরিষ্কৃত হয়ে মনে জেগে উঠল।

— পথে ও পথের প্রান্তে, ৩২ নং পত্র; ১৯২৯, ১৪ মার্চ

প্রায় পঁয়ত্রিশ বৎসর পূর্বে শিলাইদহ হইতে লিখিত ছিন্নপত্রের একটি চিঠিতেও এই স্মৃতিচিত্রটি পাওয়া যায় :

দিনযাপনের আজ আর-একরকম উপায় পরীক্ষা করে দেখা গেছে। আজ বসে বসে ছেলেবেলাকার স্মৃতি এবং তখনকার মনের ভাব খুব স্পষ্ট করে মনে আনবার চেষ্টা করছিলুম। যখন পেনিটির বাগানে ছিলুম, তখন পৈতের নেড়া মাথা নিয়ে প্রথমবার বোলপুরের বাগানে গিয়েছিলুম, যখন পশ্চিমের বারান্দার সবশেষের ঘরে আমাদের ইস্কুলঘর ছিল এবং আমি একটা নীলকাগজের ছেঁড়া খাতায়

বাঁকা লাইন কেটে বড়ো বড়ো কাঁচা অক্ষরে প্রকৃতির বর্ণনা লিখতুম, যখন তোবাখানার ঘরে শীতকালের সকালে চিন্তা বলে একটা চাকর গুন্ গুন্ স্বরে মধু কানের সুরে গান করতে করতে মাখন দিয়ে রুটি তোস করত— তখন আমাদের গায়ে গরম কাপড় ছিল না, একখানা কামিজ পরে সেই আগুনের কাছে বসে শীত নিবারণ করতুম এবং সেই সশব্দ-বিগলিত-নবনী-সুগন্ধি কটখণ্ডের উপরে লুন্ধুরাশ দৃষ্টি নিষ্ফেপ করে চূপ করে বসে চিন্তার গান গুনতুম— সেই সমস্ত দিনগুলিকে ঠিক বর্তমানের করে দেখেছিলুম এবং সেই-সমস্ত দিনগুলির সঙ্গে এই রৌদ্রালোকিত পদ্মা এবং পদ্মার চর ভারি একরকম সুন্দরভাবে মিশ্রিত হচ্ছিল— ঠিক যেন আমার সেই ছেলেবেলাকার খোলা জানলার ধারে বসে এই পদ্মার একটি দৃশ্যও দেখছি বলে মনে হচ্ছিল।

—ছিন্নপত্র, ১৮৯৪, ২৭ জুন

এই পরিচ্ছেদটির প্রমুখে প্রভাত সংগীতের 'গুনমিলন', কড়ি ও কোমলের 'পুরানো বট' এবং আকাশ প্রদীপের 'স্কুল-পালানে', 'ধনি', 'জল', এই কয়টি কবিতা বিশেষ ভাবে প্রণিধানযোগ্য।

নর্মাল স্কুল

আলোচ্য পরিচ্ছেদে উল্লিখিত যে শিক্ষকের কোনো প্রশ্নের উত্তর রবীন্দ্রনাথ করিতেন না সেই হয়নাথ পণ্ডিতের সহিত 'গিনি' গল্পের শিবনাথ পণ্ডিতের সাদৃশ্য পাণ্ডুলিপির নিয়োক্ত পংক্তি কয়টিতে সুস্পষ্টভাবে রহিয়াছে :

...এই পণ্ডিত ক্লাসের ছেলেদের অদ্ভুত নামকরণ করিয়া কিরূপ লঙ্ঘিত করিতেন সাধনায়^১ গিনি^২ নামক যে-গল্প বাহির হইয়াছিল তাহাতে সে বিবরণ লিপিবদ্ধ হইয়াছে। আর-একটি ছেলেকে তিনি ভেট্‌কি বলিয়া ডাকিতেন, সে বেচারার গ্রীবার অংশটা কিছু প্রশস্ত ছিল।^৩

—দ্বিতীয় পাণ্ডুলিপি

বানা বিজ্ঞান আয়োজন

দ্বিতীয় অনুচ্ছেদে উল্লিখিত বিজ্ঞানশিক্ষক 'সীতানাথ দত্ত' স্থলে সম্ভবত সীতানাথ ঘোষ হইবে। সীতানাথ নামে সমসাময়িক অত্র কোনো বৈজ্ঞানিকের

১ বস্তুত হিতবানীতে

২ ঐ গল্পগুচ্ছ ১

৩ তু 'সখা ও মাখা' পত্রিকা, ১৩০২ শ্রাবণ, পৃ ৭৬-৭৭

জোড়াসাঁকোর বাড়িতে তখন যাতায়াত ছিল না। দেবেন্দ্রনাথ ও তাঁহার পরিবারবর্গের সহিত বৈজ্ঞানিক সীতানাথ ঘোষ (১২৪৮-২০) মহাশয়ের ঘনিষ্ঠতার কথা জ্যোতিরিন্দ্রনাথের 'পিতৃদেব সন্মুখে আমার জীবনস্মৃতি' প্রবন্ধে (প্রবাসী, ১৩১৮ মাঘ, পৃ ৩৮৮) এবং ষোণীন্দ্রনাথ সমাদ্দার মহাশয়ের 'বৈজ্ঞানিক সীতানাথ' নামক আলোচনায় (প্রবাসী, ১৩১২ জ্যৈষ্ঠ, পৃ ২১৩-১৫) পাওয়া যাইবে। অন্তান্ত তথ্যের মধ্যে শেষোক্ত প্রবন্ধে জানা যায় যে, "দেবেন্দ্রনাথ তাঁহাকে ১৮৭ সনে [শক ১৭২৪] তত্ত্ববোধিনী পত্রিকার সম্পাদকত্ব প্রদান করেন।"

মাস্টারমহাশয় অবোরবাবুর একদা বর্ষাসন্ধ্যায় 'কালো ছাতাটি' মাথায় অব্যর্থ 'অভ্যদয়ে'র যে বর্ণনা আছে (পৃ ২৭) তাহার অনুবৃত্তি স্বরূপ গল্পগুচ্ছের 'অসম্ভব কথা' হইতে নিম্নাংশ উদ্ধৃত করা যাইতে পারে :

ছাতাটি দেখিবামাত্র ছুটিয়া অন্তঃপুরে প্রবেশ করিলাম। মা তখন দিদিমার সহিত মুখামুখি বসিয়া প্রদীপালোকে বিন্তি খেলিতেছিলেন। রূপ করিয়া একপাশে গুইয়া পড়িলাম। মা জিজ্ঞাসা করিলেন, "কী হইয়াছে।" আমি মুখ হাঁড়ির মতো করিয়া কহিলাম,

"আমার অসুখ করিয়াছে, আজ আর আমি মাস্টারের কাছে পড়িতে যাইব না।"

মা চাকরকে বলিয়া দিলেন, "আজ তবে থাক্, মাস্টারকে যেতে বলে দে।"

কিন্তু তিনি যেরূপ নিরুদ্বিগ্নভাবে বিন্তি খেলিতে লাগিলেন, তাহাতে বেশ বোঝা গেল যে মা তাঁহার পুত্রের অসুখের উৎকট লক্ষণগুলি মিলাইয়া দেখিয়া মনে মনে হাসিলেন। আমিও মনের সূখে বালিশের মধ্যে মুখ গুঁজিয়া খুব হাসিলাম—আমাদের উভয়ের মন উভয়ের কাছে আগোচর রহিল না।

কিন্তু সকলেই জানেন এ প্রকারের অসুখ অধিকক্ষণ স্থায়ী করিয়া রাখা রোগীর পক্ষে বড়ই দুষ্কর। মিনিট খানেক না যাইতে যাইতে দিদিমাকে ধরিয়া পড়িলাম— "দিদিমা, একটা গল্প বলো।" ছুই চারিবার কোনো উত্তর পাওয়া গেল না। মা বলিলেন, "রোম্ বাছা, খেলাটি আগে শেষ করি।"

আমি কহিলাম, "না মা, খেলা তুমি কাগ শেষ কোরো, আজ দিদিমাকে গল্প বলতে বলো না।"

মা কাগজ ফেলিয়া দিয়া কহিলেন, "যাও খুড়ি, উহার সন্ধে এখন কে পারিবে।" মনে মনে হয়তো ভাবিলেন আমার তো কাল মাস্টার আসিবে না, আমি কালও খেলিতে পারিব।

আমি দিদিমার হাত ধরিয়া টানিয়া লইয়া একেবারে মশারির মধ্যে বিছানার মধ্যে গিয়া উঠিলাম। প্রথমে খানিকটা পাশবাশিশ জড়াইয়া, পা ছুঁড়িয়া, নড়িয়া চড়িয়া মনের আনন্দ সংবরণ করিতে গেল— তারপরে বলিলাম, “গল্প বলো।”

তখনো রূপ রূপ করিয়া বাহিরে বৃষ্টি পড়িতেছিল— দিদিমা মৃদুস্বরে আরম্ভ করিলেন— “এক যে ছিল রাজা।” —গল্পগুচ্ছ, ‘অসম্ভব কথা’

এই বর্ণনা যে নিছক কাহিনী নহে, বহুলাংশে ‘স্মৃতির পটে জীবনের ছবি’ তাহা পাণ্ডুলিপির নিয়োদ্ধৃত পংক্তি কয়টির সহায়তায় অনুমান করা যায় :

সন্ধ্যার পরে বাড়ির মধ্যে আসিয়া দেখিতাম মা প্রদীপের আলোকে বসিয়া তাঁহার খুড়ির সঙ্গে বিস্তি খেলিতেছেন, তাঁহার বিছানার উপরে কাঁপ দিয়া পড়িয়া প্রথমে একচোট চাকল্য প্রকাশ করিয়া লইতাম। বাহিরে সেজদাদা [হেমেন্দ্রনাথ] বিষ্ণুর কাছে গান শিখিতেন, তাহারি দুই-একটা পদ আমি যাহা শুনিয়া শিখিতাম তাহাও কোনো কোনো দিন গলা ছাড়িয়া দিয়া মাকে আসিয়া শুনাইতাম। তাহার পর আহারান্তে তিন বালকে বিছানার মধ্যে প্রবেশ করিলে আমাদের অতি মেকলে কোনো একটি দাসী— শঙ্করী হউক, প্যারি হউক, তিনকড়ি হউক, কেহ একজন আসিয়া আমাদেরকে রূপকথা শুনাইত। ভাগ্যে, তখন সাহিত্যবিচার-শক্তিটা এখনকার মতো খরধার ছিল না— সুরোরানী দুয়োরানী রাজকণ্ঠা রাজপুত্রের কথা যতবার ঘেমন করিয়াই পুনরুক্ত হইত, অন্তঃকরণটা নববর্ষার চাতকপাখির মতো উর্ধ্বমুখে হাঁ করিয়া শুনিত। —পাণ্ডুলিপি

কাব্যরচনাচর্চা

কাব্যরচনাচর্চা পরিচ্ছেদে অনুল্লিখিত একটি নূতন কবিতার উল্লেখ রবীন্দ্রনাথ ‘ছেলেবেলা’ গ্রন্থে করিয়াছেন। তথ্য পূর্ণতর করিবার উদ্দেশ্যে এখানে সেই অংশ উদ্ধৃত হইল :

মনে পড়ে পয়্যারে ত্রিপদীতে মিলিয়ে একবার একটা কবিতা বানিয়েছিলুম, তাতে এই দুঃখ জানিয়েছিলুম যে, সঁাতার দিয়ে পদ্ম তুলতে গিয়ে নিজের হাতের টেউয়ে পদ্মটা সরে যায়— তাকে ধরা যায় না। অক্ষয়বাবু তাঁর আত্মীয়দের বাড়িতে নিয়ে গিয়ে এই কবিতা শুনিয়ে বেড়ালেন, আত্মীয়রা বললেন, ছেলোটর লেখবার হাত আছে। —ছেলেবেলা, অধ্যায় ১১

শ্রীকণ্ঠবাবু

বুদ্ধ শ্রীকণ্ঠ সিংহের গীতশিক্ষা-রূপে রবীন্দ্রনাথের যে-বালাচিত্র, 'বড়দাদা' দ্বিজেন্দ্রনাথ শেষ বয়স পর্যন্ত তাহা স্মরণ করিতে অত্যন্ত আনন্দবোধ করিতেন। ৩৮ পৃষ্ঠার উক্ত বর্ণনা প্রসঙ্গে ১৯২০ সালে ১৬ জুলাই তারিখে শাস্তিনিকেতন হইতে রবীন্দ্রনাথকে লিখিত তাঁহার একটি পত্রের আরম্ভের কয়েকটি পংক্তি উদ্ধারযোগ্য :

রবি, Graphic-এ ভারতবর্ষের রাজ্যে তোমার শুভ অভিষেকের অপূর্ণ কাহিনী পাঠ করিয়া আমি যে কৌরুপ অহলাদিত হইয়াছি তাহা বলিতে পারি না। সেইদিন সেই তোমাকে বণন স্মাদি শ্রীকণ্ঠবাবুর ক্রোড়ে "ছোড় ব্রজকী বাঁশরা" কপটাহঁতে দেখিয়াছিলাম, তখন এরূপ পরমাত্মত অভাবনীয় ব্যাপার আমি যে আমার মর্ত্যজীবনে দেখিব তাহা স্বপ্নেও মনে করি নাই।

শ্রীকণ্ঠ সিংহ মহাশয়ের পরলোকগমন প্রসঙ্গে চুঁচুড়া হইতে ২০ আশ্বিন ৫৫ ব্রহ্মাব্দ [১৯২১] তারিখে মহর্ষি দেবেন্দ্রনাথ রবীন্দ্রনাথকে লিখিয়াছিলেন :

...আমার হৃদয়ে বড় ব.পা লাগিয়াছে— শ্রীকণ্ঠবাবু আর এ লোকে নাই— তাঁহার মৃত্যু হইয়াছে। তাঁহার বিধবা কস্তার পত্রে এই সংবাদ কল্য অবগত হইলাম। তাঁহার কথা আমাকে লিগিয়াছেন যে "কি মধুর তব করুণা" গাঠিতে গাইতে একেবারে চক্ষু মুদ্রিত করিয়া দিলেন। "হো ত্রিভুবননাথ" তাঁহার এই গানটি আমার হৃদয়ে মুদ্রিত রহিল এবং এই গানটি তাঁহার সম্বল হইয়া তাঁহার সঙ্গে চলিয়া গেল।

বালক রবীন্দ্রনাথ ও তাঁহার অল্প দুইটি সঙ্গীকে লইয়া 'ইংরেজ ছবিওয়ালার দোকানে' শ্রীকণ্ঠবাবু কোঁতুকপ্রদ উপায়ে 'সস্তায়' যে-ছবি তুলিয়াছিলেন উহাই রবীন্দ্রনাথের সর্বপ্রথম চিত্র। অধুনা দুস্ত্রাপ্য উক্ত আলোকচিত্রটির প্রতিলিপি রবীন্দ্র-রচনাবঙ্গীর সম্পদশ খণ্ডে ২০৪ পৃষ্ঠায় মুদ্রিত হইয়াছে।

পিতৃদেব

'পিতৃদেব' পরিচ্ছেদে ৪৫ পৃষ্ঠায় যে মহানন্দ মনশির উল্লেখ রহিয়াছে রবীন্দ্রনাথ কোনো সময় এক মৌখিক ছড়ায় তাহার বর্ণনা করিয়াছিলেন। 'ঘরোয়া' গ্রন্থের আরম্ভে অবনীন্দ্রনাথ সেই ছড়ার যে-কয়টি পংক্তি স্মরণ করিয়াছেন তাহা নিয়ে উদ্ধৃত হইল :

মহামন্দ নামে

এ কাছারিধামে

আছেন এক কর্মচারী,

ধরিয়া লেখনী

লেখেন পত্রখানি

সদা ঘাড় হেঁট করি।

হস্তেতে ব্যজনী গুপ্ত. মশা মাছি ব্যতিব্যস্ত—

তাকিয়াতে দিয়ে ঠেস...

এই পরিচ্ছেদে উল্লিখিত উপনয়ন অমুষ্ঠানের বিস্তৃত বিবরণ ও প্রধান আচার্য মহর্ষি দেবেন্দ্রনাথের উপদেশ ১৭২৪ শকের চৈত্রের তত্ত্ববোধিনী পত্রিকায় 'ব্রাহ্মধর্মের অমুষ্ঠান। উপনয়ন। সমাবর্তন।' এই নামে (পৃ ২০৩-০৬) মুদ্রিত হইয়াছিল। তাহা উদ্ধৃত হইল। ইহাতে 'তিন বচু'র মধ্যে কেবল অগ্রজ সোমেন্দ্রনাথের নাম উল্লিখিত হইয়াছে।

ব্রাহ্মধর্মের অমুষ্ঠান

উপনয়ন

গত ২৫ মার্চ বৃহস্পতিবার শ্রীযুক্ত সোমেন্দ্রনাথ ঠাকুর প্রভৃতির উপনয়ন অপৌত্তলিক ভাবে সম্পন্ন হইয়াছে, উহা যে রূপে সম্পন্ন হইয়াছে তাহা অবিকল উদ্ধৃত হইতেছে।

প্রথমত মানবক শ্রীমান্ সোমেন্দ্রনাথ ঠাকুর কৌম বস্ত্র পরিধান করিয়া এবং কুণ্ডল দ্বারা অলঙ্কৃত হইয়া বেদীয় সম্মুখে উপবেশন করিলেন। পরে সাধারণ ব্রহ্মোপাসনা সমাপ্ত হইলে আচার্য শ্রীযুক্ত আনন্দচন্দ্র বেন্দ্রবাসীশ উপস্থিত ব্রাহ্মদিগকে সম্বোধন করিয়া বলিলেন,—ওঁ আগম্মা সমগম্মাহি প্র সু মর্ত্যাং যুক্তোতন, অরিষ্টাঃ সঞ্চরেমহি ষস্তিসঞ্চরতাদহঃ। হে ব্রাহ্মণেরা! তোমরা এই শোভমান মানবককে আমারদিগের সহিত সংযুক্ত কর, আমরাও এই আগমনশীল মানবকের সহিত সঙ্গত হই এবং নির্দিষ্ট ইহার সহিত সঞ্চরণ করি, ইনিও কল্যাণের সহিত বিচরণ করুন। পরে মানবক এই মন্ত্র দ্বারা প্রার্থনা করিলেন,—ওঁ ব্রতানাম্ ব্রতপতে ব্রতঞ্চরিত্বামি তন্তে প্রব্রবীমি তচ্ছকেকয়ং তেনর্ক্যা সমিদমহমনুভাং সত্যানুপৈমি। হে ব্রতপতি! আমি যে ব্রত অনুষ্ঠান করিব, তাহা তোমাকে বলি, আমি যেন তাহাতে সফল হই, এবং সেই ব্রতরূপ সমৃদ্ধি দ্বারা অন্ত হইতে সত্য প্রাপ্ত হই। পরে মানবক আচার্যকে কহিলেন, ওঁ ব্রহ্মচর্যমাগামু-পমানয়। আমি ব্রহ্মচর্য ধারণ করিয়াছি, আমাকে উপনীত কর। অনন্তর আচার্য তাহার নাম জিজ্ঞাসা করিলেন,—ওঁ কোনামাসি। তোমার নাম কি? মানবক কহিলেন,—ওঁ শ্রীসোমেন্দ্রনাথ দেবশর্মা নানাম্মি। আমার নাম শ্রীসোমেন্দ্রনাথ দেবশর্মা। আচার্য কহিলেন,—ওঁ দেবায় ত্বা সবিভ্রে পরিদদামি শ্রীসোমেন্দ্রনাথ দেবশর্মন্। হে শ্রীসোমেন্দ্রনাথ দেবশর্মন্! জগৎপ্রসবিতা পরম দেবতাকে তোমায় সমর্পণ করিতেছি। পরে আচার্য কহিলেন,—ওঁ ব্রহ্মচারি শ্রীসোমেন্দ্রনাথ দেবশর্মন্। হে শ্রীসোমেন্দ্রনাথ দেবশর্মা ব্রহ্মচারি। ওঁ আচার্যধানো বেদমধীস্ব, মা দিবা স্বাপ্তীঃ। আচার্যের অধানে থাকিয়া বেদ অধ্যয়ন করিবে, দিবাতে নিদ্রিত হইবে না। মানবক কহিলেন,—ওঁ বাঢ়ং। পরে আচার্য ও মানবক উভয়ে দণ্ডায়মান হইলেন এবং আচার্য মানবককে ত্রিভূত মুগ্ধমেশলা কটিদেশে বন্ধন করিয়া দিলেন ও এই মন্ত্র অধ্যয়ন করাইলেন,—ওঁ ইয়ং দুরূক্তাং পরিবোধমানা বর্ণং পবিত্রং পুতনো ন আগাৎ। এই মেশলা আমারদের অযুক্ত বাক্য সকল নিবারণ করিয়া এবং পবিত্র বর্ণকে বিস্কৃত করিয়া আগমন করুন। অনন্তর আচার্য মানবকের হস্তে যজ্ঞোপবীত দিয়া পাঠ করাইলেন, ওঁ যজ্ঞোপবীতমসি যজ্ঞশ্চ হোপবীতেনোপনেহামি। তুমি যজ্ঞোপবীত, যজ্ঞের উপবীত রূপ তোমা দ্বারা উপনীত হই। মানবক ইহা পাঠ করিয়া যজ্ঞোপবীত পরিধান করিলেন। অনন্তর উভয়ে উপবেশন করিলেন এবং আচার্য ব্রহ্মচারিকে কহিলেন, ওঁ অধীহি ভোঃ নাবিত্রীং, সে ভবান্ অনুব্রবীতু। হে ব্রহ্মচারি! আমার নিকট সাবিত্রী অধ্যয়ন কর এবং তুমি আমার

পরে পরে বল। পরে ব্রহ্মচারি অবহিত হইলে আচার্য প্রথন অধ্যয়ন করাইলেন, ওঁ তৎসবিভূর্বরেণ্যং । পরে ওঁ ভর্গোদেবস্ত ধীমহি । তৎপরে ওঁ ধিয়োনোঃ প্রচোদয়াৎ । পরে ওঁ তৎসবিভূর্বরেণ্যং, ভর্গোদেবস্ত ধীমহি । তৎপরে ওঁ ধিয়োনোঃ প্রচোদয়াৎ । তৎপরে ওঁ তৎসবিভূর্বরেণ্যং, ভর্গোদেবস্ত ধীমহি । ধিয়োনোঃ প্রচোদয়াৎ । সেই জগৎপ্রসবিএ পরম দেবতার বরদীয় জ্ঞান ও শক্তি ধ্যান করি, যিনি আমারদিগের বুদ্ধিবৃত্তিসকল প্রেরণ করিতেছেন । পরে আচার্য ব্রহ্মচারিকে ওঁকার পূর্বক ব্যাহতিত্রয় পৃথক পৃথক করিয়া অধ্যয়ন করাইলেন । প্রথম ওঁ ভূঃ, পরে ওঁ ভুবঃ, তৎপরে ওঁ স্বঃ । অনন্তর উভয়ে মণ্ডায়মান হইলেন এবং আচার্য ব্রহ্মচারিকে তৎপরিমাণ বিষদণ্ড দিয়া তাঁহাকে পাঠ করাইলেন, ওঁ হৃশ্বব হৃশ্ববসং মা কুঙ্গ । হে শোভনকীৰ্তি ! তুমি আমাকে কীৰ্তিতে বিখ্যাত কর । পরে গৃহীতমণ্ড ব্রহ্মচারী ভিক্ষা প্রার্থনা করিলেন, প্রথম মাতার নিকট ওঁ ভবতি ! ভিক্ষাং দেহি । ভিক্ষাপ্রাপ্ত হইলে বলিলেন, ওঁ স্বস্তি । পরে মাতৃবন্ধু স্রীগণের নিকট, তৎপরে পিতার নিকট, তাহার পর অত্থের নিকট ভিক্ষা করিলেন । পুরুষের নিকট ভিক্ষার এই মাত্র প্রভেদ যে, ওঁ ভবন্ । ভিক্ষাং দেহি । এইরূপ ভিক্ষা করিয়া সমুদায় লোক দ্রব্য আচার্যকে দান করিলেন । পরে ব্রহ্মচারী সন্ধ্যা পর্বন্ত বাগ্‌যত হইয়া অবস্থান করিলেন এবং সন্ধ্যাকালে গায়ত্রী জপ করিয়া পরে হবিষ্কান্ন ভোজন করিলেন ।

সমাবর্তন

উপনয়নের পর বেদাধ্যয়ন করিয়া তৃতীয় দিবসে ব্রহ্মচারী শ্রীমান্ সোমেন্দ্রনাথ ঠাকুরকে আচার্য শ্রীযুক্ত আনন্দচন্দ্র বেদান্তবাগীশ সমাবর্তিত করিলেন ।

প্রথমত ব্রহ্মচারী শ্রীমান্ সোমেন্দ্রনাথ ঠাকুর বেদীর সম্মুখে উপবেশন করিলেন । পরে সাধারণ ব্রহ্মোপাসনা সমাপ্ত হইলে আচার্য শ্রীযুক্ত আনন্দচন্দ্র বেদান্তবাগীশ তাঁহাকে পাঠ করাইলেন,—ওঁ ব্রতানাং ব্রতপতে ব্রতমর্চাং তন্তে প্রব্রবীমি তদশকং তেনর্ক্যা সমিদনহমনৃত্যং সত্যমুপাগাং । হে ব্রতপতি । আমি যে ব্রত অনুষ্ঠান করিয়াছি, তাহা তোমাকে বলি, আমি তাহাতে সমর্প হইয়াছি এবং সেই ব্রতরূপ সমৃদ্ধি দ্বারা অনৃত হইতে সত্যপ্রাপ্ত হইয়াছি । পরে আচার্য-প্রেরিত ব্রহ্মচারী ত্রীহি যব মাস মৃগাদি গুণি দ্রব্যযুক্ত ও চন্দ্রনাড়ি গন্ধবাসিত শীতোষ্ণ মিশ্রিত জল দ্বারা দ্বীয় অঞ্জলি পূরণ করিয়া এই মন্ত্র দ্বারা তাহা ভূমিতে পরিভাগ করিলেন,—ওঁ যদপাং ঘোরং যদপাং ক্রুরং যদপামশান্তমভি তৎ হজ্জামি । জল সফলীয় বাহা ভগাবহ, বাহা ক্রুর ও বাহা অশাস্ত্যকর, তাহা পরিভাগ করি । পুনঃ পূর্বোক্ত রূপ জল দ্বারা অঞ্জলি পূর্ণ করিয়া এই মন্ত্রদ্বারা আপনাকে অভিব্যেক করিলেন,—ওঁ যশসে তেজসে ব্রহ্মবর্চসাম বলায়েন্দ্রিয়ায় বীর্ঘায়া-নাজায় রাগস্পোষায় ত্রিষ্টায়াপচিৎযা । যশ, তেজ, ব্রহ্মবর্চ, বল, ইন্দ্রিয়, বীর্ঘ, অন্নাজ, ধন, ধাতু, দোস্তি ও সম্মান প্রাপ্তির নিমিত্ত আমি আপনাকে অভিব্যেক করি । আর দুইবার অমন্ত্রক অভিব্যেক করিলেন । পরে ব্রহ্মচারী মণ্ডায়মান হইয়া নিম্নদিক দিয়া মেখলা মোচন করিয়া পাঠ করিলেন,—ওঁ উভূতমং বরণ পাশম-শ্রদবধমং বিমধ্যমং শ্রথার । হে ঈশ্বর ! আমার কঠাবস্থিত পাশ অবতরণ কর ও পাদাবস্থিত পাশ অবতরণ কর এবং কটদেশাবস্থিত পাশ শিথিল কর । অনন্তর ব্রহ্মচারী পুরাতন যজ্ঞোপবীত পরিভাগ করিয়া নূতন যজ্ঞোপবীত পরিধান করিয়া পাঠ করিলেন, ওঁ যজ্ঞোপবীতমসি যজ্ঞশ্চ য়োপবীতেনোপনোহামি । তুমি যজ্ঞোপবীত যজ্ঞের উপবীত যে তুমি, তোমা দ্বারা উপনীত হই । পরে পুষ্পমালা পরিধান করিয়া পাঠ করিলেন,—ওঁ শ্রীরসি ময়ি রমশ্চ । তুমি শ্রী, তুমি আমাকে শোভিত কর । পরে আচার্য কহিলেন,—ওঁ অধাতং বেদমধীহি । অধাতং বেদ অধ্যয়ন কর । ব্রহ্মচারী পঠিত বেদ পাঠ করিলেন ।

পরে ব্রহ্মচারী উপবেশন করিলেন এবং আচার্য ব্রহ্মচারির প্রতি উপদেশ দিলেন,— ওঁ সত্যং বদ, সমূলো বা এষ পরিশুদ্ধতি যোগ্নতমভিবদতি। সত্য কথা কহ, যে ব্যক্তি মিথ্যা কহে, সে সমূলে শুষ্ক হয়। ওঁ ধর্ম চর, ধর্মাৎ পরং নাস্তি, ধর্মঃ সর্বেষাং জুতানাম্ মধু। ধর্মাচরণ কর, ধর্মের পর আর নাই, ধর্ম সকলেরই পক্ষে মধুরূপ। ওঁ অশ্রদ্ধয়া মেয়ং, অশ্রদ্ধয়া অদেয়ং। অশ্রদ্ধার সহিত দান করিবে, অশ্রদ্ধার সহিত দান করিবে না। ওঁ মাতৃদেবোভব, পিতৃদেবোভব, আচার্যদেবোভব। মাতাকে দেবতুল্য, পিতাকে দেবতুল্য, আচার্যকে দেবতুল্য জান। ওঁ যাশ্চনবগানি কর্ম্মণি তানি সেবিতব্যানি নো ইতরাণি। কন্যাণকর যে সকল কর্ম, তাহার অনুষ্ঠান করিবে, অকন্যাণকর কর্মের অনুষ্ঠান করিবে না। ওঁ যাশ্চশ্মাকং স্মৃতিরিতানি তানি ঙ্গোপাস্তানি, নো ইতরাণি। আমরা যে সকল সদাচার করিয়া থাকি, তুমি তৎসমুদয়ের অনুষ্ঠান কর; তন্তির অথ কর্মের অনুষ্ঠান করিও না। ওঁ শান্তিঃ শান্তিঃ শান্তিঃ হরিঃ ওঁ।

পরে বেদী হইতে শ্রীযুক্ত প্রধান আচার্য মহাশয় এই উপদেশ দিলেন।

শ্রীমান্ নোমল্লনাথ। ঈশ্বর-প্রসাদে তোমারদের অমর আত্মাতে সাবিত্ত্ব-রূপ বীজ নিহিত হইল। আজীবন তোমরা সেই বীজে জ্ঞানরূপ জ্যোতি ও ধর্মরূপ বারিসিঞ্চন করিবে যে সেই বীজ বিকসিত ও শাণা পল্লবে প্রসারিত হইয়া তোমারদের অনন্ত কালের ছায়া হইবে। যেমন এখন তোমরা বেদ পাঠ করিলে, কেবল শব্দমাত্র উচ্চারণ করিলে, তাহাতেই সন্তুষ্ট থাকিবে না। ইহার অর্থ জানিবে, তাৎপর্য জানিবে, এবং বাহা জানিবে তাহার মত কার্য করিবে। গায়ত্রী দ্বারা চিরজীবন প্রাতঃকালে সূর্যোদয়ের সঙ্গে সঙ্গে মুখ প্রক্ষালন করিয়া শুচি হইয়া ঈশ্বরকে মনন করিবে, তাহার জ্ঞান শক্তি ধ্যান করিবে—তবে কালে তোমারদের আত্মা প্রস্ফুটিত হইয়া তাহা হইতে যে স্নগন্ধ প্রবাহিত হইবে, তাহা দেবতাদিগেরও স্পৃহনীয় হইবে। ঈশ্বরের উপর দৃষ্টি রাখিবে, এখান হইতেই পরকালের উপযুক্ত হইবে। শুদ্ধস্ব হইয়া ধ্যানযুক্ত হইয়া গায়ত্রীর অবলম্বনে তাহার সমীপস্থ হইতে থাকিবে। ওঁ এই শব্দ আমাদের প্রতি ঈশ্বরের প্রথম দান, তাহারও এই প্রথম নাম। “প্রথম নাম ওঁকার”। এই সহজ শব্দ ওঁ শিশুর মুখ হইতে প্রথম বহির্গত হয়। তার পরে মা শব্দ, তার পরে বা শব্দ। ওমিতি ব্রহ্ম, এই ওঁ শব্দ ব্রহ্মের প্রতিবোধক। ভূমিতি বা অয়ং লোকঃ ভুবইত্যন্তরীকং স্বরিত্যাসৌ লোকঃ। ভূ এই পৃথিবী, ভুব অন্তরীক, স্বঃ স্বর্গ! যে অগণ্য নক্ষত্র আকাশে অলক্ষ্যরূপে দীপ্তি পাইতেছে তাহাই দেবলোক, তাহাই স্বর্গ। উপযুক্ত হইলে সেই সকল লোকে অনন্তকাল আনন্দ ভোগ করিতে করিতে সঞ্চরণ করিবে। গায়ত্রীকে সহায় কর, তিনি তোমারদিগকে স্বর্গলোকে ব্রহ্মধামে লইয়া যাইবেন। প্রমাদশূন্য হইয়া ভূভূবঃস্বর্গলোক-ব্যাপীকে ধ্যান কর। আমাদের আত্মার আয়তন এই শরীর। পরমাত্মার আয়তন ভূভূবঃস্বঃ। ভূভূবঃস্বঃ আকাশে ওতপ্রোত রহিয়াছে। আবার আকাশ ঈশ্বরের ওতপ্রোত হইয়া আছে। পরমাত্মার আয়তন অসীম আকাশ, যে আকাশে দূর হইতে দরহ নক্ষত্রসকল খচিত রহিয়াছে। জ্যোতির্বেত্তারা অজ্ঞাপি তাহার অন্ত করিতে পারে নাই, এবং কখন তাহার অন্ত করিতে পারিবেও না। ব্রহ্মের মন্দির এই জগন্মন্দির, অনন্তের আবাসস্থান অনন্ত লোক। ওঁ বলিয়া ব্রহ্মকে অন্তরে জানিবে এবং ভূভূবঃস্বঃ বলিয়া এই ভূমিতে ঈশ্বর, অন্তরীক্বে ঈশ্বর, এবং স্বর্গতে ঈশ্বর ভাবিবে। এই ভূভূবঃস্বঃব্যাপী পরম দেবতা সবিতা। এই সমুদয় জগৎ যিনি প্রসব করিয়াছেন, তিনি প্রসবিতা, জগৎপিতা, অধিলমাতা। সৃষ্টির পূর্বে সমুদয় জগৎ তাহারি গর্ভে ছিল। যেমন অণু-প্রমাণ বীজের মধ্যে বৃহৎ বট-বৃক্ষ অব্যক্তরূপে থাকে, সৃষ্টির পূর্বে সমুদয় জগৎ তাঁর মধ্যে সেইরূপ ছিল। পরে তাহার ইচ্ছা হইল আর এই সমুদয় জগৎ প্রসবিত হইল। তোমরাও মধুর স্বরে এইভাবে এখন

গান করিলে। “ইচ্ছা হইল তব ভানু বিরাজিল জয় জয় মহিমা তোমারি”।^১ সেই জগৎপ্রদর্শিতা পরম দেবতার জ্ঞান শক্তি ধ্যান কর। এই বিশ্ব সংসারের রচনাই তাঁর জ্ঞান শক্তির নিদর্শন। তিনি এই বিশ্ব সংসার রচনা করিয়া আমাদের কাহারও নিকট হইতে দূরে নাই, তিনি আমাদের অন্তরে থাকিয়া আমাদের প্রত্যেককে শুভবুদ্ধি প্রেরণ করিতেছেন। যে ব্যক্তি সেই শুভ বুদ্ধির অঙ্গুত হইয়া চলে, তাহার মঙ্গল হয়; আর যে তাহা না শুনিয়া তাহার বিপরীত পথে চলে, সে পরমার্থ হইতে ভ্রষ্ট হয়। এই প্রণব ব্যাংহতি ও গায়ত্রী দ্বারা পরব্রহ্মকে উপাসনা করিবে, যে পরব্রহ্মেতে আত্মা প্রতিষ্ঠিত হইয়া আছে। প্রণবব্যাহতিস্বাধা গায়ত্রী ত্রিতয়েন চ। উপাস্ত্য পরমং ব্রহ্ম আত্মা বত্র প্রতিষ্ঠিতঃ। (মনুঃ)

ওঁ একমেবাদ্বিতীয়ং।

অনন্তর ব্রহ্মচারী কন্যেশ্বর উপলক্ষে আচার্য্যকে অভিষেক করিলেন, ওঁ শাঙিলাগোত্রঃ শ্রীসোমেন্দ্রনাথ দেবশর্মাং ভোগে অভিষাদয়ে। শাঙিলাগোত্র শ্রীসোমেন্দ্রনাথ দেবশর্মা আমি আপনাকে প্রণাম করি। আচার্য্য পুষ্পাদি দান পূর্বক ভক্তমন্ত্ৰ, তোমার মঙ্গল হটক বলিয়া দার্শনিক ও প্রত্যাভিবাদন করিলেন।

পরে আচার্য্য ও ব্রহ্মচারী উভয়ে দণ্ডায়মান হইয়া প্রার্থনা করিলেন—ওঁ পিতা নোহসি। তুমি আমাদের পিতা। পিতা নো বোধি। পিতার ছায় আনন্দিগকে জ্ঞান শিক্ষা দাও। নমস্তেহস্ত। তোমাকে নমস্কার। মা না হিংসোঃ। মোহ পাপ হইতে আমাকে রক্ষা কর, আমাকে পরিত্যাগ করিও না, আমাকে বিনাশ করিও না। ওঁ বিদ্যানি দেব সবিতহুঁ রিতানি পরাহুব। হে দেব। হে পিতা। পাপ সকল মার্জনা কর—আমাদের পাপ সকল মার্জনা কর। বস্ত্রং তন্ন আহুব। যাহা শুভ—যাহা কল্যাণ, তাহা আমাদের মধ্যে প্রেরণ কর। ওঁ নমঃ শস্ত্রবায় চ নয়োভবায় চ নমঃ শক্ভরায় চ ময়স্করায় চ নমঃ শিবায় চ শিবতরায় চ। তুমি যে হৃৎকর কল্যাণকর, হৃৎকল্যাণের আকর, কল্যাণ কল্যাণতর তোমাকে নমস্কার।

শেষে ব্রহ্মচারী ঈশ্বরকে প্রণাম করিলেন। ওঁ য একোহবর্ণো বহুধা শক্তিব্যোগাদবর্ণাননেকান্ নিহিতার্ণো দধাতি। বিচৈতি চাস্তে বিশ্বমাদৌ সদেশঃ ননৌবুদ্ধ্যা শুভধা সংযুক্ত। যিনি এক এবং বর্ণহীন এবং যিনি প্রজাতিগের প্রয়োজন জানিয়া বহুপ্রকার শক্তিব্যোগে বিবিধ কাম্য বস্ত্র বিধান করিতেছেন, সমুদায় ব্রহ্মাণ্ড আন্তর মধ্যে বাহাতে ব্যাপ্ত হইয়া রহিয়াছে, তিনি দোষামান পরমেশ্বর, তিনি আনন্দিগকে শুভবুদ্ধি প্রদান করুন। ওঁ একমেবাদ্বিতীয়ং।

অনন্তর ব্রহ্মচারী পাদদ্বয়ে চর্চপাছকা প্রদান করিয়া পাঠ করিলেন,—ওঁ নেত্রে হোদয়ন্তং মাং। তোমরা নেত্র, আমাকে ইষ্টদেশে লইয়া যাও। পরে যপ্রমাণ বৈশ্ববসুও গ্রহণ করিয়া পাঠ করিলেন,—ওঁ গন্ধর্বোহুপমানব। তুমি রক্ষাকর্তা, আমাকে রক্ষা কর। পরে গৃহে গমন করিলেন। ইতি সমাবর্তন সমাপ্ত।

এই প্রসঙ্গে রাজনারায়ণ বসু মহাশয় আত্মজীবনীতে লিখিয়াছেন :

ইং ১৮৭০ সালে (১৭৭৩ শকে মাঘ মাসে) শ্রীমৎ প্রধান আচার্য্য প্রাচীন উপনয়নপদ্ধতি যতদূর ব্রাহ্মসমাজে প্রবর্তিত করা যায় তাহা করিলেন। পূর্বে যে অনুষ্ঠানপদ্ধতি প্রকাশিত হয় তাহাতে

১ সত্যেন্দ্রনাথ ঠাকুর-রচিত ব্রহ্মসংগীত ‘বলিহারি তোমারি চরিত মনোহর’, দ্র তত্ত্বপত্রিকা, শক ১৭৮২ জ্যৈষ্ঠ [ইং ১৮৬৭], পৃ ৪২, বা ‘ব্রহ্মসংগীত’ গ্রন্থ।

উপনয়ন বলিয়া একটি ক্রিয়া আছে বটে, কিন্তু তাহা কেবল ব্রাহ্ম উপদেষ্টার নিকটে কোন বালককে আনিয়া তাঁহার উপর তাহার ধর্ম শিকার ভার অর্পণ করা। কিন্তু নূতন-প্রবর্তিত উপনয়নপদ্ধতিতে গায়ত্রীমন্ত্রে বীক্ষা পূর্বক উপবীত গ্রহণ করার নিয়ম প্রবর্তিত হইল।... নূতন-প্রবর্তিত প্রথামুসারে দেবেন্দ্রবাবু সোমেন্দ্রনাথ ঠাকুর ও রবীন্দ্রনাথ ঠাকুর নামক তাঁহার সর্ব কনিষ্ঠ দুই পুত্রের উপনয়ন দেন। পৌত্তলিকতা ছাড়া ব্রাহ্মণ্য সকল নিয়ম পালন করিয়া উপনয়ন ক্রিয়া সম্পাদিত হয়। ...প্রথমে আসি নূতন উপনয়ন প্রথার বিপক্ষ ছিলাম, কিন্তু একরূপ উপনয়ন ব্যতীত আদি ব্রাহ্মসমাজের হিন্দু অনুষ্ঠানপদ্ধতি সর্বাযয়বসম্পন্ন হয় না, ইহা বিবেচনা করিয়া তাহাতে যোগ দিয়াছিলাম।

—রাজনারায়ণ বহুর আশ্রম-চরিত, পৃ ১২৮-২৯

হিনালয়যাত্রা

প্রথম বোলপুর-ভ্রমণের বৃত্তান্ত প্রসঙ্গে ১৮৯৪ সালে ২০ অক্টোবর তারিখে ‘বোলপুর’ হইতে শ্রীহিন্দ্রিরা দেবীকে লিখিত রবীন্দ্রনাথের একটি পত্রের কিয়দংশ উদ্ধৃত হইল :

মনে পড়েছে, আমি যখন প্রথম বাবামহাশয়ের সঙ্গে বোলপুরে আসি, তখন আমার বয়স ন-দশ বৎসর হবে— তখন মাঠে ধান কি রকম দেখতে হয় কখনো চক্ষে দেখিনি। সেটা দেখবার জন্তে ভারি একটা কৌতূহল ছিল। রাত্তিরে বোলপুরে এসে পৌঁছলুম, পালকি করে আসবার সময় দু’দিকে ভালো করে চেয়ে দেখলুম না পাছে সেই অস্পষ্ট আলোতেই কৌতূহলের খানিকটা নিবৃত্তি হয়। ভোরের বেলা উঠেই বাইরে এসে দেখলুম, চারদিকেই মাঠ, কোথাও ধানের চিহ্ন নেই। জায়গায় জায়গায় মাটি খোঁড়া, শুনলুম সেই সব জায়গায় চাষ হয়েছে। তখন মনের মধ্যে রাসীকৃত কৌতূহল ছিপি-জাঁটা শ্যাম্পেনের মতো চাপা ছিল— এখন তো পৃথিবীর মোটামুটি সবই একরকম দেখে নিয়েছি, কিন্তু তবু আনন্দের হ্রাস হয়নি বরঞ্চ তার গাঢ়তা টের বেশি বেড়েছে। সেই প্রথম বোলপুর দর্শনের কত কথাই মনে পড়ে। তখনো কবিতা লিখতুম। মনে ধারণা ছিল খোলা আকাশে গাছের তলায় বসে কবিতা লিখলে ঠিক দস্তুরমতো কবিত্ত্ব করা হয়; তাই ভোরে উঠেই একথানা পুরানো Letts’ Diary এবং পেনসিল হাতে বাগানের প্রান্তে একটা ছোটো নারকোল গাছের তলায় বসে ‘পৃথ্বীরাজের পরাজয়’ বলে একটা বীরসাম্রাজ্য কবিতা লিখেছিলুম। সেটা লিখতে দিন সাতেক লেগেছিল। কোথায় সে খাতা এবং সে কবিতা! তার একটা লাইনও মনে নেই। কেবল মনে আছে বড়দাদা সেই কবিতাটা পছন্দ করেছিলেন। কবির যে রকমটি হওয়া উচিত সে সম্বন্ধে তখন আমার বিশেষ দৃষ্টি ছিল— হুপুর বেলায় মাঠের ভিতর

খোয়াইয়ের মধ্যে একটা গুহার ছায়ায় পা ছড়িয়ে দিয়ে বসতুম, সাগনে দিয়ে ক্ষীণ জলশ্রোত বাণির উপর দিয়ে বয়ে যেত, আপনাকে রীতিমত কবি বলে মনে হত। বুনো খেজুর গাছে ছোটো ছোটো খেজুর ফলে থাকত, সেগুলো খেতে আদবেই ভালো লাগত না কিন্তু তবু মরুপ্রান্তরের মধ্যে বুনোগাছ থেকে বুনো ফল স্বহস্তে পেড়ে খাচ্ছি এই মনে করে একটা বিশেষ গর্ব অনুভব করতুম। এই খোয়াইয়ের মধ্যে আমানি ডোবা বলে একটা ছোট্ট ডোবা ছিল, তার মধ্যে খুব ছোট্ট মাছ থাকত, কাপড়চোপড় খুলে সেই ডোবার মধ্যে গিয়ে পড়তুম ; মনে হত, নির্ঝরের জলে স্নান করছি। কোনো লোকজন কেউ কোথাও নেই, কোনো বন্ধন নেই, শাসন নেই, মাঠের ভিতরকার সেই গুহাগুলোর মধ্যে সমস্ত দিন একলা আপন মনে কবিত্ব-খেলা করতুম — এক-একদিন ডাকাতের ভয় হত, কিন্তু সেই ভয়ের মধ্যেও কবিত্ব ছিল। এখনো কবিতা লিখি বটে কিন্তু নিজেকে উপন্যাসে ইতিহাসে বর্ণনযোগ্য কবি বলে আর অনুভব করিনে— বরঞ্চ নিজের কবিতা পড়ে মনে হয় যেন সে কবিতা আমি নিজে লিখিনি— যেন আমি দৈবাৎ ভালো কবিতা লিখি কিন্তু ইচ্ছা করলে ভালো কবিতা লিখতে পারিনে। আর কিছু না হোক, এখন গাছের তলায় বসে কবিতা লেখা আমার পক্ষে অসম্ভব, মন চতুর্দিকে বিক্ষিপ্ত হয়ে পড়ে। যাই হ'ক সেই Letts' Diary-টা যদি খুঁজে পাই তাহলে আবার একবার ভোরের বেলায় সেই নারকেলতলায় ব'সে সেই পৃথীরাঙ্কের পরাজয়টা পড়ে দেখতে ইচ্ছে করে।

—বিশ্বভারতী পত্রিকা, ১৩৫২ বৈশাখ-আষাঢ়, পৃ ২৩২-৪০

জীবনস্মৃতি লিখিবার বহু পরে 'আশ্রম-বিদ্যালয়ের স্মৃতি' নামক প্রবন্ধে প্রসঙ্গত রবীন্দ্রনাথ ঠাকুর এই 'বোলপুর' বা শান্তিনিকেতন ভ্রমণের এক বিশদ ও গভীরতর বর্ণনা দিয়াছেন :

আমার বয়স যখন অল্প পিতৃদেবের সঙ্গে ভ্রমণে বের হয়েছিলেন। ঘর ছেড়ে সেই আমার প্রথম বাহিরে যাত্রা। ইটকাঠের অরণ্য থেকে অব্যাহত আকাশের মধ্যে বৃহৎ মুক্তি এই প্রথম আমি ভোগ করেছি। প্রথম বললে সম্পূর্ণ ঠিক বলা হয় না। এর পূর্বে কলকাতায় একবার যখন ডেবুজর সংক্রামক হয়ে উঠেছিল তখন আমার গুরুজনদের সঙ্গে আশ্রয় নিয়েছিলেম গঙ্গার ধারে লালাবাবুদের বাগানে। বসুন্ধরার উন্মুক্ত প্রাঙ্গণে সুদূরব্যাপ্ত আশ্রয়ণের একটি প্রান্তে সেদিন আমার বসবার আসন

১ বসন্ত, আশুতোষ দেব বা ছাত্তাবাবুদের বাগানে। ঙ 'বাহিরে যাত্রা' অধ্যায়।

জুটেছিল। সমস্ত দিন বিরাটের মধ্যে মনকে ছাড়া দিয়ে আমার বিস্ময়ের এবং আনন্দের ক্রান্তি ছিল না। কিন্তু তখনও আমি আমাদের পূর্ব নিয়মে ছিলেম বন্দী, অবাধে বেড়ানো ছিল নিষিদ্ধ। অর্থাৎ কলকাতায় ছিলেম ঢাকা-খাচার পাখি, কেবল চলার স্বাধীনতাও নয় চোখের স্বাধীনতাও ছিল সংকীর্ণ, এখানে রইলুম দাঁড়ের পাখি, আকাশ খোলা চারিদিকে কিন্তু পায়ে শিকল। শান্তিনিকেতনে এসেই আমার জীবনে প্রথম সম্পূর্ণ ছাড়া পেয়েছি বিশ্বপ্রকৃতির মধ্যে; উপনয়নের পরেই আমি এখানে এসেছি। উপনয়ন অল্পষ্টানে ভূত্বক: স্বলোকের মধ্যে চেতনাকে পরিব্যাপ্ত করবার যে-দীক্ষা পেয়েছিলেম পিতৃদেবের কাছ থেকে— এখানে বিশ্বদেবতার কাছ থেকে পেয়েছিলেম সেই দীক্ষাই। আমার জীবন নিতান্তই অসম্পূর্ণ থাকত প্রথম বয়সে এই স্ত্রযোগ যদি আমার না ঘটত। পিতৃদের কোনো নিষেধ বা শাসন দিয়ে আমাক বেঠন করেননি। সকালবেলায় অল্প কিছুক্ষণ তাঁর কাছে ইংরেজি ও সংস্কৃত পড়তেম, তারপরে আমার অবাধ ছুটি। বোলপুর শহর তখন স্ফীত হয়ে ওঠেনি। চালের কলের ধোঁয়া আকাশকে কলুষিত আর তার দুর্গন্ধ সমল করেনি মলয়বাতাসকে। মার্ঠের মাঝখান দিয়ে যে লাল মাটির পথ চলে গেছে তাতে লোকচলাচল ছিল অল্পই। বাঁধের জল ছিল পরিপূর্ণ প্রসারিত, চারদিক থেকে পলি-পড়া চাবের জমি তাকে কোণঠেসা করে আনেনি। তার পশ্চিমের উঁচু পাড়ির উপর অক্ষয় ছিল ঘন তালগাছের শ্রেণী। যাকে আমরা খোয়াই বলি, অর্থাৎ কাঁকুরে জমির মধ্যে দিয়ে বর্ষার জলধারায় আঁকাবঁকা উঁচুনিচু খোদাই পথ, সে ছিল নানা জাতের নানা আকৃতির পাথরে পরিকীর্ণ; কোনোটাতে শির-কাটা পাতার ছাপ, কোনোটা লম্বা-আঁশওয়ালা কাঠের টুকরোর মতো, কোনোটা স্ফটিকের-দানা-সাজানো, কোনোটা অগ্নিগলিত মশ্ণ।... আমিও সমস্ত দুপুরবেলা খোয়াইয়ে প্রবেশ করে নানারকম পাথর সংগ্রহ করেছি, ঘন উপার্জননের লোভে নয়, পাথর উপার্জন করতেই। মার্ঠের জল চুঁইয়ে সেই খোয়াইয়ের এক জায়গায় উপরের ভাঙা থেকে ছোটো বরনা ঝরে পড়ত। সেখানে জমেছিল একটি ছোটো জলাশয়, তার সাদাটে ঘোলা জল, আমার পক্ষে ডুব দিয়ে স্নান করবার মতো যথেষ্ট গভীর। সেই ডোবাটা উপচিয়ে স্ফাণ স্বচ্ছ জলের স্রোত বিবু বিবু করে বয়ে যেত নানা শাখা-প্রশাখায়, ছোটো ছোটো মাছ সেই স্রোতে উজ্জান মুখে সাঁতার কাটত। আমি জলের ধার বেয়ে বেয়ে আবিষ্কার করতে বেরতুম সেই শিশুভূবিভাগের নতুন নতুন বাসখিল্য গিরিনদী। মাঝে মাঝে পাওয়া যেত পাড়ির গায়ে গহ্বর। তার মধ্যে নিজেকে প্রচ্ছন্ন করে অচেনা জিওগ্রাফির মধ্যে ভ্রমণকারীর গৌরব অল্পভব করতুম। খোয়াইয়ের স্থানে স্থানে যেখানে মাটি জমা সেখানে বেঁটে বেঁটে বুনোজাম বুনোখেজুর— কোথাও বা ঘন কাশ লম্বা হয়ে

উঠেছে। উপরে দূর মাঠে গোকু চরছে। সাঁওতালরা কোথাও করছে চাষ, কোথাও চলেছে পথহীন প্রান্তরে আর্তস্বরে গোকুর গাড়ি, কিন্তু এই ষোয়াইয়ের গহ্বরে জনপ্রাণী নেই। ছায়ায়-রৌদ্রে-বিচিত্র লাল কাঁকরের এই নিভৃত জগৎ, না দেয় ফল, না দেয় ফুল, না উৎপন্ন করে ফসল, এখানে না আছে কোনো জীবজন্তুর বাসা; এখানে কেবল দেখি কোনো আর্টিস্ট-বিধাতার বিনা কারণে একথানা যেমন-তেমন ছবি আঁকবার শখ; উপরে মেঘহীন নীল আকাশ রৌদ্রে পাণ্ডুর আর নিচে লাল কাঁকরের রঙ পড়েছে মোটা তুলিতে নানারকমের ঝাঁকচোরা বন্ধুর রেখায়; সৃষ্টিকর্তার ছেলেমানুষি ছাড়া এর মধ্যে আর-কিছুই দেখা যায় না। বালকের খেলার সঙ্গেই এর রচনার ছন্দের মিল; এর পাহাড়, এর নদী, এর জলাশয়, এর গুহাগহ্বর, সবই বালকের মনেরই পরিমাপে। এইখানে একলা আপন-মনে আমার বেলা কেটেছে অনেকদিন, কেউ আমার কাজের হিসাব চায়নি, কারো কাছে আমার সময়ের জবাবদিহি ছিল না। তখন শাস্তিনিকেতনে আর-একটি রোমাণ্টিক অর্থাৎ কাহিনীরসের জিনিস ছিল। যে-সর্দার' ছিল এই বাগানের প্রহরী এককালে সেই ছিল ডাকাতের দলের নায়ক। তখন সে বৃদ্ধ, দীর্ঘ তার দেহ, মাংসের বাহুল্য মাত্র নেই, শামবর্ণ, তীক্ষ্ণ চোখের দৃষ্টি, লম্বা বাঁশের লাঠি হাতে, কণ্ঠস্বরটা ভাঙা ভাঙা গোছের। বোধহয় সকলে জানেন, আজ শাস্তিনিকেতনে যে অতিপ্রাচীন যুগল ছাতিমগাছ মালতীলতায় আচ্ছন্ন, এক-কালে মস্ত মাঠের মধ্যে ওই দুটি ছাড়া আর গাছ ছিল না। এই গাছতলা ছিল ডাকাতের আড্ডা। ছায়াপ্রত্যাশী অনেক ক্লাস্ত পথিক এই ছাতিমতলায় হয় ধন, নয় প্রাণ, নয় দুইই হারিয়েছে সেই শিথিল রাষ্ট্রশাসনের কালে। এই সর্দার সেই ডাকাতিকাহিনীর শেষ পরিচ্ছেদের শেষ পরিশিষ্ট বলেই খ্যাত। বামাচারী তান্ত্রিক শাক্তের এই দেশে মা কালীর খর্পরে এ যে নররক্ত জোগায়নি তা আমি বিশ্বাস করিনে। আশ্রমের সম্পর্কে কোনো রক্তচক্ষু রক্ততিলকলাঙ্ঘিত ভদ্রবংশের শাক্তকে জানতুম যিনি মহামাংসপ্রসাদ ভোগ করেছেন বলে জনশ্রুতি কানে এসেছে।

একদা এই দুটিমাত্র ছাতিমগাছের ছায়া লক্ষ্য করে দূরপথযাত্রী পথিকেরা বিশ্ব্রামের আশায় এখানে আসত। আমার পিতৃদেবও রায়পুরের ভুবনসিংহের বাড়িতে নিমন্ত্রণ সেরে পালকি করে যখন একদিন ফিরছিলেন তখন মাঠের মাঝখানে এই দুটি গাছের আস্থান তাঁর মনে এসে পৌঁছেছিল। এইখানে শাস্তির প্রত্যাশায় রায়পুরের সিংহদের

১ "আশ্রমের রক্ষী ছিল বৃদ্ধ দ্বারী সর্দার... মালী ছিল হরিশ, দ্বারীর ছেলে।"

কাছ থেকে এই জমি দান গ্রহণ করেছিলেন। একখানি একতলা বাড়ি পত্তন করে এবং রুক্ষ রিক্তভূমিতে অনেকগুলি গাছ রোপণ করে সাধনার জন্ত এখানে তিনি মাঝে মাঝে আশ্রয় গ্রহণ করতেন। সেই সময়ে প্রায়ই তাঁর ছিল হিমালয়ে নির্জনবাস। যখন রেললাইন স্থাপিত হল তখন বোলপুর স্টেশন ছিল পশ্চিমে যাবার পথে, অল্প লাইন তখন ছিল না। তাই হিমালয়ে যাবার মুখে বোলপুরে পিতা তাঁর প্রথম যাত্রাভঙ্গ করতেন। আমি যে-বারে তাঁর সঙ্গে এলুম সে-বারেও ড্যালহৌসি পাহাড়ে যাবার পথে তিনি বোলপুরে অবতরণ করেন। আমার মনে পড়ে, সকালবেলায় সূর্য ওঠবার পূর্বে তিনি ধ্যানে বসতেন অসমাপ্ত জলশূণ্ড পুষ্করিণীর দক্ষিণ পাড়ির উপরে। সূর্যাস্ত-কালে তাঁর ধ্যানের আসন ছিল ছাতিমতলার। এখন ছাতিমগাছ বেটন করে অনেক গাছপালা হয়েছে, তখন তার কিছুই ছিল না— সামনে অব্যবহৃত মাঠ পশ্চিম দিগন্ত পর্যন্ত ছিল একটানা। আমার 'পরে একটি বিশেষ কাজের ভার ছিল। ভগবদ্গীতা গ্রন্থে কতকগুলি শ্লোক তিনি চিহ্নিত করে দিয়েছিলেন, আমি প্রতিদিন কিছু কিছু তাই কপি করে দিতুম তাঁকে। তারপরে সন্ধ্যাবেলা খোলা আকাশের নিচে বসে সৌরজগতের গ্রহমণ্ডলের বিবরণ বলতেন আমাকে, আমি শুনতুম একান্ত উৎসুক্যের সঙ্গে। মনে পড়ে, আমি তাঁর মুখের সেই জ্যোতিষের ব্যাখ্যা লিখে তাঁকে শুনিয়ে-ছিলুম। এই বর্ণনা থেকে বোঝা যাবে শান্তিনিকেতনের কোন্ ছবি আমার মনের মধ্যে কোন্ রঙে ছাপা হয়ে গেছে। প্রথমত, সেই বালকবয়সে এখানকার প্রকৃতির কাছ থেকে যে-আমন্ত্রণ পেয়েছিলেম—এখানকার অনবরুদ্ধ আকাশ ও মাঠ, দূর হতে প্রতিভাত নীলাভ শাল ও তাল-শ্রেণীর সমৃদ্ধ শাখাপূঞ্জের শামলা শান্তি, স্মৃতির সম্পদ-রূপে চিরকাল আমার স্বপ্নাবের অন্তর্ভুক্ত হয়ে গেছে। তারপরে এই আকাশে এই আলোকে দেখেছি সকালে বিকালে পিতৃদেবের পূজার নিঃশব্দ নিবেদন, তার গভীর গাভীর। তখন এখানে আর-কিছুই ছিল না, না ছিল এত গাছপালা, না ছিল মাছধের এবং কাজের এত ভিড়, কেবল দূরব্যাপী নিশ্চলতার মধ্যে ছিল একটি নির্মল মহিমা।

—প্রবাসী, ১৩৪০ আশ্বিন, পৃ ৭৪১-৪২

প্রথম হিমালয়দর্শনের নিম্নোক্ত স্মৃতিটুকু এই প্রসঙ্গে প্রণিধানযোগ্য। পত্রটি ১৩২৫ সালের ১লা ভাদ্র তারিখে শান্তিনিকেতন হইতে লিখিত :

তুমি বোধহয় এই প্রথম হিমালয় যাচ্ছ। আমিও প্রায় তোমার বয়সে আমার পিতৃদেবের সঙ্গে হিমালয়ে গিয়েছিলুম। তার আগে ভূগোলে পড়েছিলুম, পৃথিবীতে

হিমালয়ের চেয়ে উঁচু জিনিস আর কিছু নেই, তাই হিমালয় সম্বন্ধে মনে মনে কত কী যে কল্পনা করেছিলুম তার ঠিক নেই। বাড়ি থেকে বেরবার সময় মনটা একেবারে তোলপাড় করেছিল। অমৃতসর হয়ে ডাকের গাড়ি চড়ে প্রথমে পাঠানকোটে গিয়ে পড়লুম। সেখানে পাহাড়ের বর্ণপরিচয় প্রথমভাগ। তুমি কাঠগোদাম দিয়ে উপরে উঠেছ— পাঠানকোট সেইরকম কাঠগোদামের মতো। সেখানকার ছোটো ছোটো পাহাড়গুলো ‘কর খল’, ‘জল পড়ে’, ‘পাতা নড়ে’— এর বেশি আর নয়। তারপরে ক্রমে ক্রমে যখন উপরে উঠতে লাগলুম তখন কেবল এই কথাই মনে হতে লাগল, হিমালয় যত বড়োই হোক-না, আমার কল্পনা তার চেয়ে তাকে অনেক দূর ছাড়িয়ে গিয়েছে; মালুকের প্রত্যাশার কাছে হিমালয় পাহাড়ই বা লাগে কোথায়।

—ভালুসিংহের পত্রাবলী, ১২ নং পত্র

মহর্ষি দেবেন্দ্রনাথ রবীন্দ্রনাথের সংগীত কিরূপ ভালোবাসিতেন তাহার বিবরণ এই পরিচ্ছেদের ৬১ পৃষ্ঠায় আছে। সৌদামিনী দেবীর ‘পিতৃস্মৃতি’ প্রবন্ধ হইতে কয়েক পংক্তি সেই প্রসঙ্গে উদ্ধারযোগ্য :

সংগীত বিশেষরূপে ভালো না হইলে তিনি [দেবেন্দ্রনাথ] গুণিতে ভালোবাসিতেন না। প্রতিভার পিন্নানো বাজানো এবং রবির গান গুণিতে তিনি ভালোবাসিতেন। বলিতেন, রবি আমাদের বাঙ্গালাদেশের বুলবুল।

—প্রবাসী, ১৯১৮ ফাল্গুন, পৃ ৪০৪

প্রত্যাবর্তন

৬২ পৃষ্ঠায় রাত্রি আহারের পর ‘শংকরী’ কিম্বা প্যারী কিম্বা তিনকড়ি দাসীর বালকদের রূপকথা বলার প্রসঙ্গে ১৮৯৩, ৬ ডিসেম্বর তারিখে শ্রীইন্দ্রদেবীকে শিসাইদহ হইতে লিখিত রবীন্দ্রনাথের একটি পত্রের কিয়দংশ উদ্ধৃত হইল :

আজকাল গুরুপক্ষ—খানিকটা বেড়াতে বেড়াতেই চাঁদের আলো ফুটে ওঠে— তখন চরের সীমাহীন ধূসর বালি চাঁদের আলোতে এমন একটা ছায়ারচিত কাল্পনিক আকার ধারণ করে, মনে হয়, এ যেন বাস্তবিক পৃথিবী নয় আমারই মনের একটা অপরূপ ভাব। কোন্‌কালে ছেলেবেলার তিনকড়ি দাসীর কাছে রাত্রি মশারির মধ্যে শুয়ে রূপকথার প্রসঙ্গে একটা বর্ণনা শুনেছিলেম, “তেপান্তর মাঠ— জোছনায় ফুল ফুটে রয়েছে”— যখন

জ্যোৎস্নারাত্রে চরে বেড়াই, তিনকড়ি দাসীর এই কথাটি মনে পড়ে। ছেলেবেলায় সেই রাত্রে তিনকড়ির এই একটি কথায় আমার মন ভারি চঞ্চল হয়ে উঠেছিল— প্রকাণ্ড মাঠ ধু ধু করছে, তারই মধ্যে ধবধবে জ্যোৎস্না হয়েছে, আর রাজপুত্র অনির্দেশ্য কারণে ঘোড়ায় চ’ড়ে ভ্রমণে বেরিয়েছে— শুনে মনটা এমনি উতলা হয়েছিল! তা ছাড়া, রাজপুত্রের ভাগ্যে প্রায়ই পরমাত্মন্দরী রাজকন্যা জুটত কিনা, সেটাতে মনটা আরও ফুঁক হত। মনের ভিতরে কেমন একটা দুর্ভাষা বন্ধমূল হয়েছিল যে, বড় হলে এই ধরনের একটা কোনো অদ্ভুত ঘটনা আমার ঘরাও সম্ভব, এবং নানা বিল্ববিপদের পারে কোনো-এক জায়গায় কোনো-একটি পরমাত্মন্দরীও নিতান্ত দুর্লভ না হতে পারে। জ্যোৎস্নারাত্রে চরে বেড়াতে বেড়াতে ছেলেবেলাকার সেই মশারির ভিতরকার পুলকিত স্বপ্নের মোহ জেগে ওঠে — চারিদিকের সমস্তই এমন অবাস্তব দেখতে হয় যে, যা কিছু অসম্ভব সেইগুলোই আকার ধারণ করে ওঠে — নিজের কল্পনার মরীচিকার মধ্যে নিজে মুগ্ধভাবে ঘুরে ঘুরে বেড়াই— তার আর কোথাও সীমা নেই বাধা নেই।

—বিশ্বভারতী পত্রিকা, ১৩৫২ শ্রাবণ-আশ্বিন, পৃ ৭

হিমালয় হইতে প্রত্যাবর্তনের পর বালক রবীন্দ্রনাথের ইস্কুলে যাওয়া পূর্বের চেয়ে কঠিন হইয়া উঠিবার বিশেষ একটি কারণ পাণ্ডুলিপিতে উল্লিখিত হইয়াছে :

বাড়িতে আমার আদরের পরিমাণ অতিরিক্ত হইবার আর একটি কারণ ঘটিল। এই সময় মার মৃত্যু হইল।... এই ঘটনার পর শ্রীশান্তিতে’ ও শোকের অবস্থায় কিছুকাল কাটিয়া গেল। তাহার পর মাতৃহীন বালক বলিয়া অন্তঃপুরে বিশেষ প্রশ্রয় পাওয়াতে ইস্কুলে যাওয়া প্রায় একপ্রকার ছাড়িয়াই দিলাম।

—পাণ্ডুলিপি।

ঘরের পড়া

কুমারসম্ভবের অমুবাদপ্রসঙ্গে এই সত্তপ্রাপ্ত তথ্যটুকু উল্লেখযোগ্য যে, রবীন্দ্রনাথ-কৃত উহার তৃতীয় সর্গের অমুবাদ, সম্ভবত কিছু পরিমার্জনের পর, ‘মদন ভদ্র’ নামে ভারতীর প্রথম বর্ষে (১২৮৪) মাঘ মাসের সংখ্যায় ‘সম্পাদকের বৈঠক’ বিভাগে (পৃ ৩২২-৩১) প্রথম প্রকাশিত হইয়াছিল; অমুবাদের নাম ছিল না। উক্ত সংখ্যা ভারতী হইতে সেই অধুনা-দুপ্রাপ্য অমুবাদ উদ্ভূত হইল।—

১ ‘মাতার চতুর্থী শ্রাব্দ, ৩০ ফাল্গুন [১৭৯৬ শক], ‘মাতার আশ্র শ্রাব্দ,’ ৭ চৈত্র [১৭৯৬ শক];
 ২ ‘শ্রাব্দ’, তত্ত্বপত্রিকা, শক ১৭৯৭ বৈশাখ, পৃ ১৫-১৭

জীবনস্মৃতি

নবন ভঙ্গ

সময় লঙ্ঘন করি নায়ক তপন
উত্তর অয়ন যবে করিল আশ্রয়,
দক্ষিণের দিক-বালা প্রাণের হতাশে
অধীর হইয়া উঠি ফেলিল নিঃশ্বাস।

নৃপুর-শিঞ্জন-সহ সুন্দরী-কুলের
চারু পদ-পরশের বিলম্ব না সহি,
অশোকের কাঁধ হৈতে সর্বাঙ্গ ছাইয়া
ফুটিয়া উঠিল ফুল পল্লব সহিতে।

কচি কচি নবীন পল্লব উদগমে
সমাপ্তি লভিল যেই নব-চূত-বাণ,
বসাইল অলিবৃন্দ বসন্ত অমনি
কুসুম-ধনুর যেন নামাঙ্করগুলি।

কর্ণিকার-ফুলের এমন বর্ণশোভা,
সৌরভ নাহি রে তার, বড় প্রাণে বাজে !
একাধারে সব গুণ বর্তিবে যে কভু
বিধাতার প্রবৃত্তি বড়ই তাহে বাঁম।

মর্মর শব্দে যথা জীর্ণ পর্ণ ঝরে—
হেন বনে মদ-ভরে উদ্ভত হইয়া
বায়ুর প্রত্যভিমুখে চরে মৃগ কুল,—
পিয়াল-মঞ্জরী হতে উড়ি আসি রেণু
করিতেছে তা'-সবার নয়ন আকুল।

উদ্ভত-কুসুম-ধনু সঙ্গে লয়ে রতি
সেই ঠাঁই যখন হইলা উপনীত,
জীব-জন্তু সবার মরমে মরমে
কি যে রস সঞ্চারিল, অন্তরের ভাব
বাহিরিতে লাগিল সবার সব কাজে।

ভ্রমরীর পিছে পিছে উড়িয়া ভ্রমর
 একই কুসুম-পাত্রে মধু কৈল পান ;
 কুম্ভসার-মৃগবর মৃগীর শরীরে
 শূদ্র বুলাইছে কিবা, পরশের স্তূথে
 মুদিয়া আসিছে আঁথি কুরঙ্গিনীটির।
 রসাবেশে করিণী হইয়া গদ-গদ
 গণ্ডুষ করিয়া লয়ে পদ্মগন্ধী জল
 পিয়াইয়া দিল তাহা প্রিয় মাতঙ্গেরে।
 ধামে যেই কিম্বী করিয়া গীত গান,—
 যখন মুখ-মণ্ডলে পত্রলেখা-ছাপ
 উঠিয়া গিয়াছে কিছু শ্রম-জ্বল লাগি,
 ঘুরিছে আঁথি যখন পুষ্প-মদ ভরে,—
 সেই অবসরটিতে বসিয়া কিম্বর
 প্রেমসীর বিধুমুখ চুপে ঘন ঘন।
 লতা-বধু যতেক কানন-বন-ময় —
 কুসুম-স্তবক-ভার স্তন যাহাদের,
 নব-কিশলয় আর ওষ্ঠ মনোহর,
 বাধিল তাহারা সবে গাঢ় আলিঙ্গনে
 তরু-শাখা-সবাকারে, নম্র ফুল-ভরে।

দিব্য গুনা যাইতেছে অপ্সরীর গান
 তবুও শঙ্কর-দেব ধ্যান-পরায়ণ,
 আপনি আপন-প্রভু যে মহাপুরুষ,
 কোন বিঘ্ন কভু তারে নাৱে টলাইতে।
 লতা-গৃহ-দ্বারে নন্দী করি আগমন
 বাম করতলে এক হেম-বেত্র ধরি
 অধরে অঙ্গুলি দিয়া করিল সঙ্কত।
 নিষ্কম্প অমনি বৃক্ষ, নিভৃত ভ্রমর,
 মুক হল বিহঙ্গম, শাস্ত মৃগ-কুল,

জীবনস্মৃতি

সমস্ত কাননময় তাহারি শাসনে
ছবি-সম যে যেমন তেমনি রছিল ।

আসন্ন মরণ নাকি মদনের, তাই
দেবদাক্ষ-বেদীতে শার্দূল-চর্মাসনে
নিরখিল আসীন সংযমী মহাদেবে ।

পূর্বকায় ঋজু-স্থির, স্বক্ল দুই নত,
কর-দুটি শোভিতেছে উর্ধ্ব-মুখ-তল,
প্রফুল্ল পঙ্কজ যেন অঙ্কের মাঝারে ।

জড়ানো জটাকলাপে ভূজগ-বন্ধন,
দুই স্ফের করি আর কানে অক্ষমালা,
গ্রস্থিত কৃষ্ণাজিন আছেন যা পরি
হয়্যেছে বিশেষ নীলকণ্ঠের প্রভায় ।

চক্ষে নাহি পশক, স্তিমিত উগ্র তারা
কিঞ্চিত কেবল পাইতেছে পরকাশ,
ভুরু-দ্বয়ে বিকারের প্রসঙ্গটি নাই,
নাসিকার অগ্রভাগে লক্ষ্য আছে পড়ি ।

জল-পূর্ণ জলদ বৃষ্টির নাহি নাম,
অকুল অগাধসিন্ধু তরঙ্গটি নাই,
নিবাত-নিষ্কম্প-শিখা প্রদীপ যেমন,
এমনি হইয়াছেন প্রাণ-বায়ু-রোধে ।

জ্যোতির অক্ষুর যাহা ব্রহ্মরক্ত হতে
উঠিয়াছে, পথ পেয়ে গদ্যের আখিতে—

মৃণালের হ্রত্ব হতে স্নকুমারতর
নব শশধর-শ্রীকে করিছে মলিন ।

ইন্দ্রিয় হইতে মন ফিরাইয়া আনি
হৃদয়ে স্থাপন করি সমাধির বশে,
যে অক্ষর পুরুষে ফেত্রজ্ঞ জন জানে,
আত্মাতে সেই আত্মারে দেখিছেন তিনি ।

মনেরো অধুষ্ম যিনি, অদূরে তাঁহারে
 নিরখি অমন ধারা ধ্যানে নিমগন,
 এমনি জড় আড়ষ্ট হইল মদন
 হাত হৈতে পড়ি গেল ধূর্বান খসি,
 কখন্ যে পড়িল তা নারিল জানিতে ।
 বীর্য নিভ' নিভ' প্রায় এই যে তাহার
 উক্কাইয়া তুলি তাহা রূপের ছটায়,
 পর্বত-রাজ-দুহিতা দেখা দিল আসি,
 পাছু পাছু দুই বন-দেবতা সুন্দরী ।

পদ্মরাগ মণি জিনি অশোক-কুসুম,
 কাড়িয়াছে হেমদ্রুতি কর্ণিকার-কুল;
 হইয়াছে সিদ্ধবার মুকুতা-কলাপ,
 বসন্তকুসুম যত অঙ্গ-আভরণ ।

স্তনভারে নতকায় কিঞ্চিত্ অমনি,
 তরুণ অরুণ রাগ বসনে আবার,
 কুসুম-স্তবক-তরে নম্র আহা মরি
 সঞ্চারিণী পল্লবিনী যেন গো লতাটি ।

খসি খসি পড়িতেছে বকুল মেখলা,
 পুনঃ পুনঃ রাখিছেন আটক করিয়া ।

ভ্রমর তৃষিত হয়ো নিশ্বাস সৌরভে
 বিশ্ব অধরের কাছে বেড়ায় ঘুরিয়া,
 চঞ্চল-নয়ন-পাতে উয়া প্রতিফল
 লীলা শতদল নাড়ি দিতেছেন তাড়া ।

ঋর রূপরাশি হেরি রতি লজ্জা পায়
 অকলঙ্ক সে উমারে নিরখি মদন,

জিতেন্দ্রিয় শূলি-প্রতি স্বকাজ সাধিতে
পুনরায় বক্ষে নিজ বাধিল সাহস ।

এমন সময় উমা ভবিষ্যৎ-পতি
মহেশের দুয়ারে হইলা উপনীত,
তিনিও পরমজ্যোতি পরমাঅরূপ
নিরখি অন্তরে ক্ষান্ত হইলেন যোগে ।

ক্রমে ক্রমে প্রাণবায়ু করিয়া মোচন
যোগাসন শিথিল করিতেছেন হর,
ওদিকে ভুজঙ্গ-অধিপতির মস্তকে
কষ্টকর ঠেকিতেছে ধরণীর ভার ।

নন্দী তাঁর পদতলে প্রণিপাত করি
নিবেদিল, “এসেছেন শুশ্রূষার তরে
শৈলসূতা,” মহেশের ক্রক্ষেপ হতেই
প্রবেশের অনুমতি হইল বৃষ্ণিয়া
নন্দী গিরিনন্দিনীরে পশাইল তথি ।

সখী দুটি মহাদেবে করিয়া প্রণাম
উমার স্বহস্তে তোলা পল্লবে জড়িত
হিম-সিক্ত ফুলগুলি অপিল চরণে ।

উমাও যেমন তাঁরে করিলা প্রণাম,
সুনীল অলক-শোভী নব-কণিকার
খসিয়া অবনী-তলে পড়িল অমনি ।

অনন্তভাজন পতি লাভ কর বলি
আশীষিলা মহাদেব,— যথার্থ আশীষ,
উচ্চরিত হয় যবে ঈশ্বরের বাণী
কত্ব বিপরীত অর্থ না হয় ঘটনা ।

বহি-মুখ-কামী কাম, পতঙ্গ যেমতি,
অবসর ঠাহরিয়া বাণ সন্ধানের
মুহূর্তেক আকর্ষিল শরাসন-গুণ ।

পার্বতী এ হেন কালে তাত্ররুচি করে
লয়ে গেলা মন্দাকিনী-পদ্মবাজ মালা
ভাহুর কিরণে গুফ, শিবেরে সঁপিতে ।

ভকত-বাংসল্য-হেতু যেমন শঙ্কর
লইবেন আদরে পুঙ্কর-বীজ-মালা,
অমনি অব্যর্থ বাণ, নাম সম্মোহন,
শরাসনে জুড়িল কুসুম-শরাসন ।

চন্দ্রোদয়-আরম্ভে যেমন অম্বুরাশি,
এক রতি অধীর হইল তাঁর মন,
বিষাধর-শোভিত উমার মুখপানে
ত্রিয়ন নিবেশিলা শজ্জু একেবারে ।

উমাও মনের ভাব নারিলা ঢাকিতে—
অঙ্গ যেন বিকসিত ঝড় কুসুম,
লজ্জায় বিভ্রান্ত আঁধি সামালিতে নারি
আড় ভাবে রাখিলেন চাক মুখ-খানি ।

মহাবশী মহাদেব, অহ কেহ নয় !
মুহূর্তে ইন্দ্রিয়-ক্ষোভ নিগ্রহ করিয়া
বিকৃতির কারণ কি জানিবার তরে
করিলা নয়ন-পাত দিগ দিগন্তরে ।

মদনেরে দেখিলেন, দক্ষিণ অপাঙ্গে
মুষ্টি রহিয়াছে লগ্ন, ধলুগুণ-ধারী,
বাম পদ কুঞ্চিত, কাঁধের দিক নত,
চক্রাকার করিয়া সুন্দর ধলুখানি
টানিয়াছে গুণ, মারে আর কি সে বাণ ।

বাড়িল শিবের ক্রোধ তপস্কার ভঙ্গে,
এমনি ভ্রভঙ্গ যে তাকায় মুখপানে

সাধ্য নাই কাহারো, তৃতীয় নেত্র হতে
ক্ষুরস্ত-উদটি বহি ছুটিল সহসা ।

“ক্রোধ প্রভৃ সংহর সংহর”— এই বাণী
দেবতা-সবার হোথা চরিছে বাতাসে,
হেথায় সে হতাশন ভবনেত্র-জাত
করিল মদন তনু ভঙ্গ-অবশেষ ।

—ভারতী, ১২৮৪ মাঘ

ম্যাক্বেথের যে-ছন্দানুবাদ রবীন্দ্রনাথ এই সময়ে করিয়াছিলেন এবং বিভাগাগর মহাশয় ও রাজকৃষ্ণ মুখোপাধ্যায়কে শুনাইয়া ছিলেন জীবনস্মৃতির প্রথম পাণ্ডুলিপি-মতে তাহার “ডাকিনীদের অংশটা অনেকদিন পরে ভারতীতে বাহির হইয়াছিল”। ১২৮৭ সালের আশ্বিন সংখ্যা ভারতী হইতে উক্ত অনুবাদাংশ নিম্নে মুদ্রিত হইল (‘সম্পাদকের বৈঠক’, পৃ ২০২-২৩) :

(ডাকিনী । ম্যাক্বেথ)

দৃশ্য । বিজন প্রান্তর । বজ্র বিদ্যুৎ । তিন জন ডাকিনী ।

১ম ডা— বাড় বাদলে আবার কখন

মিলব মোরা তিন জনে ।

২য় ডা— বগড়া কাঁটা ধাম্বে যখন,

হার জিত সব মিটবে রণে ।

৩য় ডা— সাঁঝের আগেই হবে সে ত ;

১ম ডা— মিলব কোথায় বলে দে ত ।

২য় ডা— কাঁটা খোঁচা মাঠের মাঝ ।

৩য় ডা— ম্যাক্বেথ সেথা আস্ছে আজ ।

১ম ডা— কটা বেড়াল ! যাচ্ছি ওরে !

২য় ডা— ঐ বুঝি ব্যাঙ্ ডাক্চে মোরে !

৩য় ডা— চল্ তবে চল্ স্বরা কোরে !

সকলে— মোদের কাছে ভালই মন্দ,

মন্দ যাহা ভাল যে তাই,

অন্ধকারে কোয়াশাতে
ঘুরে ঘুরে ঘুরে বেড়াই।

প্রস্থান।

দৃশ্য। এক প্রাস্তর। বজ্র। তিন জন ডাকিনী।

১ম ডা— এতক্ষণ বোন কোথায় ছিলি ?

২য় ডা— মারতেছিলুম গুয়ের গুলি।

৩য় ডা— তুই ছিলি বোন, কোথায় গিয়ে ?

১ম ডা— দেখ, একটা মাঝির মেয়ে

গোটাকতক বাদাম নিয়ে

খাচ্ছিল সে কচমটিয়ে

কচমটিয়ে

কচমটিয়ে—

চাইলুম তার কাছে গিয়ে

পোড়ার মুখী বোল্লে রেগে

“ডাইনী মাগী যা’ তুই ভেগে।”

আলাপোয় তার স্বামী গেছে,

আমি যাব পাছে পাছে।

বেঁড়ে একটা ইঁহুর হোয়ে

চালুনীতে যাব বোয়ে—

যা বোলেছি কোরুব আমি

কোরুব আমি—

নইক আমি এমন মেয়ে !

২য় ডা— আমি দেব বাতাস একটি

১ম ডা— তুমি ভাই বেশ লোকটি !

৩য় ডা— একটি পাবি আমার কাছে।

১ম ডা— বাকি সব আমারি আছে।

থড়ের মতো একেবারে
 শুকিয়ে আমি ফেলব তারে ।
 কিবা দিনে কিবা রাতে
 ঘুম রবে না চোকের পাতে ।
 মিশবে না কেউ তাহার সাথে ।
 একাশি বার সাত দিন
 শুকিয়ে শুকিয়ে হবে ক্ষীণ ।
 জাহাজ যদি না যায় মারা
 ঝড়ের মুখে হবে সারা ।
 বল দেখি বোন, এইটে কি !

২য় ডা— কই, কই, কই দেখি, দেখি ।

১ম ডা— একটা মাঝির বুড় আঙুল
 রোয়েছে লো বোন, আমার কাছে,
 বাড়ি-মুখো জাহাজ তাহার
 পথের মধ্যে মারা গেছে ।

৩য় — ঐ শোন্ শোন্ বাজল ভেরী
 আসে ম্যাক্কেথ, নাইক দেয়ী ।

দৃশ্য । গুহা । মধ্যে ফুটন্ত কটাহ । বজ্র ।

তিন জন ডাকিনী ।

১ম ডা— কালো বেড়াল তিন বার
 করেছিল চীৎকার ।

২য় ডা— তিনবার আর এক বার
 সজাকটা ডেকেছিল ।

৩য় ডা— হাপি বলে আকাশতলে
 “সময় হোল” “সময় হোল” !

১ম ডা— আয় রে কড়া ঘিরে ঘিরে
 বেড়াই মোরা কিরে কিরে

বিষমাখা ঐ নাড়ি ভূঁড়ি
কড়ার মধ্যে ফেল্ রে ছুঁড়ি ।
ব্যাং একটা ঠাণ্ডা ভুঁয়ে
একত্রিশ দিন ছিল শুয়ে,
হোয়েছে সে বিষে পোরা
কড়ার মধ্যে ফেল্ব মোরা ।

সকলে—দ্বিগুণ দ্বিগুণ দ্বিগুণ খেটে
কাজ সাধি আয় সবাই জুটে ।
দ্বিগুণ দ্বিগুণ জল্ রে আশুন
ওঠ্ রে কড়া দ্বিগুণ ফুটে ।

২য়— জলার সাপের মাংস নিয়ে
সিদ্ধ কর কড়ায় দিয়ে ।
গিগিটি-চোক ব্যাঙ্গের পা,
টিকটিকি-ঠ্যাং পেঁচার ছা ।
কুত্তোর জিব, বাহুড় রোঁয়া,
সাপের জিব আর শুয়োর শোঁয়া ।
শক্ত ওষুধ কোরতে হবে
টগ্ বগিয়ে ফোটাই তবে ।

সকলে—দ্বিগুণ দ্বিগুণ দ্বিগুণ খেটে
কাজ সাধি আয় সবাই জুটে
দ্বিগুণ দ্বিগুণ জল্ রে আশুন
ওঠ্ রে কড়া দ্বিগুণ ফুটে ।

৩য়— মকরের আঁশ, বাঘের দাঁত,
ডাইনি-মরা, হাঙ্গর ব্যাং,
ইষের শিকড় তুলেছি রাতে
নেড়ের পিলে মেশাই তাতে,
পাঁঠার পিত্তি, শেওড়া ডাল
গেরণ-কালে কেটেছি কাল,
তাতারের ঠোঁট, তুর্কি নাক,
তাহার সাথে মিশিয়ে রাখ ।

আঙ্গে রে সেই জ্ঞান-মরা,
 খানায় ফেলে খুন করা,
 তারি একটি আঙুল নিয়ে
 সিদ্ধ কর কড়ায় দিয়ে।
 বাঘের নাড়ি ফেলে তাতে
 ঘন কর আঙণ তাতে।

সকলে—দ্বিগুণ দ্বিগুণ দ্বিগুণ খেটে
 কাজ সাধি আয় সবাই জুটে,
 দ্বিগুণ দ্বিগুণ জল্ রে আঙণ
 ওঠ্ রে কড়া দ্বিগুণ ফুটে।
 দ্বি ডা—বাঁদর ছানার রক্তে তবে
 ওষুধ ঠাণ্ডা কোরতে হবে—
 তবেই ওষুধ শক্ত হবে।

—ভারতী, ১২৮৭ আশ্বিন

এই পরিচ্ছেদে বর্ণিত রামসর্বষ পণ্ডিতমহাশয়ের নিকট সংস্কৃত পড়িবার কালে নিম্নলিখিত ব্যাপারটি ঘটয়াছিল ; জীবনস্মৃতিতে উহার উল্লেখ নাই।

রবীন্দ্রনাথ তখন [১৮৭৫] বাড়িতে রামসর্বষ পণ্ডিতের নিকট সংস্কৃত পড়িতেন। আমি [জ্যোতিরিন্দ্রনাথ] ও রামসর্বষ দুইজনে রবির পড়ার ঘরে বসিয়াই 'সরোজিনী'র গ্রন্থ সংশোধন করিতাম। রামসর্বষ খুব জোরে জোরে পড়িতেন। পাশের ঘর হইতে রবি শুনিতেন, ও মাঝে মাঝে পণ্ডিত মহাশয়কে উদ্দেশ্য করিয়া কোন্ স্থানে কী করিলে ভালো হয় সেই মতামত প্রকাশ করিতেন। রাজপুত-মহিলাদের চিত্তপ্রবেশের যে একটা দৃশ্য আছে, তাহাতে পূর্বে আমি গল্পে একটা বক্তৃতা রচনা করিয়া দিয়াছিলাম। যখন এই স্থানটা পড়িয়া গ্রন্থ দেখা হইতেছিল, তখন রবীন্দ্রনাথ পাশের ঘরে গড়াগুনা বন্ধ করিয়া চূপ করিয়া বসিয়া শুনিতেছিলেন। গল্পরচনাটি এখানে একেবারেই খাপ খায় নাই বুলিয়া কিশোর রবি একেবারে আমাদের ঘরে আসিয়া হাজির। তিনি বলিলেন, এখানে পত্র রচনা ছাড়া কিছুতেই জোর বাধিতে পারে না। প্রস্তাবটি আমি উপেক্ষা করিতে পারিলাম না— কারণ, প্রথম হইতেই আমারও মনটা কেমন খুঁত খুঁত করিতেছিল। কিন্তু এখন আর সময় কই? আমি সময়ভাবের আপত্তি উত্থাপন করিলে, রবীন্দ্রনাথ সেই বক্তৃতাটির পরিবর্তে একটি গান রচনা করিয়া দিবার ভার লইলেন এবং তখনই খুব অল্প সময়ের মধ্যেই 'জল্ জল্ চিতা দ্বিগুণ দ্বিগুণ' এই গানটি রচনা করিয়া আনিয়া আমাদের চমৎকৃত করিয়া দিলেন।

জ্যোতিবিশ্বনাথের 'সরোজিনী' নাটকের অন্তর্ভুক্ত রবীন্দ্রনাথের এই গানটি আলোচ্য প্রসঙ্গে উদ্ধারযোগ্য :

জল্ জল্ চিতা ! দ্বিগুণ, দ্বিগুণ,
পর্যগ সঁপিবে বিধবা-বাল।

জলুক্ জলুক্ চিতার আঁগুন,
জুড়াবে এখনি প্রাণের জালা ॥

শোন্ রে যবন !— শোন্ রে তোরা,
যে জালা হৃদয়ে জালালি সবে,
সাক্ষী র'গেন দেবতা তার
এর প্রতিফল ভুগিতে হবে ॥

ওই যে সবাই পশিল চিতায়,
একে একে একে অনল শিখায়,
আমরাও আয় আছি যে কজন,
পৃথিবীর কাছে বিদায় লই ।

সতীত্ব রাখিব করি প্রাণপণ,
চিতানলে আজ সঁপিব জীবন—
ওই যবনের শোন্ কোলাহল,
আয় লো চিতায় আয় লো সই !
জল্ জল্ চিতা ! দ্বিগুণ, দ্বিগুণ,
অনলে আহতি দিব এ প্রাণ ।

জলুক্ জলুক্ চিতার আঁগুন,
পশিব চিতায় রাখিতে মান ।

গাথ্ রে যবন ! গাথ্ রে তোরা !
কেমনে এড়াই কলঙ্ক-ফাঁসি ;
জগন্ত-অনলে হইব ছাই,
তবু না হইব তোদের দাসী ॥

আয় আয় বোন ! আয় সখি আয় !
 জলস্ত অনলে সঁপিবারে কায়,
 সতীত্ব লুকাতে জলস্ত চিতায়,
 জলস্ত চিতায় সঁপিতে প্রাণ !
 ছাখ্ রে জগৎ, মেলিয়ে নয়ন,
 ছাখ্ রে চন্দ্রমা, ছাখ্ রে গগন !
 স্বর্গ হ'তে সব ছাখ্ দেবগণ,
 জলদ-অক্ষরে রাখ গো লিখে ।
 স্পন্দিত যবন, তোরাও ছাখ্ রে,
 সতীত্ব-রতন, করিতে রক্ষণ,
 রাজপুত সতী আজিকে কেমন,
 সঁপিছে পরাণ অনল-শিখে ॥

—সরোজিনী নাটক, ষষ্ঠ অঙ্ক

বিদ্যালয়ত্যাগের পূর্বের ও অব্যবহিত পরের জীবন পূর্বোল্লিখিত 'আশ্রম-বিদ্যালয়ের
 সূচনা' প্রবন্ধের আরম্ভে রবীন্দ্রনাথ সংক্ষেপে বর্ণনা করিয়াছেন। 'ঘরের পড়া'র
 দু'-একটি নূতন চিত্র উহাতে আছে :

জীবনস্মৃতিতে লিখেছি, আমার বয়স যখন অল্প ছিল তখনকার স্কুলের রীতিপ্রকৃতি
 এবং শিক্ষক ও ছাত্রদের আচরণ আমার পক্ষে নিতান্ত দুঃসহ হয়ে উঠেছিল। তখনকার
 শিক্ষাবিধির মধ্যে কোনো রস ছিল না, কিন্তু সেইটেই আমার অসহিষ্ণুতার একমাত্র
 কারণ নয়। কলকাতা শহরে আমি প্রায় বন্দী অবস্থায় ছিলাম। কিন্তু বাড়িতে
 তবুও বন্ধনের ফাঁকে ফাঁকে বাইরের প্রকৃতির সঙ্গে আমার একটা আনন্দের সম্বন্ধ
 জন্মে গিয়েছিল, বাড়ির দক্ষিণ দিকের পুকুরের জলে সকালসন্ধ্যার ছায়া এপায়-ওপায়
 করত— হাঁসগুলো দিত সাঁতার, গুগলি তুলত জলে ডুব দিয়ে, আষাঢ়ের জলে-ভরা
 নীলবর্ণ পুঞ্জ পুঞ্জ মেষ সারবাঁধা নারকেলগাছের মাথার উপরে ঘনিয়ে আনত বর্ষার
 গভীর সমারোহ। দক্ষিণের দিকে যে-বাগানটা ছিল ওইখানেই নানা রঙে ঝড়ুর
 পর ঝড়ুর আমন্ত্রণ আসত উৎসুক দৃষ্টির পথে আমার হৃদয়ের মধ্যে।

যখন আমার বয়স তেরো, তখন এডুকেশন বিভাগীয় দাঁড়ের শিকল ছিল
 করে বেরিয়ে পড়েছিলাম। তারপর থেকে যে-বিদ্যালয়ে হলেম ভরতি তাকে
 যথার্থই বলা যায় বিশ্ববিদ্যালয়। সেখানে আমার ছুটি ছিল না, কেননা অবিশ্রাম কাজের

মধ্যেই পেয়েছি ছুটি। কোনো কোনো দিন পড়েছি রাত দুটো পর্যন্ত। তখনকার অপ্রথর আলোকের যুগে রাত্রে সমস্ত পাড়া নিস্তব্ধ, মাঝে মাঝে শোনা যেত 'হরিবোল' শ্মশানযাত্রীদের কণ্ঠ থেকে। ভেরেণ্ডা তেলের সেজের প্রদীপে দুটো সলতের মধ্যে একটা সলতে নিবিয়ে দিতুম, তাতে শিখার তেজ হ্রাস হত কিন্তু হত আয়ুবুদ্দি। মাঝে মাঝে অন্তঃপুর থেকে বড়দিদি এসে জোর করে আমার বই কেড়ে নিয়ে আমাকে পাঠিয়ে দিতেন বিছানায়। তখন আমি যে-সব বই পড়বার চেষ্টা করেছি কোনো কোনো গুরুজন তা আমার হাতে দেখে মনে করেছেন— স্পর্ধা। শিক্ষার কারাগার থেকে বেরিয়ে এসে যখন শিক্ষার স্বাধীনতা পেলুম তখন কাজ বেড়ে গেল অনেক বেশি, অথচ ভার গেল কমে।'

—প্রবাসী, ১৩৪০ আশ্বিন, পৃ ৭৩৭

বাড়ির আবহাওয়া

'নবনাটক' অভিনয় সম্পর্কে পূর্ণতর পরিচয় নিম্নে প্রদত্ত হইল :

নাট্যশালা সমিতির^২ অহুরোধে রামনারায়ণ তর্করত্ন অল্প সময়ের মধ্যেই 'নব নাটক' নামক নূতন নাটক প্রণয়ন করিলেন। ১২৭৩ সনের ২৩ শে বৈশাখ এক প্রকাণ্ড সভা আহূত হইল এবং কলিকাতার সম্ভ্রান্ত ব্যক্তিগণের সমক্ষে নাটকখানি আন্তোপান্ত পঠিত হইল; সভাপতি প্যারীচাঁদ মিত্র রৌপ্যপাত্রে রক্ষিত পাঁচশত টাকা তর্করত্ন মহাশয়কে অতিশ্রুত পুরস্কার বলিয়া প্রদান করিলেন। কেবল ইহাই নহে, গণেশনাথ গ্রন্থখানির সহস্র খণ্ড মুদ্রণের সমস্ত ব্যয় এবং গ্রন্থবহুত্ব নাট্যকারকে প্রদান করিলেন।

—জ্যোতিরিন্দ্রনাথ, পৃ ১২

১ কুন্তিবাস, কাশীরাম দাস, একত্র-বাঁধানো বিবিধার্থসংগ্রহ, আরব্য উপন্যাস, পারশ্ব উপন্যাস, বাংলা রবিন্সন ক্রুসো, হুণীলার উপাখ্যান, রাজা প্রতাপাদিত্য রায়ের জীবনচরিত, বেতাল-পঞ্চবংশতি প্রভৃতি তখনকার কালের গ্রন্থগুলি বিস্তর পাঠ করিয়াছিলাম।

—'বন্ধিমচন্দ্র', সাধনা ১৩০১ বৈশাখ; জ রচনাবলী ৯, পৃ ৫৫০

জীবনস্মৃতির প্রথম পাণ্ডুলিপিতে 'মংশনারীর গল্প' উল্লিখিত হইয়াছে।

২ কৃষ্ণবিহারী সেন, গণেশনাথ ঠাকুর, জ্যোতিরিন্দ্রনাথ ঠাকুর, অক্ষয়চন্দ্র চৌধুরী এবং জ্যোতিবাবুর ভগিনীপতি যদুনাথ মুখোপাধ্যায়, এই পাঁচজনকে লইয়া গঠিত নাট্যসমিতি। —জ জ্যোতিস্মৃতি, পৃ ৯৬

It was Gopal Ooriah's Jatra that suggested us the idea of projecting a theatre— It was Gangooly [Saradaprasad], you and I that proposed it.

—গণেশনাথকে লিখিত জ্যোতিরিন্দ্রনাথের পত্র

নবনাটক ১২৭০ সালে রচিত হয়। ইহাতে কলিকাতা জোড়াদাঁকো-বান্দো বাবু গুণেন্দ্রনাথ ঠাকুর ২০০ টাকা পারিতোষিক দেন। এই নাটক তাঁহার বাটীতে ২ বার অভিনয় হয়।

—রামনারায়ণের আত্মকথা ; ত্র চরিতমালা ৫, পৃ ৩৪

এই নির্দোষ আমোদপ্রমোদের আবহাওয়া-রচনায় দেবেন্দ্রনাথের উৎসাহবাক্য তাঁহার লাভ করিয়াছিলেন :

ওঁ

নাটোর

কালীগাম ৪ঠা মাঘ ১৭৮৮

[১৮৬৭, ১৬ জানুয়ারি]

প্রাণাধিক গণেন্দ্রনাথ,

তোমাদের নাট্যশালার দ্বার উদ্ঘাটিত হইয়াছে, সমবেত বাণ দ্বারা অনেকের হৃদয় নৃত্য করিয়াছে, কবিহরনের আবাদনে অনেকে পরিতৃপ্তি লাভ করিয়াছে। নির্দোষ আমোদ আমাদের দেশের যে একটি অভাব, তাহা এই প্রকারে ক্রমে ক্রমে দূরীভূত হইবে। পূর্বে আমার সহস্রম মধ্যম ভায়ার, উপরে ইহার জন্ত আমার অনুরোধ ছিল, তুমি তাহা সম্পন্ন করিলে। কিন্তু আমি স্নেহপূর্বক তোমাকে সাবধান করিতেছি যে, এ প্রকার আমোদ যেন দোষে পরিণত না হয়। সদ্ভাবের সহিত এ আমোদকে রক্ষা করিলে আমাদের দেশে সভ্যতার বৃদ্ধি হইবে, তাহাতে সন্দেহ নাই।

ইতি শ্রীদেবেন্দ্রনাথ শর্মণঃ

এই অধ্যায়ে উল্লিখিত “কিছুত কোতুক নাট্যরচনা” প্রসঙ্গে জ্যোতির্বিদ্রনাথের উক্তি উদ্ধারযোগ্য :

একদিন কথা হইল, আমাদের ভিতর Extravaganza নাট্য নাই। আমি তখনই Extravaganza প্রস্তুত করিবার ভার লইলাম। পুরাতন ‘সংবাদ-প্রভাকর’ হইতে কতকগুলি মজার মজার কবিতা জোড়াতাড়া দিয়া একটা ‘অভূতনাট্য’ খাড়া করিয়া, তাহাতে হর বসাইয়া ও-বাড়ির বৈঠকখানায় মহা উৎসাহের সহিত তাহার মহলা আরম্ভ করিয়া দিলাম। তাহাতে একটা গান ছিল,—

‘ও কথা আর বোলো না, আর বোলো না,

বলছ বঁধু কিমের ঝোকে—

ও বড়ো হাসির কথা, হাসির কথা,

হাসবে লোকে, হাসবে লোকে—

হাঃ হাঃ হাঃ হাসবে লোকে !’

হাঃ হাঃ হাঃ— এই জায়গাটিতে হর হাসির অনুকরণে রচনা করিয়া দিয়াছিলাম। বৈঠকখানায় ঐরূপ ‘হাঃ হাঃ হাঃ’ হ্রের অধিকাংশ সময়ে অটহাস্য হইত আর ধুপ্, ধাপ্, শব্দে প্রচণ্ড তাণ্ডবনৃত্য চলিত। শ্রীমান রবীন্দ্রনাথ তাঁহার স্মৃতিকথায় এই ‘অভূতনাট্য’ বড়দাদার নামে আরোপ করিয়াছেন ; কিন্তু বড়দাদা [বিদ্রোহনাথ ঠাকুর] এই শাস্তিহানির বিষয়ে সম্পূর্ণ নিরপরাধ।

—জ্যোতিষ্মতি, পৃ ৭১-৭২

অক্ষয়চন্দ্র চৌধুরী

অক্ষয়চন্দ্র চৌধুরীর চরিত্রদ্রব্যোতক একটি ঘটনা 'জ্যোতিরিন্দ্রনাথের জীবনস্মৃতি' হইতে উদ্ধৃত হইল :

ঠাহাকে [অক্ষয়বাবুকে] অতি সহজেই April fool করা যাইত। একবার রবি গোঁপদাড়ি পরিয়া একজন পার্শী সাজিয়া ঠাহাকে বড়ো ঠকাইয়াছিলেন। আমি বলিলাম— বোধহই হইতে একজন পার্শী ভদ্রলোক এসেছেন, তোমার সঙ্গে ইংরাজি-সাহিত্য সম্বন্ধে আলোচনা করিতে চান। অক্ষয় অমনি তৎক্ষণাৎ স্বীকৃত হইলেন। রবি ছদ্মবেশী পার্শী হইয়া আসিয়া ঠাহার সঙ্গে সাহিত্যালোচনা আরম্ভ করিয়া দিলেন। এই রবিবেক তিনি কতবার দেখিয়াছেন, কতবার ঠাহার কত পরিচিত, কিন্তু ঐ যে পার্শী বলিয়া ঠাহার ধারণা হইয়াছে সে তো গীত্র যাইবার নয়। অক্ষয় Byron, Shelley প্রভৃতি আওড়াইয়া খুব গভীর ভাবে আলোচনা জুড়িয়া দিলেন। অনেকক্ষণ এইরূপ চলিল, শেষে আমরা আর হাত্ত সম্বরণ করিতে পারি না, এমনসময় শ্রীবৃন্দ তারকনাথ পালিত মহাশয় আসিয়া উপস্থিত। আসিয়াই তিনি “এ কে? —রবি?” বলিয়া রবির মাথায় ঘেমন এক খাঙ্গড় মারিলেন, অমনি কৃত্রিম দাড়িগোঁপ সব খসিয়া পড়িল। অক্ষয় অবাক হইয়া ফ্যাল-ফ্যাল করিয়া চাহিয়া রহিলেন; তখনও কল্পনার নেশাটা ঠাহার মাথা হইতে ঘেন সম্পূর্ণ ছুটে নাই।

—জ্যোতিস্মৃতি, পৃ ১৫০-৫৪

গীতচর্চা

এই অধ্যায়ের প্রথম পাণ্ডুলিপিতে প্রাপ্ত স্বতন্ত্ররূপ নিম্নে মুদ্রিত হইল :

আমাদের পরিবারে গানচর্চার মধ্যেই শিশুকাল হইতে আমরা বাড়িয়া উঠিয়াছি। কবে যে গান গাহিতে পারিতাম না তাহা মনে পড়ে না। মনে আছে, বাল্যকালে গাঁদাফুল দিয়া ঘর সাজাইয়া মাঘোৎসবের অল্পকরণে আমরা খেলা করিতাম। সে খেলায় অল্পকরণের আর-আর সমস্ত অঙ্গ একেবারেই অর্থহীন ছিল কিন্তু গানটা ফাঁকি ছিল না। এই খেলায় ফুল দিয়া সাজানো একটা টেবিলের উপরে বসিয়া আমি উচ্চকণ্ঠে 'দেখিলে তোমার সেই অতুল প্রেম-আননে' গান গাহিতেছি, বেশ মনে পড়ে।

চিরকালই গানের সুর আমার মনে একটা অনির্বচনীয় আবেগ উপস্থিত করে। এখনো কাজকর্মের মাঝখানে হঠাৎ একটা গান শুনিলে আমার কাছে এক মুহূর্তেই সমস্ত সংসারের ভাবান্তর হইয়া যায়। এই-সমস্ত চোখে-দেখার রাজ্য গানে-শোনার মধ্য দিয়া হঠাৎ একটা কী নূতন অর্থ লাভ করে। হঠাৎ মনে হয়, আমরা যে-জগতে

আছি বিশেষ করিয়া কেবল তাহার একটা তলার সঙ্গেই সম্পর্ক রাখিয়াছি— এই আলোকের তলা, বস্তুর তলা, কিন্তু এইটেই সমস্তটা নয়। যখন এই বিপুল রহস্যময় প্রাসাদে সুর আর-একটা মহলের একটা জালনা ক্ষণিকের জগ্ন খুলিয়া দেয় তখন আমরা কী দেখিতে পাই! সেখানকার কোনো অভিজ্ঞতা আমাদের নাই সেইজগ্ন ভাষায় বলিতে পারি না কী পাইলাম— কিন্তু বুঝিতে পারি, সেদিকেও অপরিদীম সত্য পদার্থ আছে। বিশ্বের সমস্ত স্পন্দিত জাগ্রত শক্তি আজ প্রধানত বস্তু ও আলোক রূপেই প্রতিভাত হইতেছে বলিয়া আজ আমরা এই সূর্যের আলোকে বস্তুর অক্ষর দিয়াই বিশ্বকে অহরহ পাঠ করিতেছি, আর-কোনো অবস্থা কল্পনা করিতে পারি না— কিন্তু এই অসীম স্পন্দন যদি আমাদের কাছে আর-কিছু না হইয়া কেবল গগনব্যাপী অতি বিচিত্র সংগীতরূপেই প্রকাশ পাইত, তবে অক্ষররূপে নহে, বাণীরূপেই আমরা সমস্ত পাইতাম। গানের সুরে যখন অন্তঃকরণের সমস্ত তন্ত্রী-কাঁপিয়া উঠে তখন অনেকসময় আমার কাছে এই দৃশ্যমান জগৎ যেন আকার-আয়তনহীন বাণীর ভাবে আপনাকে ব্যক্ত করিতে চেষ্টা করে— তখন যেন বুঝিতে পারি, জগৎটাকে যে-ভাবে জানিতেছি তাহা ছাড়া কতরকম ভাবেই যে তাহাকে জানা যাইতে পারিত, তাহা আমরা কিছুই জানি না।

সেইসময় জ্যোতির্গাদার পিয়ানো যন্ত্রের উত্তেজনায়, কতক বা তাঁহার রচিত সুরে কতক বা হিন্দুস্থানি গানের সুরে বাল্মীকিপ্রতিভা গীতিনাট্য রচনা করিয়াছিলাম। তখন বিহারীলাল চক্রবর্তীর সারদামঙ্গল সংগীত আর্ষদর্শনে বাহির হইতেছিল এবং আমরা তাহাই লইয়া মাতিয়া ছিলাম। এই সারদামঙ্গলের আরম্ভ-সর্গ হইতেই বাল্মীকিপ্রতিভার ভাবটা আমার মাথায় আসে এবং সারদামঙ্গলের দুই-একটি কবিতাও রূপান্তরিত অবস্থায় বাল্মীকিপ্রতিভায় গানরূপে স্থান পাইয়াছে।

তেতালার ছাদের উপর পাল খাটাইয়া স্টেজ বাঁধিয়া এই বাল্মীকিপ্রতিভার অভিনয় হইল। তাহাতে আমি বাল্মীকি সাজিয়াছিলাম। রঙ্গমঞ্চে আমার এই প্রথম অবতারণ। দর্শকদের মধ্যে বঙ্কিমচন্দ্র ছিলেন; তিনি এই গীতিনাট্যের অভিনয় দেখিয়া তৃপ্তিপ্রকাশ করিয়াছিলেন।

ইহার পরে, দশরথ কর্তৃক যুগভ্রমে মুনিবালকবধ, ঘটনা অবলম্বন করিয়া গীতিনাট্য লিখিয়াছিলাম। তাহাও অভিনীত হইয়াছিল। আমি তাহাতে অঙ্কমুনি সাজিয়া-

ছিলাম। এই গীতিনাট্যের অনেকগুলি গান পরে বান্ধীকিপ্রতিভার অন্তর্গত হইয়া তাহারই পুষ্টিসাধন করিয়াছে।

—পাণ্ডুলিপি

দ্বিতীয় পাণ্ডুলিপি এবং প্রবাসীতে এই অধ্যায়ের শেবাংশ নিম্ন-আকারে পরিবর্তিত হইয়াছিল :

জ্যোতিদাদার পিয়ানো যন্ত্র যখন খুব চলিতেছে সেই সময়ে সেই উৎসাহেই কতক তাঁহার সুরে কতক হিন্দি গানের সুরে বান্ধীকিপ্রতিভা গীতিনাট্য রচনা করিয়াছিলাম। তখন এই নাটক লিখিবার একটি উপলক্ষ্য ঘটয়াছিল।

বৎসরে একবার দেশের সমস্ত সাহিত্যিকগণকে একত্র করিবার অভিপ্রায়ে আমাদের বাড়িতে ‘বিষ্ণুজ্ঞানসমাগম’ নামক এক সভা স্থাপিত হইয়াছিল। সেই সম্মিলন উপলক্ষ্যে গান বাজনা আবৃত্তি ও আহায়াদি হইত।

দ্বিতীয় বৎসরে দাদারা এই সম্মিলনে একটি নাট্যাভিনয় করিবার ইচ্ছা করিলেন। কোন বিষয় অবলম্বন করিয়া নাটক লিখিলে এই সভার উপযুক্ত হইবে তাহারই আলোচনাকালে দস্যুরত্নাকরের কবি হইবার কাহিনীই সকলের চেয়ে সংগত বলিয়া বোধ হইল। ইহার কিছু পূর্বেই আর্ধদর্শনে বিহারীলাল চক্রবর্তী মহাশয়ের সারদা-মঙ্গল সংগীত বাহির হইয়া আমাদের সকলকেই মাতাইয়া তুলিয়াছিল। এই কাব্যে বান্ধীকির কাহিনী যেরূপ বর্ণিত হইয়াছে তাহারই সঙ্গে দস্যু রত্নাকরের বিবরণ জড়াইয়া দিয়া এই নাটকের গল্পটা একরূপ খাড়া হইল। তাহার পর জ্যোতিদাদা বাজাইতে লাগিলেন, আমি গান তৈরি করিতে লাগিলাম এবং অক্ষয়বাবুও মাঝে মাঝে যোগ দিলেন। অক্ষয়বাবু রচিত দুই-তিনটি গান বান্ধীকিপ্রতিভার মধ্যে আছে।

তেতালার ছাদের উপর পাল খাটাইয়া স্টেজ বাঁধিয়া বান্ধীকিপ্রতিভার অভিনয় হইল। আমি সাজিয়াছিলাম বান্ধীকি। আমার ভ্রাতুষ্পুত্রী প্রতিভা সরস্বতী সাজিয়াছিল। বান্ধীকিপ্রতিভার নামের মধ্যে সেই ইতিহাসটুকু রহিয়াছে। দর্শকদের মধ্যে বঙ্কিমচন্দ্র ছিলেন [অভিনয়মঞ্চ হইতে আমি তাঁহাকে চক্ষে দেখিতে পাইলাম না কিন্তু শুনিতে পাইলাম]^১— তিনি খুশি হইয়া গিয়াছিলেন।

—দ্বিতীয় পাণ্ডুলিপি, ও প্রবাসী (পৃ ৩১২), ১৩১৮ মাস

গ্রন্থপ্রকাশের সময় এই অংশ বর্জিত হয় এবং ‘বান্ধীকিপ্রতিভা’ নামে স্বতন্ত্র অধ্যায়টি সংযোজিত হয়।

১ বন্ধনীভুক্ত অংশ প্রবাসীতে আছে, পাণ্ডুলিপিতে নাই।

জ্যোতিরিন্দ্রনাথের সত্তরচিত সুরের সহিত রবীন্দ্রনাথ ও অক্ষয়চন্দ্রের গান-রচনার পূর্ণতর একটি চিত্র এই প্রসঙ্গে উদ্ভূত হইল :

এই নময়ে আমি [জ্যোতিরিন্দ্রনাথ] পিয়ানো বাজাইয়া নানাধি হর রচনা করিতাম। আমার দুই পাৰ্শ্বে অক্ষয়চন্দ্র ও রবীন্দ্রনাথ কাগজ পেঙ্গিল লইয়া বসিতেন। আমি যেমনি একটি হর রচনা করিলাম অমনি ইঁহার সেই হরের সঙ্গে তৎক্ষণাৎ কথা বসাইয়া গান রচনা করিতে লাগিয়া বাইতেন। একটি নূতন হর তৈরি হইবামাত্র সেটি আরও কয়েকবার বাজাইয়া ইঁহাদিগকে শুনাইতাম। সেইসময় অক্ষয়চন্দ্র চক্ষু মুদিয়া বর্ষা দিগার টানিতে টানিতে মনে মনে কথার চিন্তা করিতেন। পরে যখন তাঁহার নাক মুখ দিয়া অজস্রভাবে ধুমপ্রবাহ বহিত তখনি বুঝা যাইত যে, এইবার তাঁহার মস্তিষ্কের ইঞ্জিন চলিবার উপক্রম করিয়াছে। তিনি অমনি বাহজ্ঞানশূন্য হইয়া চুরটের টুকরাটি সম্মুখে ধাফা পাইতেন, এমন-কি পিয়ানোর উপরেই, ভাড়াভাড়ি রাখিয়া দিয়া হাঁক ছাড়িয়া “হয়েছে হয়েছে” বলিতে বলিতে আনন্দদীপ্ত মুখে লিখিতে শুরু করিয়া দিতেন। রবি কিন্তু বরাবর শাস্তভাবেই ভাবাবেশে রচনা করিতেন। রবীন্দ্রনাথের চাঞ্চল্য বচিং লক্ষিত হইত। অক্ষয়ের বত শীঘ্র হইত রবির রচনা তত শীঘ্র হইত না।

—জ্যোতিস্মৃতি, পৃ ১৫৫-৫৬

সাহিত্যের সঙ্গী

এই অধ্যায়ে ‘বউঠাকুরানী’ কতৃক বিহারীলালকে একখানি আসন দিবার কথা উল্লিখিত হইয়াছে। সেই প্রসঙ্গে বিহারীলালের গ্রন্থাবলী হইতে ‘সাধের আসন’ কাব্যগ্রন্থের ভূমিকা অংশ নিম্নে উদ্ভূত হইল :

কোনো সম্রাট সৌমস্তিনী আমার ‘সারদামঙ্গল’ পাঠে দম্বষ্ট হইয়া চারি মাস যাবৎ স্বহস্তে বুনিয়া একখানি উৎকৃষ্ট আসন আমাকে উপহার দেন। এই আসনের নাম—‘সাধের আসন’। সাধের আসনে অতি হৃন্দর হৃন্দর অক্ষর বুনিয়া ‘সারদামঙ্গল’ হইতে এই শ্লোকার্থ উদ্ভূত করা হইয়াছে—

হে যোগেন্দ্র ! যোগাসনে

চুলু চুলু ছনয়নে

বিভোর বিহ্বল মনে কাহারে খেয়াও ? ২

প্রদানকালে আসনদাত্রী উদ্ভূত শ্লোকার্থের উত্তর চাহেন। আমিও উত্তর লিখিব বলিয়া প্রতিশ্রুত হইয়া আমি এবং বাটীতে আসিয়া তিনটি শ্লোক লিখি। কিছুদিন গত হইলে উত্তর লিখিবার কথা একপ্রকার ভুলিয়া গিয়াছিলাম। সেই আসনদাত্রী দেবী এখন জীবিত নাই। তাঁহার মৃত্যুর পরে উত্তর সাদ হইয়াছে ॥ এই ক্ষুদ্র খণ্ডকাব্যের উপস্থিত আসনের নামে নাম রহিল—‘সাধের আসন’।

‘সাধের আসন’ রচনার ইতিহাসটি কৃষ্ণকমল ভট্টাচার্য তাঁহার স্মৃতিকথায় (‘পুরাতন প্রসঙ্গ’, প্রথম পর্যায়, পৃ ১৭২) এরূপ বর্ণনা করিয়াছেন :

জ্যোতির্সাকোর ঠাকুরবাড়িতে বিহারীর বিশেষ আদর ছিল। দেবেন্দ্রনাথ ঠাকুর মহাশয় তাঁহাকে পুত্রবৎ স্নেহ করিতেন; দ্বিজেন্দ্রনাথের সহিত তাঁহার ভ্রাতৃবৎ ভাব ছিল। সে পরিবারের মহিলারাও বিহারীকে বিশেষ শ্রদ্ধা করিতেন। শ্রীযুক্ত জ্যোতিরিন্দ্রনাথ ঠাকুরের পত্নী তাঁহাকে যত্নরচিত একখানি আদন উপহার দিমাছিলেন। সেই উপলক্ষে বিহারী 'সাধের আদন' লিখেন।

—চরিতমালা ২৫, পৃ ১৯

রচনাপ্রকাশ

১২৭৯ সালের অগ্রহায়ণে রাজশাহী হইতে শ্রীকৃষ্ণ দাসের সম্পাদনায় প্রকাশিত 'জ্ঞানাক্ষর' পত্রিকা ১২৮২ সালের অগ্রহায়ণে 'জ্ঞানাক্ষর ও প্রতিবিম্ব' মাসিক সন্দর্ভ ও সমালোচন' নামে নবকলেবরে কলিকাতা হইতে বাহির হয়। প্রকাশক ছিলেন যোগেশচন্দ্র বন্দ্যোপাধ্যায়। আলোচ্য অধ্যায়ে "জ্ঞানাক্ষর নামে এক কাগজ" বলিতে রবীন্দ্রনাথ সেই নবপর্ষায়ের 'জ্ঞানাক্ষর ও প্রতিবিম্ব' নামক মাসিকপত্রটিকেই স্মরণ করিয়াছেন। উক্ত পত্রিকার চতুর্থ খণ্ডের প্রথম সংখ্যা (১২৮২ অগ্রহায়ণ) হইতে বালাক কবি রবীন্দ্রনাথের 'প্রসাপ' কবিতা (পৃ ১৫-১৭) ও 'বনফুল' কাব্য (পৃ ৩৫-৩৮) ধারাবাহিক ভাবে বাহির হইতে থাকে। সাহিত্যসমালোচনার আকারে তাঁহার প্রথম স্বাধীন গল্প প্রবন্ধ 'ভুবন মোহিনী প্রতিভা, অবসর সরোজিনী ও দুঃখ সঙ্গিনী' ১২৮৩ সালের কাতিক সংখ্যার (পৃ ৫৪৩-৫০) 'জ্ঞানাক্ষর ও প্রতিবিম্ব' পত্রিকাতেই বাহির হয়।

ধণ্ডকাব্যের তথা গীতিকাব্যের লক্ষণ লইয়া "খুব ঘটাই করিয়া" লেখা রবীন্দ্রনাথের এই প্রথমমুদ্রিত অনতিদীর্ঘ প্রবন্ধটির আরম্ভের কিয়দংশ কোঁতুহলী পাঠকদের জ্ঞান নিম্নে মুদ্রিত হইল :

মনুষ্যহৃদয়ের স্বভাব এই যে, যখনই সে সুখ দুঃখ শোক প্রভৃতির দ্বারা আক্রান্ত হয়, তখন সে ভাব বাছে প্রকাশ না করিলে সে সুস্থ হয় না। যখন কোন সঙ্গী পাই, তখন তাহার নিকট মনোভাব ব্যক্ত করি, নহিলে সেই ভাব সঙ্গীতাদির দ্বারা প্রকাশ করি। এইরূপে গীতিকাব্যের উৎপত্তি। আর কোন মহাবীর শত্রুহস্ত বা কোন অপকার হইতে দেশকে মুক্ত করিলে তাঁহার প্রতি কৃতজ্ঞতাসূচক যে গীতি রচিত ও গীত হয় তাহা হইতেই মহাকাব্যের জন্ম। সুরতাং মহাকাব্য যেমন পরের হৃদয় চিত্র করিতে উৎপন্ন হয়, তেমনি গীতিকাব্য নিজের হৃদয় চিত্র করিতে উৎপন্ন হয়। মহাকাব্য আমরা পরের জন্ত রচনা করি এবং গীতিকাব্য আমরা নিজের জন্ত রচনা করি। যখন প্রেম, কক্ষণা, ভক্তি প্রভৃতি বৃত্তি সকল হৃদয়ের গুঢ় উৎস হইতে উৎসারিত হয়, তখন

আমরা হৃদয়ের ভার লাঘব করিয়া তাহা গীতিকাব্যরূপ শ্রোতে ঢালিয়া দিই এবং আমাদের হৃদয়ের পবিত্র প্রস্রবণজাত সেই শ্রোত হয়ত শত শত মনোভূমি উর্বরা করিয়া পৃথিবীতে চিরকাল বর্তমান থাকিবে।... এই গীতিকাব্যই ফরাসী বিদ্রোহের উত্তেজনা করিয়াছে, এই গীতিকাব্যই চৈতন্যের ধর্ম বঙ্গদেশে বদ্ধমূল করিয়া দিয়াছে, এবং এই গীতিকাব্যই বাঙ্গালির নির্জীব হৃদয়ে আজকাল অল্প অল্প জীবন সঞ্চার করিয়াছে। মহাকাব্য সংগ্রহ করিতে হয়, গঠিত করিতে হয়; গীতিকাব্যের উপকরণ সকল গঠিত আছে, প্রকাশ করিলেই হইল।... গীতিকাব্য অকৃত্রিম কেননা তাহা আমাদের নিজের হৃদয়কাননের পুষ্প, আর মহাকাব্য শিল্প, কেননা তাহা পরহৃদয়ের অনুকরণ মাত্র।... গীতিকাব্য যেমন প্রাচীনকালের তেমনি এখনকার, বরং সভ্যতার সঙ্গে তাহা উন্নতি লাভ করিবে, কেননা সভ্যতার সঙ্গে সঙ্গে যেমন হৃদয় উন্নত হইবে, তেমনি হৃদয়ের চিত্রও উন্নতি লাভ করিবে।

—জ্ঞানাসুর ও প্রতিবিধ, ১২৮৩ কার্তিক, পৃ ৫৪৩-৪৪

রবীন্দ্রনাথের বালকবয়সের লেখার ধারাবাহিক প্রকাশ 'জ্ঞানাসুর ও প্রতিবিধ' পত্রিকায় শুরু হইয়া থাকিলেও রবীন্দ্ররচনা প্রথম প্রকাশের গৌরব বস্তুত 'তত্ত্ববোধিনী পত্রিকা'র প্রাপ্য।

১৭২৬ শকের অগ্রহায়ণ সংখ্যা (ইং ১৮৭৪ নভেম্বর-ডিসেম্বর) তত্ত্ববোধিনী পত্রিকায় (পৃ ১৪৮-১৫০) 'দ্বাদশ বর্ষীয় বালকের রচিত' অভিলাষ' নামক দীর্ঘ একটি কবিতা প্রকাশিত হয়। শ্রীসজনীকান্ত দাস রবীন্দ্রনাথের জীবদ্দশায় (ইং ১৯৩৯ সালে) উহা আবিষ্কার করিয়া দেখাইয়াছেন যে উহাই রবীন্দ্রনাথের "সর্বপ্রথম মুদ্রিত রচনা"।^১ কবিতাটি নিম্নে আছোপাস্ত মুদ্রিত হইল।

অভিলাষ।

দ্বাদশ বর্ষীয় বালকের রচিত।

(১)

জনমনোমুগ্ধকর উচ্চ অভিলাষ !
তোমার বন্ধুর পথ অনন্ত অপার।
অতিক্রম করা যায় যত পাছশালা,
তত যেন অগ্রসর হতে ইচ্ছা হয়।

(২)

তোমার বাঁশরি স্বরে বিমোহিত মন—
মানবেরা, ঐ স্বর লক্ষ্য করি হায়,
যত অগ্রসর হয় ততই যেমন
কোথায় বাজিছে তাহা বুঝিতে না পারে ।

(৩)

চলিল মানব দেখ বিমোহিত হয়ে,
পর্বতের অভূত শিখর লজ্জিয়া,
তুচ্ছ করি সাগরের তরঙ্গ ভীষণ,
মরুর পথের ক্লেশ সহি অনায়াসে ।

(৪)

হিম ক্ষেত্র, জন-শূণ্য কানন, প্রান্তর,
চলিল সকল বাধা করি অতিক্রম ।
কোথায় যে লক্ষ্যস্থান খুঁজিয়া না পায়,
বুঝিতে না পারে কোথা বাজিছে বাঁশরি ।

(৫)

ঐ দেখ ছুটিয়াছে আর এক দল,
লোকারণ্য পথ মাঝে সুখ্যাতি কিনিতে ;
রণক্ষেত্রে যত্নের বিকট মূর্তি মাঝে,
শমনের দ্বারসম কামানের মুখে ।

(৬)

ঐ দেখ পুস্তকের প্রাচীর মাঝারে
দিন রাত্রি আর স্বাস্থ্য করিতেছে ব্যয় ।
পছঁছিতে তোমার ও দ্বারের সম্মুখে
লেখনীয়ে করিয়াছে সোপান সমান ।

(৭)

কোথায় তোমার অন্ত রে দুর্ভিলাষ
“স্বর্ণ অট্টালিকা মাঝে ?” তা নয় তা নয় ।
“সুবর্ণ খনির মাঝে অন্ত কি তোমার ?”
তা নয় যমের দ্বারে অন্ত আছে তব ।

(৮)

তোমার পথের মাঝে, দুষ্ট অভিলাষ,
ছুটিয়াছে, মানবেরা সন্তোষ লভিতে ।
নাহি জানে তারা ইহা নাহি জানে তারা,
তোমার পথের মাঝে সন্তোষ থাকে না !

(৯)

নাহি জানে তারা হায় নাহি জানে তারা
দরিদ্র কুটির মাঝে বিরাজে সন্তোষ ।
নিরঞ্জন তপোবনে বিরাজে সন্তোষ ।
পবিত্র ধর্মের দ্বারে সন্তোষ আসন ।

(১০)

নাহি জানে তারা ইহা নাহি জানে তারা
তোমার কুটিল আর বন্ধুর পথেতে
সন্তোষ নাহিক পারে পাতিতে আসন ।
নাহি পশে স্বর্ধকর আঁধার নরকে ।

(১১)

তোমার পথেতে ধায় সুখের আশয়ে
নির্বোধ মানবগণ সুখের আশয়ে ;
নাহি জানে তারা ইহা নাহি জানে তারা
কটাক্ষও নাহি করে সুখ তোমা পানে ।

(১২)

সন্দেহ ভাবনা চিন্তা আশঙ্কা ও পাপ
এরাই তোমার পথে ছড়ান কেবল
এরা কি হইতে পারে স্ত্রের আসন
এসব জঞ্জালে সুখ তিষ্ঠিতে কি পারে ।

(১৭)

রৌদ্রের প্রথর তাপে দরিদ্র কৃষক
ধর্ম-সিক্ত কলেবরে করিছে কর্ষণ
দেখিতেছে চারি ধারে আনন্দিত মনে
সমস্ত বর্ষের তার শ্রমের যে ফল ।

(১৩)

নাহি জানে তারা ইহা নাহি জানে তারা
নির্বোধ মানবগণ নাহি জানে ইহা
পবিত্র ধর্মের দ্বারে চিরস্থায়ী সুখ
পাতিয়াছে আপনার পবিত্র আসন ।

(১৮)

দুরাকাঙ্ক্ষা হায় তব প্রলোভনে পড়ি
কষিতে কষিতে সেই দরিদ্র কৃষক
তোমার পথের শোভা মনোময় পটে
চিত্রিতে লাগিল হায় বিমুগ্ধ হৃদয়ে ।

(১৪)

ঐ দেখ ছুটিয়াছে মানবের দল
তোমার পথের মাঝে ছুট অভিলাষ
হত্যা অল্পতাপ শোক বহিয়া মাথায়
ছুটেছে তোমার পথে সন্দিগ্ধ হৃদয়ে ।

(১৯)

ঐ দেখ আঁকিয়াছে হৃদয়ে তাহার
শোভাময় মনোহর অট্টালিকারাজি
হীরকমাণিক্যপূর্ণ ধনের ভাণ্ডার
নানাশিল্পপরিপূর্ণ শোভন আপন ।

(১৫)

প্রতারণা প্রবঞ্চনা অত্যাচারচয়
পথের সম্বল করি চলে দ্রুত পদে
তোমার মোহন জালে পড়িবার তরে ।
ব্যর্থের বাঁশিতে যথা মৃগ পড়ে ফাঁদে ।

(২০)

মনোহর কুঞ্জবন স্ত্রের আগার
শিল্পপারিপাট্যযুক্ত প্রমোদভবন
গঙ্গাসমীরণস্নিগ্ধ পল্লীর কানন
প্রজাপূর্ণ লোভনীয় বৃহৎ প্রদেশ ।

(১৬)

দেখ দেখ বোধহীন মানবের দল
তোমার ও মোহময়ী বাঁশির স্বরে
এবং তোমার সঙ্গী আশাউত্তেজনে
পাপের সাগরে ডুবে মুক্তার আশয়ে ।

(২১)

ভাবিল মুহূর্ত্তেরে ভাবিল কৃষক
সকলি এসেছে যেন তারি অধিকারে
তারি ঐ বাড়ি ঘর তারি ও ভাণ্ডার
তারি অধিকারে ঐ শোভন প্রদেশ ।

(২২)

মুহূর্তে'ক পরে তার মুহূর্তে'ক পরে
লীন হ'ল চিত্রচয় চিত্রপট হতে
ভাবিল চমকি উঠি ভাবিল তখন
“আছে কি এমন সুখ আমার কপালে ?”

(২৭)

কিস্ত হায় সুখ লেশ পাবে কি কখন ?
সুখ কি তাহারে করিবেক আলিঙ্গন ?
সুখ কি তাহার হৃদে পাতিবে আসন ?
সুখ কভু তারে কিগো কটাক্ষ করিবে ?

(২৩)

“আমাদের হায় যত ছুরাকাজ্জাচয়
মানসে উদয় হয় মুহূর্তের তরে
কার্যে তাহা পরিণত না হতে না হতে
হৃদয়ের ছবি হায় হৃদয়ে মিশায়” ।

(২৮)

নর হত্যা করিয়াছে যে সুখের তরে
যে সুখের তরে পাপে ধর্ম ভাবিয়াছে
বৃষ্টি বজ্র সহ করি যে সুখের তরে
ছুটিয়াছে আপনার অভীষ্ট সাধনে ?

(২৪)

ঐ দেখ ছুটিয়াছে তোমার ও পথে
রক্তমাখা হাতে এক মানবের দল
সিংহাসন রাজ-দণ্ড ঐখর্ষ মুকুট
প্রভুত্ব রাজত্ব আর গৌরবের তরে ।

(২৯)

কখনই নয় তাহা কখনই নয়
পাপের কি ফল কভু সুখ হতে পারে
পাপের কি শাস্তি হয় আনন্দ ও সুখ
কখনই নয় তাহা কখনই নয় ।

(২৫)

ঐ দেখ গুপ্ত হত্যা করিয়া বহন
চলিতেছে অঙ্গুলির পরে ভর দিয়া
চুপি চুপি ধীরে ধীরে অলক্ষিত ভাবে
তলবার হাতে করি চলিয়াছে দেখ ।

(৩০)

প্রজ্বলিত অম্লতাপ হতাশন কাছে
বিমল সুখের হায় স্নিগ্ধ সমীরণ
হতাশনসম তপ্ত হয়ে উঠে যেন
তখন কি সুখ কভু ভাল লাগে আর ।

(২৬)

হত্যা করিতেছে দেখ নিদ্রিত মানবে
সুখের আশয়ে বৃথা সুখের আশয়ে
ঐ দেখ ঐ দেখ রক্তমাখা হাতে
ধরিয়াছে রাজদণ্ড সিংহাসনে বসি ।’

(৩১)

নরহত্যা করিয়াছে যে সুখের তরে
সে সুখের তরে পাপে ধর্ম ভাবিয়াছে
ছুটেছে না মানি বাধা অভীষ্টসাধনে
মনস্তাপে পরিণত হয়ে উঠে শেষে ।

(৩২)

হৃদয়ের উচ্চাসনে বসি অভিনাষ
মানবদিগকে লয়ে ক্রীড়া কর তুমি
কাহারে বা তুলে দাও সিদ্ধির সোপানে
কারে ফেল নৈরাশ্যের নিষ্ঠুর কবলে ।

(৩৩)

কৈকেয়ী হৃদয়ে চাপি ছুঁই অভিনাষ !
চতুর্দশ বর্ষ রামে দিলে বনবাস,
কাড়িয়া লইলে দশরথের জীবন,
কাঁদালে সীতায় হায় অশোককাননে ।

(৩৪)

রাবণের স্মৃৎসময় সংসারের মাঝে
শান্তির কলশ এক ছিল সুরক্ষিত
ভাদ্রিল হঠাৎ তাহা ভাদ্রিল হঠাৎ
তুমিই তাহার হও প্রধান কারণ ।

(৩৫)

দুর্যোধনচিত্ত হায় অধিকার করি
অবশেষে তাহারেই করিলে বিনাশ
পাণ্ডুপুত্রগণে তুমি দিলে বনবাস
পাণ্ডবদিগের হৃদে ক্রোধ জ্বালি দিলে ।

১৭২৭ শকাব্দের আষাঢ়সংখ্যা (ইং ১৮৭৫ জুন-জুলাই) তত্ত্ববোধিনী পত্রিকায় প্রকাশিত (পৃ ৫২-৫৪) “বালকের রচিত” ‘প্রকৃতির খেদ’ কবিতাটিও যে বালক রবীন্দ্রনাথের রচনা তাহা সস্মৃতি নিঃসংশয়ে প্রমাণিত হইয়াছে।’ অক্ষয়চন্দ্র সরকার সম্পাদিত সাপ্তাহিক পত্রিকা ‘সাধারণী’র ১২৮২ সাল ৩ জ্যৈষ্ঠ তারিখের সংখ্যায় তৎকালীন কলিকাতার পত্রিকা ‘সাপ্তাহিক’ হইতে সংকলিত ‘বিদ্বজ্জন সমাগম’ সম্বন্ধীয় সংবাদ এই প্রসঙ্গে উদ্ধারযোগ্য ।

১ অ ‘রবীন্দ্রনাথের বাল্যরচনা’ (শ্রীপ্রবোধচন্দ্র মেন) — দেশ, ১৬ চৈত্র ১৩৫২ (পৃ ৩৭৫-৭৬) ।

(৩৬)

নিহত করিলে তুমি ভীষ্ম আদি বীরে
কুরুক্ষেত্র রক্তময় করে দিলে তুমি
কাঁপাইলে ভারতের সমস্ত প্রদেশ
পাণ্ডবে ফিরায়ে দিলে শূণ্য সিংহাসন ।

(৩৭)

বলি না হে অভিনাষ তোমার ও পথ
পাপেতেই পরিপূর্ণ পাপেই নিমিত্ত
তোমার কতকগুলি আছয়ে সোপান
কেহ কেহ উপকারী কেহ উপকারী ।

(৩৮)

উচ্চ অভিনাষ ! তুমি যদি নাহি কভু
বিস্তারিতে নিজ পথ পৃথিবীমণ্ডলে
তাহা হ’লে উন্নতি কি আপনার জ্যোতি
বিস্তার করিত এই ধরাতল মাঝে ?

(৩৯)

সকলেই যদি নিজ নিজ অবস্থায়
সঙ্কষ্ট থাকিত নিজ বিদ্যা বুদ্ধিতেই
তাহা হ’লে উন্নতি কি আপনার জ্যোতি
বিস্তার করিত এই ধরাতল মাঝে ?

বিদ্বজ্জন সমাগম। সাপ্তাহিক হইতে।

গত রবিবার রাত্রিতে শ্রীযুক্ত বাবু গুণেন্দ্রনাথ ঠাকুরের বাটীতে “বিদ্বজ্জন সমাগম” সভা হইয়াছিল। প্রায় একশত গ্রন্থকার ও বিদ্বান ব্যক্তি তথায় উপস্থিত হইয়াছিলেন।

সাহিত্য ও সঙ্গীতের আন্দোল এই সভার প্রধান উদ্দেশ্য। সভাগৃহ কৃত্তিম তরুরাজি, পুষ্পমালা, আলোকাবলি ও হৃন্দর আননে হ্রশোভিত হইয়াছিল।

প্রথমে বাবু রাজনারায়ণ বসু বাঙলা ভাষার উৎপত্তি এবং বঙ্গকবি ও গ্রন্থকারদিগের সম্বন্ধে একটি বক্তৃতা করেন, পরে প্রাচীন কবি বিজ্ঞাপতির গ্রন্থ হইতে কিয়দংশ পঠিত হয়। তাহার পর রাজনারায়ণবাবু কবিকঙ্কনের চণ্ডী হইতে একটুকু পাঠ করেন। অনন্তর হতোম প্যাচা ও নবীন তপস্বিনী হইতেও কিছু কিছু পাঠ করা হয়। তদনন্তর বাবু রবীন্দ্রনাথ ঠাকুর “প্রকৃতির খেদ” নামে স্বরচিত একটি পদ্মপ্রবন্ধ পাঠ করেন। ঐ পদ্ম অতি মনোহর। পাঠকালে সকলের মনে ভারতভূমির বর্তমান হীনাবস্থা স্মরণ হওয়াতে নেত্র হইতে অশ্রুপাত হইয়াছিল। রবীন্দ্রবাবুর বয়স ১২।১৩ বৎসর।

পরে বাবু হেমেন্দ্রনাথ ঠাকুরের প্রতিভা নামে অষ্টমবর্ষীয়া কণ্ঠা ও তদপেক্ষা অল্পবয়স্ক আর একটি বালক উভয়ে মিলিয়া সেতার বাজাইলেন। তাহার পর প্রতিভা পিঙ্গাণোতে দুইটি গত বাজাইলেন, পরে ঐ দুট শিশু গুণটি হিন্দী গান গাইলেন। সে গান হার্মোনিয়ম, বেহালা ও তবলার সঙ্গে সঙ্গত হইয়াছিল। তাহার পর প্রসিদ্ধ গায়ক বিষ্ণুবাবুর একটি গানে ঐ বালকটি তবলা সঙ্গত করিল। পরে আর ৪৫টি গানের সঙ্গে প্রতিভা তবলা সঙ্গত করিলেন।

—সাধারণী। সন ১২৮২ সাল, ৩ জ্যৈষ্ঠ (ইং ১৬ মে, রবিবার) ৪ ভাগ, ৫ সংখ্যা, পৃ ৫৬

‘বিদ্বজ্জনসমাগম’ সভার প্রথম অধিবেশনের বিবরণ ‘বাল্মীকিপ্রতিভা’ অধ্যায়ের প্রসঙ্গক্রমে যথাস্থানে উদ্ধৃত হইয়াছে। আলোচ্য বিবরণ উক্ত প্রসঙ্গেও স্মর্তব্য।

রবীন্দ্রনাথের প্রথম গল্প প্রবন্ধও সম্ভবত ‘তত্ত্ববোধিনী পত্রিকা’তেই (শক ১৭২৫-২৬) লেখকের। বিনা স্বাক্ষরে মুদ্রিত হইয়াছিল। এই প্রসঙ্গে শ্রীসজ্জনীকান্ত দাসকে লিপিত রবীন্দ্রনাথের একটি পত্রের নিম্নোদ্ধৃত অংশ’ প্রণিধানযোগ্য :

পিতৃদেবের মুখ থেকে জ্যোতিষের যে বিজ্ঞাটুকু সংগ্রহ করে নিজের ভাষায় লিখে নিয়েছিলুম সেটা যে তখনকার কালের তত্ত্ববোধিনীতে ছাপা হয়েছে এই অদ্ভুত ধারণা আজ পর্যন্ত আমার মনে ছিল। এর দুটো কারণ থাকতে পারে। এক এই যে, সম্পাদক বেদাস্তবাসীশ মহাশয় ছাপানো হবে বলে বালককে আশ্বাস দিয়েছিলেন, বালক শেষ পর্যন্ত তার প্রমাণ পাওয়ার জন্ত অপেক্ষা করে নি। আর একটা কারণ এই হতে পারে যে, অল্প কোনো যোগ্য লেখক সেটাকে প্রকাশযোগ্য রূপে পূরণ করে দিয়েছিলেন। শেষোক্ত কারণটাই সঙ্গত বলে মনে হয়। এই উপায়ে আমার

মন তৃপ্ত হয়েছিল এবং কোনো লেখকেরই নাম না থাকতে এতে কোনো অণ্ডায় করা হয় নি। এ না হলে এমন দৃঢ়বন্ধমূল সংস্কার আমার মনে থাকতে পারত না।
ইতি ১৫।১০।৩২

ভানুসিংহের কবিতা

‘ভানুসিংহের কবিতা’গুলি ভারতীর প্রথমবর্ষ হইতেই (১২৮৪) প্রায় ধারাবাহিক ভাবে প্রকাশিত হইতে থাকে। ১২৯১ সালের বর্ষায়, ‘ভানুসিংহ ঠাকুরের পদাবলী’ নামে কবির কৈশোরের এই কবিতাগুলি প্রথম গ্রন্থাকারে মুদ্রিত হয়। সেখানে রবীন্দ্রনাথ নিজেকে প্রকাশকরূপে বিজ্ঞাপিত করিয়া জানান :

ভানুসিংহের পদাবলী শৈশবসংগীতের আনুসঙ্গিক স্বরূপে প্রকাশিত হইল। ইহার অধিকাংশই পুরাতন কালের খাতা হইতে সন্ধান করিয়া বাহির করিয়াছি।

প্রকাশক।

উক্ত সালেরই শ্রাবণসংখ্যা ‘নবজীবন’ মাসিকপত্রে ‘ভানুসিংহ ঠাকুরের জীবনী’ নামক একটি স্বাক্ষরহীন ব্যঙ্গরচনা প্রকাশ করিয়া রবীন্দ্রনাথ রহস্যহলে ইঙ্গিত করেন যে ভানুসিংহ ঠাকুর রবীন্দ্রনাথ ঠাকুর নিজে হইলেও হইতে পারেন। প্রবন্ধটির প্রাসঙ্গিক এক অংশ নিম্নে উদ্ধৃত হইল :

ভানুসিংহের জন্মকাল সম্বন্ধে চারিপ্রকার মত দেখা যায়। শ্রদ্ধাস্পদ পাঁচকড়িবাবু বলেন ভানুসিংহের জন্মকাল খ্রীষ্টাব্দের ৪৫১ বৎসর পূর্বে। পরম পণ্ডিতবর সনাতন বাবু বলেন খ্রীষ্টাব্দের ১৬৮২ বৎসর পরে। সর্বলোকপূজিত পণ্ডিতাগ্রগণ্য নিতাইচরণবাবু বলেন ১১০৪ খ্রীষ্টাব্দ হইতে ১৭৯২ খ্রীষ্টাব্দের মধ্যে কোনও সময়ে ভানুসিংহের জন্ম হইয়াছিল। আর, মহামহোপাধ্যায় সরস্বতীর বরপুত্র কালাচাঁদ দে মহাশয়ের মতে ভানুসিংহ হয় খ্রীষ্টশতাব্দীর ৮১২ বৎসর পূর্বে, না হয় ১৬৩২ বৎসর পরে জন্মিয়াছিলেন, ইহার কোনো সন্দেহ মাত্র নাই। আবার কোনো কোনো মুখ নির্বোধ গোপনে আত্মীয় বন্ধুবান্ধবের নিকট প্রচার করিয়া বেড়ায় যে ভানুসিংহ ১৮৬১ খ্রীষ্টাব্দে জন্মগ্রহণ করিয়া ধরাদাম উজ্জল করেন। ইহা আর কোনো বুদ্ধিমান পাঠককে বলিতে হইবে না যে, একথা নিতান্তই অশ্রদ্ধেয়।

—ভানুসিংহ-ঠাকুরের জীবনী, নবজীবন, ১২৯১ শ্রাবণ, পৃ ৫৯

এই প্রসঙ্গে উল্লেখযোগ্য যে, কয়েকটি ভানুসিংহের কবিতা রবীন্দ্রনাথ অপেক্ষাকৃত বড়ো বয়সেও রচনা করিয়াছিলেন।

স্বদেশিকতা

ইহার আরম্ভভাগ প্রথম পাণ্ডুলিপিতে নিম্নোদ্ধৃত আকারে পাওয়া গিয়াছে :

আমাদের পরিবারে শিশুকাল হইতে স্বদেশের জন্ম বেদনার মধ্যে আমরা বাড়িয়া উঠিয়াছি। আমাদের পরিবারে বিদেশী প্রথার কতকগুলি বাহ্য অঙ্গকরণ অনেকদিন হইতে প্রবেশ করিয়াছিল, তাহাতে সন্দেহ নাই— কিন্তু আমাদের পরিবারের হৃদয়ের মধ্যে অকৃত্রিম স্বদেশানুরাগ সাগ্নিকের পবিত্র অগ্নির মতো বহুকাল হইতে রক্ষিত হইয়া আসিতেছে। আমাদের পিতৃদেব যখন স্বদেশের প্রচলিত পূজাবিধি পরিত্যাগ করিয়াছিলেন তখনো তিনি স্বদেশী শাস্ত্রকে ত্যাগ করেন নাই, ও স্বদেশী সমাজকে দৃঢ়ভাবে আশ্রয় করিয়া ছিলেন। আমার পিতামহ এবং ছোটোকাঁকা মহাশয় বিলাতের সমাজে বর্ষণাপন করিয়া ইংরাজের বেশ পরিয়া আসেন নাই, এই দৃষ্টান্ত আমাদের পরিবারের মধ্যে সজীব হইয়া আছে। বড়দাদা বাল্যকাল হইতে আন্তরিক অনুরাগের সহিত মাতৃভাষাকে জ্ঞান- ও ভাব-সম্পদে ঐশ্বর্যবান করিবার জন্ম প্রস্তুত হইয়াছেন। মেজদাদা বিলাতে গিয়া সিভিলিয়ান হইয়া আসিয়াছেন কিন্তু তাঁহার ভাবপ্রকাশের ভাষা বাংলাই রহিয়া গেছে। সেজদাদার অকালে মৃত্যু হইয়াছিল, কিন্তু তিনিও নিজের চেষ্টায় ও মেডিকাল কলেজে অধ্যয়ন করিয়া বিজ্ঞানের যে-পরিমাণ চর্চা করিয়াছিলেন তাহা বাংলাভাষায় প্রকাশ করিবার জন্ম বিশেষ সচেষ্ট ছিলেন। জ্যোতিদাদাও তরুণবয়স হইতে অবিশ্রাম বঙ্গভাবার পুষ্টিসাধন করিয়া আসিতেছেন। আমাদের পরিবারে পিতৃদেবকে ইংরাজি পত্র লেখা একেবারে নিষিদ্ধ। গুনিয়াছি, নূতন আত্মীয়তাপাশে-বদ্ধ কেহ তাঁহাকে একবার ইংরাজি পত্র লিখিয়াছিলেন, তাহা ক্ষেত্রত আসিয়াছিল। আমরা আপনা-আপনি মধ্যে কেহ কাহাকে এবং পারস্পক্ষে কোনো বাঙালিকে ইংরাজিভাষায় পত্র লিখি না— আমাদের এই আচরণটিকে যে বিশেষভাবে লিপিবদ্ধ করিবার যোগ্য বলিয়া জ্ঞান করিলাম, আশা করি, একদা অদূর ভবিষ্যতে তাহা অত্যন্ত অদ্ভুত ও বিস্ময়বহু বলিয়াই গণ্য হইবে।

আমাদের পিতামহ ইংরাজ রাজপুরুষদিগকে বেলগাছির বাগানে নিমন্ত্রণ করিয়া সর্বদা ভোজ্য দিতেন, এ কথা সকলেই জানেন। কিন্তু গুনিয়াছি, তিনি পিতাকে নিষেধ করিয়া গিয়াছিলেন যে, ইংরাজকে যেন খানা দেওয়া না হয়। তাহার পর হইতে ইংরাজের সহিত সংস্রব আর আমাদের নাই; এবং পিতামহের আমল হইতে আজ পর্যন্ত সরকারের নিকট হইতে খেতাব-লৌলুপতার উপসর্গ আমাদের পরিবারে দেখা দেয় নাই।

দেশান্নরাগ প্রচারের উদ্দেশে আমাদের বাড়ি হইতে “হিন্দু মেলা” নামে একটি মেলার সৃষ্টি হইয়াছিল। ১০০ বড়দাড়া এবং আমার খুড়তত ভাই গণেশদাদা ইহার প্রধান উদ্যোগী ছিলেন— তাঁহারা নবগোপাল মিত্রকে এই মেলার কর্মকর্তারূপে নিযুক্ত করিয়া ইহার ব্যয়ভার বহন করিতেন।

—পাণ্ডুলিপি

হিন্দুমেলা বা চৈত্রমেলার সংক্ষিপ্ত পরিচয়-স্বরূপ ‘বিশ্বভারতী পত্রিকা’, ১৩৫২ বৈশাখ আষাঢ় সংখ্যায় (পৃ ২৭৭) প্রকাশিত একটি প্রবন্ধ হইতে নিম্নে কিয়দংশ উদ্ধৃত হইল :

“স্বজাতীয়দিগের মধ্যে সন্তোষ সংস্থাপন করা ও স্বদেশীয় ব্যক্তিগণ দ্বারা স্বদেশের উন্নতিসাধন করা”র উদ্দেশে ১২৭০ সালের চৈত্রসংক্রান্তির দিন [১২ এপ্রিল ১৮৬৭] কলিকাতার উপকণ্ঠে বেলগাছিয়া ভিলায় চৈত্রমেলার প্রথম অনুষ্ঠান হয়। প্রথম তিন বৎসর চৈত্রসংক্রান্তির দিন অনুষ্ঠিত হইয়াছিল বলিয়া ইহা চৈত্রমেলা নামে পরিচিত ছিল। প্রধানতঃ কলিকাতার উপকণ্ঠে কোনো এক উদানে প্রতি বৎসর এই মেলার আয়োজন হইত ; জনচিন্তে দেশান্নরাগ উদ্দীপিত করিবার মানসে মেলায় জাতীয় শিল্পপ্রদর্শনী খোলা হইত, দেশীয় ক্রীড়াকৌতুক ও ব্যায়াম প্রদর্শিত হইত ; ইহা ছাড়া জাতীয় সংগীত, কবিতাপাঠ ও বক্তৃতাদির ব্যবস্থা হইত। এই মেলার পরিকল্পনাটি রাজনারায়ণ বসুর। মহর্ষি দেবেন্দ্রনাথের আনুকূল্যে ৭ আগষ্ট ১৮৬৫ তারিখে প্রথম প্রকাশিত ‘শ্রাশনাল পেপার’ পত্রের সম্পাদক নবগোপাল মিত্রের উদ্যোগে ও গণেশনাথ ঠাকুরের আনুকূল্যে ও উৎসাহে ইহার প্রতিষ্ঠা হয়। জোড়ামাঁকো ঠাকুর-পরিবারের নিকট এই স্বদেশী মেলা অশেষ প্রকারে রণী। গণেশনাথ ঠাকুর প্রথম তিন বৎসর মেলার সম্পাদক এবং নবগোপাল মিত্র সহকারী সম্পাদক ছিলেন। ১৮৬৯ খ্রীষ্টাব্দের ১৬ মে গণেশনাথের অকালমৃত্যুতে দ্বিজেন্দ্রনাথ মেলার সম্পাদক হন। মেলার ৪র্থ হইতে ৭ম সাংস্কৃতিক অধিবেশন পর্যন্ত (ইং ১৮৭০-৭৩) এই পদে তিনি কার্য করিয়াছিলেন। ইহা ছাড়া তিনি হিন্দুমেলায় ৮ম অধিবেশনে (ইং ১৮৭৪) এবং ১০ম অধিবেশনে (ইং ১৮৭৬) সভাপতিও হইয়াছিলেন।

—‘দ্বিজেন্দ্রনাথ ঠাকুর সম্বন্ধে যৎকিঞ্চিৎ’, শ্রীব্রজেন্দ্রনাথ বন্দ্যোপাধ্যায়

হিন্দুমেলায় উৎপত্তি সম্পর্কে রাজনারায়ণ বসুর একটি উক্তি উদ্ধারযোগ্য :

আমি ইংরাজি ১৮৬৬নালে ‘Prospectus of a Society for the promotion of National Feeling among the Educated Natives of Bengal’ আখ্যা দিয়া ইংরাজিতে একটি ক্ষুদ্র পুস্তিকা প্রকাশ করি। তাহার অনুবাদ ‘জাতীয় গৌরবেচ্ছা সঞ্চারণী সভা সংস্থাপনের প্রস্তাব’ নামে এই গ্রন্থে (১২৮৯) সন্নিবিষ্ট হইল। ১০০ এই প্রস্তাব দ্বারা উদ্ভূত হইয়া বসুর শ্রীযুক্ত নবগোপাল মিত্র মহাশয় হিন্দুমেলা ও জাতীয় সভা সংস্থাপন করেন।

—বিবিধ প্রবন্ধ, প্রথম খণ্ডের ভূমিকা

১ ‘বাহিরে বাত্মা’ পরিচ্ছেদে উল্লিখিত “ছাত্তুবাবু” অথবা আশুতোষ দেবের বেলগাছিয়া উদ্যান।

ইং ১৮৬৭ সালের প্রথম অধিবেশনের পর হিন্দুমেলা বা 'জাতীয় মেলা'র উদ্দেশ্য ও উদ্দেশ্যসাধনের কর্মপদ্ধতি যাহা স্থির হয়, মেলার দ্বিতীয় অধিবেশনের (ইং ১৮৬৮) কার্যবিবরণীতে সম্পাদক গণেশনাথ ঠাকুর ও সহকারী সম্পাদক নবগোপাল মিত্র তাহা সাধারণের নিকট বিবৃত করেন। উক্ত কার্যবিবরণীর প্রাসঙ্গিক কতকগুলি অংশ বর্তমান প্রসঙ্গের পরিপূরকস্বরূপ নিম্নে উদ্ধার করা হইল। মেলার অল্পচৈতন্য ও পৃষ্ঠপোষকদের পরিচয়ও ইহার সাহায্যে সুস্পষ্ট হয়।—

“১৭৮৮ শকের চৈত্রসংক্রান্তিতে যে একটি জাতীয় মেলা হইয়াছিল, স্বজাতীয়দিগের মধ্যে সম্ভাব স্থাপন করা ও স্বদেশীয় ব্যক্তিগণ দ্বারা স্বদেশের উন্নতিসাধন করাই তাহার উদ্দেশ্য।”

উদ্দেশ্য সাধনোপায় ছয় শ্রেণীতে বিভক্ত হয়।...

১। এই মেলাভুক্ত একটি সাধারণ মণ্ডলী সংস্থাপিত হইবে, তাহারাই হিন্দুজাতিকে উপরোক্ত লক্ষ্য সকল সাধন জন্ত একদলে অভিব্যক্ত এবং স্বদেশীয় লোকগণ মধ্যে পরস্পরের বিদ্বেষভাব উন্মূলন করিয়া উপরোক্ত সাধারণ কার্যে নিয়োগ করতঃ এই জাতীয় মেলার গৌরব বৃদ্ধি করিবেন।

২। প্রত্যেক বৎসরে আশ্বিনের হিন্দু সমাজের কতদূর উন্নতি হইল, এই বিষয়ের তত্ত্বাবধারণ জন্ত চৈত্রসংক্রান্তিতে সাধারণের সমক্ষে একটি সংক্ষিপ্ত বৃত্তান্ত পাঠ করা হইবে।

৩। অস্বদেশীয় যে সকল ব্যক্তি স্বজাতীয় বিত্তাহীনতার উন্নতি সাধনে ব্রতী হইয়াছেন তাহাদিগের উৎসাহ বর্ধন করা যাইবে।

৪। প্রতি মেলায় ভিন্ন ভিন্ন স্থানের ভিন্ন ভিন্ন শ্রেণীর লোকের পরিশ্রম ও শিল্পজাত দ্রব্য সংগৃহীত হইয়া প্রদর্শিত হইবে।

৫। প্রতি মেলায় স্বদেশীয় সংগীতনিপুণ ব্যক্তিগণের উৎসাহ বর্ধন করা যাইবে।

৬। যাহারা মননবিভাগ্য হৃদয়িত হইয়া খ্যাতিলাভ করিয়াছেন, প্রতি মেলায় তাহাদিগকে একত্রিত করিয়া উপযুক্ত পারিতোষিক বা সম্মান প্রদান করা যাইবে এবং স্বদেশীয় লোক মধ্যে ব্যায়ামশিক্ষা প্রচলিত করিতে হইবে।^১

এই ছয়টি উদ্দেশ্য সাধনের জন্ত দেশের গণমাগ্ন ব্যক্তিগণ ছয়টি মণ্ডলীতে বিভক্ত হইয়াছিলেন। তাহার যথাক্রমে :

১। রাজা কমলকৃষ্ণ বাহাদুর, রমানাথ ঠাকুর, দিগম্বর মিত্র, তারিণীচরণ বন্দ্যোপাধ্যায়, কান্দীশ্বর মিত্র, জগদীশচরণ লাহা, নীলকমল বন্দ্যোপাধ্যায়, ঈশ্বরচন্দ্র ঘোষাল, মহেশচন্দ্র বন্দ্যোপাধ্যায়, প্যারীচরণ সরকার, গিরিশচন্দ্র ঘোষ, জয়গোপাল সেন, দেবেন্দ্রনাথ মল্লিক, কৃষ্ণদাস পাল এবং বতীন্দ্রমোহন ঠাকুর।

২। নীলকমল বন্দ্যোপাধ্যায়, গিরিশচন্দ্র ঘোষ, ভোলানাথ পাল, রাধিকাপ্রসাদ মুখোপাধ্যায় এবং জগদীশ বন্দ্যোপাধ্যায়।

৩। মহেশচন্দ্র বন্দ্যোপাধ্যায়, প্যারীচরণ সরকার, রাজনারায়ণ বসু, দ্বিজেন্দ্রনাথ ঠাকুর, কৃষ্ণকমল ভট্টাচার্য, জয়নারায়ণ তর্কগুপ্তানন, ভরতচন্দ্র শিরোমণি, ভবশঙ্কর বিহারী, তারানাথ তর্কবাচস্পতি এবং হরিচরণ তর্কসিদ্ধান্ত।

৪। হরেন্দ্রকৃষ্ণ দেব, জয়গোপাল সেন, প্রসাদবাবু মল্লিক, প্রিয়নাথ ঘোষ, ব্রজনাথ দেব, জয়গোপাল মিত্র, বাসবচন্দ্র মুখোপাধ্যায় এবং সালিকরাম।

৫। কুমার হরেন্দ্রকৃষ্ণ দেব, অক্ষয়কুমার মজুমদার এবং ব্রজনাথ দেব।

৬। ঈশানচন্দ্র ঘোষাল, দুর্গাদাস কর, গোপাল মিত্র, অধিকাচরণ গুহ।

কালীপ্রসন্ন ঘোষ, ভবানীচরণ গুহ, নীলকমল মুখোপাধ্যায় এবং যজ্ঞেশপ্রকাশ গঙ্গোপাধ্যায় আয়ব্যয় পরীকার ভার গ্রহণ করেন।

এই প্রসঙ্গে রবীন্দ্রাগ্রজ তিন ভ্রাতা— দ্বিজেন্দ্রনাথ, সত্যেন্দ্রনাথ ও জ্যোতিরিন্দ্রনাথ নিজ নিজ স্মৃতিকথায় যাহা বলিয়াছেন সেই অংশগুলি বর্তমান প্রসঙ্গের পূর্বত সাধনের জন্ত যথাক্রমে উদ্ধৃত হইল :

নবগোপাল একটা শাশনাল ধূয়া তুলিল; আমি আগাগোড়া তার মধ্যে ছিলাম। সে খুব কাজ করিতে পারিত; কুস্তি জিম্জামাষ্টিক প্রভৃতির প্রচলন করার চেষ্টা তার খুব ছিল; কিন্তু কি রকম কি হওয়া উচিত, সে সব পরামর্শ আমার কাছ থেকে লইত। একটা মেলা বসাইবার কথা বলিল,— তাঁতি, কামার, কুমার ইত্যাদি লইয়া। আমি বলিলাম,—‘ওসব ত দেশের সকলের জানা আছে; দেশী painting দেখাতে পার?’ সে এক painter নিযুক্ত করিয়া ছবি আঁকাইল। মেলার ক্ষেত্রে গিয়া দেখি, প্রকাণ্ড ছবি। ব্রিটানিয়ার সম্মুখে ভারতবাসী হাতজোড় করিয়া বসিয়া আছে। আমি বলিলাম,—‘উন্টে রাখ, উন্টে রাখ; এই তুমি দেশী painting করাইয়াছ? আর আমাদের শাশনাল মেলায় এই ছবি রাখিয়াছ?’ ছবিপানা সরাইয়া উন্টাইয়া রাখা হইল। তার ঠোঁক ছিল, বড়-বড় ইংরাজকে নিমন্ত্রণ করা। আমি অনেক বলিয়া কহিয়া তাহাকে নিবৃত্ত করাইলাম।... নবগোপালের সময় থেকে এই ‘শাশনাল’ শব্দটা দাঁড়াইয়া গেল। শাশনাল সঙ্গীত রচিত হইতে আরম্ভ হইল।

--দ্বিজেন্দ্রনাথ : পুরাতন প্রসঙ্গ, দ্বিতীয় পর্বাংশ, পৃ ২০৬-৭

আমি বোধাইয়ে কাঁধারস্ত করবার কিছু পরে কলিকাতায় এক দেশী মেলা প্রবর্তিত হয়। বড়দাদা [দ্বিজেন্দ্রনাথ] নবগোপাল মিত্রের সাহায্যে মেলার সূত্রপাত করেন, পরে মেজদাদা [গণেন্দ্রনাথ] তাতে যোগদান করায় প্রকৃতপক্ষে তার শ্রীবৃদ্ধি সাধন হল। কলিকাতার প্রান্তবর্তী কোন একটা উজানে বৎসরে বৎসরে তিন চাতিদিন ধরে এই মেলা চলতো। সেখানে দেশী জিনিসের প্রদর্শনী, জাতীয় সঙ্গীত, বক্তৃতা বিবিধ উপায়ে লোকের দেশাতুরাগ উদ্বোধন করবার চেষ্টা করা হত। এই মেলা উপলক্ষে মেজদাদা কতকগুলি জাতীয় সঙ্গীত রচনা করেন আর সেই মেলাই আমার ভারত সঙ্গীতের জন্মদাতা।

—সত্যেন্দ্রনাথ : আমার বাল্যকথা ও আমার বোধাই প্রবাস, পৃ. ৩৫-৩৬

১ শ্রীযোগেশচন্দ্র বাগাল-প্রণীত জাতীয়তার নবমন্ত্র বা হিন্দুমেলার ইতিবৃত্ত (১০৫২ আশ্বিন), পৃ ৬-৮।

২ মিলে সবে ভারত সন্তান : গানটি হিন্দুমেলার দ্বিতীয় অধিবেশনে (১৮৬৮ এপ্রিল) প্রথম গীত হয়। গণেন্দ্রনাথ ঠাকুর রচিত ও জীবনস্মৃতির ‘বাড়ির আবহাওয়া’ অধ্যায়ে উল্লিখিত ‘লজ্জায় ভারত যশ গাইব কি করে’ গানটিও মেলার এই দ্বিতীয় অধিবেশনেই প্রথম গাওয়া হয়।

এই সময়ই [ইং ১৮৬৭] শ্রীযুক্ত নবগোপাল মিত্র মহাশয়ের উদ্বোধনে ও শ্রীযুক্ত গণেশনাথ ঠাকুর মহাশয়ের আনুকূল্যে ও উৎসাহে 'হিন্দুমেলা' প্রতিষ্ঠিত হইল। শ্রীযুক্ত বিজেন্দ্রনাথ ঠাকুর ও দেবেন্দ্রনাথ মল্লিক মহাশয়েরা হইলেন মেলার প্রধান পৃষ্ঠপোষক। শ্রীযুক্ত শিশিরকুমার বোষ এবং মনোমোহন বসুও এই মেলায় খুব উৎসাহী ছিলেন। এই হিন্দুমেলাই বঙ্গদেশে, যদি সমগ্র ভারতবর্ষে নাও হয়, সর্বপ্রথম জাতীয় শিল্পপ্রদর্শনীর (National Industrial Exhibition-এর) পত্তন করিল।

—জ্যোতিরিন্দ্রনাথ : জ্যোতিষ্মতি, পৃ. ১২৭-২৮

হিন্দুমেলা প্রসঙ্গের উপসংহারস্বরূপ বিপিনচন্দ্র পাল মহাশয়ের 'হিন্দুমেলা ও নবগোপাল মিত্র' প্রবন্ধের নিম্নোদ্ধৃত অংশ প্রণিধানযোগ্য :

তখনও অল্প-আইন লিপিবদ্ধ হয় নাই। হুতরাং বন্দুক-ছোড়া বা তরোয়াল-খেলা অভ্যাস করা কঠিন ছিল না। ধাপার মাঠে বাইরা হিন্দুমেলায় বিশিষ্ট কর্মকর্তারা পাখী শিকারের ভান করিয়া বন্দুক-ছোড়া অভ্যাস করিবার চেষ্টা করিতেন। এই হিন্দুমেলাতেই প্রথম নুতন রকমের তাঁত প্রদর্শিত হইয়াছিল; ত্রিপুরা জিলার সরাইল পরগণার অন্তর্গত কালীকঙ্কের খাতনামা ডাঃ মহেন্দ্রচন্দ্র নন্দী মহাশয় তখন কলিকাতায় ছিলেন, মেডিক্যাল কলেজ ছাড়িয়া—অথবা কলেজ হইতে বিতাড়িত হইয়া—মহেন্দ্রবাবু তখন পটুয়াটুলি লেনে থাকিয়া একটা নুতন কলের তাঁত উদ্ভাবন করিয়াছিলেন।... শ্রীযুক্ত জ্যোতিরিন্দ্রনাথ ঠাকুর মহাশয় এই তাঁতে তৈয়ারী গামছা মাখায় বাঁধিয়া হিন্দুমেলায় উপস্থিত হইয়াছিলেন—লোকে বলে নাচিয়াছিলেন।...

শেষবারের মেলাতে একটা তাঁকালো রকমের মারামারি হয়। তারপর হইতেই হিন্দুমেলা বন্ধ হইয়া যায়।... বাহিরের ময়দানে ব্যায়াম প্রদর্শনের আয়োজন হয়। আমি একখানা চৌকি লইয়া ব্যায়াম দেখিবার জন্ত বাহিরে যাইয়া এক জায়গায় বসিলাম। 'ক্ষিচুক্ষণ পরে একজন ছাটকোটধারী পুরুষ একটু মেমকে সঙ্গে লইয়া আমার পিছনে দাঁড়াইলেন। পুরুষটি অতি ক্ষুণ্ণভাবে আনিয়া আমাকে চেয়ারটা ছাড়িয়া দিতে হুকুম করিলেন। আমি সে কথায় কর্ণপাত করিলাম না। তখন সাহেবটি আমাকে চৌকি হইতে ঠেলিয়া ফেলিয়া দিতে চাহিলেন।... তখন সাহেব বাঙালীতে পুরাদস্তুর মারামারি শুরু হইল।... তারপর পুলিশ আনিয়া হাজির হইল।... বাঙালী যোদ্ধাবর্গ ই"ট ছুড়িয়া পুলিশের দলকে আটকাইতে চেষ্টা করিলেন।... সন্ধ্যাকাল পর্যন্ত মারামারি চলিয়াছিল।...

এই মারামারির সংস্রবে হন্দ্রমোহন [দাস] এবং আমি ছাড়া আরো দুইজন গ্রেপ্তার হন।... নবগোপাল-বাবুর কুটুম্বের পঞ্চাশ টাকা ও আমার কুড়ি টাকা জরিমানা হয়।

—বঙ্গবাণী, অগ্রহায়ণ ১৩২০

“হিন্দুমেলায় গাছের তলায় দাঁড়াইয়া” যে-কবিতা পাঠের উল্লেখ এই অধ্যায়ে আছে উহা হিন্দুমেলায় রবীন্দ্রনাথ-কর্তৃক পঠিত (ইং ১৮৭৭) দ্বিতীয় কবিতা। ১৮৭৫ খ্রীষ্টাব্দে ১১ স্কেক্‌য়ারি তারিখে পার্শ্ববাগানে অঙ্কিত হিন্দুমেলায় তিনি স্বরচিত

কবিতা প্রথম পাঠ করেন; অহুষ্ঠানের সভাপতি ছিলেন রাজনারায়ণ বসু।^১ জীবনস্মৃতিতে এই কবিতাপাঠের উল্লেখ রবীন্দ্রনাথ করেন নাই। সেই বৎসরের ২৫ কেক্রয়ারি তারিখের 'অমৃত বাজার পত্রিকা'য় কবিতাটি রবীন্দ্রনাথের স্বাক্ষর-সংযুক্ত হইয়া 'হিন্দুমেলায় উপহার' নামে প্রকাশিত হয়। তাঁহার এই স্বাক্ষরযুক্ত প্রথম রচনাটি দুস্তাপ্যাবোধে সম্পূর্ণ মুদ্রিত হইল :

হিন্দুমেলায় উপহার

১

হিমাদ্রি শিখর শিলাসনপরি,
গান ব্যাস-ঋষি বীণা হাতে করি—
কাঁপায়ে পর্বত শিখর কানন,
কাঁপায়ে নীহার-নীতল বায়।

৪

ঝংকারিয়া বীণা কবির গায়,
কেনরে ভারত কেন ভুই, হায়,
আবার হাসিসু! হাসিবার দিন
আছে কি এখনো এঘোর দুঃখে।

২

স্তবধ শিখর স্তব্ধ তরুলতা,
স্তব্ধ মহীকুহ নডেনাক পাতা।
বিহগ নিচয় নিস্তব্ধ অচল,
নীরবে নির্বার বহিয়া যায়।

৫

দেখিতাম যবে যমুনার তীরে,
পূর্ণিমা নিশীথে নিদাঘ সমীরে,
বিশ্রামের তরে রাজা যুধিষ্ঠির,
কাটাতেন স্তূখে নিদাঘ নিশি।

৩

পুরণিমা রাত— চাঁদের কিরণ—
রজতধারায় শিখর, কানন,
সাগর উরগি, হরিত প্রান্তর,
প্রাবিত করিয়া গড়ায়ে যায়।

৬

তখন ও হাসি লেগেছিল ভাল,
তখন ও বেষ লেগেছিল ভাল,
শ্রাশান লাগিত স্বরগ সমান,
মরু উরবরা ক্ষেতের মত।

১ ১৮৭৫ সালে যে মেলা হয় তাহার সভাপতির কার্য আমি সম্পাদন করি। ঐ মেলা কলিকাতার পার্শ্ব বাগান নামক বিখ্যাত উদ্যানে হইয়াছিল।

—রাজনারায়ণ বসুর আত্মচরিত, পৃ ২১৫

৭

তখন পূর্ণিমা বিতরিত স্মৃথ,
মধুর উষার হাশ্ব দিত স্মৃথ,
প্রকৃতির শোভা স্মৃথ বিতরিত
পাখীর কুঞ্জন লাগিত ভাল।

৮

এখন তা নয়, এখন তা নয়,
এখন গেছে সে স্মৃথের সময়।
বিষাদ আধার ঘিরেছে এখন,
হাসিখুসি আর লাগে না ভাল।

৯

অমার আধার আশ্রুক এখন,
মরু হয়ে যাক ভারত কানন,
চন্দ্রস্বর্ষ হোক মেঘে নিমগন
প্রকৃতি-শৃঙ্খলা ছিঁড়িয়া যাক।

১০

যাক ভাগীরথী অগ্নিকুণ্ড হয়ে,
প্রলয়ে উপাড়ি পাড়ি হিমালয়ে,
ডুবাক ভারতে সাগরের জলে,
ভাঙ্গিয়া চুরিয়া ভাসিয়া যাক।

১১

চাইনা দেখিতে ভারতেরে আর
চাইনা দেখিতে ভারতেরে আর,
স্মৃথ-জন্মভূমি চির বাসস্থান,
ভাঙ্গিয়া চুরিয়া ভাসিয়া যাক।

১২

দেখেছি সে দিন যবে পৃথ্বীরাজ,
সমরে সাধিয়া ক্ষত্রিয়ের কাজ,
সমরে সাধিয়া পুরুষের কাজ,
আশ্রয় নিলেন কৃতান্ত কোলে।

৩২

১৩

দেখেছি সে দিন দুর্গাবতী যবে,
বীরপত্নীসম মরিল আহবে
বীরবালাদের চিতার আশুন,
দেখেছি বিষ্ময়ে পুলকে শোকে।

১৪

তাদের স্মরিলে বিদরে হৃদয়,
শুরু করি দেয় অন্তরে বিষ্ময়,
যদিও তাদের চিতাভস্মরাশি
মাটির সহিত মিশায় গেছে!

১৫

আবার সে দিন(৩) দেখিয়াছি আমি
স্বাধীন যখন এ ভারতভূমি
কি স্মৃথের দিন! কি স্মৃথের দিন!
আর কি সে দিন আসিবে ফিরে?

১৬

রাজা যুদ্ধিষ্ঠির (দেখেছি নয়নে,)
স্বাধীন নৃপতি আর্ষ সিংহাসনে,
কবিতার শ্লোকে বীণার তারেতে,
সে সব কেবল রয়েছে গাঁথা!

১৭

শুনেছি আবার, শুনেছি আবার,
রাম রঘুপতি লয়ে রাজ্যভার,
শাসিতেন হায় এ ভারতভূমি,
আর কি সে দিন আসিবে ফিরে।

১৮

ভারত কঙ্কাল আর কি এখন,
পাইবে হায়রে নূতন জীবন,
ভারতের ভয়ে আশুন জালিয়া,
আর কি কখন দিবেরে জ্যোতি।

১৯

তা যদি না হয় তবে আর কেন,
হাসিবি ভারত ! হাসিবি রে পুনঃ,
সে দিনের কথা জাগি স্মৃতি পটে
ভাসে না নয়ন বিষাদ জলে ?

২০

অমার আঁধার আশ্রুক এখন,
মরু হয়ে যাক ভারত কানন,
চন্দ্র স্বর্ঘ হোক মেঘে নিমগন,
প্রকৃতিশৃঙ্খলা ছিঁড়িয়া যাক ।

২১

যাক ভাগীরথী অগ্নিকুণ্ড হয়ে,
প্রলয়ে উপাড়ি পাড়ি হিমালয়ে,
ডুবাক ভারতে সাগরের জলে,
ভাদ্রিয়া চুরিয়া ভাসিয়া যাক ।

২২

মুছে যাক মোর স্মৃতির অক্ষর,
শূন্যে হোক লয় এ শূন্য অন্তর,
ডুবুক আমার অমর জীবন,
অনন্ত গভীর কালের জলে ।

সাধারণের সমক্ষে রবীন্দ্রনাথের এই প্রথম উপস্থিত হইবার প্রসঙ্গে কলিকাতার The Indian Daily News এ ইং ১৮৭৫ সালে ১৫ ফেব্রুয়ারির সংখ্যায় নিম্নোদ্ধৃত সংবাদ প্রকাশিত হইয়াছিল :

“The Hindoo Mela.” The Ninth Anniversary of the Hindoo Mela opened at 4 p.m. on Thursday, the 11th instant, at the well-known Parseebagan... on the Circular Road, by Rajah Komul Krishna, Bahadoor, the President of the National Society...

Baboo Rabindra Nath Tagore, the youngest son of Baboo Debendro Nath Tagore, a handsome lad of some 15 had composed a Bengali poem on Bharut (India) which he delivered from memory ; the suavity of his tone much pleased his audience.

— রবীন্দ্র-গ্রন্থ-পরিচয়, পৃ. ৭৫

রবীন্দ্রনাথ কর্তৃক উল্লিখিত হিন্দুমেলায় ১৮৭৭ খ্রীষ্টাব্দের অধিবেশনের সমসাময়িক বিবরণের প্রাসঙ্গিক কিয়দংশ (‘সাধারণী’, ৪ মার্চ : ১৮৭৭) নিম্নে মুদ্রিত হইল :

আমরা নিরাশ মনে নবগোপালবাবুকে অভিসম্পাত করিয়া ফিরিয়া আসিতেছিলাম, এমন সময়ে মহর্ষি দেবেন্দ্রবাবুর পুত্র জ্যোতিরিন্দ্র এবং রবীন্দ্রের সঙ্গে সাক্ষাৎ হয়। রবীন্দ্রবাবু ‘দিল্লীর দরবার’ সম্পর্কে একটি কবিতা এবং একটি গীত রচনা করিয়াছিলেন। আমরা একটি প্রকাণ্ড বৃক্ষছায়ার দুর্ভাসনে উপবিষ্ট হইয়া তাঁহার কবিতা এবং গীতটি শ্রবণ করি। রবীন্দ্র এখনও বালক, তাঁহার বয়স ষোল কি সতর বৎসরের অধিক হয় নাই। তথাপি তাঁহার কবিত্তে আমরা বিস্মিত এবং আর্জিত হইয়াছিলাম, তাঁহার স্বকুমার কণ্ঠের আবৃত্তির মাধুর্যে আমরা বিমোহিত হইয়াছিলাম। যখন দেখিলাম যে বঙ্গের একটি স্বকুমারগতি শিশু ভারতের জন্ত এরূপ রোদন করিতেছে, যখন দেখিলাম যে তাহার কোমল হৃদয় পর্যন্ত ভারতের

অধঃপতনে ব্যথিত হইয়াছে, তখন আশাতে আমাদের হৃদয় পরিপূর্ণ হইল। তখন ইচ্ছা হইল রবীন্দ্রের গলা ধরিয়া কাঁদিতে কাঁদিতে বলি—আমি ভাই ‘আমরা গাইব অল্প গান’। একজন সুপরিচিত কবিও সেখানে উপস্থিত ছিলেন, তিনি দ্রবিত রূপে বলিলেন। যখন এই কবি প্রস্তুতি কুহুমে পরিণত হইবে, তখন দুঃখিনী বঙ্গের একটি অমূল্য রত্ন লাভ হইবে।

—‘জাতীয় মেলা’, জীযোগেশচন্দ্র বাগল, মাতৃভূমি, ১৩৫২ ভাদ্র

এই সুপরিচিত কবিই নবীনচন্দ্র সেন। তাঁহার ‘আমার জীবন’ গ্রন্থের চতুর্থ ভাগে (পৃ ২৬৪) এই প্রসঙ্গে তিনি লিখিয়াছেন :

অরণ্য হয় ১৮৭৬ খ্রীষ্টাব্দে [বসন্ত ১৮৭৭ খ্রীষ্টাব্দ] আমি কলিকাতায় ছুটিতে থাকিবার সময়ে কলিকাতার উপনগরস্থ কোনও উদ্যানে “নেশনাল মেলা” দেখিতে গিয়াছিলাম।...একজন সত্ত্বপরিচিত বন্ধু মেলার ভিড়ে আমাকে ‘পাকড়াও’ করিয়া বলিলেন যে একটি লোক আমার সঙ্গে পরিচিত হইতে চাহিতেছেন। তিনি আমার হাত ধরিয়া উদ্যানের এক কোনার এক প্রকাণ্ড বৃক্ষতলায় লইয়া গেলেন। দেখিলাম সেখানে সাদা চিলা ইজার চাপকান পরিহিত একটি সুন্দর নববৃক্ক দাঁড়াইয়া আছেন। বয়স ১৮।১৯, শান্ত স্থির। বৃক্ষতলায় যেন একটি স্বর্ণমূর্তি স্থাপিত হইয়াছে। বন্ধু বলিলেন— ‘ইনি মহর্ষি দেবেন্দ্রনাথ ঠাকুরের কনিষ্ঠ পুত্র রবীন্দ্রনাথ।’ তাঁহার স্বেচ্ছা জ্যোতিরিন্দ্রনাথ প্রেসিডেন্সি কলেজে আমার সহপাঠী ছিলেন। দেখিলাম সেই রূপ, সেই গোধাক। সহাসিমুখে করমর্দন কাণটি শেষ হইলে তিনি পকেট হইতে একটি ‘নোটবুক’ বাহির করিয়া কয়েকটি গীত গাহিলেন, ও কয়েকটি কবিতা গীতকণ্ঠে পাঠ করিলেন। মধুর কামিনীলাহরনকণ্ঠে, এবং কবিতার মাদুর্ঘ্যে ও স্ফুটোন্মুখ প্রতিভায় আমি মুগ্ধ হইলাম।

হিন্দুমেলায় এই একাদশ অধিবেশনে [ইং ১৮৭৭] পঠিত রবীন্দ্রনাথের ‘দিল্লিদরবার’ সঙ্কায় কবিতাটির সন্ধান সমসাময়িক কোনো পত্রিকায় পাওয়া যায় নাই; কিন্তু জ্যোতিরিন্দ্রনাথের ‘স্বপ্নময়ী নাটক’-এর [ইং ১৮৮২] চতুর্থ অঙ্কের চতুর্থ গর্ভাঙ্কে শুভসিংহের স্বগত কবিতাটি এই প্রসঙ্গে উদ্ধারযোগ্য। কবিতাটিতে নাটকের প্রয়োজনে সম্ভবত ‘ব্রিটিশ’-এর স্থলে ‘মোগল’ করা হইয়াছে। উপরে উদ্ধৃত ‘সাধারণী’র লেখক যে তৎকালীন স্মৃতি হইতে বলিয়াছেন ‘আমরা গাইব অল্প গান’, উহাও মনে হয় নিয়োদ্ধৃত কবিতাটির শেষ বাক্যাংশ “আমরা ধরিব আরেক তান”-এরই অপভ্রংশ ধূয়া মাত্র।—

দেখিছ না অগ্নি ভারত-সাগর, অগ্নি গো হিমাদ্রি দেখিছ চেয়ে,
প্রলয়-কালের নিবিড় আঁধার, ভারতের ভাল কেলেছে ছেয়ে।
অনন্ত সমুদ্র তোমারই বৃক্ক, সমুদ্র হিমাদ্রি তোমারই সমুদ্রে,
নিবিড় আঁধারে, এ ঘোর দুর্দিনে, ভারত কাঁপিছে হরষ-রবে!
শুনিতেছি নাকি শতকোটি দাস, মুছি অশ্রুজল, নিবারিয়া শ্বাস,
সোনার শৃঙ্খল পরিতে গলায় হরষে মাতিয়া উঠেছে সবে ?

শুধাই তোমাতে হিমালয়-গিরি, ভারতে আজি কি স্মৃতির দিন ?
 তুমি শুনিয়াছ হে গিরি-অমর, অর্জুনের ঘোর কোদণ্ডের স্বর,
 তুমি দেখিয়াছ সুরবর্ণ আসনে, যুদ্ধিষ্ঠির রাজা ভারত শাসনে,
 তুমি শুনিয়াছ সরস্বতি-কূলে, আৰ্য কবি গায় মন প্রাণ খুলে,
 তোমাতে শুধাই হিমালয়-গিরি— ভারতে আজি কি স্মৃতির দিন ?
 তুমি শুনিতেছ ওগো হিমালয়, ভারত গাইছে মোগলের জয়,
 বিবল নয়নে দেখিতেছি তুমি— কোথাকার এক শূণ্য মরুভূমি—
 সেখা হতে আসি ভারত-আসন, লয়েছে কাড়িয়া, করিছে শাসন,
 তোমাতে শুধাই হিমালয়-গিরি, ভারতে আজি কি স্মৃতির দিন ?
 তবে এই সব দাসের দাসেরা, কিসের হরবে গাইছে গান ?
 পৃথিবী কাঁপায়ে অযুত উজ্জ্বাসে কিসের তরে গো উঠায় তান ?
 কিসের তরে গো ভারতের আজি, সহস্র হৃদয় উঠেছে বাজি ?
 যত দিন বিষ করিয়াছে পান, কিছুতে জাগেনি এ মহা-শ্মশান,
 বন্ধন শৃঙ্খলে করিতে সম্মান
 ভারত জাগিয়া উঠেছে আজি ?
 কুমারিকা হতে হিমালয় গিরি
 এক তারে কতু ছিল না গাঁথা,
 আজিকে একটি চরণ আঘাতে, সমস্ত ভারত তুলেছে মাথা !
 এসেছিল যবে মহম্মদ-ঘোরি, স্বর্গ রসাতল জয়নাদে ভরি
 রোপিতে ভারতে বিজয়-ধ্বজা,
 তখনো একত্রে ভারত জাগে নি, তখনো একত্রে ভারত মেলে নি,
 আজ জাগিয়াছে, আজ মিলিয়াছে—
 বন্ধন-শৃঙ্খলে করিতে পূজা !
 মোগল-রাজের মহিমা গাহিয়া
 ভূপগণ ওই আসিছে ধাইয়া
 রতনে রতনে মুকুট ছাইয়া, মোগল-চরণে লোটাতে শির—
 অই আসিতেছে জয়পুররাজ, ওই যোধপুর আসিতেছে আজ
 ছাড়ি অভিমান তেয়াগিয়া লাজ, আসিছে ছুটিয়া অযুত বীর !
 হারে হতভাগ্য ভারত-ভূমি,
 কণ্ঠে এই ঘোর কলঙ্কের হার

পরিবারে আজি করি অলঙ্কার
গৌরবে মাতিয়া উঠেছে সবে ?
তাই কাঁপিতেছে তোর বক্ষ আজি
মোগলরাজের বিজয় রবে ?

মোগল বিজয় করিয়া ঘোষণা, যে গায় গাক্ আমরা গাব না

আমরা গাব না হরষ গান,

এস গো আমরা যে ক-জন আছি, আমরা ধরিব আরেক তান।

— স্বপ্নময়ী নাটক, চতুর্থ অঙ্ক, চতুর্থ গর্তাঙ্ক

দুশ্রীপা এই দুইটি কবিতা সম্পর্কে শ্রীব্রজেন্দ্রনাথ বন্দ্যোপাধ্যায়ের 'রবীন্দ্র-গ্রন্থ-পরিচয়' পুস্তিকার পরিশিষ্টে উল্লেখ্য।

এই অধ্যায়ে "জ্যোতিদাদার উদ্‌যোগে" স্থাপিত যে-স্বাদেশিকসভার (সঞ্জীবনী-সভার) কথা বলা হইয়াছে সেই সভার "রহশ্বে আবৃত" অস্থূঠানের বিশদ বর্ণনা নিম্নে উদ্ভূত হইল :

সভার অধ্যক্ষ ছিলেন বৃদ্ধ রাজনারায়ণ বহু। কিশোর রবীন্দ্রনাথও এই সভার সভ্য ছিলেন। পরে নবগোপালবাবুকেও সভ্যশ্রেণীভুক্ত করা হইয়াছিল। সভার আসবাবপত্রের মধ্যে ছিল ভাঙা ছোটো টেবিল একখানি, কয়েকখানি ভাঙা চেয়ার ও আধখানা ছোটো টানাপাখা— তারও আবার একদিক ঝুলিয়া পড়িয়াছিল।

জাতীয় হিতকর ও উন্নতিকর সমস্ত কার্যই এই সভায় অনুষ্ঠিত হইবে, ইহাই সভার প্রধান উদ্দেশ্য ছিল। যেদিন নূতন কোনও সভ্য এই সভায় দীক্ষিত হইতেন সেদিন অধ্যক্ষমহাশয় লাল পটবস্ত্র পরিয়া সভায় আসিতেন। সভায় নিয়মাবলী অনেকই ছিল, তাহার মধ্যে প্রধান ছিল মন্ত্রগুপ্তি; অর্থাৎ এ-সভায় যাহা কথিত হইবে, যাহা কৃত হইবে এবং যাহা শ্রুত হইবে, তাহা অ-সভ্যদের নিকট কখনও প্রকাশ করিবার কাহারও অধিকার ছিল না।

আদি-ব্রাহ্মসমাজ পুস্তকাগার হইতে লাল-রেশমে-জড়ানো বেদমন্ত্রের একখানা পুঁথি এই সভায় আনিয়া রাখা হইয়াছিল। টেবিলের দুইপাশে দুইটি মড়ার মাথা থাকিত, তাহার দুইটি চক্ষুকেটরে দুইটি মোমবাতি বসানো ছিল। মড়ার মাথাটি মৃত ভারতের সাংকেতিক চিহ্ন। বাতি দুইটি আলাইবার অর্থ এই যে, মৃত-ভারতে প্রাণসঞ্চার করিতে হইবে ও তাহার জ্ঞানচক্ষু ফুটাইয়া তুলিতে হইবে। এ ব্যাপারের ইহাই মূল কল্পনা। সভার প্রারম্ভে বেদমন্ত্র গীত হইত—সংগচ্ছধম্ সংবদধম্। সকলে সম্মুখে এই বেদমন্ত্র গান করার পর তবে সভার কার্য (অর্থাৎ কিনা গল্পগুজব) আরম্ভ হইত। কার্যবিবরণী জ্যোতিবাবুর উদ্ভাবিত এক গুপ্তভাষায় লিখিত হইত। এই গুপ্তভাষায় 'সঞ্জীবনী সভা'কে 'হাক্ পানু হাক্' বলা হইত।

এই সভা প্রসঙ্গে 'ভারতী ও বাসক'-এ ক্রমশ প্রকাশিত স্বর্ণকুমারী দেবীর 'স্নেহলতা' উপস্থাসের ১২২৬ কার্তিক সংখ্যার শেষাংশে বর্ণিত 'চন্দননগরের বাগানে শুভ সভার অধিবেশন' তুলনীয়।

ভারতী

ভারতী পত্রিকার প্রকাশ প্রসঙ্গে উহার আদি-সম্পাদক দ্বিজেন্দ্রনাথ ঠাকুরের নিম্নোদ্ধৃত উক্তি প্রাণিধানযোগ্য :

জ্যোতির ঠোক হইল, একখানা নূতন মাসিক-পত্র বাহির করিতে হইবে। আমার কিন্তু ততটা ইচ্ছা ছিল না। আমার ইচ্ছা ছিল, 'তত্ত্ববোধিনী পত্রিকা'কে ভালো করিয়া জাঁকাইয়া তোলা যাক। কিন্তু জ্যোতির চেষ্ঠায় 'ভারতী' প্রকাশিত হইল। বঙ্কিমের 'বঙ্গদর্শনে'র মতো একখানা কাগজ করিতে হইবে, এই ছিল জ্যোতির ইচ্ছা। আমাকে সম্পাদক হইতে বলিল। আমি আপত্তি করিলাম না। আমি কিন্তু ঐ নামটুকু দিয়াই খালাম। কাগজের সমস্ত ভার জ্যোতির উপর পড়িল। আমি দার্শনিক প্রবন্ধ লিখিতাম। মলাটের উপরে একটি ছবির design আমি দিয়াছিলাম; কিন্তু সে ছবি ওরা দিতে পারিল না।

—পুরাতন প্রসঙ্গ, দ্বিতীয় পর্ধ্যায়, পৃ ২০৫

জ্যোতিরিন্দ্রনাথের জীবনস্মৃতি হইতে এই স্মৃত্তে কিয়দংশ উদ্ধৃত হইল :

একদিন জ্যোতিবাবু তাঁহার তেতনার ঘরে বসিয়া, রবীন্দ্রনাথ ও অক্ষয়চন্দ্রের [চৌধুরী] সহিত পরামর্শ করিয়া স্থির করিলেন যে, সাহিত্যবিষয়ক একখানি মাসিকপত্র প্রকাশ করিতে হইবে। যেমন কথা অমনি কাজ। তৎক্ষণাৎ জ্যোতিবাবু দ্বিজেন্দ্রবাবুকে এই সংকল্প জানাইলেন। দ্বিজেন্দ্রবাবুও এ প্রস্তাবে অস্বীকৃত মত দিলেন। এখন এ পত্রের কি নাম হইবে, এই সমস্তাদমাধানেই সর্বাগ্রে সকলে যত্বমান হইয়া পড়িলেন। দ্বিজেন্দ্রবাবু নাম করিলেন "সুপ্রভাত"—কিন্তু এ নামটি জ্যোতিবাবুদের মনোনীত হইল না, কারণ ইহাতে যেন একটু স্পর্ধার ভাব আসে; অর্থাৎ এতদিনে ইহাদের দ্বারা ইংয়েন বঙ্গসাহিত্যের সুপ্রভাত হইল। সুপ্রভাত নাম যখন গ্রাহ্য হইল না, তখন দ্বিজেন্দ্রবাবুই আবার তাহার নাম রাখিলেন "ভারতী"।

—জ্যোতিস্মৃতি, পৃ ১৫১

১৩২৩ সালের শ্রাবণ মাসে ভারতীর চল্লিশ বৎসরে পদার্পণ উপলক্ষ্যে শরৎকুমারী চৌধুরানী (অক্ষয়চন্দ্র চৌধুরীর পত্নী) 'ভারতীর ভিটা' নামে একটি প্রবন্ধ লেখেন। উহাতে রবীন্দ্রনাথ-উল্লিখিত 'ভারতীর সম্পাদকচক্রের' উত্তেজনাগম্য জীবনের একটি ঘরোয়া ছবি পাওয়া যায় :

যদিও শ্রীযুক্ত জ্যোতিরিন্দ্রনাথ ঠাকুর মহাশয়ের নামটি কখনই 'ভারতী'র সম্পাদকীয় স্তম্ভে প্রকাশিত হয় নাই, কিন্তু প্রকৃতপক্ষে 'ভারতী' জ্যোতিবাবুরই মানসকথা। আমি পঞ্জাব হইতে আসিয়া শুনিলাম যে একখানি মাসিক পত্রিকা প্রকাশের জল্পনা চলিতেছে; প্রবন্ধাদি রচিত ও সংগৃহীত হইবার আয়োজন হইতেছে। একটি হলদে রঙের বাক্স হইল 'ভারতী'র ভাণ্ডার; প্রথমে সেটি জ্যোতিবাবুর কাছেই থাকিত,

পরে কোনো এক সময়ে সেই ভাঙারটি আনাদের মাণিকতলা স্ট্রীটের ক্ষুদ্র ঘরের তাকের উপর রাখা হয়।...

সে সময় প্রতি রবিবারে জ্যোতিবাবু ও রবীন্দ্রনাথ ভারতীয় ভাঙার লইয়া আমাদের বাড়িতে আদিয়া 'ভারতী' মঞ্চের আলোচনা করিতেন ও পরে 'তাহাকে' [অক্ষয়চন্দ্র চৌধুরী] লইয়া ৮বিহারীলাল চক্রবর্তী মহাশয়ের বাটিতে বাইতেন এবং সেখানে হইতে জোড়ানাকো ফিরিয়া বাইতেন।

কোনো কোনো দিন বৈকালে আমরা ৮ জানকীবাবুর [জানকীনাথ ঘোষাল, স্বর্ণকুমারী দেবীর স্বামী] রামবাগানস্থ বাড়িতে বাইতাম— সেখানে ন বোঁঠাকুরানী, নতুন বোঁ [জ্যোতিরিন্দ্রনাথের পত্নী], জ্যোতিবাবু, রবিবাবু প্রভৃতিও আসিতেন।...

সকলে মিলিত হইলে ভারতীয় জন্ত রচিত নূতন শ্রবন্ধাদি পাঠ, আলোচনা, রবীন্দ্রনাথের গান হইত, পরে আহাঙ্গাদি সদাপনান্তে বাড়ি ফিরিতে রাত্রি ১০।১১টা বাজিয়া বাইত।

ভারতীয় জন্তহান ৬নং ঘরকানাথ ঠাকুর লেন ভবনটি তখন ভারতী উৎসবে নিত্য মুখরিত। জ্যোতিবাবুর তেতলার ছাদে টবের গাছ সাজাইয়া বাগান করা হইয়াছিল, "তিনি" [অক্ষয়চন্দ্র] নাম দিয়াছিলেন 'নন্দন কানন'। সন্ধ্যার সময় পরিবারস্থ সকলেই সেখানে নিত্যানিয়মিত মিলিত হইতেন।...

দেখিতে দেখিতে শ্রাবণ মাসে একদিন 'ভারতী' প্রকাশিত হইল। অনেক গবেষণার পরে আর্টস্টুডিয়োর দেবী সরস্বতীর ছবির অনুকরণে ভারতীয় মলাটের ব্লক প্রস্তুত হয় এবং তখনকার পক্ষে ছবিখানি উৎকৃষ্ট হইয়াছে বলিয়াই সকলে মানিয়া লইয়াছিলেন।

পূজনীয় শ্রীযুক্ত দ্বিজেন্দ্রনাথ ঠাকুর মহাশয় হইলেন ভারতীয় সম্পাদক। প্রতিমাসেই সম্পাদক মহাশয়ের, জ্যোতিবাবু, রবিবাবু ও 'তাহার' [অক্ষয়চন্দ্র] রচনা কিছু না কিছু প্রকাশিত হইতই। ছোটোগল্প প্রথমে যেটি প্রকাশিত হয় তাহা রবিবাবুর, পরে তাহার একটি গল্প ধারাবাহিকরূপে বাহির হইতে থাকে। শ্রীমতী স্বর্ণকুমারী দেবীর কবিতা, উপস্থাপ, ছোটো গল্প প্রভৃতি প্রায়ই থাকিত।...

তখন সকলের কি উৎসাহ! পূজনীয় শ্রীযুক্ত সত্যেন্দ্রনাথ ঠাকুর মহাশয় বোঁধাই হইতে প্রতি মাসেই রচনা পাঠাইতেন। ভারতীয় ধোরাকের অভাব কখনও হইত না; বাহিরের শ্রবন্ধাদি বড়ো একটা আবশ্যক হইত না।... তখন 'জ্ঞানানুসারে'র চিহ্নযাত্র ছিল না, 'বঙ্গদর্শন' মধ্যাহ্ন-আকাশ হইতে চলিয়া পড়িয়াছে, আর 'স্বাধ্যদর্শন' ধূমকেতুর মতো বোধহয় ছয় মাস বা নয় মাস অন্তর কদাচিৎ দেখা দিত। এমন সময় 'ভারতী' যখন নিয়মিতরূপে প্রকাশিত হইতে লাগিল তখন সাহিত্য-সমাজে যে আন্দোলন ও তরঙ্গ উঠিয়াছিল তাহা এখনও [১৩২৩ আষাঢ়] থামে নাই।...

— 'ভারতীয় ভিটা', বিখ্যাত ভারতী পত্রিকা, ১৩৫১ কার্তিক-পৌষ

এই অধ্যায়ে 'কবিকাহিনী' কাব্য গ্রন্থাকারে প্রকাশের প্রসঙ্গে প্রথম পাতুলিপিতে আছে :

১ 'ভিখারিনী', ভারতী, ১২৮৪ শ্রাবণ, পৃ ৩৫, ভাদ্র পৃ ৭৯

২ 'কল্পণা', ভারতী, ১২৮৪ আশ্বিন—১২৮৫ ভাদ্র

বঙ্গসাহিত্যে সুপ্রথিতনামা শ্রীযুক্ত কালীপ্রসন্ন ঘোষ মহাশয় তাঁহার 'বান্দব' পত্রের এই কাব্য-সমালোচন উপলক্ষে লেখককে উদয়োন্মুখ কবি বলিয়া অভ্যর্থনা করিয়াছিলেন। খ্যাত ব্যক্তির লেখনী হইতে এই আমি প্রথম খ্যাতি লাভ করিয়াছিলাম। ইহার পর ভূদেববাবু এডুকেশন গেজেটে আমার প্রভাতসংগীতের সম্বন্ধে যে অনুকূল মন্তব্য প্রকাশ করিয়াছিলেন তাহাই বোধ করি আমার শেষ লাভ। প্রথম হইতে সাধারণের নিকট হইতে বাহবা পাইয়া আমি যে রচনাকার্যে অগ্রসর হইয়াছি, এ কথা আমি স্বীকার করিতে পারিব না। সন্ধ্যাসংগীত প্রকাশের পর হইতে শ্রীযুক্ত প্রিয়নাথ সেন মহাশয়কে আমি উৎসাহদাতা বন্ধুরূপে পাইয়াছিলাম। ইহার সহিত নিরন্তর সাহিত্যালোচনায় আমি যথার্থ বললাভ করিয়াছিলাম— ইহারই কার্পণ্যহীন উৎসাহ আমার নিজের প্রতি নিজের শ্রদ্ধাকে আশ্রয় দিয়াছিল। কিন্তু আমার রচনার আরম্ভকালে সমালোচক-সম্প্রদায় বা পাঠক-সাধারণের নিকট এ সম্বন্ধে আমি অধিক ঋণী নহি।

— পাণ্ডুলিপি

'বান্দব' পত্রিকায় প্রকাশিত 'কবিকাহিনী'-র অধুনা-দুস্প্রাপ্য উক্ত "সমালোচনা"-র প্রাসঙ্গিক অংশ নিম্নে উদ্ধৃত হইল :

কবি-কাহিনী। শ্রীরবীন্দ্রনাথ ঠাকুর প্রণীত। শব্দে কবিতার শরীর গঠন। ছন্দে উহার ভঙ্গি কিংবা গতির ঠাম, কিন্তু ভাবগত রসই উহার প্রাণ।...

...যাঁহার শব্দ ও ছন্দ অপেক্ষা কাব্যগত ভাবেরই সমধিক আদর করেন, তাঁহারাই এই ক্ষুদ্র গ্রন্থখানিকে বাঙ্গালা ভাষার নূতন একখানি আভরণ বলিয়া গ্রহণ করিবেন। ইহাতে যথার্থই কবিতা আছে।... যে কবিতা, শিশির-সিক্ত কমলকলির মত কথা না কহিয়াও মনুষ্যহৃদয়ের সহিত নীরবে কথোপকথন করে;—যে কবিতা ফোটে ফোটে হইয়াও ফোটে না, অথচ অপরিষ্কৃত সৌন্দর্যে মনঃপ্রাণ কাড়িয়া লয়, এই কবি-কাহিনীর প্রায় সর্বত্রই সেইরূপ জীতিময়ী পবিত্র কবিতা স্ফুটসম্পন্ন পাঠকের চিত্তবিনোদন করিবে।...

বাঙ্গালা কবিতার পঙ্কিল জলে এইরূপ নির্মল পুষ্প কি জীতি-প্রদ। ইহাতে সৌন্দর্য আছে অথচ সে সৌন্দর্যে কোন অংশেও রচির বিকার সম্ভাবনা নাই। ইহাতে সৌরভ আছে, অথচ সে সৌরভে কোন অংশেও মানসিক ব্যাহতঙ্গের আশঙ্কা নাই। ভাষা ইহার কোথাও শোভা বধনের জন্ত কৃত্রিম কারুকার্যে বিভূষিতা হয় নাই; এবং ভাব-লহরী ক্ষীণমলিলা পয়সিনীর ক্ষীণলহরীর মত বারপরনাই যুহুমন্দ গতিতে প্রবাহিত হইলেও, কোন স্থানে প্রাণ-শূন্য হইয়া পড়ে নাই। এইরূপ নির্মল কবিতায় অনুরাগ জন্মিলে বঙ্গীয় কাব্যশাস্ত্রের অধোগতি না হইয়া উপকার হইবে, এবং যাঁহার কবিতায় ইদানীং বীতশৃঙ্খল, তাঁহাদিগের শুদ্ধ মনেও কাব্যে পুনরায় জীতির সঞ্চার হইতে থাকিবে।

কবি-কাহিনী-রচয়িতা। অমিত্রাক্ষর পণ্ডিত রচনায় মাইকেলের স্থায় সর্বত্র মিস্ট্রনের অনুসরণ এবং

হেমবাবুর স্থায় সংস্কৃত কবিদিগের ছন্দানুবর্তন না করিয়া, কোন কোন স্থানে কিয়ৎপরিমাণে এক নূতন পথ অবলম্বন করিয়াছেন। যদি তাঁহার কবিতা হৃন্দর না হইত, তাহা হইলে এইরূপ পদ্ম কাহারও নিকট ভাল লাগিত না। কিন্তু তাঁহার পদ্ম যেমনই কেন না হউক, উহা কবিতার গুণে উদ্ধার পাইয়া গিয়াছে।

—বান্ধব, দশম সংখ্যা, ১২৮৫, পৃ. ৪৬৫-৬৭

‘কবিকাহিনী’র এই সমালোচনায় যে-প্রশংসা করা হইয়াছে তাহাতে কবির প্রথম মুদ্রিত কাব্যগ্রন্থখানিকে “বাংলা ভাষার নূতন একখানি আভরণ” বলা হইলেও গ্রন্থকর্তাকে স্পষ্টত ‘উদয়োগ্নাধ কবি’ বলা হয় নাই। পাণ্ডুলিপির উক্তি ‘বান্ধব’-এর পরবর্তী এক সংখ্যায় প্রকাশিত ‘রুদ্রচণ্ড’ নাটিকার নিম্নোদ্ধৃত সমালোচনা সম্পর্কে অধিকতর প্রযোজ্য :

রুদ্রচণ্ড। নাটিকা। শ্রীরবীন্দ্রনাথ ঠাকুর প্রণীত। বাবু রবীন্দ্রনাথ এদেশের একজন উদীয়মান কবি। বোধহয় তাঁহার জ্যোতির নূতন আভা অচিরেই সমস্ত বঙ্গের ছাইয়া পড়িবে। তাঁহার সমগ্র কবিতাতেই একটুকু অপূর্ণ ও অনলম্বাধারণ নূতনত্ব আছে। রুদ্রচণ্ডের রচনাতেও সেই নূতনত্ব স্পষ্টতঃ পরিলক্ষিত হইতেছে। কবিতাগুলি যেন আধ আধ ভাঙ্গা গলায় নিরবচ্ছিন্ন মধু ঢালিতেছে। কিন্তু নাটক্যাংশে ইহা অসম্পূর্ণ। আমরা নিম্নে এই কাব্যের কতিপয় পংক্তি তুলিয়া দিলাম। আমাদেরিগের বোধ হয় বাঙ্গালায় কেহই এমন জ্যোৎস্নাশীল, সরল, কোমল ও মধুর কবিতা রচনা করিতে পারে না।

—বান্ধব, ১২৮৮, তৃতীয় সংখ্যা, পৃ ১৪২-৪৩

‘ভূদেববাবু এডুকেশন গেজেটে প্রভাত-সংগীতের স্বপক্ষে যে অক্ষুণ্ণ মন্তব্য প্রকাশ করিয়াছিলেন’ এই স্বত্বে উক্ত দুপ্রাপ্য রবীন্দ্রগ্রন্থ-সমালোচনাটিও এডুকেশন গেজেটের পুরাতন ফাইল হইতে (১২৯০, ২ আবার্চ) নিম্নে আক্ষুপূর্বি ঠ উদ্ধৃত হইল। ‘খ্যাত ব্যক্তির লেখনী হইতে’ ইহাই রবীন্দ্রনাথের ‘শেষ লাভ’ হউক বা না হউক, রবীন্দ্রনাথের অগ্রতম একটি প্রধান কাব্যের আদিসমালোচনা হিসাবে ইহা একাধারে কৌতূহলোদ্দীপক ও মূল্যবান।

নূতন পুস্তক। ‘প্রভাত সঙ্গীত’—শ্রীযুক্ত রবীন্দ্রনাথ ঠাকুর এই কাব্যের প্রণেতা। রবীন্দ্রবাবু যে একজন প্রকৃত আর্থকবি তদ্বিবয়ে সংশয় নাই। ‘আর্থ কবি’ বলিলাম এইজন্য যে, তাঁহার হৃদয় প্রকৃতিশোভার প্রতি অবিকল সেই ভাব ধারণ করে, যাহা প্রাচীন আর্থকবিদিগেরই করিত। আর্থকবির ভাব—‘আমি প্রকৃতির’। ইউরোপীয় কবির ভাব, আজিকালি যদিও একটু পরিবর্তিত হইতেছে কিন্তু আদৌ—‘প্রকৃতি আমার’। আর্থ এবং ইউরোপীয় কবির এই মৌলিক প্রভেদের একটি হৃন্দর প্রমাণ এই পুস্তক হইতেই প্রাপ্ত হওয়া যায়। ফরাসী কবি ভিক্টর হিউগো হইতে রবীন্দ্রবাবুর অনুবাদিত ‘কবি’ শীর্ষক কবিতাটি পাঠ করিয়া দেখ।

কবি

ওই যেতেছেন কবি কাননের পথ দিয়া,

কতু বা অবাক, কতু ভকতি-বিহ্বল হিয়া,

জীবনস্মৃতি

নিজে প্রাণের মাঝে
 একটি যে বাণী বাজে,
 সে বাণী শুনিতেছেন হৃদয় মাঝারে গিয়া !
 বনে যতগুলি ফুল আলো করি ছিল শাখা,
 কারো কচি তুমুখানি নীল বসনেতে ঢাকা,
 কারো বা সোনার মুখ
 কেহ রাসা টুক্ টুক্,
 কারো বা শতক রঙ যেন ময়ূরের পাখা,
 কবিরে আসিতে দেখি হরবেতে হেলি দুলি
 হাব ভাব করে কত রূপনৌ সে মেয়েগুলি,
 বলাবলি করে, আর ফিরিয়া ফিরিয়া চায়
 “প্রণয়ী মোদের ওই দেখ লো চলিয়া যায় ।”
 সে অরণ্যে বনস্পতি মহান, বিশাল কায়া,
 হেথায় জাগিছে আলো, হোথায ঘুমায় ছায়া ।
 কোথাও বা বৃক্ক বট
 মাথায় নিবিড় জট ;
 ত্রিবলী অক্ষিত দেহ প্রকাণ্ড তমাল শাল ;
 কোথা বা ঝয়ির মত -
 অশথের গাছ যত
 দাঁড়িয়ে রয়েছে নৌন ছড়িয়ে আঁধার ডাল ।
 মহর্ষি গুরুরে হেরে অমনি ভকতি ভরে
 সনপ্রমে শিষ্ণুগণ যেমন প্রণাম করে,
 তেমনি কবিরে দেখি গাছেরা দাঁড়ালু নুয়ে,
 লতা-শ্মশ্রময় মাথা ঝুলিয়া পড়িল ভুঁয়ে ।
 একদৃষ্টে চেয়ে দেখি প্রশান্ত সে মুখচ্ছবি,
 চুপি চুপি কহে তারা “ওই সেই ! ওই কবি ।”

অতএব ইউরোপীয় কবি বলিলেন যে, 'কবি' ফুলবধুর বসন্ত, বনস্পতিদিগের গুরু, কিন্তু আমাদের কবি
 কি বলেন ?—

ওই দেখ ফুটে ওঠে ফুল !
 আমি কে গো, জননি গো, আমারে হেরিয়া কেন
 এরা এত হাসিয়া আকুল !
 ছোট ছোট ফুলগুলি ওদের হেরিয়ে হাসি
 প্রাণমন পুরিল উল্লাসে !

প্রভাতের শিশুগুলি কেমনে চিনিল মোরে ?

মোরে কেন এত ভালবাসে ?

মরি মরি কচি হানি স্নেহের বাছনি তোরা

মোরে যদি এত লাগে ভাল,

প্রতিদিন ভোর হলে আসিব তোদের কাছে,

না কুটিতে প্রভাতের আলো !

বায়ুভরে চলি, চলি করিবি রে' গলাগলি,

হেরিব তোদের হাসিমুখ,

তোদের শোনাৰ গান, তোদের দেখাব প্রাণ

উন্মাদিয়া পরাণের হৃৎ !

আনাদের কবি ফুলকুমারীর হানি দেখিলেন, প্রেম বুঝিলেন, অমনি আশ্রয়মর্ষণ করিলেন।

আর্থ কবিত্তে এবং ইউরোপীয় কবিত্তে এই যে মৌলিক প্রভেদ, তাহা অনেক স্থলে আরও এক প্রকারে প্রকাশিত হইয়া থাকে। আর্থকবি যেমন জগতের একটি রমণীয় বস্তু দেখেন, অমনি তাঁহার মন সমুদায় জগৎ শোভার প্রতি প্রধাবিত হয় এবং তাহাতে বিলীন হইয়া যায়। ইউরোপীয় কবিদিগের প্রায়ই এ ভাব হয় না। তাঁহারা আপনাদের 'অহং' বিন্দুকেই বিশ্বরক্ষাণের কেন্দ্রীভূত দেখিতে পারেন এবং ইহাতে যাহা কিছু রমণীয় তাহা সেই কেন্দ্রাভিমুখে আকর্ষণ করেন। রবীন্দ্রবাবু ভিক্টর হিউগো হইতে অনুবাদ করিলেন—

রজনী দেখিছ অতি পবিত্র বিমল,

ও মুখ দেখিছ অতি হৃন্দর উজ্জ্বল,

দোনার তারকাদের ডেকে ধীরে ধীরে,

কহিছ "সমস্ত স্বর্গ ঢাল এর শিরে।"

বলিছ আঁধারে তব "ওগো আঁধি-তারার,

ঢাল গো আমার 'পরে প্রণয়ের ধারা।"

রবীন্দ্রবাবু নিজে লিখিলেন—

আমার নাহি হৃৎ দুখ পরের পানে চাই,

যাহার পানে চেয়ে দেখি, তাহাই হৃৎয়ে যাই !

আবার লিখিলেন—

সবার সাথে আছি আমি আমার সাথে নাই,

জগত-স্রোতে দিবানিশি ভাসিয়া চলে যাই।

ইউরোপীয় এবং আর্থে এই মজাগত, এই অস্থিগত প্রভেদ। ইউরোপীয় নাহংকে অহং করিতে চায় ; আর্থ, অহংকে নাহং এমন করেন। একজনের ধর্ম আশ্রয়মাৎ করা, অপরের ধর্ম আশ্রয়বিসর্জন করা। ফলে, দুই এক। কারণ, এক হওয়ার দুয়েরই উদ্দেশ্য। কিন্তু পথ পরস্পর বিপরীত। পথের মধ্যে দুয়ের সাক্ষাৎকার হওয়ার কোনো সম্ভাবনা নাই—যদিও কোথাও হইতেছে দেখা যায়, তবে দুইয়ের

একজন অবশ্যই পথ ভুলিয়াছে বলিতে হইবে। অনেক নব্য বাঙ্গালা কবিদিগের তায় রবীন্দ্রবাবু তাঁহা প্রকৃত পথ ভুলেন নাই।

রবীন্দ্রবাবুর কবিতাগুলির সম্বন্ধে আরও অনেক কথা বলিবার ইচ্ছা ছিল। কিন্তু স্থানাভাববশতঃ পারিলাম না। তবে একথাটি বলিব যে,—‘অভিমানিনী নিষ রিণী’র ভাবটি প্রধানতম আৰ্ধকবির ভাব নহে।’ রবীন্দ্রবাবু যে বলিয়াছেন—

অবোধ ওরে, কেন মিছে করিস্ আমি আমি।

উজানে যেতে কেন চাবি সাগর-পথ-গামী।

ইহাই প্রকৃত আৰ্ধকবির ভাব।

আর একটি কথা বলিব—কিন্তু এ কথাটি কিছু ভয়ে ভয়ে বলিব। রবীন্দ্রবাবু লিখিয়াছেন—

স্বজনের আরম্ভসময়ে

আছিল অনাদি অন্ধকার,

স্বজনের ধ্বংস-বুগাতুরে

রহিল অসীম হতাশন।

অনন্ত অকাশ-গ্রাসী অনল সমুদ্রমাঝে

মহাদেব মুদি ত্রিনয়ান

করিতে লাগিলা মহাধ্যান।

আমরা বলি শাস্ত্র এবং যুক্তি উভয়েরই মতে—

স্বজনের আরম্ভসময়ে

আছিল অসীম অন্ধকার,

স্বজনের ধ্বংসী কালানল

পুনরায় গিলিলা আপনা।

অনন্ত অনলগ্রাসী

ঐধারসমুদ্রমাঝে

মহাদেব মুদিয়া নয়ন

করিতে লাগিলা মহাধ্যান।

জাগতিক হুতরাং অতিজাগতিক যাবতীয় কার্ণেরই পথ বৃত্তাকার, অতএব যাহার অন্ধকারেই আরম্ভ, অন্ধকারেই তাহার শেষ। বহির ‘তাপরশ্মি’গুলি তাহার ‘আলোক রশ্মি’ হইতে পৃথক্ভূত এবং অধিকতর বলীয়ান। হুতরাং যখন “সর্গ জুহোমি বহুধাদি শিবাবসানং”, তখন ‘আলোকরশ্মি’গুলিকেও অতিপ্রকট ‘তাপরশ্মি’তে হোম করিয়া ফেলিব। আরও একটি কথা না বলিয়া ক্ষান্ত হইতে পারিলাম না। এতদিনের পর বৈদান্তিক মায়াবাদের প্রকৃত অর্থ এই রবীন্দ্রবাবুর কবিতাতে দেখিতে পাইয়া যার পর নাই সুখী হইলাম। তিনি ‘মহাশপ্ত’ শীর্ষক কবিতায় লিখিয়াছেন—

১ ‘অভিমানিনী নিষ রিণী’ কবিতাটি অক্ষয়চন্দ্র চৌধুরীর রচনা। প্রভাত সংগীতের পরবর্তী সংস্করণে উহা পুনর্মুদ্রিত হয় নাই।

কভু কি আসিবে দেব সেই মহাপ্রভাঙ্গা দিন
সত্যের সমুদ্রমাঝে 'আধ'সত্য হ'য়ে বাবে লীন ?

বাহাকে এই 'আধ'সত্য বলা হইল ইহারই বৈদাস্তিক নাম 'মায়া'। এই মায়া লইয়া কতই তর্ক বিতর্ক, কতই গোলমাল, কতই রূপকরচনার ছড়াড়ড়ি হইয়া গিয়া এক্ষণে ইউরোপীয় দার্শনিক বার্কলি হইতে উহার টিপনো বাহির হইতেছে। কিন্তু একজন প্রকৃত কবি একটিমাত্র কথায় সমুদায় অঙ্ককার ভেদ করিয়া, সমুদায় তর্কের মোমাংসা করিয়া প্রকৃত বিষয়টি বুঝাইয়া দিলেন, আর ইংরাজীভাষার কাছে বার্কলির গ্রন্থ হইতে 'মায়াবাদ' শিখিবার প্রয়োজন রহিল না। মায়ায় অর্থ—'খণ্ডজ্ঞান' বা 'আধসত্য'।

—এডুকেশন গেজেট ও সাপ্তাহিক বার্তাবহ, ২ আষাঢ় ১২২০

আমেদাবাদ

'আমেদাবাদ'-বাস প্রসঙ্গে পাণ্ডুলিপির নিম্নোদ্ধৃত অংশে কয়েকটি স্মরণীয় তথ্যের বিস্তৃততর পরিচয় পাওয়া যায় :

সকলের উপরের তলায় একটি ছোট ঘরে আমার আশ্রয় ছিল। রাত্রেও আমি সেই নির্জন ঘরে শুইয়া থাকিতাম। গুরুপক্ষের কত নিস্তরক রাত্রে আমি সেই নদীর দিকের প্রকাণ্ড ছাদটাতে একলা ঘুরিয়া বেড়াইয়াছি। এইরূপ একটা রাত্রে আমি যেমন খুশি ভাঙা ছন্দে একটা গান তৈরি করিয়াছিলাম— তাহার প্রথম চারটে লাইন উদ্ধৃত করিতেছি।

নীরব রজনী দেখো মগ্ন জোছনায়,
ধীরে ধীরে অতি ধীরে গাও গো !
ঘুমঘোরভরা গান বিভাবরী গায়,
রজনীর কণ্ঠসাথে সুরকণ্ঠ মিলাও গো !

ইহার বাকি অংশ পরে উক্তছন্দে বাঁধিয়া পরিবর্তিত করিয়া তখনকার গানের বহিতে ছাপাইয়াছিলাম—কিন্তু সেই পরিবর্তনের মধ্যে, সেই সাবরমতীনদীতীরের, সেই ক্ষিপ্ত বাগকের নিদ্রাহারা গ্রীষ্মরজনীর কিছুই ছিল না। “বলি ও আমার গোলাপবালা” গানটা এমনি আর-এক রাত্রে লিখিয়া বেহাগ সুরে বসাইয়া গুন্ গুন্ করিয়া গাহিয়া বেড়াইতেছিলাম। “গুন. নলিনী খোলো গো আঁখি”, “আঁধার শাখা উজল করি” প্রভৃতি আমার ছেলেবেলাকার অনেকগুলি গান এইখানেই লেখা।

ইংরাজিতে আমি যে নিতান্তই কাঁচা ছিলাম বিলাত যাইবার পূর্বে সেটা আমার একটা বিশেষ ভাবনার বিষয় হইল। মেজদাদাকে বলিলাম, 'আমি ইংরাজি সাহিত্যের ইতিহাস বাংলায় লিখিব, আমাকে বই আনিয়া দিন।' তিনি আমার সম্মুখে টেন

প্রভৃতি গ্রন্থকার-রচিত ইংরাজি ভাষা ও সাহিত্যের ইতিহাসসংক্রান্ত রাশি রাশি গ্রন্থ উপস্থিত করিলেন। আমি তাহার দুর্ভাগ্য বিচারমাত্র না করিয়া অভিধান খুলিয়া পড়িতে বসিয়া গেলাম। সেই সঙ্গে আমার লেখাও চলিতে লাগিল। এমন কি, অ্যাংলো স্নাক্‌সন ও অ্যাংলো নর্মান সাহিত্য-সম্বন্ধীয় আমার সেই প্রবন্ধ-গুলিও ভারতীতে বাহির হইয়াছিল। এইরূপ লেখার উপলক্ষে আমি সকাল হইতে আরম্ভ করিয়া মেজদাদার কাছারি হইতে প্রত্যাবর্তন পর্যন্ত একান্ত চেষ্টায় ইংরাজি গ্রন্থের অর্থ সংগ্রহ করিয়াছি।

—পাণ্ডুলিপি

এই অধ্যায়ে শাহিবাগের বাসার লাইব্রেরিতে যে “পুরাতন সংস্কৃত কাব্যসংগ্রহগ্রন্থ” (কাব্যসংগ্রহঃ) পার্ঠের উল্লেখ রহিয়াছে রবীন্দ্রনাথ কতৃক ব্যবহৃত সেই গ্রন্থখানি বিখ্যাত-গ্রন্থাগারে রক্ষিত আছে। উহার নামপত্রের নকল এই অধ্যায়ের ৪র্থ পাদটীকায় দ্রষ্টব্য। এই গ্রন্থের দুইটি পৃষ্ঠায়, সম্ভবত পরবর্তীকালে, রবীন্দ্রনাথ ‘শূদ্রারশতক’ ও ‘নীতিশতক’ হইতে দুইটি শ্লোকের বঙ্গানুবাদ করিয়াছিলেন। দ্রষ্টব্য ‘সংস্কৃত শ্লোকদ্বয়ের বঙ্গানুবাদ’, প্রবাসী, ১৩৭৮ ফাল্গুন, পৃ ৪২২।

“সমস্তদিন ডিক্‌শনারি লইয়া নানা ইংরেজি বই” পড়িবার যে-উল্লেখ আছে তাহারই ফলস্বরূপ সেই বৎসরের (১২৮৫) ভারতীতে প্রকাশিত নিম্নলিখিত প্রবন্ধগুলি দ্রষ্টব্য :

স্নাক্‌সন জাতি ও অ্যাংলো স্নাক্‌সন সাহিত্য —শ্রাবণ ১২৮৫

বিয়াত্রীচে, দাস্তে ও তাঁহার কাব্য —ভাদ্র ১২৮৫

পিত্রার্কী ও লরা —আশ্বিন ১২৮৫

গেটে ও তাঁহার প্রণয়িনীগণ —কার্তিক ১২৮৫

নর্মান জাতি ও অ্যাংলো-নর্মান সাহিত্য —ফাল্গুন ১২৮৫, জ্যৈষ্ঠ ১২৮৬

বিলাত

এই অধ্যায়ের আরম্ভে যাত্রার পূর্বে বোম্বাইয়ে কিছুকাল কাটাইবার যে উল্লেখ আছে তাহার সংক্ষিপ্ত-বর্ণনা ‘ছেলেবেলা’ হইতে উদ্ধৃত হইল :

এখানে [আমেদাবাদে] কিছুদিন থাকার পর মেজদাদা মনে করলেন, বিদেশকে যারা দেশের রস দিতে পারে সেই রকম মেয়েদের সঙ্গে আমাকে মিলিয়ে দিতে পারলে হয়তো ঘরছাড়া মন-আরাম পাবে। ইংরেজি ভাষা শেখবারও সেই হবে সহজ উপায়।

তাই কিছুদিনের জন্তে বোম্বাইয়ের কোনো গৃহস্থ^১-ঘরে আমি বাসা নিয়েছিলুম। সেই বাড়ির কোনো-একটি এখনকার কালের পড়াশুনোওয়ালা মেয়ে^২ ঝকঝকে করে মেজে এনেছিলেন তাঁর শিক্ষা বিলেত থেকে। আমার বিত্তে সামান্যই, আমাকে হেলা করলে দোষ দেওয়া যেতে পারত না। তা করেন নি। পুঁথিগত বিত্তা ফলাবার মতো পুঁজি ছিল না, তাই সুবিধে পেলেই জানিয়ে দিতুম যে কবিতা লেখবার হাত আমার আছে। আদর আদায় করবার ঐ ছিল আমার সবচেয়ে বড়ো মূলধন। ধীর কাছে নিজের এই কবিতানার জানান দিয়েছিলেম তিনি সেটাকে মেপেজুখে নেন নি, মেনে নিয়েছিলেন। কবির কাছ থেকে একটা ডাকনাম চাইলেন, দিলেম জুগিয়ে, সেটা ভালো লাগল তাঁর কানে। ইচ্ছে করেছিলেম সেই নামটি আমার কবিতার ছন্দে জড়িয়ে দিতে। বেঁধে দিলুম সেটাকে কাব্যের গাঁথুনিতে,^৩ শুনলেন সেটা ভোর-বেলাকার ভৈরবী সুরে, বললেন, 'কবি, তোমার গান শুনলে আমি বোধ হয় আমার মরণদিনের থেকেও প্রাণ পেয়ে জেগে উঠতে পারি।' এর থেকে বোঝা যাবে, মেয়েরা যাকে আদর জানাতে চায় তার কথা একটু মধু মিশিয়ে বাড়িয়েই বলে। সেটা খুশি ছড়িয়ে দেবার জন্তেই। মনে পড়ছে তাঁর মুখেই প্রথম শুনেছিলুম আমার চেহারার তারিক। সেই বাহবায় অনেক সময় গুণপনা থাকত।

—ছেলেবেলা, অধ্যায় ১৩

ভগ্নহৃদয়

ভগ্নহৃদয় রচনা সম্বন্ধে 'ত্রিশ বছর বয়সের একটি পত্রের' কিয়দংশ রবীন্দ্রনাথ উক্ত পরিচ্ছেদে উদ্ধৃত করিয়াছেন। পত্রটির শেবাংশ পাণ্ডুলিপি হইতে নিম্নে মুদ্রিত হইল—

তিল তাল হয়ে না উঠলেও মনের সম্ভ্রাম হত না—মনে হত, ঠিক উপযুক্ত হচ্ছে না। ...যা হোক সেই আঠারো বৎসর বয়সের দিকে চেয়ে দেখলে রাশি রাশি কুয়াশা দেখতে পাই, সেই অনির্দিষ্ট কুয়াশায় আমার তখনকার জীবন একটা অশ্রময় ভাবে আর্দ্র করে রেখেছিল। আমার ঘে একটা অস্থির বিষাদের ভাব ছিল তার নির্দিষ্ট কোনো সত্য

১ ডাক্তার আয়ারাম পাণ্ডুরঙ; ২ আমার বোম্বাই প্রবাস - সত্যেন্দ্রনাথ ঠাকুর, পৃ ৭১, ২৫১, ২৫৪।

২ অ্যানা [অন্নপূর্ণা] তরখড় [কর] বা 'Ana Turkhud'।

৩ 'প্রভাতী', শৈশবসংগীত; ১, পৃ ৫২১ এবং গীতাবিতান।

কারণ ছিল না— বরঞ্চ অনির্দিষ্টতাই তার যথার্থ কারণ। মন কী চায় তা ঠিক ঠাওরাতে পারত না— কারণ, চারিদিকের আকাশ আচ্ছন্ন ছিল, উপগ্রাস এবং কাব্য থেকে যা জানতে পেত সেইটেকেই আপনার মনে করত। অনেক সময় রোগের একটা নাম দিতে পারলেও আরাম পাওয়া যায়— আমার সে সময়কার মানসিক ভাবটা নিজের একটা নামকরণ করবার চেষ্টা করত। তার নিজের মধ্যে অবশ্যই একটা সত্য ছিল কিন্তু সে সত্যটা যে কী তা সে কিছুতেই ঠাওরাতে পারত না বলে আপনাকে পুঁথিসম্মত অণু পাঁচ নামে পরিচয় দিয়ে মিথ্যা করে তুলত। কেবল যে মিথ্যা পরিচয় তা নয় তদনুসারে তাকে মিথ্যা অভিনয়ও করতে হত।

—পাণ্ডুলিপি

ভগ্নহৃদয় কাব্য পাঠ করিয়া ত্রিপুরার স্বর্গীয় মহারাজ বীরচন্দ্র মাণিক্য রবীন্দ্রনাথকে অপ্রত্যাশিত উপায়ে যে অভিনন্দন জানান, ১৩৩২ সালের ফাল্গুনে আগরতলা কিশোর সাহিত্যসমাজে সংবর্ধনা উপলক্ষ্যে রবীন্দ্রনাথ কিঞ্চিৎ বিশদভাবে তাহার উল্লেখ করেন। ত্রিপুরারাজ্যের অধুনালুপ্ত ‘রবি’ ত্রৈমাসিক পত্রের ‘রবীন্দ্র-সম্মিলন সংখ্যা’ (চৈত্র ১৩৩৫ ত্রিপুরাস্থ বা ১৩৩২ বঙ্গাব্দ) হইতে “কবি-সম্মানের বাণী”র উক্ত প্রাসঙ্গিক অংশ নিয়ে মুদ্রিত হইল—

এই ত্রিপুরা রাজ্যের সঙ্গে আমার যে প্রথম পরিচয়, তা খুব অল্প বয়সে। সচ England থেকে ফিরে এসেছি; তখন একখানি মাত্র কাব্য প্রকাশিত হয়েছে। বাল্যের রচনা, অসম্পূর্ণতা ইত্যাদি অনেক ত্রুটি থাকায় পুনঃ প্রকাশিত হয় নাই।

সেই সময়ে আমাকে এবং আমার লেখা সম্বন্ধে খুব অল্প লোকেই জানতেন। আমার পরিচয় তখন কেবল আমার আজীবনস্বজন নিকটতম বন্ধুজনের মধ্যেই আবদ্ধ ছিল। একদিন এই সময়ে ত্রিপুরার মহারাজ বীরচন্দ্র মাণিক্য বাহাদুরের দূত আমার সাক্ষাৎ প্রার্থনা করলেন। বালক আমি, সসঙ্কোচে আমি তাঁকে অভ্যর্থনা করলাম। আপনারা হয়তো অনেকেই দূত মহাশয়ের নাম জানেন— তিনি রাধারমণ ঘোষ। মহারাজ তাঁকে স্নদূর ত্রিপুরা হতে বিশেষভাবে পাঠিয়েছিলেন কেবল জানাতে যে আমাকে তিনি কবিরূপে অভিনন্দিত করতে ইচ্ছা করেন। এই অপ্রত্যাশিত ঘটনায় বালক কবির বিস্ময়ের সীমা রহিল না।

এর পর থেকে নানা সময়ে নানা উপদেশ এবং বিশেষ করে ‘রাজঘি’ লিখিবার সময়ে ‘রাজমালা’ থেকে সংস্কৃত বিষয়গুলি ছাপিয়ে পাঠিয়েছিলেন। তার থেকে আমি গোবিন্দমাণিক্যের প্রকৃত ইতিবৃত্ত জানতে পেরেছিলুম।...

জীবনে যে যশ আজ আমি পাচ্ছি, পৃথিবীর মধ্যে তিনিই তার প্রথম সূচনা করে দিয়েছিলেন তাঁর অভিনন্দনের দ্বারা।

—রবি, চৈত্র ১৩৩৫ ত্রিপুরাস্ক, পৃ. ৩৩৭-৩৮

ত্রিপুরারাজ্যের কর্ণেল স্বর্গীয় মহিমচন্দ্র ঠাকুর তাঁহার 'ত্রিপুর দরবারে রবীন্দ্রনাথ' প্রবন্ধে এই প্রসঙ্গের আলোচনা আরও বিস্তারিতভাবে করিয়াছেন—

প্রিয়তমা প্রধানা মহিষীর অকাল মৃত্যুতে প্রোঢ় বীরচন্দ্রের হৃদয় অসহনীয় প্রিয়বিরহশোকাকুল হইয়া পড়ে। তখন তিনি বিরহীর মর্মবেদনা কবিতার লহরে লহরে গাঁথিতেছিলেন। এমনি সময়ে কিশোর-কবি রবীন্দ্রনাথ বিলাত হইতে প্রত্যাবর্তন করিয়া 'ভগ্নহৃদয়' নামে এক কাব্যগ্রন্থ প্রকাশ করেন। কবি বীরচন্দ্রের তখনকার মানসিক ভাবের সহিত 'ভগ্নহৃদয়'ের কবিতাগুলি মায় দিয়াছিল। গুণগ্রাহী বীরচন্দ্র রবীন্দ্রনাথের তখনকার এই কাঁচা লেখার মধ্যেও তাঁহার অগুকার বিশ্ববিমোহন কাব্যপ্রতিভার প্রথম সূচনা দেখিতে পাইয়া, তাঁহার প্রাইভেট-সেক্রেটারী স্বর্গীয় রাধারমণ ঘোষকে কলিকাতায় রবীন্দ্রনাথ ঠাকুরের নিকট প্রেরণ করেন, 'ভগ্নহৃদয়' কাব্যগ্রন্থ মহারাজকে প্রীত করিয়াছে, তজ্জন্ম তাঁহাকে অভিনন্দন জ্ঞাপন করিতে। ইতিপূর্বে রবীন্দ্রনাথের বা তাঁহার পরিবারের কাহারো সহিত মহারাজ বীরচন্দ্রের সাক্ষাৎ পরিচয় ছিল না।...

গুণগ্রাহী বীরচন্দ্রের পক্ষে ইহা স্বাভাবিকই বলিতে হইবে। পিতৃদেবের মুখে শুনিয়াছিলাম, বীরচন্দ্রের পিতা মহারাজ কৃষ্ণকিশোর মাণিক্য কোন গুরুতর রাজনৈতিক সমস্যা লইয়া কলিকাতায় প্রিয় দ্বারকানাথ ঠাকুরের সাহায্যার্থী হন। প্রিয় দ্বারকানাথ (রবীন্দ্রনাথের পিতামহ) তখনকার কলিকাতা সমাজের এবং রাজনৈতিক ক্ষেত্রের নেতা। তাঁহারি সহায়তায় মহারাজ কৃষ্ণকিশোর সে যাত্রায় সফলকাম হইয়া স্বদেশে প্রত্যাগমন করেন। সেই সময়েই ত্রিপুর রাজপরিবারের সহিত জোড়াসাঁকো ঠাকুরপরিবারের প্রথম পরিচয় হয়।... বীরচন্দ্র মাণিক্য কলিকাতায় যখনই যাইতেন, তখনি রবিবাবুকে ডাকাইয়া আনিতেন। বয়সে এই দুই কবির বিশেষ পার্থক্য থাকিলেও বীরচন্দ্র বাৎসল্যভাবে কিশোর সৌম্যদর্শন কবি রবীন্দ্রনাথের মুখে কবিতা পাঠ এবং সঙ্গীত শুনিতে বড়ই ভালবাসিতেন।

—রবি, চৈত্র ১৩৩৫ ত্রিপুরাস্ক, পৃ ৩৪৩-৪৫

বান্দ্যকিপ্রতিভা

এই অধ্যায়ে ১১১ পৃষ্ঠায় 'বিদ্বজ্জন-সমাগম' সাহিত্যসম্মিলনের যে উল্লেখ আছে জ্যোতিরিন্দ্রনাথ-বর্ণিত তাহার সংক্ষিপ্ত পরিচয় নিম্নে উদ্ভূত হইল :

এই সময়ে জোড়াসাঁকো বাড়িতে জ্যোতিবাবুরা প্রতিবৎসর একটি 'সম্মিলনী' আহ্বান করিতেন। উদ্দেশ্য—সাহিত্যসেবীদের মধ্যে বাহাতে পরস্পর আলাপপরিচয় ও তাঁহাদের মধ্যে সদ্ভাব বর্ধিত হয়।... শ্রীযুক্ত আনন্দচন্দ্র বৈদ্যনাথগীশ মহাশয় এই সম্মিলনের নামকরণ করিয়া দিয়াছিলেন—'বিদ্বজ্জন-

সমাগম'। এই সমাগমে তখন বঙ্কিমচন্দ্র, অক্ষয়চন্দ্র সরকার, চন্দ্রনাথ বহু, রাজকৃষ্ণ মুখোপাধ্যায়, কবি রাজকৃষ্ণ রায় প্রভৃতি লক্ষ্যপ্রতিষ্ঠ সাহিত্যসেবীগণকে নিমন্তন করা হইত। এই উপলক্ষে অনেক রচনা এবং কবিতাদিও পঠিত হইত, গীতবাহুর আয়োজন থাকিত, নাট্যাভিনয় প্রদর্শিত হইত এবং সর্বশেষে সকলের একত্র প্রীতিভোজনে এই সাহিত্য-মহোৎসবের পরিদমাপ্তি হইত।

— জ্যোতিস্মৃতি, পৃ ১৫৭-৫৮

'ভারত-সংস্কারক' সংবাদপত্রের ইং ১৮৭৪, ২৪ এপ্রিল (১২৮১, ১২ বৈশাখ, শুক্রবার) সংখ্যায় সেই সভার প্রথম অধিবেশনের নিম্নরূপ বিবরণ পাওয়া যায় :

আমরা গত সপ্তাহে... যে একটি বিজ্ঞাপন দিয়াছিলাম গত শনিবার রাতে [৬ বৈশাখ] তাহার কার্যে পরিণত দেখিয়া আনন্দিত হইয়াছি। বাবু দ্বিজেন্দ্রনাথ ঠাকুর ও নির্বিলিয়ান বাবু সত্যেন্দ্রনাথ ঠাকুরের আহ্বানে বাঙলা গ্রন্থকার ও সংবাদপত্রের সম্পাদকদিগের অনেকে তাঁহাদিগের জোড়াসাঁকোর ভবনে সমবেত হন। অসংখ্য প্রসিদ্ধ ব্যক্তির মধ্যে আমরা এই কয় ব্যক্তিকে দর্শন করিলাম—রবরও কৃষ্ণমোহন বন্দ্যো, বাবু রাজেন্দ্রলাল মিত্র, বাবু রাজনারায়ণ বহু, বাবু প্যারীচরণ সরকার, বাবু রাজকৃষ্ণ বন্দ্যো। সর্বমুখে ন্যূনতম ১০০ ব্যক্তি উপস্থিত ছিলেন। নিমন্ত্রিতা মহাস্মারা ভদ্রোচিত অভ্যর্থনার ক্রটি করেন নাই। সভাস্থলে একটি ঘুবা প্রথমে বাবু হেমচন্দ্র বন্দ্যোপাধ্যায়ের উদ্দীপনী কবিতামালা উচ্চ গম্বীর স্বরে ও উপযুক্ত ভাবভঙ্গীর সহিত অনর্গল আবৃত্তি করিলেন, তাহাতে আমার বেশ গরম হইয়া উঠিল। আমরা বহুদিনবিখ্যাত একটি জাতীয় ভাব অনুভব করিলাম, এবং ইংরাজাধীনে বা স্বাধীনরাজ্যে বাস করিতেছি বোধগম্য করিতে পারিলাম না। পরে কবিরাজ [প্যারীমোহন] মৃত অনুরেবল দ্বারকানাথ মিত্রের গুণ ব্যাখ্যাপূর্বক একটি সংগীত করিয়া শ্রোতৃবর্গকে বিমোহিত করিলেন। তিনি তৎপরে স্বকৃত আর-একটি শ্রুতিমধুর গান করিলেন, তাহাতে বিলাতি দ্রব্যের সহিত এ দেশীয় দ্রব্যের বিনিময়ে ভারতের সর্বনাশ হইল বলিয়া ইংলণ্ডের নিকট ক্রন্দন করা হইতেছে। অতঃপর ঠাকুর পরিবারের ছোটো ছোটো কয়েকটি বালকবালিকা চোতাল প্রভৃতি তালে তানলয়বিশুদ্ধ সংগীত করিয়া সভ্যবর্গকে চমৎকৃত করিল।... পরে জ্যোতিরিন্দ্রবাবু এক অঙ্ক নাটক পাঠ করিলেন, তাহাতে পুরুরাজা যবনশত্রু নিপাত করিবার জন্ত সৈন্যদলকে উত্তেজিত করিতেছেন এবং সৈন্যদল তাঁহার বাক্যের প্রতিধ্বনি করিয়া বীরমদে মাতিতেছে। তদনন্তর দ্বিজেন্দ্রবাবু স্বরচিত 'স্বপ্ন'-বিষয়ক একটি হৃদয় কবিতা ২ পাঠ করিলে শিশুরা সংগীত করিতে লাগিল এবং পান, গোলাপের তোড়া, পুষ্পমালা প্রভৃতি দ্বারা নিমন্ত্রিতগণের প্রতি সমাদর প্রদর্শনপূর্বক সভাকার্য শেষ হইল।

— 'সেকালের কথা', শ্রীত্রজেন্দ্রনাথ বন্দ্যোপাধ্যায়, প্রবাসী, ১০৪০ জ্যৈষ্ঠ

জোড়াসাঁকোর বাড়িতে বাল্মীকিপ্রতিভার প্রথম অভিনয়ের দর্শকদের মধ্যে বঙ্কিমচন্দ্র, গুরুদাস বন্দ্যোপাধ্যায় ও রাজকৃষ্ণ রায় উপস্থিত ছিলেন। অভিনয়দর্শনে মুগ্ধ হইয়া

১ পুরু-বিক্রম নাটক, তৃতীয় অঙ্ক, প্রথম গর্ভাঙ্ক।

২ স্বপ্নপ্রয়াণ, প্রথম সর্গ।

রাজকৃষ্ণ রায় 'বালিকা-প্রতিভা' নামে যে-কবিতাটি লেখেন (আর্ষদর্শন, ১২৮৮ বৈশাখ) তাহার পাদটীকায় জানা যায়—

গত ১৬ই ফাল্গুন (১২৮৭) শনিবার সন্ধ্যার পর কলিকাতা-নিবাসী মহর্ষি-প্রতিম শ্রীযুক্ত দেবেন্দ্রনাথ ঠাকুর মহোদয়ের ভবনে “বিদ্বজ্জন-সমাগম”-উপলক্ষে “বান্ধীকি-প্রতিভা” নামে একখানি অভিনব নাট্যগীতির অভিনয় হইয়াছিল। সেই অভিনয়ে উক্ত মহোদয়ের অল্পতম পুত্র শ্রীযুক্ত বাবু হেমেন্দ্রনাথ ঠাকুরের 'প্রতিভা' নামী কণ্ঠা প্রথমে বালিকা, পরে সরস্বতী মূর্তিতে অপূর্ব অভিনয় করিয়াছিলেন।...

বঙ্কিমচন্দ্র এই অভিনয়ের উল্লেখ করিয়া হরপ্রসাদ শাস্ত্রী প্রণীত 'বান্ধীকির জয়' গ্রন্থের সমালোচনায় লিখিয়াছিলেন—

যাঁহারা বাবু রবীন্দ্রনাথ ঠাকুরের 'বান্ধীকি-প্রতিভা' পড়িয়াছেন বা তাঁহার অভিনয় দেখিয়াছেন, তাঁহারা কবিতার জগৎভ্রাতৃ কখনো ভুলিতে পারিবেন না। হরপ্রসাদ শাস্ত্রী এই পরিচ্ছেদেও রবীন্দ্রনাথ-বাবুর অনুগমন করিয়াছেন।

—বঙ্গদর্শন, ১২৮৮ আশ্বিন

বান্ধীকিপ্রতিভার এই প্রথম অভিনয় দর্শনে স্মার গুরুদাস বন্দ্যোপাধ্যায় নিম্নোদ্ধৃত কবিতাটি রচনা করেন :

উঠ বঙ্গভূমি, মাতঃ, যুমায়ে খেকো না আর,
অজ্ঞানতিমিরে তব সুপ্রভাত হল হেরো।
উঠেছে নবীন রবি, নব জগতের ছবি,
নব 'বান্ধীকি-প্রতিভা' দেখাইতে পুনর্বীর।
হেরো তাহে প্রাণ ভ'রে, স্মৃৎসৃষ্টি যাবে দূরে,
যুচিবে মনের ত্রাস্তি, পাবে শাস্তি অনিবার।
'মণিময় ধূলিরাশি' খোঁজ যাহা দিবানিশি,
ও ভাবে মজিলে ঘন খুঁজিতে চাবে না আর।

রবীন্দ্রনাথের পঞ্চাশদ্বর্ষপূর্তি উৎসবে টাউনহলে 'কবিসম্বর্দ্ধনা' সভায় (১৩১৮, ১৪ মাঘ) কবিতাটি গুরুদাসবাবু পাঠ করিয়াছিলেন।

দ্বিতীয় গীতিনাট্য 'কাল-মৃগয়া'ও “বিদ্বজ্জন সমাগম উপলক্ষে অভিনয়ার্থ রচিত” হয় ও ১৮৮২, ২৩ ডিসেম্বর তারিখে প্রথম অভিনীত হয়। সমসাময়িক দুইটি সংবাদপত্রে উক্ত অভিনয় সম্বন্ধে যে-মন্তব্য বাহির হয় এখানে তাহা সংকলিত হইল :

A conversazione of Bengali authors was held at the house of Baboo Debendranath Tagore, at No 6 Dwarkanath Tagore's street, Jorasanko, on Saturday evening last. There was a large gathering of Bengali

ও 'বান্ধীকির জয়' গ্রন্থে যে-পরিচ্ছেদে বান্ধীকি কবি হইলেন।

authors, editors and other gentlemen. A short melodrama named Kalamrigaya or the 'The Fatal Hunt' was written for the occasion by Baboo Rabindranath Tagore well-known to the literary world. The drama was based upon a story from the Ramayan. The dramatis personæ were represented by the members of the Tagore family, both male and female. All the parts were well sustained.

—The Statesman, Tuesday December 27, 1932 (Quoted from fifty years ago Statesman 27 Dec. 1882).

বিদ্বজ্জন-সমাগম। গত শনিবার রাত্রে [১৮৮২, ২৩ ডিসেম্বর] ৬ ঘণ্টারকালনাথ ঠাকুরের বাড়ীতে বিদ্বজ্জন সমাগম হইয়াছিল। এই সমাগম উপলক্ষে “কালমুগয়া” নামক একখানি ক্ষুদ্র নাট্যগীতি রচিত হইয়া ঐ রাত্রে অভিনীত হয়। অভিনয় অনেকাংশে সুন্দর হইয়াছিল। গৃহদেবীরা বনদেবী সাজিয়া অনেকটা কৃতকাৰ্ণ হইয়াছিলেন। বিন্দুকের অভিনয়ের শেবাংশ ভাল হয় নাই। মুনিমুখার পিতার নিমিত্ত জল আনিতে গেলে লীলা তাহার অবেদন করিতে করিতে অক্ষমুনির নিকট যেরূপ গান গাহিয়াছিল, তাহা শুনিতে পাষণ-সুন্দরও বিগলিত হয়।

—‘ভারতবন্ধু’ সংবাদপত্র হইতে : জ্যোতিরিন্দ্রনাথ, পৃ ১২১

অভিনয়ে জ্যোতিরিন্দ্রনাথ দশরথের, রবীন্দ্রনাথ অক্ষমুনির, হেমেন্দ্রনাথের পুত্র ঞ্জেন্দ্রনাথ ও কন্যা অভিজ্ঞা দেবী যথাক্রমে অক্ষমুনির পুত্র-কন্যার এবং পরিবারস্থ বালিকাগণ বনদেবীর ভূমিকা গ্রহণ করিয়াছিলেন।

সঙ্ঘাসংগীত

সঙ্ঘাসংগীত রচনার পৰ্বটি কবির নিজের পক্ষে তাঁর ‘কাব্যলেখার ইতিহাসে সকলের চেয়ে স্মরণীয়’^১; অতএব পাণ্ডুলিপি হইতে প্রাসঙ্গিক ০কিয়দংশ উদ্ধৃত হইল :

এক সময় তেতালার ছাদের ঘরগুলি শূন্য ছিল— জ্যোতিদাদারা বেড়াইতে গিয়া-ছিলেন। সেই সময়ে আমি একা সেই বৃহৎ ছাদে ঘুরিতে ঘুরিতে সঙ্ঘাসংগীতের কবিতাগুলি লিখিতে আরম্ভ করি। এই কবিতাগুলি লিখিবার সময় আমার সমস্ত অস্তঃকরণ বেন বলিয়া উঠিয়াছিল— এইবার তুমি ধন্য হইলে। এতদিন পরে তুমি নিজের কথা নিজের ভাষায় লিখিতে পারিলে, এখন আর সংগীতের জন্ত তোমাকে অন্য কাহারো যত্ন ধার করিয়া বেড়াইতে হইবে না।... পক্ষীশাবক যেদিন হঠাৎ নিজের পাখা

১ কাব্যগ্রন্থ, মোহিতচন্দ্র সেন সম্পাদিত, ১৩১০।

মেলিয়া বিনা পরের সাহায্যে আকাশে উড়িয়া যাইতে পারে সেদিন নিজের সম্বন্ধে তাহার যে একটা বিশ্বাস ও আনন্দ ঘটে— এখন হইতে আমি স্বাধীন বলিয়া সে যে একটা উল্লাস অনুভব করে— আমিও সেইরূপ নিজের স্বাধীন অধিকার লাভের আনন্দে নিজেকে ধন্য মনে করিয়াছিলাম। সন্ধ্যাসংগীতে আমি সর্বপ্রথম নিজের সুরে নিজের কবিতা লিখিয়াছিলাম। তাহার ছন্দ ভাষা ভাব সমস্তই কাঁচা হইতে পারে এবং কাঁচা হইবারই কথা কিন্তু দোষগুণ সমেত তাহা আমার।

এই কারণে এই সন্ধ্যাসংগীতের কবিতোগুলি নূতন গ্রন্থাবলীতে স্থান পাইয়াছে। ইহার পূর্বে রচিত “পথিক” নামক কেবল একটি কবিতা ‘যাত্রা’ খণ্ডে বসিয়াছে এবং ভানুসিংহের পদ ও কতকগুলি গান ইহার পূর্বের রচনা।

— পাণ্ডুলিপি

গান সম্বন্ধে প্রবন্ধ

এই অধ্যায়ে উল্লিখিত দ্বিতীয় বার বিলাতযাত্রার প্রস্তাব সম্পর্কে রবীন্দ্রনাথকে মহর্ষি দেবেন্দ্রনাথ নিম্নোদ্ধৃত পত্রখানি লেখেন :

প্রাণাধিক রবি—

আগামী সেপ্টেম্বর মাসে ইংলণ্ডে যাওয়া স্থির করিয়াছ এবং লিখিয়াছ যে, আমি ‘বারিস্টার হইব’। তোমার এই কথার উপরে এবং তোমার শুভ বুদ্ধির উপরে নির্ভর করিয়া তোমাকে ইংলণ্ডে যাইতে অনুমতি দিলাম। তুমি সংপথে থাকিয়া কৃতকার্য হইয়া দেশেতে যথাসময়ে ফিরিয়া আসিবে, এই আশা অবলম্বন করিয়া থাকিলাম। সত্যেন্দ্র পাঠাবস্থাতে যতদিন ইংলণ্ডে ছিলেন ততদিন ...টাকা করিয়া প্রতি মাসে পাইতেন। তোমার জন্ম মাসে ...টাকা নির্ধারিত করিয়া দিলাম। ইহাতে যত পাউণ্ড হয় তাহাতেই তথাকার তোমার-যাবদীয় খরচ নির্বাহ করিয়া লইবে। বারে প্রবেশের ফী এবং বার্ষিক চেম্বার ফী আবশ্যক-মতে পাইবে। তুমি এবার ইংলণ্ডে গেলে প্রতিমাসে নূনকল্পে একখানা করিয়া আমাকে পত্র লিখিবে। তোমার থাকার জন্ম ও পড়ার জন্ম সেখানে যাইয়া যেমন যেমন ব্যবস্থা করিবে তাহার বিবরণ আমাকে লিখিবে। গতবারে সত্যেন্দ্র তোমার সঙ্গে ছিলেন, এবারে মনে করিবে আমি তোমার সঙ্গে আছি। ইতি ৮ ভাদ্র ৫১।২

—পত্রাবলী, পত্র নং ১৫৬

ইংরেজি ১৮৮১ সালের এপ্রিল মাসে রবীন্দ্রনাথ দ্বিতীয়বার বিলাত রওয়ানা হন। এই প্রবাসযাত্রার কথা স্মরণ করিয়া তিনি ‘কল্পচণ্ড’ নাটিকাটি [শকাব্দ ১৮০৩]

১ কাব্যগ্রন্থ, মোহিতচন্দ্র দেন সম্পাদিত, ১৩১০।

২ ৫১ ব্রাহ্ম সংবৎ, বাংলা ১২০৬ সাল হইতে গণনারম্ভ।

নিম্নোদ্ধৃত যে ভাষায় তাঁহার 'জ্যোতিদাদা'কে 'উপহার' দেন তাহা দুই ভ্রাতার ভালোবাসার সদৃশটিকে চিরস্মরণীয় করিয়া রাখিয়াছে :

ভাই জ্যোতিদাদা

যাহা দিতে আসিয়াছি কিছুই তা নহে ভাই !
কোথাও পাই নে খুঁজে যা তোমারে দিতে চাই !
আগ্রহে অধীর হয়ে, ক্ষুদ্র উপহার ল'য়ে
যে উচ্ছ্বাসে আসিতেছি ছুটিয়া তোমারি পাশ,
দেখাতে পারিলে তাহা পুরিত সকল আশ ।
ছেলেবেলা হতে, ভাই, ধরিয়া আমারি হাত
অলক্ষণ তুমি মোরে রাখিয়াছ সাথে সাথ ।
তোমার স্নেহের ছায়ে কত না যতন কোরে
কঠোর সংসার হতে আবরি রেখেছ মোরে ।
সে স্নেহ-আশ্রয় ত্যজি যেতে হ'বে পরবাসে
তাই বিদায়ের আগে এসেছি তোমার পাশে ।
যতখানি ভালবাসি, তার মত কিছু নাই,
তবু যাহা সাধ্য ছিল যতনে এনেছি তাই !

—কব্ৰ৫৩

গঙ্গাতীর

এই পরিচ্ছেদের পাঠ প্রথম পাণ্ডুলিপিতে সম্পূর্ণ অন্তরূপ আছে । উহার আরম্ভের অংশ নিম্নে মুদ্রিত হইল :

আরও তো অনেক জায়গায় ঘুরিয়াছি— ভালো জিনিস, প্রশংসার জিনিস অনেক দেখিয়াছি, কিন্তু সেখানে তো আমার এই মা'র মতো আমাকে কেহ অন্ন পরিবেশন করে নাই । আমার কড়ি যে-হাটে চলে না সেখানে কেবল সকল জিনিসে চোখ বুলাইয়া ঘুরিয়া দিনযাপন করিয়া কী করিব ! যে-বিলাতে যাইতেছিলাম সেখানকার জীবনের উদ্দীপনাকে কোনোমতেই আমার হৃদয় গ্রহণ করিতে পারে নাই । আমি আর-একবার বিলাতে যাইবার সময় পত্রে লিখিয়াছিলাম—

'নিচেকার ডেকে বিদ্যুতের প্রথর আলোক, আমোদপ্রমোদের উচ্ছ্বাস, মেলা-মেশার ধুম, গানবাজনা এবং কখনো কখনো ঘূর্ণীন্মতের উৎকট উন্নততা । এদিকে আকাশের পূর্বপ্রান্তে ধীরে ধীরে চন্দ্র উঠছে, তারাগুলি ক্রমে স্নান হয়ে আসছে,

সমুদ্র প্রশান্ত ও বাতাস মৃদু হয়ে এসেছে; অপার সমুদ্রতল থেকে অসীম নক্ষত্রলোক পর্যন্ত এক অশুণ্ড নিস্তরুতা, এক অনির্বচনীয় শান্তি নীরব উপাসনার মতো ব্যাপ্ত হয়ে রয়েছে। আমার মনে হতে লাগল, যথার্থ সুখ কাকে বলে এরা ঠিক জানে না। সুখকে চাবকে চাবকে যতক্ষণ মত্ততার সীমায় না নিয়ে যেতে পারে ততক্ষণ এদের যথেষ্ট হয় না। প্রচণ্ড জীবন ওদের যেন অভিশাপের মতো নিশিদিন তাড়া করছে; ওরা একটা মস্ত সোহাৱ রেলগাড়ির মতো চোথ রাঙিয়ে, পৃথিবী কাঁপিয়ে, হাঁপিয়ে, ধুঁইয়ে, জ্বলে, ছুটে প্রকৃতির দুইধারের সৌন্দর্যের মাঝখান দিয়ে হুঁ করে বেরিয়ে চলে যায়। কর্ম ব'লে—একটা জিনিস আছে বটে কিন্তু তারই কাছে আমাদের মানবজীবনের সমস্ত স্বাধীনতা বিকিয়ে দেবার জন্তেই আমরা জন্মগ্রহণ করি নি— সৌন্দর্য আছে, আমাদের অন্তঃকরণ আছে, সে দুটো খুব উঁচু জিনিস।’^১

আমি বৈলাতিক কর্মশীলতার বিরুদ্ধে উপদেশ দিতেছি না। আমি নিজের কথা বলিতেছি। আমার পক্ষে বাংলাদেশের এই আকাশভরা আলো, এই দক্ষিণের বাতাস, এই গঙ্গার প্রবাহ, এই রাজকীয় আলস্য, এই আকাশের নীল ও পৃথিবীর সবুজের মাঝখানকার দিগন্তপ্রসারিত উদার অবকাশের মধ্যে পরিপূর্ণ আত্মসমর্পণ, তৃষ্ণার জল ও ক্ষুধার অগ্নির মতোই আবশ্যিক ছিল। যদিও খুব বেশিদিনের কথা নহে তবু ইতিমধ্যে সময়ের অনেক পরিবর্তন হইয়া গেছে। আমাদের তরুচ্ছায়াপ্রচ্ছন্ন গঙ্গাতটের নীড়-গুলির মধ্যে কলকারখানা উর্ধ্বক্ষণ সাপের মতো প্রবেশ করিয়া সোঁ সোঁ শব্দে কালো নিখাস ফুঁসিতেছে। এখন ধর মধ্যাহ্নে আমাদের মনের মধ্যেও বাংলাদেশের স্নিগ্ধচ্ছায়া খর্বতম হইয়া আসিয়াছে— এখন দেশে কোথাও অবসর নাই। হয়তো সে ভালোই— কিন্তু নিরবচ্ছিন্ন ভালো এমন কথাও জোর করিয়া বলিবার সময় হয় নাই।

বিলাত হইতে ফিরিয়া আসিবার পরবর্তী জীবন সম্বন্ধে আর-একখানি পুরাতন চিঠি হইতে উদ্ধৃত করিয়া দিই—

‘যৌবনের আরম্ভ-সময়ে বাংলাদেশে ফিরে এলাম। সেই ছাদ, সেই টাঁদ, সেই দক্ষিণে বাতাস, সেই নিজের মনের বিজ্ঞান স্বপ্ন, সেই ধীরে ধীরে ক্রমে ক্রমে চারিদিক থেকে প্রসারিত সহস্র বন্ধন, সেই সুদীর্ঘ অবসর, কর্মহীন কল্পনা, আপন মনে সৌন্দর্যের মরীচিকা রচনা, নিষ্ফল দুঃখাশা, অন্তরের নিগূঢ় বেদনা, আত্মপীড়ক অলস কবিত্ব— এই-সমস্ত নাগপাশের দ্বারা জড়িত বেষ্টিত হয়ে চূপ করে পড়ে আছি। আজ আমার

চারদিকে নবজীবনের প্রবলতা ও চঞ্চলতা দেখে মনে হচ্ছে, আমারও হয়তো এরকম হতে পারত। কিন্তু আমরা সেই বহুকাল পূর্বে জন্মেছিলেম— তিনজন বালক— তখন পৃথিবী আর-একরকম ছিল। এখনকার চেয়ে অনেক বেশি অশিক্ষিত, সরল, অনেক বেশি কাঁচা ছিল। পৃথিবী আজকালকার ছেলের কাছে Kindergarten-এর কর্তার মতো— কোনো ভুল খবর দেয় না, পদে পদে সত্যকার শিক্ষাই দেয়— কিন্তু আমাদের সময়ে সে ছেলে-ভোলাবার গল্প বলত, নানা অদ্ভুত সংস্কার জন্মিয়ে দিত, এবং চারিদিকের গাছপালা প্রকৃতির মুখশ্রী কোনো এক প্রাচীন বিধাতৃমাতার বৃহৎ রূপকথা-রচনারই মতো বোধ হত, নীতিকথা বা বিজ্ঞানপাঠ বলে ভ্রম হত না।’ -

এই উপলক্ষ্যে এখানে আর-একটি চিঠি’ উদ্ধৃত করিয়া দিব। এ চিঠি অনেকদিন পরে আমার ৩২ বছর বয়সে গোরাই নদী হইতে লেখা কিন্তু দেখিতেছি সুর সেই একই রকমের আছে। এই চিঠিগুলিতে পত্রলেখকের অকৃত্রিম আত্মপরিচয়, অন্তত বিশেষ সময়ের বিশেষ মনের ভাব প্রকাশ পাইবে। ইহার মধ্যে যে-ভাবটুকু আছে তাহা পাঠকদের পক্ষে যদি অহিতকর হয় তবে তাঁহারা সাবধান হইবেন— এখানে আমি শিক্ষকতা করিতেছি না।—

‘আমি প্রায় রোজই মনে করি, এই তারাময় আকাশের নিচে আবার কি কখনো জন্মগ্রহণ করব। যদি করি আর কি কখনো এমন প্রশান্ত সন্ধ্যাবেলায় এই নিশ্চল গোরাই নদীটির উপরে বাংলাদেশের এই সুন্দর একটি কোণে এমন নিশ্চিন্ত মুগ্ধ মনে... পড়ে থাকতে পারব। হয়তো আর-কোনো জন্মে এমন একটি সন্ধ্যাবেলা আর কখনো ফিরে পাব না। তখন কোথায় দৃশ্য পরিবর্তন হবে, আর কিরকম মন নিয়েই বা জন্মাব। এমন সন্ধ্যা হয়তো অনেক পেতেও পারি কিন্তু সে-সন্ধ্যা এমন নিশ্চলভাবে তার সমস্ত কেশপাশ ছড়িয়ে দিয়ে আমার বুকের উপর এত সুগভীর ভালোবাসার সন্দেশ পড়ে থাকবে না। আশ্চর্য এই, আমার সব চেয়ে ভয় হয় পাছে আমি যুরোপে গিয়ে জন্মগ্রহণ করি। কেননা, সেখানে সমস্ত চিন্তাটিকে এমন উপরের দিকে উদ্ঘাটিত রেখে পড়ে থাকবার জো নেই, এবং পড়ে থাকাও সকলে ভারি দোষের মনে করে। হয়তো একটা কারখানায় নয়তো ব্যাঙ্কে নয়তো পার্লামেন্টে সমস্ত দেহ মন প্রাণ দিয়ে খাটতে হবে। শহরের রাস্তা যেমন ব্যাবসাবাণিজ্য গাড়িঘোড়া চলবার জন্তে ই°টে-বাঁধানো কঠিন, তেমনি মনটা স্বভাবটা বিজনেস্ চালাবার উপযোগী পাকা করে বাঁধানো— তাতে

একটি কোমল তৃণ, একটা অনাবশ্যক লতা গজাবার ছিদ্রটুকু নেই। তারি ছাঁটাছাঁটা গড়াপেটা আইনে-বাঁধা মজবুত রকমের ভাব। কী জানি, তার চেয়ে আমার এই কল্পনাপ্রিয় আত্মনিমগ্ন বিস্তৃত আকাশপূর্ণ মনের ভাবটি কিছুমাত্র অর্গোরবের বিষয় বলে মনে হয় না।

এখনকার কোনো কোনো নূতন মনস্তত্ত্ব পড়িলে আভাস পাওয়া যায় যে একটা মানুষের মধ্যে যেন অনেকগুলো মানুষ জটলা করিয়া বাস করে, তাহাদের স্বভাব সম্পূর্ণ স্বতন্ত্র। আমার মধ্যকার যে একেজো অদ্ভুত মানুষটা স্মৃদীর্ঘকাল আমার উপরে কর্তৃত্ব করিয়া আসিয়াছে—যে-মানুষটা শিশুকালে বর্ষার মেঘ ঘনাইতে দেখিলে পশ্চিমের ও দক্ষিণের বারান্দাটায় অসংযত হইয়া ছুটিয়া বেড়াইত, যে-মানুষটা বরাবর ইস্কুল পালাইয়াছে, রাত্রি জাগিয়া ছাদে ঘুরিয়াছে, আজও বসন্তের হাওয়া বা শরতের রৌদ্র দেখা দিলে যাহার মনটা সমস্ত কাজকর্ম ফেলিয়া দিয়া পালাই-পালাই করিতে থাকে, তাহারই জ্বানি কথা এই ক্ষুদ্র জীবনচরিতের মধ্যে অনেক প্রকাশিত হইবে। কিন্তু এ কথাও বলিয়া রাখিব, আমার মধ্যে অত্র ব্যক্তিও আছে—যথাসময়ে তাহারও পরিচয় পাওয়া যাইবে।

—পাণ্ডুলিপি

প্রিয়বাবু

এই অধ্যায়ে প্রিয়নাথ সেনের সঙ্গে রবীন্দ্রনাথের যে-সংঘর্ষটি বর্ণিত হইয়াছে তাহার পরিপূরক স্বরূপ শ্রীইন্দিরা দেবীকে লিখিত [কলিকাতা। ২ আগস্ট ১৮২৪] রবীন্দ্রনাথের একটি পত্রের কিয়দংশ নিম্নে উদ্ধৃত হইল :

প্রিয়বাবুর সঙ্গে দেখা করে এলে আমার একটা মহৎ উপকার এই হয় যে, সাহিত্য-টাকে পৃথিবীর মানব ইতিহাসের একটা মস্ত জিনিস বলে প্রত্যক্ষ দেখতে পাই এবং তার সঙ্গে এই ক্ষুদ্র ব্যক্তির ক্ষুদ্র জীবনের যে অনেকখানি যোগ আছে তা অল্পভব করতে পারি। তখন আপনার জীবনটাকে রক্ষা করবার এবং আপনার কাজগুলো সম্পন্ন করবার যোগ্য বলে মনে হয়—তখন আমি কল্পনায় আপনার ভবিষ্যৎ জীবনের একটা অপূর্ব ছবি দেখতে পাই—দেখি যেন আমার দৈনিক জীবনের সমস্ত ঘটনা সমস্ত শোকদুঃখের মধ্যস্থলে একটি অত্যন্ত নির্জন নিস্তর জায়গা আছে সেইখানে আমি নিমগ্নভাবে বসে সমস্ত বিশ্বস্ত হয়ে আপনার সৃষ্টিকার্যে নিযুক্ত আছি—সুখে আছি। সমস্ত বড় চিন্তার মধ্যেই একটি উদার বৈরাগ্য আছে। যখন অ্যাস্ট্রনমি পড়ে নক্ষত্র-জগতের সৃষ্টির রহস্যশালার মাঝখানে গিয়ে দাঁড়ানো যায় তখন জীবনের ছোটো ছোটো

ভারঞ্জলো কতই লঘু হয়ে যায়। তেমনি আপনাকে যদি একটা বৃহৎ ত্যাগস্বীকার কিংবা পৃথিবীর একটা বৃহৎ ব্যাপারের সঙ্গে আবদ্ধ করে দেওয়া যায় তাহলে তৎক্ষণাৎ আপনার অস্তিত্বভার অন্যায়সে বহনযোগ্য বলে মনে হয়। দুর্ভাগ্যক্রমে আমাদের দেশের শিক্ষিত লোকদের মধ্যেও ভাবের সমীরণ চতুর্দিকে সঞ্চারিত সমীর্ণিত নয়, জীবনের সঙ্গে ভাবের সংশ্রব নিতান্তই অল্প, সাহিত্য যে মানবলোকে একটা প্রধান শক্তি তা আমাদের দেশের লোকের সংসর্গে কিছুতেই অল্পভব করা যায় না, নিজের মনের আদর্শ অত্র লোকের মধ্যে উপলব্ধি করবার একটা ক্ষুধা চিরদিন থেকে যায়।

—বিশ্বভারতী পত্রিকা, ১৩৫২ বৈশাখ-আষাঢ়

প্রভাতসংগীত

‘প্রভাতসংগীত’ পরিচ্ছেদে রবীন্দ্রনাথ তাঁহার জীবনের যে-পরম ‘অভিজ্ঞতা’র কথা বর্ণনা করিয়াছেন সেই প্রসঙ্গে প্রথম পাণ্ডুলিপির নিম্নোদ্ধৃত অংশগুলিও প্রণিধানযোগ্য :

আমি সেইদিনই সমস্ত মধ্যাহ্ন ও অপরাহ্ন নির্ব্বারের স্বপ্নভঙ্গ লিখিলাম।

সেদিন আমাদের বাড়ির সম্মুখে একটা গাধার বাচ্ছা বাঁধা ছিল, হঠাৎ তাহাকে দেখিয়া একটি বাছুর আসিয়া তাহার ঘাড় চাটিয়া দিতে আরম্ভ করিল। এই অপরিচিত মূঢ় পশুশাবকটির ভাষাহীন স্নেহসম্ভাষণ দৃষ্টে একটা বিশ্বব্যাপী রহস্যবর্তী আমার বুকের পাজরগুলার ভিতর দিয়া যেন বাজিয়া উঠিতে লাগিল।...

প্রভাত হল যেই কী জানি হল এ কী !

আকাশ-পানে চাই কী জানি কারে দেখি !

প্রভাত বায় বহে, কী জানি কারে কহে,

মরম-মাঝে মোর কী জানি কী যে হল।

এই উচ্ছ্বাস ও এই ভাষাকে বিক্রপ করা যাইতে পারে কিন্তু যে বালক ইহা রচনা করিয়াছিল তাহার পক্ষে ইহা কিছুই মিথ্যা ছিল না।

...এই দার্জিলিঙে প্রভাতসংগীতের একটি কবিতা লিখিয়াছিলাম। তাহার নাম প্রতিধ্বনি। সে কবিতা অনেকের কাছে দুর্বোধ্য বলিয়া ঠেকে। আমি তাহার যে অর্থ অন্বেষণ করিয়াছি। এই উপলক্ষ্যে তাহা বলিতে ইচ্ছা করি।

জগৎকে সাক্ষাৎ বস্তুরূপে যে দেখিতেছি— মাটিকে মাটি, জলকে জল, অগ্নিকে অগ্নি বলিয়া জানিতেছি তাহাতে আমাদের আবশ্যকের কাজ চলে সন্দেহ নাই। অনেকের

পক্ষে অন্তত অধিকাংশ সময়ে জগৎ কেবল আবশ্যকের জগৎ হইয়াই থাকে। কিন্তু এই জগৎই যখন আমাদের সৌন্দর্যে বিহ্বল রহিলে অভিজ্ঞত করে তখন ইহা কেবল আমাদের পেট ভরায় না। অন্তরঙ্গভাবে আমাদের অন্তঃকরণকে আলিঙ্গন করে—বস্তু যেন তখন তাহার বস্তুত্বের মুখোশ ফেলিয়া দিয়া চিহ্নভাবে আমাদের চিত্তকে প্রণয়সস্তাষণ করে। বস্তুজগৎ ভাবের অন্তঃপুরে সেই যে একটা বহুদূরের আভাস বহন করিয়া স্মৃতিভাব ধারণ করিয়া প্রবেশ করে তাহাকেই আমি প্রতিধ্বনি বলিতেছি। জগতের এই মৃতি স্রসলের কথা বলে না, ভূগোলবিবরণ ও ইতিবৃত্তের কথা বলে না—যেখানকার কথা বলিবার চেষ্টা করিয়া আমাদের আকুল করিয়া দেয় সে কোথাকার কথা—সে কোন্ জায়গা, যেখানে বিশ্বজগতের সমস্ত ধ্বনি প্রয়াণ করিতেছে এবং সেখান হইতে অপূর্ব সঙ্গীতরূপে প্রতিধ্বনিত হইয়া ভাবকের অন্তঃকরণকে সেই রহস্যনিকেতনের দিকে আহ্বান করিতেছে!

অরণ্যের পর্বতের সমুদ্রের গান,—
 ঝাটকার বজ্রগীতিস্বর,—
 দিবসের প্রদোষের রজনীর গীত,—
 চেতনার, নিদ্রার মর্মর,—
 বসন্তের বরষার শরতের গান,—
 জীবনের মরণের স্বর,—
 আলোকের পদধ্বনি মহা অঙ্ককারে
 ব্যাপ্ত করি বিশ্বচরাচর,—
 পৃথিবীর চন্দ্রমার গ্রহ তপনের,
 কোটি কোটি তারার সংগীত,—
 তোর কাছে জগতের কোন্ মাঝখানে
 না জানি রে হতেছে মিলিত!
 সেইখানে একবার বসাইবি মোরে,—
 সেই মহা আঁধার নিশায়
 শুনিব রে আঁধি মুদি বিশ্বের সংগীত
 তোর মুখে কেমন শোনায়।

বিশ্বের সমস্ত আলোকের অতীত যে অসীম অব্যক্ত সঙ্ক্ষে উপনিষদ বলিয়াছেন, ন তত্র সূর্যো ভাতি ন চন্দ্র তারকং নেমা বিহ্যতো ভাস্তি কুতোহয়মগ্নিঃ, সেই বিশ্বলোকের অন্তরালের অন্তঃপুরে এই সমস্তই প্রয়াণ করিয়া সেখানকার কী আনন্দের আভাস

সংগ্রহপূর্বক ভাবকের অস্তঃকরণে নূতনভাবে অবতীর্ণ হইতেছে। জগৎটা যখন সেই অনির্বচনীয়ের মধ্য দিয়া আমাদের মনে আসে তখন আমাদেরকে ব্যাকুল করে। তাহাকেই কবি বলিয়াছে—

তোর মুখে পাখীদের শুনিয়া সংগীত,
নির্ব্বরের শুনিয়া ঝর্ঝর,
গভীর রহস্যময় মরণের গান,
বালকের মধুমাথা স্বর,—
তোর মুখে জগতের সংগীত শুনিয়া
তোরে আমি ভালো বাসিয়াছি,
তবু কেন তোরে আমি দেখিতে না পাই
বিশ্বময় তোরে খুঁজিয়াছি !

পাখির ডাক শুধু ধ্বনিমাত্র, বায়ুর তরঙ্গ, কিন্তু তাহা যে গান হইয়া উঠিয়া আমার অস্তঃকরণকে মুগ্ধ করিতেছে এ ব্যাপারটা কোথা হইতে ঘটিল। পাখির ডাক কোন্ আনন্দগুহার মধ্য হইতে প্রতিধ্বনিত হইয়া জগতের পরপার হইতে আমার এই ভালো-লাগটা বহন করিয়া আনিল। এই সমস্ত ভালোলাগার ভিতর হইতে যথার্থত কাহাকে আমার ভালো লাগিতেছে— তাহাকে বিশ্বময় খুঁজিয়া কিরিতেছি কিন্তু তাহাকে পাই কই। কোথায় সে ছলনা করিয়া আছে।

জ্যোৎস্না-কুসুমবনে একাকী বসিয়া থাকি,
আঁধি দিয়া অশ্রুবারি ঝরে--
বল্ মোরে বল্ অয়ি মোহিনী ছলনা,
সে কি তোর তরে।
বিরামের গান গেয়ে সায়্যাহুঁবায়
কোথা বয়ে যায় !
তারি সাধে কেন মোর প্রাণ হুহু করে,
সে কি তোর তরে।
বাতাসে সুরভি ভাসে আকাশে কত না তারা,
আকাশে অসীম নীরবতা,—
তখন প্রাণের মাঝে কত কথা ভেসে যায়,
সে কি তোরি কথা।

ফুল হতে গন্ধ তার বারেক বাহিরে এলে
 আর ফুলে ফিরিতে না পারে,
 ঘুরে ঘুরে মরে চারিদারে ;
 তেমনি প্রাণের মাঝে অশরীরী আশাগুলি
 ভ্রমে কেন হেথায় হোথায়,
 সে কি তোরে চায় ।

জগতের সৌন্দর্য আমাদের মনে যে আকাজক্ষা জাগাইয়া তোলে সে আকাজক্ষার লক্ষ্য কোন্‌খানে । যেখান হইতে এই সৌন্দর্য প্রতিধ্বনিত হইয়া আসিতেছে ।

সদর স্ট্রীটে বাসের সঙ্গে আমার আর একটা কথা মনে আসে । এই সময়ে বিজ্ঞান পড়িবার জন্ত আমার অত্যন্ত একটা আগ্রহ উপস্থিত হইয়াছিল । তখন হক্সলির রচনা হইতে জীবতত্ত্ব ও লক্‌ইয়ার, নিউকম্ব প্রভৃতির গ্রন্থ হইতে জ্যোতির্বিদ্যা নিবিষ্টচিত্তে পাঠ করিতাম । জীবতত্ত্ব ও জ্যোতির্তত্ত্ব আমার কাছে অত্যন্ত উপাদেয় বোধ হইত ।

.. আমি দেখিতেছি প্রভাতসংগীতের প্রথম কবিতা ‘নির্ব্বারের স্বপ্নভঙ্গ’ আমার কবিতার আমার হৃদয়ের এই যাত্রাপথটির একটি রূপক মানচিত্র আঁকিয়া দিয়াছিল । এক সময় ছিল যখন হৃদয় আপনার অন্ধকার গুহার মধ্যে আপনি বদ্ধ ছিল—

জাগিয়া দেখিছ আমি আঁধারে রয়েছি আঁধা,
 আপনার মাঝে আমি আপনি হয়েছি বাঁধা ।
 রয়েছি মগন হয়ে আপনারি কলস্বরে,
 ফিরে আসে প্রতিধ্বনি নিজেই শ্রবণ-পরে ।

তাহার পর বাহিরের বিশ্ব কোন্ এক ছিদ্র বাহিয়া আলোকের দ্বারা তাহাকে আঘাত করিল ।

আজি এ প্রভাতে রবির কর
 কেমনে পশিল প্রাণের পুর,
 কেমনে পশিল গুহার আঁধারে
 প্রভাত পাখির গান !
 না জানি কেন রে এতদিন পরে
 জাগিয়া উঠিল প্রাণ ।

তাহার পর জাগ্রত দৃষ্টিতে যখন বিশ্বকে সে দেখিল তখন প্রথম দর্শনের আনন্দ আবেগ—

প্রাণের উল্লাসে ছুটিতে চায়,
 ভূখরের হিয়া টুটিতে চায়,
 আলিঙ্গনতরে উর্ধ্ব বাহু তুলি
 আকাশের পানে উঠিতে চায়,
 প্রভাতকিরণে পাগল হইয়া
 জগৎমাঝারে লুটিতে চায় !

তাহার পরে দুই শামল কুলের মধ্য দিয়া, বিবিধ রূপ, বিবিধ স্মৃতি, বিবিধ ভোগ,
 বিবিধ লেখার ভিতর দিয়া—

যৌবনের বেগে বহিয়া যাইব
 কে জানে কাহার কাছে !

শেষকালে ষাত্রার পরিণামক্ষেপে মহাসাগরের গান শুনা যায়—

সেই সাগরের পানে হৃদয় ছুটিতে চায়,
 তারি পদপ্রান্তে গিয়ে জীবন টুটিতে চায় ।

একটি অভূতপূর্ব অদ্বুত হৃদয়শ্রুতির দিনে নিব্বরের স্বপ্নভঙ্গ লিখিয়াছিলাম কিন্তু
 সেদিন কে জানিত এই কবিতায় আমার সমস্ত কাব্যের ভূমিকা লেখা হইতেছে !

—পাণ্ডুলিপি

রাজেন্দ্রলাল মিত্র

এই অধ্যায়ে উল্লিখিত “একটি পরিষৎ [সারস্বত সমাজ] স্থাপন” সম্পর্কে
 জ্যোতিরিন্দ্রনাথ ঠাকুরের ‘কলিকাতা সারস্বত সমাজ’ প্রবন্ধটি (ভারতী ১২৮২
 জ্যৈষ্ঠ) এবং শ্রীমন্নথনাথ ঘোষের ‘জ্যোতিরিন্দ্রনাথ’ গ্রন্থের ‘সারস্বত সমাজ’ অংশ
 (পৃ ১১০-২০) দ্রষ্টব্য। এই সমাজের প্রথম অধিবেশনের রবীন্দ্রনাথ কতৃক লিখিত
 প্রতিবেদন রবীন্দ্রভবনে রক্ষিত একটি পুরাতন পাণ্ডুলিপিতে পাওয়া গিয়াছে।
 নিম্নে তাহা মুদ্রিত হইল :

সারস্বত সমাজ

১২৮২ সাল শ্রাবণ মাসের প্রথম রবিবার ২রা তারিখে ঘরকানাথ ঠাকুরের গলি
 ৬ নম্বর ভবনে সারস্বত সমাজের প্রথম অধিবেশন হয়।

ডাক্তার রাজেন্দ্রলাল মিত্র সর্বসম্মতিক্রমে সভাপতির আসন গ্রহণ করেন।

সারস্বত সমাজ স্থাপনের আবশ্যকতা বিষয়ে সভাপতি মহাশয় এক বক্তৃতা দেন। বঙ্গভাষার সাহায্য করিতে হইলে কী কী কার্যে সমাজের হস্তক্ষেপ করা আবশ্যক হইবে, তাহা তিনি ব্যাখ্যা করেন। প্রথমত, বানানের উন্নতিসাধন। বাংলা বর্ণমালায় অনাবশ্যক অক্ষর আছে কিনা এবং শব্দবিশেষ উচ্চারণের জন্ত অক্ষরবিশেষ উপযোগী কিনা, এই সমাজের সভ্যগণ তাহা আলোচনা করিয়া স্থির করিবেন। কাহারো কাহারো মতে আমাদের বর্ণমালায় স্বরের হ্রস্ব দীর্ঘ ভেদ নাই, এ তর্কটিও আমাদের সমাজের সমালোচ্য। এতদ্ব্যতীত ঐতিহাসিক অথবা ভৌগোলিক নামসকল বাংলায় কিরূপে বানান করিতে [হইবে তাহা] স্থির করা আবশ্যক। আমাদের সম্রাজ্ঞীর নামকে অনেকে 'ভিক্টো [রিয়া' বানান] করিয়া থাকেন, অথচ ইংরাজি V অক্ষরের স্থলে অস্ত্যস্ব 'ব' সহজেই হইতে পারে। ইংরাজি পারিভাষিক শব্দের অম্লবাদ লইয়া বাংলায় বিস্তর [গোল] যোগ ঘটয়া থাকে— এ বিষয়ে বিশেষ মনোযোগ দেওয়া সমাজের কর্তব্য। দৃষ্টান্তরূপে উল্লেখ করা যায়— ইংরাজি isthmus শব্দ কেহ বা 'ডম্বল-মধ্য' কেহ বা 'মোজক' বলিয়া অম্লবাদ করেন, উহাদের মধ্যে কোনোটাই হয়তো সার্থক হয় নাই।— অতএব এই-সকল শব্দ নির্বাচন বা উদ্ভাবন করা সমাজের প্রধান কার্য। উপসংহারে সভাপতি কহিলেন— এই-সকল এবং এই শ্রেণীর অসংখ্য নানাবিধ সমালোচ্য বিষয় সমাজে উপস্থিত হইবে, যদি সভ্যগণ মনের সহিত অধ্যবসায়সহকারে সমাজের কার্যে নিযুক্ত থাকেন তাহা হইলে নিশ্চয়ই সমাজের উদ্দেশ্য সাধিত হইবে।

পরে সভাপতিমহাশয় সমাজের নিয়মাবলী পর্যালোচনা করিবার জন্ত সভায় প্রস্তাব করেন—

স্থির হইল, বিচার উন্নতি সাধন করাই এই সমাজের উদ্দেশ্য।

তৎপরে তিনচারিটি নামের মধ্য হইতে অধিকাংশ উপস্থিত সভ্যের সম্মতিক্রমে সভার নাম স্থির হইল— সারস্বত সমাজ।

সমাজের দ্বিতীয় নিয়ম নিম্নলিখিত মতে পরিবর্তিত হইল—

খাঁহার বঙ্গসাহিত্যে প্যাতিলাভ করিয়াছেন এবং খাঁহার বাংলাভাষার উন্নতিসাধনে বিশেষ অম্লরাগী, তাঁহারাই এই সমাজের সভ্য হইতে পারিবেন।

সমাজের তৃতীয় নিয়ম কাটা হইল।

[সমাজের] চতুর্থ নিয়ম নিম্নলিখিত-মতে রূপান্তরিত হইল—

সমাজের মাসিক অধিবেশনে উপস্থিত সভ্যের মধ্যে অধিকাংশের ঐক্যমতে [নু] তন সভ্য গৃহীত হইবেন। সভ্যগ্রহণকার্ণে গোপনে সভাপতিকে মত জ্ঞাত করা হইবেক।

সমাজের চতুর্বিংশ নিয়ম নিম্নলিখিত-মতে রূপান্তরিত হইল—

সভ্যদিগকে বার্ষিক ৬ টাকা আগামী চাঁদা দিতে হইবেক। যে-সভ্য এককালে ১০০ টাকা চাঁদা দিবেন তাঁহাকে ওই বার্ষিক চাঁদা দিতে হইবেক না।

অধিকাংশ উপস্থিত সভ্যের সম্মতিক্রমে বর্তমান বর্ষের জন্ম নিম্নলিখিত ব্যক্তিগণ সমাজের কর্মচারীরূপে নির্বাচিত হইলেন —

সভাপতি। ডাক্তার রাজেন্দ্রলাল মিত্র।

সহযোগী সভাপতি। শ্রীবঙ্কিমচন্দ্র চট্টোপাধ্যায়। ডাক্তার সৌরীন্দ্রমোহন ঠাকুর।
শ্রীধিজেন্দ্রনাথ ঠাকুর।

সম্পাদক। শ্রীকৃষ্ণবিহারী সেন। শ্রীরবীন্দ্রনাথ ঠাকুর।

সভাপতিকে ধন্যবাদ দিয়া সভাভঙ্গ হইল।

—রবীন্দ্রভবনের অন্ততম পাণ্ডুলিপি^১

প্রিয়নাথ সেনকে লিখিত রবীন্দ্রনাথের একটি সমসাময়িক পত্র প্রাসঙ্গিকবোধে এখানে মুদ্রিত হইল :

প্রিয়বাবু,

আমি কিছুদিন থেকে সারস্বত 'সমাজের' হাঙ্গামা নিয়ে ভারি ব্যস্ত হয়ে পড়েছিলুম — এখনো অল্প অল্প চলচে— তাই আর আপনাদের সঙ্গে দেখা সাক্ষাৎ প্রভৃতি হয়ে ওঠে নি। আপনার চিঠি বখন এখানে এসেছিল আমি তখন মেজদাদাদের ওখানে ছিলুম। কাল সন্দের সময় এসে পেলুম।

নগেনবাবুর^২ কবিতা পেলুম, খুব ভাল হয়েছে, দেখা হলে এ বিষয়ে কথা কওয়া যাবে। ভারতী বেরিয়েছে। এবারকার কবিতাটি^৩ তেমন ভালো লাগবে না। এক-খানা ভারতী আপনাকে পাঠাই।

কালযুগয়া^৪ এখনো ছাপা হয় নি। প্রেসে দেওয়া হয়েছে বটে।

১ পাণ্ডুলিপি স্থানে স্থানে ছিন্ন ; বন্ধনী-মধ্যে আনুমানিক পাঠ দেওয়া হইল। বিখ্যাত ভারতী-পত্রিকার দ্বিতীয় বর্ষ, দ্বিতীয় সংখ্যায় (কাতিক-পৌষ ১৩৫০) শ্রীনির্মলচন্দ্র চট্টোপাধ্যায় লিখিত 'রবীন্দ্রনাথ ও সারস্বত সমাজ' প্রবন্ধ স্তম্ভে।

২ নগেন্দ্রনাথ ঙ্গু।

৩ 'অনন্তমরণ', ভারতী, ১২৮৯ আধুন।

৪ প্রথম প্রকাশ, ১২৮৯ অগ্রহায়ণ।

একখানা যুরোপ প্রবাসীর পত্র^১ আপনাকে পাঠাই।

শ্রীশিবাবুর^২ স্ত্রীর clairvoyance ব্যাপারটা আমার দেখবার খুবই ইচ্ছে আছে—
আপনাদের সুবিধে অমুসারে একদিন নিয়ে গেলে বড়ো ভালো হয়। [আশ্বিন, ১২৮২]

—শারদীয়া আনন্দবাজার পত্রিকা, ১৩৫২

প্রকৃতির প্রতিশোধ

‘প্রকৃতির প্রতিশোধ’ অধ্যায়ের শেষে রবীন্দ্রনাথ নিজের বিবাহ-সংবাদ দিয়াছেন।
উক্ত উপলক্ষ্যে তিনি সুহৃদ্বর্গকে যে ব্যক্তিগত নিমন্ত্রণপত্র^৩ পাঠান তাহা কোঁতুহলী
পাঠকবর্গের জ্ঞান এখানে মুদ্রিত হইল—

প্রিয়বাবু—

আগামী রবিবার ২৪শে অগ্রহায়ণ তারিখে শুভদিনে শুভলগ্নে আমার পরমাশ্রম
শ্রীমান রবীন্দ্রনাথ ঠাকুরের শুভবিবাহ হইবেক। আপনি তদুপলক্ষে বৈকালে উক্ত
দিবসে ৬নং যোড়ঙ্গীকোন্স দেবেন্দ্রনাথ ঠাকুরের ভবনে উপস্থিত থাকিয়া বিবাহাদি
সন্দর্শন করিয়া আমাকে এবং আশ্রম্যবর্গকে বাধিত করিবেন। ইতি [১২২০]

অম্লগত

শ্রীরবীন্দ্রনাথ ঠাকুর

যুগালিনী দেবীর সহিত রবীন্দ্রনাথের বিবাহ উপলক্ষ করিয়া ‘ভারতী’র তৎকালীন
সম্পাদক দ্বিজেন্দ্রনাথ ঠাকুর তাঁহার ‘যোঁতুক কি কোঁতুক’ কাব্যখানি উৎসর্গ করেন।
সমসাময়িক ভারতী পত্রিকা হইতে কাব্য শেষের সেই ‘উৎসর্গ’ অংশটুকু উদ্ধৃত
করা হইল :

ছন্দ-বেশ-ধারী উৎসর্গ

—এক কথায়—

উপসর্গ।

শর্বরী গিয়াছে চলি’। দ্বিজ-রাজ শূঁছে একা পডি

প্রতীক্ষিছে রবির পূর্ণ উদয়।

১ প্রথম প্রকাশ, ১৮৮১ অক্টোবর।

২ শ্রীশচন্দ্র মজুমদার।

৩ জ্ঞানবিভারতী পত্রিকা, ১৩৫০ বৈশাখ।

গন্ধ-হীন দু-চারি রজনী-গন্ধা ল'য়ে তড়িৎড়ি
মালা এক গাঁথিয়া সে অসময়
স পিছে রবির শিরে এই আজ আশিথিয়া তারে,
“অনিন্দিতা স্বর্ণ-মুণালিনী হোক
স্বর্ণ তুলির তব পুরস্কার । মহজ্জার করে
যে পড়ে সে পড়ুক খাইয়া চোক ।”

—ভারতী, ১২২০ জ্যৈষ্ঠ, পৃ ৬৫

বালক

১২২২ সালের আষাঢ় হইতে মাঘ সংখ্যা পর্যন্ত বালক পত্রিকায় রবীন্দ্রনাথের অগ্রতম “স্বপ্নলক্ষ গল্প” ‘রাজর্ষি’ উপন্যাসের আরম্ভের মাত্র ছাব্বিশটি অধ্যায় ধারাবাহিক ভাবে বাহির হয়। উপন্যাসটির শেষাংশ রচনাকালে এবং গ্রন্থপ্রকাশের অব্যবহিত পূর্বে “ত্রিপুরার রাজা গোবিন্দমাণিক্যের পুরাবৃত্ত” যথার্থ সংগ্রহের আশায় রবীন্দ্রনাথ মহারাজ বীরচন্দ্রমাণিক্যকে এক পত্র লেখেন। রবীন্দ্রনাথের উক্ত পুরাতন পত্রখানি এবং মহারাজের লেখা তাহার উত্তর ত্রিপুরারাজ্যের ত্রৈমাসিক পত্র ‘রবি’ হইতে (চৈত্র ১৩৩৫ ত্রিপুরাব্দ, পৃ ৩৭৭-৩৭৯) নিম্নে উদ্ধৃত হইল—

ও

২৩ বৈশাখ, ১২২৩ সন, বুধবার ।

যথাবিহিত সম্মানপূরঃসর নিবেদন—

আপনাদের রাজপরিবারের সহিত আমাদের পরিবারের পূর্ব হইতেই পরিচয় আছে এইরূপ শুনিতে পাই— সেইজন্ম সাহসী হইয়া মহারাজকে পত্র লিখিতে প্রবৃত্ত হইলাম। আমাদের পূর্বকার সখন্ধ মহারাজের স্মরণে আসে, এই আমার অভিপ্রায়।

মহারাজ বোধ করি শুনিয়া থাকিবেন যে, আমি ত্রিপুরা-রাজবংশের ইতিহাস অবলম্বন করিয়া ‘রাজর্ষি’ নামক একটি উপন্যাস লিখিতেছি। কিন্তু তাহাতে ইতিহাস রক্ষা করিতে পারি নাই। তাহার কারণ, ইতিহাস পাই নাই। এজন্ম আপনাদের কাছে মার্জনা প্রার্থনা বিহিত বিবেচনা করিতেছি। এখন যদিও অনেক বিলম্ব হইয়াছে, তথাপি মহারাজ যদি গোবিন্দমাণিক্য ও তাঁহার ভ্রাতার রাজত্বসময়ের সবিশেষ ইতিহাস আমাকে প্রেরণ করিতে অস্বীকৃত করেন, তবে আমি যথাসাধ্য পরিবর্তন করিতে চেষ্টা করি। মহারাজ গোবিন্দমাণিক্য তাঁহার নির্বাসনদশায় চট্টগ্রামের কোন স্থানে কিরূপ

অবস্থায় ছিলেন যদি জানিতে পাই তবে আমার যথেষ্ট সাহায্য হয়। প্রাচীন রাজধানী
 উৎসাহের এবং ঐতিহাসিক ত্রিপুরার অন্তর্গত স্থানের স্মৃতিগ্রন্থ যদি পাওয়া সম্ভব হয়
 তাহা হইলেও আমার উপকার হয়।

এই পত্রের উত্তর পাইলে এবং মহারাজের সহিত আলাপ হইলে আমি সৌভাগ্য
 জ্ঞান করিব।

৬নং দ্বারকানাথ ঠাকুরের লেন

প্রণত

ঘোড়াসাঁকো, কলিকাতা

শ্রীমবীন্দ্রনাথ দেবশর্মণঃ

শ্রীহরি।

সদৃশ্যায়িতেন্—

আপনার পত্র পাইয়া যারপর নাই সুখী হইলাম। লিখিয়াছেন, আমাদের পরিবারের সহিত
 আপনাদের পরিবারের যে সম্বন্ধ ছিল তাহা স্মরণ করিয়া দেওয়াই আপনার উদ্দেশ্য। সে স্মরণ সম্বন্ধ
 আমি ভুলি নাই, আপনি পুনরায় তাহার গৌরব করিতে অগ্রসর হইয়াছেন, তজ্জন্য বিশেষ আপ্যায়িত ও
 বাধিত হইলাম। ভরসা করি, মধ্যে মধ্যে আপনার অবসর-মতে এইরূপ অমায়িক ভাবপূর্ণ পত্র
 পাইব।

মুকুট ও রাজর্ষি নামক দুইটি প্রবন্ধই আমি পাঠ করিয়া দেখিয়াছি। ঐতিহাসিক ঘটনা সম্বন্ধে
 যে যে খলন হইয়াছে, তাহা সংশোধন করা আপনার বিশেষ কষ্টসাধ্য হইবে না।

‘রাজরত্নাকর’ নামে ত্রিপুর রাজবংশের একখানা ধারাবাহিক সংস্কৃত ইতিহাস আছে। এই গ্রন্থ
 ধর্মমাণিক্যের রাজত্ব সময়ে সংকলিত হইতে আরম্ভ হয়। ধর্মমাণিক্য * * * *
 ত্রিপুরা ৮৬৮ সনে রাজ্যভার গ্রহণ করেন। এখন ত্রৈপুর ১২২৬ সন। উক্ত রাজরত্নাকরে আর
 একখানা প্রাচীন সংস্কৃত ভাষায় লিখিত ‘রাজমালা’র উল্লেখ আছে; কিন্তু সেই প্রাচীন রাজমালা এখন
 কোথাও অনুসন্ধানে পাওয়া যায় না। রাজমালা বলিয়া যাহা প্রচলিত তাহা রাজরত্নাকর হইতে সংক্ষিপ্ত
 ও সংগৃহীত এবং বাঙ্গালা পড়ে লিখিত। সাধারণে পাঠ করিয়া যেন অন্যায়সে বৃত্তিতে পারে এই
 অভিপ্রায়েই দ্বিতীয় ‘রাজমালা’ রচিত হইয়াছে। ইহাতে মহারাজ দৈত্যের জীবনবৃত্ত হইতে বর্ণিত
 আছে। তৎপূর্ববর্তী অনেক রাজার ইতিহাস নাই। দ্বিতীয় বাঙ্গালা রাজমালার লেখককে আমি বালক
 বয়সে দেখিয়াছি। এতদ্ভিন্ন ঐরূপ বাঙ্গালা কবিতায় কেবল ৮ কৃষ্ণমাণিক্য মহারাজার চরিত্র অবলম্বন
 করিয়া একখানা ইতিহাস আছে, উহার নাম ‘কৃষ্ণমালা’। পার্বত্য প্রজাগণের মধ্যে এরূপ প্রথা আছে
 যে, তাহার নিজ নিজ ভাষায় রচনা করিয়া মহারাজগণের জীবনচরিত্রের কোন বিশেষ ঘটনা অবলম্বনে গান
 করিয়া থাকে। সেই গানগুলি হইতে অনেক বিবরণ সংগৃহীত হইতে পারে। মন্দিরের ফলক ও সনদ
 পত্রাদি হইতেও যে ইতিহাসের অনেক ঘটনা সংগৃহীত হইবার সুবিধা আছে, তাহা বলা বাহুল্য।

আপনি যে ত্রিপুর ইতিহাস অবলম্বন করিয়া নবজ্ঞান লিখিতে যত্ন করিতেছেন, ইহাতে আমি চিরকৃতজ্ঞ রহিলাম। যে যে স্থলে ইতিহাসের সহায়তা প্রয়োজন হয় আমি আদরের সহিত পুথোক্ত নানা মূল হইতে তাহা সংকলন করিয়া দিতে প্রস্তুত আছি। আপনার অপরাপর বিষয়ে প্রশংসিত প্রবন্ধগুলিতে ইতিহাসের যথাযথ ব্যাখ্যা থাকে, ইহা আমারও একান্ত বাসনা। ঐতিহাসিক কোন বিশেষভাগের সম্বন্ধে সংকীর্ণ সময় মধ্যে জিজ্ঞাসা করিয়া পাঠাইলে কেবল রাজরত্নাকর হইতে যে সহায়তা পাওয়া যায় তাহাই দিতে পারিব। একটুকু সময় থাকিতে জিজ্ঞাসা হইলে স্থানীয় অবস্থা সংগ্রহ করিয়াও জানাইতে চেষ্টা করিব। বোধহয় শেষোক্ত প্রণালী আপনার সন্তোষজনক হইবে।

আমার পূর্বপুরুষগণের উদয়পুর বাতীত ধর্মনগর, কল্যাণপুর, অমরপুর, প্রভৃতি স্থানেও রাজধানী ছিল। সেই সেই স্থলেও অনেক কীর্তিকলাপের চিহ্ন পাওয়া যায়। আপনার প্রয়োজন হইলে সে সকল স্থানেরও ইতিহাসে জানাইতে পারিব।

উদয়পুরের যে কয়েকখানা ফটোগ্রাফ আছে তাহার বিবরণ লিখিয়া ইহার পর তাহা আপনার নিকট পাঠাইয়া দিব।

রাজরত্নাকরে গোবিন্দমাণিক্যের ও তাঁহার ভ্রাতা হত্রমাণিক্যের চরিত যেরূপ বর্ণিত আছে, তাহা নকল করান হইয়াছে, সত্বর ছাপান যাইতে পারে কি না উল্লেখ করিতেছি; মুদ্রাঙ্কন শেষ হইলে আপনার নিকট পাঠান যাইবে। 'রাজর্ষি'র কোন কোন স্থলে ইতিহাস রক্ষিত হয় নাই, তাহা রাজরত্নাকরের উক্ত উক্ত ভাগ দেখিলেই বুঝিতে পারিব।

'রাজরত্নাকর' ছাপাইবার উদ্দেশ্যে আছি, সমুদয় আয়োজন হইয়া উঠে নাই। যদি ঐশ্বর-ইচ্ছায় ছাপা হইতে পারে তবে আপনাকে একখণ্ড পাঠাইয়া দিব।

'রাজরত্নাকরের' পৌরাণিক ও ঐতিহাসিক দুইটি ভাগ আছে। পৌরাণিক ভাগে মহারাজা দৈত্য প্রভৃতির জীবনচরিত এবং ঐতিহাসিক ভাগে যখন বাদশালা যবনাধিকারে ছিল—সেই সময়ের অনেকানেক ভাগ নিতান্ত স্থল। সেই অংশ অবলম্বন করিয়া আপনি নবজ্ঞান লিখিলে অপেক্ষাকৃত অনেক প্রশংসনীয় হইবে, এরূপ আমার বিশ্বাস।

এখাকার কুশল, আপনাদের সর্বাদ্বন্দ্ব নিরাময়সংবাদদানে সুখী করিবেন। ইতি ১২৯৬ ত্রিপুরা, -
তাং ১৮ই জ্যৈষ্ঠ।

প্রণত

ঐবীরচন্দ্র দেববর্মা

মৃত্যুশোক

মাতার মৃত্যুর যে-স্মৃতিচিত্র রবীন্দ্রনাথ আঁকিয়াছেন তাহার পরিপূরকরূপে সৌদামিনী দেবীর 'পিতৃস্মৃতি' হইতে একটি অল্পচ্ছেদ উদ্ধৃত হইল :

যে ব্রাহ্মমুহুর্তে মাতার মৃত্যু হইয়াছিল পিতা তাহার পূর্বদিন সন্ধ্যার সময় হিমালয় হইতে বাড়ি ফিরিয়া আসিয়াছিলেন। তাহার পূর্বে ক্ষণে ক্ষণে মা চেতনা হারাইতেছিলেন। পিতা আসিয়াছেন শুনিয়া বলিলেন, "বসতে চৌকি দাও।" পিতা সম্মুখে আসিয়া বসিলেন। মা বলিলেন, "আমি তবে চললাম।"

আর কিছুই বলিতে পারিলেন না। আমাদের মনে হইল, স্বামীর নিকট হইতে বিদায় লইবার জন্ত এ পর্যন্ত তিনি আপনাকে বাঁচাইয়া রাখিয়াছিলেন। মার মৃত্যুর পরে মৃতদেহ শ্মশানে লইয়া যাইবার সময় পিতা দাঁড়াইয়া থাকিয়া ফুল ন অত্র দিয়া শয্যা সাজাইয়া দিয়া বলিলেন, “ছয় বৎসরের সময় এনেছিলেম, আজ বিদায় ল্লেম।”

- পিতৃস্মৃতি, প্রবাসী, ১৩১৮ ফাল্গুন, পৃ ৪৬৩

অতি অল্প বয়সেই রবীন্দ্রনাথ মাতৃহীন হন। যে কারণেই হউক, মায়ের স্মৃতি রবীন্দ্র-সাহিত্যে সাক্ষাৎভাবে অধিক স্থান অধিকার করে নাই। দুর্লভ বলিয়াই রবীন্দ্রনাথের পরিণত বয়সের রচনার দুই স্থান হইতে তাঁহার মাতৃ-দেবীর উল্লেখ উদ্ভূত হইল। ১৩১৫ সালের অগ্রহায়ণ মাসে শাস্তিনিকেতন মন্দিরের এক উপদেশে রবীন্দ্রনাথ প্রসঙ্গত তাঁহার একটি স্বপ্নের উল্লেখ করেন—

আমার একটি স্বপ্নের কথা বলি। আমি নিতান্ত বালককালে মাতৃহীন। আমার বড়ো বয়সের জীবনে মার অধিষ্ঠান ছিল না। কাল রাত্রে স্বপ্ন দেখলুম, আমি যেন বাল্যকালেই রয়ে গেছি। গঙ্গার ধারের বাগানবাড়িতে মা একটি ঘরে বসে রয়েছেন। মা আছেন তো আছেন— তাঁর আবির্ভাব তো সকল সময়ে চেতনাকে অধিকার করে থাকে না। আমিও মাতার প্রতি মন না দিয়ে তাঁর ঘরের পাশ দিয়ে চলে গেলুম। বারান্দায় গিয়ে এক মুহুর্তে আমার হঠাৎ কী হল জানি নে— আমার মনে এই কথাটা জেগে উঠল যে, মা আছেন। তখনই তাঁর ঘরে গিয়ে তাঁর পায়ের ধুলো নিয়ে তাঁকে প্রণাম করলুম। তিনি আমার হাত ধরে আমাকে বললেন, “তুমি এসেছ!” এইখানেই স্বপ্ন ভেঙে গেল।

—‘অভাব’, শাস্তিনিকেতন ১, রচনাবলী ১৩

১৩২৬ সালে ‘আগমনী’ নামে সুরেশচন্দ্র সমাজপতির সম্পাদিত এক বার্ষিকী বাহির হয়। উহাতে রবীন্দ্রনাথের নিম্নোদ্ধৃত ‘মাতৃবন্দনা’ কবিতা মুদ্রিত হইয়াছিল। তৃতীয়টি ছাড়া ইহাদের অঙ্গুলি কোনো রবীন্দ্রগ্রন্থে আজও সংকলিত হয় নাই।

মাতৃবন্দনা

হে জননি, ফুরাবে না তোমার যে দান,
শিরার শোণিতে তাহা চির বহমান।
তুমি দিয়ে গেছ মোরে সূর্য তারা ঠাঁদ,
আমার জীবন সে তো তব আশীর্বাদ।

মাতঃ, পুণ্যময়ী মাতৃভূমি
 চিনায়ে দিয়েছ তুমি,
 তোমা হতে জানিয়াছি নিখিল-মাতারে ।
 সে দৌহার শ্রীচরণে
 নত হয়ে কায়মনে
 পারি যেন তব পূজা পূর্ণ করিবারে ।

জননি, তোমার করুণ চরণখানি
 হেরিহু আজি এ অরুণকিরণরূপে ।
 জননি, তোমার মরণশরণ বাণী
 নীরব গগনে ভরি উঠে চূপে চূপে ।
 তোমারে নমি হে সকল ভুবনমাঝে,
 তোমারে নমি হে সকল জীবন-কাঞ্চে,
 তগু মন ধন করি নিবেদন আজি—
 ভক্তিপাবন তোমার পূজার ধূপে,
 জননি, তোমার করুণ চরণখানি
 হেরিহু আজি এ অরুণ কিরণরূপে ।^১

জননি, তোমার মঙ্গল-মূর্তি অমতে লভিছে ক্ষুতি
 অমর্ত্য জগতে ।
 তোমার আশিসদৃষ্টি করিছে আলোকবৃষ্টি
 সংসারের পথে ।
 তোমার স্মরণপুণ্য করিতেছে গ্লানিশূন্য
 সন্তানের মন ।
 যেন গো মোদের চিত্ত চরণে জোগায় নিত্য
 কুসুমচন্দন ।

হে জননি, বসিয়াছ মরণের মহা-সিংহাসনে,
তোমার ভবন আজি বাধাহীন বিপুল ভুবনে ।
দিনের আলোক হতে চাও তুমি আমাদের মুখে,
রজনীর অন্ধকারে আমাদের লও টানি বৃকে ।
মোদের উৎসব-মাঝে তোমার আনন্দ করে বাস,
মোদের দুঃখের দিনে শুনি যে তোমার দীর্ঘশ্বাস ।
মোদের ললাটে আছে তোমার আশিষ-করতল
এ-কথা নিয়ত স্মরি দেহমন রাখিব নির্মল ।

ওগো মা, তোমারি মাঝে, বিশ্বের মা যিনি
ছিলেন প্রত্যক্ষ বেশে জননীরূপিণী ।
সেদিন যা কিছু পূজা দিয়েছি তোমায়,
সে পূজা পড়েছে বিশ্বজননীর পায় ।
আজি সে মায়ের মাঝে গিয়েছ, মা, চলি,
তঁহারি পূজায় দিহু তব পূজাঞ্জলি ।

—আগমনী, ১৩২৬

বর্ষা ও শরৎ

এই অধ্যায়ে উল্লিখিত বর্ষাস্মৃতিপ্রসঙ্গে ‘বালক’ পত্রিকায় প্রকাশিত রবীন্দ্রনাথের ‘বর্ষার চিঠি’ রচনাটির কিয়দংশ উদ্ধৃত হইল। বলা বাহুল্য, এই স্মৃতিচিত্রটি জীবনস্মৃতির বহু পূর্বের রচনা।—

ছেলেবেলায় যেমন বর্ষা দেখতেম, তেমন ঘনিষে বর্ষাও এখন হয় না। বর্ষার তেমন সমারোহ নেই যেন, বর্ষা এখন যেন ইকনমিতে মন দিয়েছে—নমো-নমো করে জল ছিটিয়ে চলে যায়—কেবল খানিকটা কাদা, খানিকটা ছাট, খানিকটা অসুবিধে মাত্র—একখানা হেঁড়া ছাতা ও চিনেবাজারের জুতোয় বর্ষা কাটানো যায়—কিন্তু আগেকার মতো সে বজ্র বিদ্যুৎ বৃষ্টি বাতাসের মাতামাতি দেখি নে। আগেকার বর্ষায় একটা নৃত্য ও গান ছিল, একটা ছন্দ ও তাল ছিল—এখন যেন প্রকৃতির বর্ষার মধ্যেও বয়স প্রবেশ করেছে, হিসাবকিতাব ও ভাবনা ঢুকেছে, শ্লেষা শঙ্কা ও সাবধানের প্রাদুর্ভাব হয়েছে। লোকে বলছে, সে আমারই বয়সের দোষ।

তা হবে! সকল বয়সেরই একটা কাল আছে, আমার সে বয়স গেছে হয়তো।

যৌবনের যেমন বসন্ত, বার্ষিক্যের যেমন শরৎ, বাল্যকালের তেমনি বর্ষা। ১০০ বর্ষাকাল ঘরে থাকবার কাল, কল্পনা করবার কাল, গল্প শোনবার কাল, ভাই বোনে মিলে খেলা করবার কাল। ১০০ বর্ষাকাল বাগকের কাল, বর্ষাকালে তরুলতার শ্রামল কোমলতার মতো আমাদের স্বাভাবিক শৈশব স্মৃতি পেয়ে ওঠে— বর্ষার দিনে আমাদের ছেলেবেলার কথাই মনে পড়ে।

তাই মনে পড়ে, বর্ষার দিন আমাদের দীর্ঘ বারান্দায় আমরা ছুটে বেড়াতেম— বাতাসে দুম্‌দাম্ করে দরজা পড়ত, প্রকাণ্ড তেঁতুলগাছ তার সমস্ত অন্ধকার নিয়ে নড়ত, উঠোনে একহাঁটু জল দাঁড়াত, ছাতের উপরকার চারটে টিনের নল থেকে স্থূল জলধারা উঠোনের জলের উপর প্রচণ্ড শব্দে পড়ত ও ফেনিয়ে উঠত, চারটে জলধারাকে দিক্‌হস্তীর শব্দ বলে মনে হত। তখন আমাদের পুকুরের ধারের কেয়াগাছে ফুল ফুটত (এখন সে গাছ আর নেই)। বৃষ্টিতে ক্রমে পুকুরের ঘাটের এক-এক সিঁড়ি যখন অদৃশ্য হয়ে যেত ও অবশেষে পুকুর ভেসে গিয়ে বাগানে জল দাঁড়াত— বাগানের মাঝে মাঝে বেলফুলের গাছের কাঁকড়া মাথাগুলো জলের উপর জেগে থাকত এবং পুকুরের বড়ো বড়ো মাছ পালিয়ে এসে বাগানের জলমগ্ন গাছের মধ্যে খেলিয়ে বেড়াত, তখন হাঁটুর কাপড় তুলে কল্পনায় বাগানময় জলে দাপাদাপি করে বেড়াতেম। বর্ষার দিনে ইস্কুলের কথা মনে হলে প্রাণ কী অন্ধকার হয়েই যেত, এবং বর্ষাকালের সন্ধেবেলায় যখন বারান্দা থেকে সহসা গলির মোড়ে মাস্টারমহাশয়ের ছাতা দেখা দিত তখন যা মনে হত তা যদি মাস্টারমশায় টের পেতেন তাহলে—।

—‘বর্ষার চিঠি’, বালক, ১২৯২ শ্রাবণ, পৃ ১২৬-২৮

জীবনের টুকরা স্মৃতিকথা রবীন্দ্রসাহিত্যের নানাস্থানে ছড়ানো আছে। উহার মধ্যে চিঠিপত্রাদি বাদে শেষ দিকের রচনা—লিপিকা (প্রথমাংশ), সে, ছড়ার ছবি, আকাশপ্রদীপ, ছেলেবেলা, গল্পসল্প, এই কয়খানি গ্রন্থ বিশেষভাবে উল্লেখযোগ্য।

সম্পাদনকার্যে ব্যবহৃত নানা গ্রন্থের মধ্যে এই গ্রন্থগুলি বিশেষ উল্লেখযোগ্য—

শ্রীমন্নহর্ষি দেবেন্দ্রনাথ ঠাকুরের আত্মজীবনী [তৃতীয় সংস্করণ, ১৯২৭]

— সতীশচন্দ্র চক্রবর্তী কর্তৃক সম্পাদিত

মহর্ষি দেবেন্দ্রনাথের পত্রাবলী

—প্রিয়নাথ শাস্ত্রী কর্তৃক প্রকাশিত

মহর্ষি দেবেন্দ্রনাথ ঠাকুর [১৯১৬]

—অজিতকুমার চক্রবর্তী

বঙ্গভাষার লেখক [১৩১১]

—হরিমোহন মুখোপাধ্যায় কর্তৃক সম্পাদিত

জ্যোতিরিন্দ্রনাথের জীবনস্মৃতি [১৩২৬ শাল্লন]

—শ্রীবসন্তকুমার চট্টোপাধ্যায়

জ্যোতিরিন্দ্রনাথ [১৩৩৪]

—শ্রীমন্মথনাথ ঘোষ

রবীন্দ্র-জীবনী, প্রথম খণ্ড [১৩৪০]

—শ্রীপ্রভাতকুমার মুখোপাধ্যায়

রবীন্দ্র কথা [১৩৩৮]

—থগেন্দ্রনাথ চট্টোপাধ্যায় কর্তৃক সংকলিত

সাহিত্য-সাধক-চরিতমালা, খণ্ড ২২ [১৩৪৯ মাঘ]

—শ্রীব্রজেন্দ্রনাথ বন্দ্যোপাধ্যায় ও শ্রীসঞ্জনীকান্ত দাস

সাহিত্য-সাধক-চরিতমালা, খণ্ড ২, ৫, ১০, ১২, ১৮, ২১, ২৫, ৪৪ [১৩৪৬-৫১]

বাংলা সাময়িক পত্র (১৮১৮-৬৭)

বঙ্গীয় নাট্যশালার ইতিহাস [দ্বিতীয় সংস্করণ]

রবীন্দ্র-গ্রন্থ-পরিচয় [১৩৪৯]

—শ্রীব্রজেন্দ্রনাথ বন্দ্যোপাধ্যায়

পুরাতন প্রসঙ্গ : দ্বিতীয় পর্ষায় [১৩৩০]

—বিপিনবিহারী গুপ্ত


সম্পাদনকার্যে ব্যবহৃত সাময়িক পত্রাদির উল্লেখ যথাস্থানে করা হইয়াছে।

বর্তমান 'জীবনস্মৃতি'র পাদটীকায় ও সাধারণত উদ্বৃতিশেষে 'পাণ্ডুলিপি' বলিতে প্রথম পাণ্ডুলিপি বুঝাইতেছে।

বংশলতিকা

প্রধানত জীবনশ্রুতিতে উল্লিখিত
রবীন্দ্রনাথের আত্মীয়দের সহিত
রবীন্দ্রনাথের সম্পর্ক
দেশানো হইল

ঘরকানাথ
(১৭৯৪-১৮৪৬)
-দিগম্বরী দেবী
(? -১৮৩৯)



১ ড্র র-কথা, পৃ ৪, ২২-২৩

২ ড্র সংবাদ পত্রে সেকালের কথা ২, পৃ ৪৫০

রবীন্দ্রনাথ

(১৮৬১-১৯৪১)

-মৃগালিনী দেবী

(বাংলা ১২৮০-১৩০৯)

— মাধুরীলতা
(১৮৮৬-১৯১৮)
-শরচ্চন্দ্র চক্রবর্তী

(নিঃসন্তান)

— রথীন্দ্রনাথ (১৮৮৮)
-প্রতিমা দেবী

— গৃহীতা কন্যা নন্দিনী (১৯২২)

— বেগুকা (১৮৯০-১৯০৩)
-মত্যেন্দ্রনাথ ভট্টাচার্য

(নিঃসন্তান)

— মীরা [অতসী] (১৮৯২)
-নগেন্দ্রনাথ গঙ্গোপাধ্যায়

— নীতীন্দ্রনাথ
(১৯১২-১৯৩২)
— নন্দিতা (১৯১৬)
-কৃষ্ণ কৃপালনৌ

— শমীন্দ্র (১৮৯৯-১৯০৭)

* গিরীন্দ্রনাথ

(১৮২০-৫৪)

-যোগমায়া দেবী

— গণেন্দ্রনাথ
(১৮৪১-৬৯)
(নিঃসন্তান)

— কাদম্বিনী
-যজ্ঞেশ প্রকাশ
গঙ্গোপাধ্যায়

— জ্যোতিঃপ্রকাশ—যামিনীপ্রকাশ
(১৮৫৫-১৯১৯)

— কুমুদিনী
-নীলকমল মুখোপাধ্যায়

— গুণেন্দ্রনাথ
(১৮৪৭-৮১)
-সৌদামিনী দেবী

— গগনেন্দ্রনাথ
(১৮৬৭-১৯৩৮)

— সমরেন্দ্রনাথ
(১৮৭০)

— অবনীন্দ্রনাথ
(১৮৭১)

— বিনয়িনী
-শেখরভূষণ চট্টোপাধ্যায়

— প্রতিমা দেবী (১৮৯৩)
(মধ্যমা কন্যা)

— সুনয়নী
-রজনীমোহন চট্টোপাধ্যায়

নূতন সংস্করণের বিজ্ঞপ্তি

জীবনস্মৃতির নূতন সংস্করণ প্রকাশকার্বে শ্রীমতী ইন্দিরা দেবীর সৌজ্ঞেয় সত্যেন্দ্রনাথ ঠাকুরের বহু পত্র এবং জ্ঞানদানন্দিনী দেবীর আত্মচরিতের পাণ্ডুলিপি ব্যবহারের সুযোগ হইয়াছে।

বংশলতিকার রচনা ও সংশোধনকার্বে, প্রধানত, রবীন্দ্রভবনে রক্ষিত বালেন্দ্রনাথ ঠাকুর কর্তৃক সংকলিত একটি পারিবারিক ঠিকুঞ্জির খাতা ব্যবহৃত হইয়াছে। আচার্য্য অবনীন্দ্রনাথ, শ্রীমতী ইন্দিরা দেবী ও ঠাকুরপরিবারের অগাণ্ঠ অনেকে এ বিষয়ে নানা ভাবে সহায়তা করিয়াছেন।

শ্রীপ্রভাতকুমার মুখোপাধ্যায়ের সৌজ্ঞেয় কয়েকটি নূতন তথ্য সংগৃহীত হইয়াছে।

এই সংস্করণ প্রস্তুত করিবার ভার শ্রীনির্মলচন্দ্র চট্টোপাধ্যায়কে অর্পিত হইয়াছিল। তথ্যসংগ্রহের কাজে তিনি যে-সমস্ত সাময়িক পত্রিকায় প্রকাশিত প্রবন্ধ এবং গ্রন্থাদির মাহায্য লইয়াছেন তাহা যথাস্থানে স্বীকৃত হইয়াছে।

অগ্রহায়ণ, ১৩৫০

শ্রীচাক্রচন্দ্র ভট্টাচার্য্য

১৩৫৪ জ্যৈষ্ঠে প্রকাশিত সংস্করণে গ্রন্থপরিচয় বহুল পরিমাণে বর্ধিত হইয়াছে। এডুকেশন গেজেট হইতে প্রভাত-সংগীতের সমালোচনাটির উদ্ধার চুঁচুড়ার শ্রীশিববোধ রায়ের সহায়তায় সম্ভব হইয়াছে।

উল্লেখপঞ্জী

সাময়িক পত্র, পুস্তক ও রচনার নাম এবং উদ্ধৃত গান বা কবিতার প্রথম ছত্র ‘ ’ উদ্ধৃতিচিহ্ন দিয়া মুদ্রিত হইল। উল্লেখবিশেষ পাদটীকাতে দৃষ্টব্য হইলে, যে কথার স্থলে টীকা সেই কথা যে স্থলে আছে তাহার পৃষ্ঠাঙ্ক এবং তাহার পরেই ॥ চিহ্ন দিয়া টীকার সংখ্যা নির্দিষ্ট হইয়াছে। মূল গ্রন্থে প্রত্যেক অধ্যায়ের টীকাগুলি অধ্যায়শেষে ক্রমিক সংখ্যা অনুযায়ী মুদ্রিত আছে।

অক্ষয়কুমার দত্ত— ২৩৥১, ৪০

অক্ষয়কুমার মজুমদার— ৮০, ২৪৬

অক্ষয়চন্দ্র চৌধুরী, অক্ষয়বাবু— ৮৫-৮৬, ৮৭, ৯৪, ১২৪, ১২৫॥৪, ১২৭॥৮, ১৩০, ১৫০,
১৩৬, ২০৩, ২২৯॥২, ২৩১, ২৩৩, ২৩৪, ২৫৪, ২৫৫, ২৬০॥১

অক্ষয়চন্দ্র সরকার— ৭৭, ৯২, ৯৪, অক্ষয়বাবু ৯৫, ১৭০, ২৬৬

অধোরবাবু— ২৬, ২৭, ২৮-২৯, ৬৯, ২০২, মাল্টারমহাশয় ২৮৮

অজিতকুমার চক্রবর্তী, অজিত— ১২২॥১, ১৯৩

‘অত্যাঙ্কি’— ৯৭॥৩

‘অদ্ভুতনাট্য’— ৮১॥২, ২৩০

‘অনন্ত এ আকাশের কোলে’— ১৪২

‘অনন্ত মরণ’— ২৮০॥৩

অন্তঃপুর ও রবীন্দ্রনাথ— পুলিশম্যানের ভয়ে ৭, মধ্যাহ্নে ছাদে ১১; রাত্রে রূপকথা-
শ্রবণ ৬৯, ২০৩, ২১৪-১৫; মায়ের ঘরের ও ছাদের সভায়: ভ্রমণের গল্প ৭০,
পাঁচালি গান ৭১, বাল্মীকির রামায়ণ-পাঠ ৭১-৭২

‘অস্তরতর অস্তরতম তিনি যে’— ৩২

অন্নপ্রাশন, রবীন্দ্রনাথের— ১৯৯

‘অবসরসরোজিনী’— ৯২, ২৩৫

‘অবোধবন্ধু’— ৭৭, ১৩৬॥৫

‘অভাব’— ১৭৭॥৩, ২৮৫

অভিজ্ঞা দেবী— ২৬৮

অভিনয়, রবীন্দ্রনাথের— কুস্তির আখড়ায় ৪৪; বিনা সেক্সে ৪৪; ‘বাল্মীকি-
প্রতিভা’ ও ‘কালমৃগয়া’ ১৩১, ১৩২, ২৩২, ২৩৩, ২৬৬-৬৮; অলীকবাবু ১৩৩

‘অভিমানিনী নির্ঝরিনী’— ২৬০

‘অভিনাব’, সর্বপ্রথম মুদ্রিত রচনা— ২৩৬ ৪০

‘অমরশতক’— ১০৬

‘অমৃত বাজার পত্রিকা’— ২৪৮

অমৃতসর— ৫২, গুরুদরবার ৬০, ৬২, ৬২॥১২, ২১৪

‘অলীকবাবু’, প্রথম অভিনয়— ১৩৩

‘অসম্ভব কথা’— ২৮॥১০, ২০২-০৩

‘অহহ কলয়ামি বলয়াদিগণিভূষণং’— ৫১

‘আইরিশ মেলডীজ্’— ১৩০

‘আকাজ্জা’— ১৮২॥২

‘আকাশপ্রদীপ’— ৫॥৫, ১২॥৬, ১৩॥৭, ৬২॥৩, ২০১, ২৮৮

‘আগমনী’— ২৮৫

‘আজি উম্মদ পবনে’— ১০০॥১১

‘আজি শরত-তপনে প্রভাতস্বপনে’— ১৮২

‘আতার বিচি’— ১৪॥১০

‘আত্মপরিচয়’ [গ্রহ]— ১২১॥৪, ১৮৭॥৫

আত্মারাম পাণ্ডুরঙ— ২৬৩॥১

আত্মীয়া, একজন দূরসম্পর্কীয়া— ৭৬

‘আদি ব্রাহ্মসমাজ ও নব হিন্দু সম্প্রদায়’— ১৭২॥১৮

‘আঁধার শাখা উজ্জল করি’— ২৬১

আনন্দচন্দ্র ভট্টাচার্য, বেদান্তবাগীশ— ৪২, ৭৫, ২০৫, ২০৬; আচার্য ২০৭, ২০৮;
সম্পাদক ২৪১, ২৬৫

‘আনন্দময়ীর আগমনে’— ১৮৬

‘আমসন্ধ হৃদে ফেলি’— ৩৪

‘আমার হৃদয় আমারি হৃদয়’— ১২৭

‘আমি চিনি গো চিনি তোমারে’— ১৩৯-৪০

‘আমি স্নদূরের পিয়াসী’— ২০০

‘আমি-হারা’— ১৩৫॥৪

আমেদাবাদ— ১০৪, ১০৬, ১০৮, ২৬১, ২৬২

আয়র্লণ্ড—১৩০

‘আরব্য উপন্যাস’— ২২৯॥১

‘আর্ধ ও অনাৰ্ধ’— ১৭১॥১৫

‘আর্ধদর্শন’— ৯০, ২৩২॥১, ২৩৩, ২৫৫, ২৬৭

‘আলোচনা’— ১৫৩, ১৬২

আল্বানী, মাডাম— ১২৮

আশুতোষ চৌধুরী, আশু— ১৮৪

আশুতোষ দেব, ছাত্তুবাৰু— ৩১, ২১০॥১, ২৪ ॥১

‘আশ্রমপীড়া’— ১৭১॥১৫

অ্যানা তরখড়— ২৬৩॥২

ইংরেজ কর্মচারীর বিধবা স্ত্রী । ড্র ইন্ডভারতী বিধবা

ইংরেজ গবর্নেন্ট— ৪৮, ৯৭

“ইংরেজ ছবিওয়ালার দোকানে” — ৩৭, ২০৪

ইংরেজি ও যুরোপীয় সাহিত্য । ড্র যুরোপীয় ও ইংরেজি সাহিত্য

ইন্ডভারতী বিধবা [Mrs. Wood]— ১১৫-১৮

ইন্দিরা দেবী— ১০৬॥২, ১০৯॥৩, ২০৯, ২১৪, ২৭৩

ইরাবতী, খেলার সঙ্গিনী— ১৪॥৮

ইস্কুল— ওরিয়েন্টাল সেমিনারি ৬, ২১; নর্মাল স্কুল ২১-২৩, ৩৩, ৪০, ৪১; বেঙ্গল
একাডেমি ৪১-৪৩, ৫৪, ৭২; সেন্টজেনেব্রিয়ার্স ৭২-৭৩; “একপ্রকার ছাড়িয়াই
দিলাম” ২১, ৫; “বিশ্ববিদ্যালয়” ২২৮-২৯

ইস্কুলঘর বা পড়িবার ঘর— ১৪, ১৫, ২৬, স্কুলঘর ২৯, ৮৫, ১০৩, ২০০,
পড়ার ঘর ২২৬

‘ইহার চেয়ে হস্তে যদি আরব বেহুয়িন’— ১৮৬

ঈশ্বরচন্দ্র বিদ্যাসাগর— ৫॥৪, ১৬॥১২, ২১॥১, ৩৮, ৬:॥১০, ৭৫, ১৫৫, ১৫৭, ২২২

ঈশ্বর, ব্রজেশ্বর— ১৮-২০, ৪৬

ঈশ্বরশুভ বা পারমার্থিক কবিতা— ৩৮, ৬১

‘উত্তর প্রত্যুত্তর’— ১৭৮॥৬

‘উদাসিনী’— ৮৫

‘উপক্রমণিকা’। ড্র পাঠ্যপুস্তক

উপনয়ন, তিন বটুর— ৪২-৫০ ; অনুষ্ঠান ২০৫-০২ ; ২১১

উপনিষদ— মন্ত্রপাঠ ৬৪, উদ্ভৃতি ২৭৫

উপাসনা— ৫৪, ৫৭, ৬৪, ১৭৬, ধ্যান বা পূজা ২১৩

ঋক্‌মন্ত্র— ২৮, বেদমন্ত্র ২৫৩

‘ঋজুপাঠ’, দ্বিতীয়ভাগ। ড্র পাঠ্যপুস্তক

ঋতেন্দ্রনাথ ঠাকুর— ২৬৮

‘একটি পুরাতন কথা’— ১৭২॥১৮

‘একদিন দেব তরুণ ভপন’— ১৩৬

‘একসূত্রে বাঁধিয়াছি সহস্রটি মন’— ১০১

‘এডুকেশন গেজেট’— ৯২, ২৫৬, ‘প্রভাত সঙ্গীত’এর সমালোচনা ২৫৭-৬১

‘এমন কর্ম আর করব না’— ১৩৩

এয়ারেল্ড বাওয়ার— ১৬৯॥২

এমার্সন— ১৭০

এলাহাবাদ— ৫৯

এসিয়াটিক সোসাইটি— ১৫৭

‘ও কথা আর বোলো না’— ৮০, ২৩০

‘ওগো মা, তোমারি মাঝে বিশ্বের মা যিনি’— ২৮৭

‘ওগো প্রতিধ্বনি’— ১৫০

ওথেলো— ১২৪

‘ওয়ার্ড্‌স্‌ ইন্‌স্‌টিটিউশ্বন’— ১৫৫॥৬

ওরিয়েন্টাল সেমিনারি— ইস্কুলে যাওয়ার স্মৃচনা ৬, ২১

‘ওরে আমার মাছি’— ৭০

‘ওরে ভাই, জানকীরে দিয়ে এসো বন’— ৭১

‘কঙ্কাল’— ২৬॥২

‘কঙ্কালী চাটুজেজ’— ১৯॥২

‘কড়ি ও কোমল’— ১৬৬, ১৭১॥৮+৯+১৪+১৭, ১৭৭॥৫, ১৮৩, ১৮৪, ১৮৬-৮৮, ২০৯

‘কথার উপকথা’— ১৮৪॥৪

কবিকঙ্কণ— ৮৫, ২৪১

‘কবিকাহিনী’— ১০৩-০৪, ২৫৫, ‘বান্ধব’ পত্রিকার সমালোচনা ২৫৬-৫৭

কবীন্দ্র— ১০৬॥২

কমলকৃষ্ণ বাহাদুর, রাজা— ২৪৫, ২৫০

‘কর, খল’— ৫, ২১৪

‘করণা’— ২৫৫॥২

কর্জন, লর্ড— ৯৭

কর্নাট— ১৫৮

‘কলিকাতা সারস্বত-সম্মিলনী’— ১৫৫॥১

‘কলেজ রিইউনিয়ন’, দ্বিতীয়— ১৬২॥২

‘কাঙালিনী’— ১৭১॥৯, ১৮৬॥৪

‘কাঁচা আম’— ৬২॥৩

কাঞ্চনশৃঙ্গা— ১৪২

‘কাতরে রেখে রাজা পায়’— ৭১

কাদম্বরী দেবী, বউঠাকুরানী— নূতন বধু ১১, ৪৮, কনিষ্ঠ বধু ৬৮, নববধু ৬৯, ৮২, ৯০,

ভক্ত পাঠিকাটি ৯১, ৯২, ‘ঐহার’ ১০২॥৭ ১৭৬, মৃত্যু ১৭৭, সম্রাস্ত সীমন্তিনী
২৩৪, ২৩৫, নতুন বৌ ২৫৫

কানপুর— ৫২

কানা পালোয়ান [হীরা সিং]— ২৬

কাপড়ের কল, তাঁতের— ১০০, ১৭৪, কলের তাঁত ২৪৭

কাবুলিওয়ালা— ৪৮

‘কাব্যগ্রন্থ’ [মোহিতচন্দ্র সেন কতৃক সম্পাদিত]— ১৩৫, ১৫২, ১৫৯, ২৬৮॥১ ২৬২॥১

‘কাব্যগ্রন্থাবলী’ (১৩০৩)— ৬১৭

‘কাব্যজগৎ’— ১৮৪॥৪

কাব্যসংগ্রহগ্রন্থ বা ‘কাব্যসংগ্রহঃ’— ১০৬, ২৬২

‘কাব্য। স্পষ্ট এবং অস্পষ্ট’— ১৫০॥২

কারোয়ার— ১৫৮-৬০, ১৬১, ১৬২, ১৬৩

‘কালমৃগয়া’— ১৩১, ১৩২, ২৩২, ২৬৭-৬৮, ২৮০

কালানদী— ১৫৮

কালিদাস— ৯০

- কালীপ্রসন্ন ঘোষ— ২৪৬, ২৫৬
 কালীপ্রসন্ন সিংহ— ১১৥৫
 কালো ছাতাটি— ২৭, ছাতাটি ২০২, ছাতা ২৮৮
 কাশীরাম দাস— ৫৫, ২২৯॥১
 'কাস্‌ল্‌স্‌ ম্যাগাজিন'— ৭৭
 কিছু হরকরা— ৪৯
 কিশোরী চাটুজ্যে বা চাটুর্জে— ১৯, ৬৩, ৬৬, ৭১
 কিশোরীমোহন [কিশোরীচাঁদ] মিত্র— ৪০
 'কী মধুর তব করুণা, প্রভো'— ৩৯, ২০৪
 কুঠিবাড়ি, বোলপুর— ৫৬,
 'কুমারসম্ভব'— ৫১, ৭৫, ৮৯, ৯০, অম্বুবাদ ২১৫-২২
 কুস্তিবাস— ৬, ৭, ১৯, ৫৫ ৭১, ২২৯॥১
 কৃষ্ণকমল ভট্টাচার্য— ৭৭॥১০, ২৩৪, ২৪৫
 কৃষ্ণকুমার মিত্র— ১৭১॥১৬
 কৃষ্ণকুমারীর উপত্যাস— ৭৭
 কৃষ্ণদাস পাল— ১৫৬, ২৪৫
 কৃষ্ণবিহারী সেন— ২২৯॥২, ২৮০
 কৃষ্ণমোহন বন্দ্যোপাধ্যায়— ১৩৮, ২৬৬
 'কে রে বালা কিরণময়ী'— ৯০
 কেলুবন, হিমালয়— ৬৩
 'কৈফিয়ৎ'— ১৭২॥১৮
 কৈলাস মুখজ্যে— ৫
 কৌত [Auguste Comte]— ১২৬
 'কোথায়'— ১৭৭॥৫
 কোন্নগর— ৩১
 'কোর্ট্‌ অফ ওয়ার্ড্‌স্‌'— ১৫৫
 কৌতুকনাট্য (Burlesque)— ৮০
 কৌতুকনাট্য ['হাস্তকৌতুক']— ১৭১
 ক্যাশেল মেডিকেল স্কুল— ২৬
 ক্লাইভ— ৮১

ক্ষিতীন্দ্রনাথ ঠাকুর— ১১৫

‘ক্ষুধিত পাষণ’— ১০৬৩

খড়ির গণ্ডি— ৯, ১০, ১৮৭

‘খাঁচার পাখি ছিল সোনার খাঁচাটিতে’— ১১

‘খাঁচার মাঝে অচিন পাখি’— ১৪০

‘খাপছাড়া’— ৮১১

খেলার সঙ্গিনী [হীরাবতী]— ১৪

খোয়াই, বোলপুর— ৫৬, জলকুণ্ড ৫৭, ২১০, ২১১-১২

গগনেন্দ্রনাথ ঠাকুর— ১২১

গঙ্গাতীর— পেনেটি ৩১-৩৩, ২১০; মুলাজোড় ৫১; চন্দ্রনগর ১৪১-৪২, ১৪৬, ২৭০

গণেন্দ্রনাথ ঠাকুর, গণদাদা বা গণেন্দ্রদাদা— ৭২-৮০, ৯৭১, ২২৯, মহর্ষির পত্র ২৩০,

২৩১১; হিন্দুমেলায় উদ্বোধনী সম্পাদক ২৪৪, ২৪৫, ২৪৬১২, ২৪৭

‘গল্পগুচ্ছ’— ‘গিনি’ ২২১২, ‘কঙ্কাল’ ২৬১৯, ‘অসম্ভব কথা’ ২৮১১০, ‘গিনি’ ২০১,

‘অসম্ভব কথা’ ২০২

‘গল্পসল্প’— ১৪১২, ৩৫১২, ৪১১৩, ৪৩১৬, ৪৪১৮ + ১০, ২৮৮

‘গহন কুম্ভকুম্ভ-মাঝে’— ৯৪

‘গাও হে তাঁহার নাম’— ৭৯

গান, রবীন্দ্রনাথের— শিক্ষা বিষ্ণুর কাছে ২৬, শ্রীকণ্ঠবাবুর প্রিয়শিষ্য ৩৮, পিতার

নিকট জ্যোৎস্নায় ব্রহ্মসংগীত ৬০-৬১; গানরচনায় পিতার নিকট পুরস্কার-

লাভ ৬১; পাঁচালি গান ৭১; গান বাঁধিবার শিক্ষানবিসি ৮৭, ১৩২, ২৩৪;

নিজের সুরে প্রথম রচনা ১০৭, ২৬১; বিলাতে বিলাপগান-প্রহসন ১১৫, ১১৮;

মুরোপীয় সংগীতশিক্ষা ১২৯, ১৩০; ‘বান্ধীকিপ্রতিভা’ ও ‘কালমৃগয়া’ ১৩০-৩২,

‘মায়ার খেলা’ ১৩২; সংগীত সম্বন্ধে প্রথম প্রবন্ধপাঠ ১৩৮; ‘আমি চিনি

গো চিনি’ ১৩৯, ‘ভরাবাদর মাহভাদর’ ১৪১, ‘হ্যাদে গো নন্দরানী’ ১৬২,

‘আজি শরত-তপনে’ ১৮১; ‘বান্ধালাদেশের বুলবুল’ ২১৪; বালকবয়সে গান-

রচনা ২২৬-২৮, শিশুকালে গান ২৩১; ২৫১

গাব্রিয়েল, আতরওয়ারা— ৪৮

গায়ত্রীমন্ত্র— ৫০, ৫২, ভূভূবঃ স্বঃ ২১১

‘গিনি’— ২২১২, ২০১

গিবনের 'রোম'— ৬২

গিরীন্দ্রনাথ ঠাকুর, দেবেন্দ্রনাথের "মধ্যম ভায়া"— ১৪॥১১, ৭৯॥১, ৮০॥৭, ২৩০॥১

'গীতগোবিন্দ'— ৫১

"গীতবিপ্লব"— ১৩২

গুণেন্দ্রনাথ ঠাকুর, গুণদাদা— ১৪, ৮০-৮২, ২২৯॥২, ২৩০, ২৪১

গুরুদরবার, অমৃতসর— ৬০

গুরুদাস বন্দ্যোপাধ্যায়— ২৬৬, 'বাল্মীকিপ্রতিভা'র অভিনয়-দর্শনে ২৬৭

'গুরুবাক্য'— ১৭১॥১৫

গুরুমহাশয় [মাধবচন্দ্র]— ৫, ১২৯

'গেটে ও তাঁহার প্রণয়িনীগণ'— ২৬২

'গোবিন্দদাস'— ৭৭॥১২

গোবিন্দবাবু, স্পারিটেণ্টেণ্ট— ২৩, ৩৫, ৩৬

গোবিন্দমাণিক্য— ১৬৬, ২৮২, ২৮৪

'গোরা'— ৪৮॥৪

গোল্ডস্মিথ, অলিভার— ৮৯

গোলাবাড়ি— ১৩

গৌরমোহন আচ্য— ৬৮

'গ্রহগণ জীবের আবাস-ভূমি'— ৬২॥১২

গ্র্যান্ড ট্রাঙ্ক রোড— ৬৫

'ঘরোয়া'— ৪৯॥৬, ৮০॥৮, মহানন্দ'র নামে ছড়া ২০৪

চণ্ডীদাস— ৭৭॥১২, ৯৫

চন্দননগর— ১৪১

চন্দ্রনাথ বসু— ১৬৯, ২৬৬

'চন্দ্রশেখর'— ৭৭

চাকরদের মহল— ৬, ৯; ভূত্যরাজ ১৭-২০; তোষাখানা ২০০, ২০১

চাণক্যশ্লোক— ৬, ১২৯

চারুচন্দ্র বন্দ্যোপাধ্যায়— ১৯১

'চারুপাঠ'। দ্র পাঠ্যপুস্তক

'চিঠি', রবীন্দ্রনাথের— ১৬৩॥১

চীনা বট— ৯, ১০

চুঁচুড়া— ৩৯, ৬১

'চেষ্টার্স জার্নাল'— ৭৭

চৈত্রমেলা— ৯৭।১, ২৪৪ । দ্র হিন্দুমেলা

চোর ধরা— ২৪

চ্যাটার্টন— ২৪

'চ্যাটার্টন— বালক কবি'— ৯৪।৩

ছড়া, কৈলাশ মুখুজ্যের— ৫

'ছড়ার ছবি'— ১৪।১০, ১৯।২, ২৮৮

'ছন্দোমালা'— ৮১

'ছবি ও গান'— ১৫৮।১, ১৬৬-৬৫, ১৬৬

ছবি আঁকা, রবীন্দ্রনাথ কর্তৃক— ১৮২

ছাত্তুবাবু । দ্র আশুতোষ দেব

ছাপাখানা, ব্রাহ্মসমাজের— ৪৪

'ছায়াছবি'— ১৪১।৩

'ছেলেবেলা'— ৫।৩, ১৮।১, ৩৮।৩, ৪১।৪, ৫০।১০, ১০৮।১, ১২০।১, ১৪১।৪ ;

শিক্ষারঞ্জ ১৯৯, কাব্যরচনাচর্চা ২০৩, বোম্বাইবাস ২৬২-৬৩ ; ২৮৮

ছোটোকাকা । দ্র নগেন্দ্রনাথ ঠাকুর

ছোড়দিদি । দ্র বর্ণকুমারী দেবী

'জগতে কেহ নাই, সবাই প্রাণে মোর'— ১৫১

'জনমনোমুগ্ধকর উচ্চ অভিলাষ'— ২৩৬

'জননি, তোমার করুণ চরণখানি'— ২৮৬

'জননি, তোমার মঙ্গল-মূর্তি'— ২৮৬

জন্মকুণ্ডলী বা রাশিচক্র— ১২৬, ১২৭

জন্ম-তারিখ প্রসঙ্গে পত্র, রবীন্দ্রনাথের— ১২৮

জয়দেব— ৫১

জর্মনি— ২৫, জর্মান ১৬৯

'জল'— ২০১

‘জল পড়ে পাতা নড়ে’— ৫, ২১৪

জাতকর্গ, রবীন্দ্রনাথের— ১২৯

‘জাতীয় গৌরবেচ্ছা সঞ্চারণিনী সত্তা সংস্থাপনের প্রস্তাব’— ২৪৪

‘জামাইবারিক’— ৭৬

‘জিজ্ঞাসা’— ৭৮।১৪

‘জিজ্ঞাসা ও উত্তর’— ৭৮।১৪

জিমনাস্টিক। ড় মাস্টার

জীবনদেবতা— ১৮৭

জোড়াসাঁকো নাট্যশালা। ড় নাট্যশালা

জোড়াসাঁকোর বাড়ি— ৩৩, ১০০, ছাদে স্বর্ধাস্ত ১৪৬, ২৬৬; ৯-১৬.

বাহির বাড়িতে: সন্মুখের বারান্দা ৬, ২৭, ১৮১, ২৮৮; দক্ষিণের বারান্দা ১৪, ২১, ৪০, ৮২; স্কুলঘরের বারান্দা ২৯, ৪০; হীস্কুলঘর বা পড়িবার ঘর ১৪, ১৫, ২৬, ৮৫, ২২৬; খড়খড়ে-দেওয়া বারান্দা ৬৯; চাকরদের মহল বা তোষাখানা ৯, ২০০, ২০১; কাছারিঘর ও দক্ষতরখানা ২৪, ২৫, ৮১; পিতৃদেবের তেতালার ঘর ১২, ৪০, ১৭৬; বারান্দা ১৭৬; তেতালার ছাদ ও ঘর ৫০, ১০৩, ১৩১, ১৩৫ ১৭৯, ২৩২, ২৩৩; নন্দনকানন ২৫৫; “আমার ছোটো ঘর” ১৬৬, কোণের ঘর ১৮২

অস্তঃপুরে: মায়ের ঘর ৭, ৬৮, তেতালার ঘর ১৭৬; সন্ধ্যা ও রাত্রি ৬৯, ২০২, ২০৩; উঠান-ঘেরা বারান্দা ৭, ৬৯; ভিতরের ছাদ ১১, ৭০, ১৮৫

ভিতরের বাগান ১২-১৩, টেকিঘর ১৩, গোলাবাড়ি ১৩; পুকুর ও চীনা বট ৯, ১৮১, ২২৮, ২৮৮; “রাজার বাড়ি” ১৪; উঠান ১৫; দালান ৫৪

বৈঠকখানাবাড়ি বা গুণেন্দ্রনাথের বাটী ৭৯, ২৪১; বারান্দা ও বাগান ৮০
জ্ঞানচন্দ্র ভট্টাচার্য— ৫২।১৪, ৭৫, জ্ঞানবাবু ৮২

জ্ঞানদানন্দিনী দেবী, মেজো বউঠাকরুন— বউঠাকরুন ১০৬; ১০৮; বউঠাকুরানী ১১১; ১৬৬, ১৬৬।১

‘জ্ঞানাস্কর’ [৩ প্রতিবিম্ব]— ৯২, ২৩৫, ২৩৬, ১৫৫

জ্যোতি:প্রকাশ গঙ্গোপাধ্যায়— ২৪ -

জ্যোতিরিন্দ্রনাথ ঠাকুর, জ্যোতিদাদা— “নূতন বধূসমাগম” বা বিবাহ ১১, ৬৯, জ্যৈদা ২০০; ৩৯।৪, ৬১; বিজ্ঞেন্দ্রনাথের পত্র ৭২।৭; ৭৮।১৩; অদ্ভুতনাট্য ৮১।৯, ২৩০; ৮৫, ৮৭-৮৮; স্মরণ-রচনা ৮৭, ১৩২, ২৩২, ২৩৩, ২৩৪; মাতৃভাষা-চর্চা ৯৭, ২৪৩;

স্বাদেশিক সভা ২৭, ২৫৩; সর্বজনীন পরিচ্ছদ ২৮-২২; শিকার ২২, ১৩৩;
 'ভারতী'-প্রকাশ ১০৩, ২৫৪-৫৫; :৩০; উৎসাহদাতা ৮৭, ১৩৩; 'এমন কর্ম
 আর করব না' ১৩৩; ১৫৫; গুণেন্দ্রনাথকে লিখিত পত্র ১২৮॥৪, ২২৩২;
 চন্দননগরে ১৪১; সদর স্ট্রীটে ১৪৬; দার্জিলিঙে ১৪৮; সাহিত্যিকদের পরিষৎ
 স্থাপনের কল্পনা ১৫৫ ও ২৭৮; স্বদেশী জাহাজ ১৭৪-৭৫; পিতৃস্মৃতি ২০২;
 'সরোজিনী' ২২৬-২৭; অক্ষয়বাবুকে April fool করা ২৩১; হিন্দুমেলা প্রসঙ্গে
 ২৪৭, ২৫০, ২৫১; বিদ্বজ্জনসমাগমে ২৬৫; 'পুরুবিক্রম'-পাঠ ২৬৬॥১; 'কালমৃগয়া'-
 অভিনয়ে ২৬৮; 'জ্যোতিদাদাকে উপহার' ['রুদ্রচণ্ড' নাটিকা] ২৭০

'জল্ জল্ চিতা ! দ্বিগুণ, দ্বিগুণ'— ২২৭

'ঝড় বাদলে আবার কখন'— ২২২

টনব্রিজ ওয়েল্‌স্— ১১৪

টর্কি নগর— ১১১, স্টেশন ১১৪

টাইগ্‌স্ পত্র— ২৭

টেন [Taine]— ২৬১

টেনিসন— ১০৬

টেবিল-চালা— প্র্যাঞ্জেট ৫; ১১৩

ডালহৌসি পাহাড়— ৬২, ২১০

ডিক্‌নাজ, বেঙ্গল একাডেমির অধ্যক্ষ— ৪১॥৪, ৪২॥৫

ডি পেনেরাণ্ডা, ফাদার— ৭২-৭৩

'ডুব দেওয়া'— ১৬২॥৩

ডেভনশিয়র— ১১১

ডেঙ্গুজর, কলিকাতায়— ৩১, ২১০

ড্রয়িং । ড্র মাস্টার

টেকিঘর— ১৩

তখনকার জীবনযাত্রা— ৮

'তত্ত্ববোধিনী পত্রিকা'— রবীন্দ্রনাথের বাল্যরচনা ২৩৬, ২৪০, ২৪১; পুনরুজ্জীবন-
 প্রসঙ্গে ২৫৪

তাঁতের কল । ড্র কাপড়ের কল

তারকনাথ পালিত, পালিতমহাশয়— ১০৯, ১১১, ১২০।২, ২৩১

তারা গয়লানী— ১১

তিনকড়ি, দাসী— ৬৯, ২০৩, ২১৪, ২১৫

তিনটি বালক [সোমেন্দ্রনাথ, সত্যপ্রসাদ, রবীন্দ্রনাথ]— ৫ ; “তিনজনের ডাক পড়িল”
৪০ ; তিনজনের উপনয়ন ৪৯, ২০৫ ; “তিন বটু” ৫০ ; রাত্রে এক বিছানায় ৬৯,
২০৩ ; ২৭২

‘তুমি বিনা কে প্রভু সংকট নিবारे’— ৬০

তেতালার ঘর— পিতৃদেবের ১২, ৪০, ১৭৬ ; তিন বটুর ৫০ ; জ্যোতিদাদার ১৩৫ ;
অন্তঃপুরের ১৭৬

‘তোমায় বিদেশিনী সাজিয়ে কে দিলে’— ১৩৯

‘তোমার গোপন কথাটি, সখী’— ১৩৯

থ্যাকারের বাড়ি— ১৭৯

দাদা । ড় সোমেন্দ্রনাথ ঠাকুর

দাদারা— ফারসি পড়া ৪৩, রবীন্দ্রের আশা ত্যাগ করিলেন ৭২, মাতৃভাবার চর্চা
৯৭, ২৪৩

দানাপুর— ৫৯

দার্জিলিঙ— ১৪৮, ১৫৯, ২৭৪

দাশরথি রায়, দাশু রায়— ১৯, পাঁচালি ৭১

দিক্শু ভট্টাচার্য [রবীন্দ্রনাথের ছদ্মনাম]— ১১৪।১৩

দিদিমা, মাতার খুড়ি— ৭, ২০২, ২০৩

দিয়াশালাই-কারখানা— ১০০, দেশালাইকাঠি ১৭৪

দিল্লিদরবার— ৯৭, ২১০ ; সম্বন্ধে কবিতা ২৫১

দীনবন্ধু মিত্র— ৭৬

‘দুই পাখি’— ১১।৩

‘দুই দিন’ বা ‘দুদিন’— ১১৪।১৩

‘দুঃখসঙ্গিনী’— ৯২, ২৩৫

‘দুঃস্বপ্ন আশা’— ১৮৬।৩

দূরসম্পর্কীয়া আত্মীয়া । ড় আত্মীয়া

দেওঘর— ১৬৬

‘দেখিছ না অগ্নি ভারত-সাগর’— ২৫১

‘দেখিলে তোমার সেই অভুল প্রেম-আননে’— ২৩১

দেবেন্দ্রনাথ ঠাকুর, পিতৃদেব বা পিতা— ১২, ১৯, ৩৮; চুঁচুড়ায় ৩৯, ৬১; ৪০, ৪৮-৬৬; রবীন্দ্রনাথকে প্রথম পত্র ৪৯; বাড়িতে ৪৯; গঙ্গায় বোট ৫১; উপাসনা ৫৪, ৫৭, ৬৪, ১৭৬; ধ্যান বা পূজা ২১৩; উপনয়নের মন্ত্রসংকলন ৪৯, ২০৫; প্রধান-আচার্য-রূপে উপদেশ ২০৭, ২১১; চরিত্রবৈশিষ্ট্য ৫৪-৫৫; বোলপুরে বা শান্তিনিকেতনে ৫৬-৫৯, ২১১, ২১২-১৩; পুত্রকে দায়িত্বে দীক্ষাদান ৫৮, ৬৩; অমৃতসরে ৬০, ৬২; জ্যোৎস্নালোকে ব্রহ্মসংগীতশ্রবণ ৬০-৬১; পার্ক স্ট্রীটে ৫৮, ৬৫; স্মৃতি ও ধারণা-শক্তি ৫৮-৫৯; স্টেশনে বিশেষ ঘটনা ৫৯; পুত্রকে পুরস্কার দান ৬১; বক্রোটায় ৬০-৬৬, বক্রোটা হইতে রবীন্দ্রনাথ সম্বন্ধে পত্র ৬২১১২; পুত্রের অধ্যাপনা ৬১-৬২, ৬৪, ৬২১১২, ৬৪১১৬, ২১১; পুত্রকে জ্যোতির্বিজ্ঞান দান ৬৩, ২১৩; ছুঁপানশক্তি ৬৪; পুত্রকে স্বাতন্ত্র্যে দীক্ষাদান ৫৬, ৬৫-৬৬; পুত্রের সহিত কোঁতুকের গল্প ৬৬; ‘আশনাল পেপার’ ২৫১৩, ২৪৪; স্বাদেশিকতা ২৭, ২৪৩; রবীন্দ্রনাথের বিলাতযাত্রায় সম্মতি ১০৬, প্রত্যাবর্তনের আদেশ ১১৪, ১৩৮; দ্বিতীয় যাত্রার অনুমতিপত্র ২৬৯; মসুরিতে ১৩৮; সংগীতশ্রীতি ২১৪, নির্দোষ আনন্দপ্রমোদে উৎসাহবাক্য ২৩০; ২৩৫; পঞ্জীর মৃত্যুতে ১৭৬, ২৮৪-৮৫

দ্বারকানাথ ঠাকুর, পিতামহ— ৪০, স্বাদেশিকতা ২৪৩, ২৬৫, ২৬৮

দ্বিজেন্দ্রনাথ ঠাকুর, বড়দাদা— ২৯, সেঘদূত-আবৃত্তি ২১; ৬৬, ৭১-৭২; জ্যোতিরিন্দ্রনাথকে লিখিত পত্র ৭২১৭; ৭৭; কোঁতুকনাট্য ৮০, ২৩০; ‘স্বপ্নপ্রয়াণ’-রচনা ৮২-৮৩; ‘ভারতী’-সম্পাদক ১০৩, ২৫৪, ২১৫; বঙ্কিম-সকাশে ১৭১১১০; ২০৪, ২০৯; হিন্দুমেলায় সম্পাদক ২৪৪, ২৪৫, ২৪৬, ২৪৭; বিদ্বজ্জনসমাগমে ২৬৬, সারস্বত সমাঙ্গে ২০০, রবীন্দ্র-বিবাহে ‘যৌতুক কি কোঁতুক’-উৎসর্গ ২৮১ “দ্বিরেফ”— ২৫

‘ধ্বনি’— ১২১৬, ২০১

নগেন্দ্রনাথ গুপ্ত, নগেনবাবু— ২৮০১২

নগেন্দ্রনাথ ঠাকুর, ছোটোকাঁকা— ২৪৩

নন্দনকানন— ২৫৫

নবগোপাল মিত্র— ‘আশনাল পেপার’-এর এডিটর ২৫, হিন্দুমেলায় কর্মকর্তা বা

- সহকারী সম্পাদক ২৭, ২৭১১, ২৪৪, ২৪৫, ২৪৬, ২৪৭; নবগোপালবাবু
২৫০; ২৫৩
- ‘নবজীবন’— ২৫১৮, ১৭০, ১৭১১২, ২৪২
- ‘নবনাটক’— ৭২, ২২২, ২৩০
- নবীনচন্দ্র মুখোপাধ্যায়— ২২১৩
- নবীনচন্দ্র সেন— ২৭, ২৫১
- ‘নবীন তপস্বিনী’— ২৪১
- ‘নব্য হিন্দু সম্প্রদায়’— ১৭২১১৮
- ‘নয়ন তোমারে পায় না দেখিতে’— ৬১
- নরকঙ্কাল— ২৬
- ‘নরনারী’— ১১১৩
- ‘নর্গান জাতি ও অ্যাংলো-নর্গান সাহিত্য’— ২৬২
- নর্দাল স্কুল— ২১-২২, ২৬, ৩৩, হুইকলে কবিতা ৩৪-৩৫, পালাশেখ ৪০, ৪১, ৭০,
১৫২, “ইস্কুল” ১৮১, ২০১
- ‘নর্দাল তিমিগঞ্জের বিবরণ’— ৭৭
- নাট্যশালা, জোড়াসাঁকো— ৭২, ২২২, ২৩০
- নামকরণ, রবীন্দ্রনাথের— ১২২
- ‘নামের খেলা’— ৪৪১২
- নিউকোথ — ১৫১১১৪, ২৭৭
- নিধুবাবু [রামনিধি গুপ্ত]— ৮৫, ১৩২
- ‘নিভৃতনিকুঞ্জগৃহং গতয়া’— ৫১
- ‘নির্ব্বরের স্বপ্নভঙ্গ’— ১৪৭, ১৪৭১৪, ১৫২১১১, ২৭৪, ২৭৭-৭৮
- নিশিকান্ত চট্টোপাধ্যায়— ২৫
- ‘নিশিদিশি দাঁড়িয়ে আছ’— ১০
- ‘নিশ্চয়’— ১৫২
- নীতিকবিতা— ৩৫
- ‘নীতিশতক’— ২৬২
- নীরদ, সহপাঠী— ৭৩
- ‘নীরব রজনী দেখো মগ্ন জোছনায়’— ১০৭১৫, ২৬১
- নীলকমল ঘোষাল, পণ্ডিতমহাশয়— ১৬১১৩, ২৬, ৪০-৪১, ৬২

নীলকাগজের খাতা, নীল খাতা— ২৪, ৩৪, ৫২, ২০০

নীলস্নান, মাদাম— ১২৮

নেয়ামত খলিফা, দরুজ্জি— ৮

‘নৈবেদ্য’— ১৬২॥১৩

‘শ্রাশনাল পেপার’— ২৫, প্রথম প্রকাশ ২৪৪

শ্রাশনাল মেলা— ২৪৬, ২৫১। ড্র হিন্দুমেলা

‘পঞ্চভূতের ডায়ারি’— ১২১

পণ্ডিতমশায়— ১৮১। ড্র নীলকমল ঘোষাল ও রামসর্বস্ব পণ্ডিতমহাশয়

‘পততি পতত্রে বিচলতি পত্রে’— ২৭

‘পত্র। শ্রীমান দামু বসু এবং চামু বসু সম্পাদক সমীপেবু’— ১৭১॥১৭

‘পত্র। সুহৃদ্বর শ্রীযুক্ত প্রিঃ ফুলচরবরেষু’— ১৭১॥১৪

পত্র বা পত্রাংশ, উদ্ভূত :

জ্যোতিরিন্দ্রনাথ— গুণেন্দ্রনাথকে রবীন্দ্রের বক্তৃতা বিষয়ে ১৩৮॥৪, ষিয়েটার

প্রসঙ্গে ২২৯॥২

দেবেন্দ্রনাথ [মহর্ষি]— গুণেন্দ্রনাথকে নাট্যাভিনয় প্রসঙ্গে ২৩০ ;
রবীন্দ্রনাথকে শ্রীকৃষ্ণ সিংহের পরলোকগমনে ২০৪, দ্বিতীয়বার বিলাতবাত্রায়
অনুমতি ২৬৯ ; রাজনারায়ণকে বালক রবীন্দ্র সঙ্কে ৬২॥১২, ৬৬॥১২, ৭২॥৯

দ্বিজেন্দ্রনাথ— জ্যোতিরিন্দ্রনাথকে বালকদের পড়াশুনা প্রসঙ্গে ৭২॥৭ ;
রবীন্দ্রনাথকে ২০৪

বীরচন্দ্রমাণিক্য— রবীন্দ্রনাথকে ‘মুকুট’ ও ‘রাজর্ষি’ প্রসঙ্গে : ৮৩-৮৪

রবীন্দ্রনাথ— ইন্দিরা দেবীকে বোলপুর-ভ্রমণ-বৃত্তান্ত ২০২-১০, রূপকথা প্রসঙ্গে
২:৪-১৫, প্রিয়নাথ সেন সঙ্কে ২৭৩-৭৪ ; কিশোরীমোহন সঁাতরাকে জন্ম-তারিখ
প্রসঙ্গে ১৯৮ ; চারুচন্দ্র বন্দ্যোপাধ্যায়কে ‘জীবনস্মৃতি’ সম্পর্কে ১৯১-২২ ;
প্রিয়নাথ সেনকে সারস্বত সমাজ প্রসঙ্গে ২৮০-৮১, বিবাহে নিমন্ত্রণ ২৮১ ;
বীরচন্দ্রমাণিক্যকে ‘রাজর্ষি’ প্রসঙ্গে ২৮২-৮৩ ; রামানন্দ চট্টোপাধ্যায়কে
‘জীবনস্মৃতি’ সম্পর্কে ১৯২-৯৪ ; সজনীকান্ত দাসকে প্রথম গল্প প্রবন্ধ প্রকাশ
প্রসঙ্গে ২৪১-৪২ ; অন্তর্জীবন প্রসঙ্গে ১৯৫ ; পুনরায় জন্মগ্রহণ প্রসঙ্গে [ইন্দিরা
দেবীকে] ২৭২-৭৩ ; ‘প্রভাতসংগীত’ সঙ্কে [ইন্দিরা দেবীকে] ১৫১ ; বাল্যস্মৃতি
প্রসঙ্গে [ইন্দিরা দেবী ও রানী মহলানবিশকে] ১৯৯-২০১ ; তৃতীয়বার

বিলাত-যাত্রা-কালে ২৭০-৭১, প্রত্যাবর্তন উপলক্ষ্যে ২৭১-৭২ ; 'ভগ্নহৃদয়' সম্বন্ধে
১২২, ২৬৩-৬৪ ; হিমালয়দর্শন প্রসঙ্গে ২১৩-১৪

'পঞ্চপ্রাস্তে'— ১৭৮॥৬

'পঞ্চিক'— ২৬৯

'পদার্থবিজ্ঞান'। দ্র পাঠ্যপুস্তক

'পল বর্জিনিয়া' [পোল ভর্জিনি]— ৭৭॥১১

পাঁচালি গান— ১৯, ৭১

পাঠশালা, চণ্ডীমণ্ডপের— ৫১৩, ১৯৯

পাঠানকোট— ২১৪

পাঠ্যপুস্তক, রবীন্দ্রনাথের :

'উপক্রমণিকা'— ৬১, ৬৪

'ঋজুপাঠ', দ্বিতীয় ভাগ— ৬১, ৭১

'কুমারসম্ভব'— ৫১-৫২, ৭৫, ৮৯

'চারুপাঠ'— ২৬

জ্যামিতি— ৪০

'পদার্থবিজ্ঞান'— ২৬, ৪০

প্যারি সরকারের প্রথম-দ্বিতীয় ইংরেজি পাঠ— ২৯

প্রকৃটের জ্যোতিষগ্রন্থ— ৬২, ৭০

'প্রাণিবৃত্তান্ত'— ২৬, ৩৪

'বর্ণপরিচয়', প্রথম ভাগ— ৫১৪

বস্তুবিচার— ২৬

'বোধোদয়'— :৬

ব্যাকরণ— ৭০, ৭৫

'ব্রাহ্মধর্ম'— ৬২॥১২

'ভিকর অফ ওয়েক্‌ফীল্ড'— ৮৯

'মকলক্‌স্ কোর্স্ অফ রীডিং'— ২৯

'মুগ্ধবোধ'— ২৭, ৬১

'মেঘনাদবধকাব্য'— ২৬, ৪০, ৪১

'ম্যাক্‌বেথ'— ৭৫

ল্যাটিন ব্যাকরণ— ৪২

‘শকুন্তলা’— ৭৫

‘শিশুবোধক’— ১৯৯১

Peter Parley’s Tales— ৬১

পাঠ্যপুস্তক-নির্বাচনসমিতি— ১৫৬

পাণ্ডুলিপি [জীবনস্মৃতির], উদ্ধৃতাংশ— ৫১১, ২২১২, ২৬১৪, ৩২১১+২, ৪৮১২, ৬৪১১৬, ৭১১৬, ৭৫১১+২, ৭৮১১৩, ৮৫১৪, ৮৮১১, ৯২১২+৭, ১৪৭১৪, ১৪৯১৭, ১৫২১১১, ১৫৩১১৪ ; সূচনাংশ ১৯৪-৯৮, হরনাথ পণ্ডিত প্রসঙ্গে ২০১, সন্ধ্যায় অন্তঃপুরে ২০৩, ইস্কুলত্যাগ প্রসঙ্গে ২১৫, ‘ম্যাকবেথ’এর অনুবাদ প্রসঙ্গে ২২২, মণ্ডনারীর গল্প ২২৯১, গীতচর্চা প্রসঙ্গে ২৩১-৩৩, স্বাদেশিকতা প্রসঙ্গে ২৪৩-৪৪, ‘কবিকাহিনী’ ও ‘প্রভাতসংগীত’এর সমালোচনা প্রসঙ্গে ২৫৬, আমেদাবাদ-বাস প্রসঙ্গে ২৬১-৬২, ‘ভগ্নহৃদয়’ সম্বন্ধে ২৬৩-৬৪, ‘সন্ধ্যাসংগীত’ প্রসঙ্গে ২৬৮-৬৯, গঙ্গাতীর ২৭০-৭৩, ‘প্রভাতসংগীত’ সম্বন্ধে ২৭৬-৭৮

পাণ্ডুলিপি, সারস্বত সমাজ সম্বন্ধে— ২৭৮-৮০

পারমার্থিক কবিতা বা ঈশ্বরস্তুতি— ৩৬, ৬১

‘পারুল উপস্থাপন’— ২২৯১

পার্ক স্ট্রীট— ৫৮, ৬৫

পিতা, পিতৃদেব। ড্র দেবেন্দ্রনাথ ঠাকুর

পিতামহ। ড্র দ্বারকানাথ ঠাকুর

‘পিতৃস্মৃতি’, উদ্ধৃতি— সোদাগিনী দেবীর ১৯৯ ও ২৮৪-৮৫

‘পিতৃদেব সম্বন্ধে আমার জীবনস্মৃতি’— ২০২

‘পিত্রীর্কা ও লরা’— ২৬২

পুকুর, ঘাটবাঁধানো— ৯-১০, ১৮১, ২২৮, ২৮৮

‘পুনর্গিলন’— ১৫৫, ১৪১১২, ১৫৩১১২, ২০১

পুনা, স্টীমার— ১০৮১২

‘পুত্রবিক্রম নাটক’— ৯৭১২, ১০১১১৩, ২৬৬১১

‘পুরানো বট’— ৫১২, ১০১২, ২০১

পুলিসম্মান— ৬-৭, ৯৩

‘পুষ্পাঞ্জলি’— ১৭৭১৫.

‘পূর্ণিমায়’— “যে-কবিতাটি” ১৫৮-৫৯, ১৫৮১১

পূর্বজন্মের সস্তান [কালনিক]—১৬৭

‘পৃথ্বীরাজের পরাজয়’—৫২, ২০৯, ২১০

পেনেট— গঙ্গাতীরে বাস ৩১-৩৩, বাগানে ২০০, লালা(গ)বাবুদের বাগানে ২১০

পেশোয়ার—৬৫

পোপ, ইংরেজ কবি—১২৪

‘পৌলবর্জিনী’—৭৭

প্যারীচরণ সরকার—২৯, ২৪৫, ২৬৬

প্যারী, দাসী—৬৯, ১৮১, ২০৩

‘প্রকৃতির খেদ’—২৪০, ২৪১

‘প্রকৃতির প্রতিশোধ’—১৬১-৬২

প্রক্টরের জ্যোতিষগ্রন্থ। দ্র পাঠ্যপুস্তক

‘প্রচার’—১৭১, ১৭২

‘প্রতিধ্বনি’—১৪৯-৫১, ২৭৪-৭৭

প্রতিভাসুন্দরী দেবী, প্রতিভা—১৩১, বিবাহ ১৮৪৩, ২১৪, ২৩৩, ২৪১, ২৬৭

‘প্রথম শোক’—১৭৭৥৫

প্রবোধচন্দ্র ঘোষ—‘একটি বন্ধু’ ৯২, ‘পূর্বলিখিত বন্ধু’ ৯৪, ‘উৎসাহী বন্ধু’ ১০৪

‘প্রভাত-উৎসব’—১৪৮৥৫

‘প্রভাতসংগীত’—১৩৫, ১৪৬-৫৩, ২০১, ২৭৪-৭৮ ; ‘নিব্বরের স্বপ্নভঙ্গ’ ১৪৭, ২৭৪, ২৭৭-৭৮ ; ‘প্রভাত-উৎসব’ ১৪৮, ২৭৪ ; ‘প্রাত্ধ্বনি’ ১৪৯-৫১, ২৭৪-৭৭ :

‘প্রভাতসংগীত’ সম্বন্ধে পত্র ১৫১ ; ১৬৪, ২৫৬ ; ‘এডুকেশন গেজেট’এ সমালোচনা ২৫৭-৬১ ; ‘অনন্তমরণ’ ২৮০

‘প্রভাতী’, ‘শৈশবসংগীত’— ২৬৩৥৩

‘প্রলাপ’—২২৥২, ২৩৫

প্রহসন— বিনা স্টেজে অভিনয় ৪৪-৪৬, বিলাতে ১১৫-১৮

প্রাইজ-লাভ সম্পর্কে মন্তব্য—৮১

‘প্রাচীন কাব্যসংগ্রহ’—৭৭, ৯৪, ৯৫

‘প্রাণ’—১৮৥৫

‘প্রাণ তো অস্ত হল’—৭১

‘প্রাণীবৃত্তান্ত’। দ্র পাঠ্যপুস্তক

প্রিয়নাথ সেন, প্রিয়বাবু—১৪৫, ১৬৮, ২৫৬, ২৭৩-৭৪ ; রবীন্দ্রনাথের পত্র ২৮০, ২৮১

“প্রোফেসর”, ম্যাজিকের। ড হরিশচন্দ্র হালদার
প্ল্যাফোর্ট— ৫, টেবিল-চালা ১১৩

ফরাসি-বিপ্লব— ১২৪

ফোর্ট উইলিয়ম— ৫১

ফ্রী-স্কুল— ১৪৭

ফ্র্যাঙ্কলিন, বেঞ্জামিন— ৬১, ৬৪॥১৬

ফ্লোটিলা কোম্পানি— ১৭৪॥৪

বউঠাকরন, বউঠাকুরানী। ড কাদম্বরী দেবী ও জ্ঞানদানন্দিনী দেবী
‘বউঠাকুরানীর হাট’— ৩৭॥২, ১৪৬

বক্রোটায়ে— ৬৩-৬৬

বঙ্কিমচন্দ্র চট্টোপাধ্যায়, বঙ্কিমবাবু বা বঙ্কিম— ‘বঙ্গদর্শন’-প্রকাশ ৭৭; রবীন্দ্রকে
মালায়দান ১৪৪; সারস্বত সমাজের সভ্য [সহযোগী সভাপতি] ১৫৫, ২৮০ ,
প্রথম দেখা ১৬৯-৭০; হাওড়ায় ১৭০; “বঙ্গদর্শনের পালাশেব” ১৭১; ভবানীচরণ
দত্ত স্ট্রীটে ১৭১; শশধর তর্কচূড়ামণি ও বঙ্কিম ১৭১; রবীন্দ্রকে পত্রলিখন
১৭২; ১৬৯॥১, ১৭১॥৭+১১; মাঘোৎসবে যোগদান ১৭১॥১০; ‘বাল্মীকি-
প্রতিভা’র অভিনয়-দর্শন ২৩২, ২৩৩, ২৬৭; বিদ্বজ্জনসমাগম উপলক্ষ্যে ২৬৬, ২৬৭

‘বঙ্কিমচন্দ্র’— ১৭৪॥৭, ২২৯॥১

‘বঙ্গদর্শন’— ৭৭, ‘স্বপ্নপ্রয়াণ’-প্রকাশ ৮২॥১১, ৮৫, ১৭১, ২৫৪, ২৫৫, ‘বাল্মীকি-
প্রতিভা’র উল্লেখ ২৬৭

বঙ্গলক্ষ্মী, জাহাজ— ১৭৪॥৫

‘বঙ্গসুন্দরী’— ১৩৬

বঙ্গীয়-সাহিত্য-পরিষদ— ১৫৫॥২

বড়দাদা। ড দ্বিজেন্দ্রনাথ ঠাকুর

বড়দিদি। ড সৌদামিনী দেবী

‘বধু’, ‘আকাশপ্রদীপ’— ৫॥৫

‘বনফুল’— ৯২॥২, ২৩৫

‘বন্দে বাল্মীকিকোকিলং’— ১৩৮

‘বরুফ পড়া’— ১০৮॥৫

‘বরাহনগর’— ১৮

‘বরিশালের পত্র’— ১৭৪৥৬

বর্ণকুমারী দেবী, ছোড়দিদি— ৬৯

‘বর্ণপরিচয়’, প্রথম ভাগ— ৫৥৪, উদ্ধৃতি ২:৪

‘বর্ষার চিঠি’— ১৮২৥১, ২৮৭-৮৮

‘বলি ও আমার গোলাপবালা’— ১০৭, ২৬১

‘বলিহারি তোমারি চরিত মনোহর’— ২০৮৥১

বলেন্দ্রনাথ ঠাকুর, বলেন্দ্র— ১৬৬

বসন্তরায় [‘বৌঠাকুরানীর হাট’]— ৩৭৥২

‘বস্তুবিচার’। দ্র পাঠ্যপুস্তক

বাউল গান, ‘খাঁচার মাঝে অচিন পাখি’— ১৪০

‘বাংলা উচ্চারণ’— ১২০৥৩

বাগান, বাড়ির ভিতরে— ১২-১৩

‘বান্ধব’— ‘কবিকাহিনী’র সমালোচনা ২৫৬, ‘রুদ্রচণ্ড’ নাটিকার সমালোচনা ২৫৭

বায়ুরন— ১২৩, ১২৪, ১৭০, ২৩১

বার্কলি— ২৬১

বার্কার ও বার্কার-জায়া— ১১১

বার্ষিক সম্মিলনী, বিশ্ববিদ্যালয়ের পুরাতন ছাত্রদের— ১৬৯

‘বালক’, ‘ছড়ার ছবি’— ১৯৥২

‘বালক’, সচিত্র মাসিকপত্র— ১৬৬, ‘ভারতী’র সহিত যুক্ত ১৬৬৥২, ‘বর্ষার চিঠি’ ২৮৭-৮৮

‘বালা খেলা করে টাঁদের কিরণে’— ৯০

‘বালিকা-প্রতিভা’— ২৬৭

বাল্মীকি— ৭১, ৯০

‘বাল্মীকি প্রতিভা’— ১৩০-৩১, ১৩২, ২৩২, ২৫৩, ২৬৬-৬৭

‘বাল্মীকির জয়’— ২৬৭

বি. এ. সমালোচক— ৯৩

‘বিক্রোমোর্বশী’— ৭৯

বিজ্ঞানশিক্ষা, যন্ত্রতন্ত্রযোগে— ২৬

বিদ্যাপতি— ৭৮, ৯৫, ১৪১, ২৪১

‘বিদ্যাপতির পরিশিষ্ট’— ৭৮৥১৪

বিদ্যাসাগর। দ্র ঈশ্বরচন্দ্র বিদ্যাসাগর

বিদ্বজ্জনসমাগম— ১৩১, ১৩২।১০, ২৩৩, ২৪১, ২৬৫-৬৬, ২৬৭, ২৬৮

বিধবা, ইঙ্গভারতীয় [Mrs. Wood]— ১১৫-১৮

বিবাহ, রবীন্দ্রনাথের— ১৬৩, নিমন্ত্রণপত্র, ২৮১, দ্বিজেন্দ্রনাথের 'উৎসর্গ' ২৮১-৮২

'বিবিধ প্রসঙ্গ'— ১৪৬, ১৫৩

'বিবিধার্থসংগ্রহ'— ৭৬, ২২৯।১

'বিন্মাত্রীচে, দাস্তে ও তাঁহার কাব্য'— ২৬২

বিলাত— যাত্রার প্রস্তাব ১০৬, যাত্রা ১০৮; 'বিলাতযাত্রার পত্র' ১০৮; ব্রাইটনে

১০৮-০৯, ১২৮; লণ্ডনে: রিজেন্ট উদ্যানের সম্মুখের বাসা ১০৯-১০, বার্কীর-

পরিবারে ১১১, স্কট-পরিবারে ১১২-১৪; টর্কি (ডেভনশায়ার) নগরে ১১১-১২,

'মগ্নতরী' ['ভগ্নতরী'] রচনা ১১২; টনব্রিজ ওয়েল্‌স্ ও টর্কি স্টেশনের ঘটনা

১১৪; বিলাপ-গানের প্রহসন ১১৫-১৮; লণ্ডন য়ুনিভার্সিটিতে পড়া ১১৫, ১২০

ব্যারিস্টারির আয়োজন ১৩৮, মহর্ষির পত্র ২৬৯, দ্বিতীয়বার যাত্রা ১৩৮,

১৪১, ১৮৭; বিদায়ের আগে জ্যোতিদাদাকে 'উপহার' ২৬৯-৭০

'বিষবৃক্ষ'— ৭৭

বিষ্ণুচন্দ্র চক্রবর্তী, বিষ্ণু— ২৬, ৪৩, ২০৩

বিহারীলাল চক্রবর্তী— ৭৭, ৯০-৯১, ১৩২, ১৩৬, ২৩২, ২৩৩, ২৩৪-৩৫, ২৫৫

'বিহারীলাল'— ৯০।৩

'বীথিকা'— ১৪১।৩

বীরচন্দ্রমাণিক্য, মহারাজ— ১২২, ২৬৪-৬৫, 'রাজর্ষি' প্রসঙ্গে পত্রবিনিময় ২৮২-৮৪

বীরেন্দ্রনাথ ঠাকুর, নদাদা— ১৬৬।৪

'বৃষ্টি পড়ে টুপুরুটাপুর'— ৬

বেঙ্গল একাডেমি— ৪১-৪৩, ৫৪, ৭২; ছুই-একটি ছাত্র ৪৪-৪৬

বেচারাম চট্টোপাধ্যায়, বেচারামবাবু— ৫০

বেঞ্জামিন ফ্র্যাঙ্ক্লিন। ড্র ফ্র্যাঙ্ক্লিন

'বেতাল-পঞ্চবিংশতি'— ২২৯।১

বেথুন-সোসাইটি— ১৩৮

বেদাস্তবাগীশ। ড্র আনন্দচন্দ্র ভট্টাচার্য

বেহুাম— ১২৬

বেলগাছির বাগান— ২৪৩, বেলগাছিয়া ভিলা ২৪৪

'বৈজ্ঞানিক সীতানাথ'— ২০২

বৈঠকখানাবাড়ি, গুণেন্দ্রনাথের বাটা— ৭২, ২৪১

‘বৈরাগ্যসাধনে মুক্তি সে আমার নয়’— ১৬২

‘বৈষ্ণব কবির গান’— ১৭০॥৬, ১৭১॥২

বৈষ্ণব পদকর্তা— ৮৫, পদাবলী ১৩৯

‘বোধোদয়’। জ পাঠ্যপুস্তক

বোপদেব— ২৭

বোম্বাই— ১০৮, ১৫৮, ২৬২-৬৩

বোলপুর [শান্তিনিকেতন]— স্থিতি ৫৫-৫৯, ২০২-১৩; “অদ্ভুত রাস্তাটা” ৫৬;

খোয়াই ৫৬, ৫৭, ২১০, ২১১-১২; “পাহাড়” ৫৭, ছাতিমতলা ২১২, ২১৩;

মন্দির ৫৮; ‘পৃথ্বীরাজের পরাজয়’-রচনা ৫৯, ২০২-১০; ‘ভগবদ্গীতা’র

শ্লোক-কপি ৫৯, ২১৩

‘ব্যঙ্গকাব্য’— ১৭১

ব্রজনাথ দে, ব্রজবাবু— ৮২, ৯২, ১০০

ব্রজেশ্বর— ১৮।১

ব্রহ্মসংগীত— ৩৯, ৬০, ৭২

ব্রাইটন— ১০৮, ১২৮

‘ব্রাহ্মধর্ম’। জ পাঠ্যপুস্তক

ব্রাহ্মসমাজ, আদি— ছাপাখানা ৪৪; রবীন্দ্রনাথের সম্পাদকত্ব ৬৫, ৬৫।১৭

‘ভগবদ্গীতা’— ৫২, ২১৩

‘ভগ্নতরী’— ১১২।১১

‘ভগ্নহৃদয়’— ১২২, ১৪৫, ২৬৩-৬৫

ভবভূতি— ২৭

ভবানীচরণ দত্ত স্ট্রীট— ১৭১

‘ভবিষ্যতের রঙ্গভূমি’— ১৭১।২

‘ভরাবাদের মাহভাদর’— ১৪১

ভাল্লুসিংহ [ঠাকুর] ও তাঁর কবিতা— ৯৪-৯৫, পদাবলী ১০০।১১, ২৪২, ২৬৯

‘ভাল্লুসিংহ ঠাকুরের জীবনী’— ৯৫।৮, ১৭০।৬, উদ্ধৃতাংশ ২৪২

‘ভাবো শ্রীকান্ত নরকান্তকারীরে’— ৭১

ভারত, জাহাজ— ১৭৪।৫

ভারতচন্দ্র— ৮৫

'ভারতী'— প্রকাশ ১০৩, ২৫৪-৫৫; ভানুসিংহের কবিতা ৯৫, ২৪২; সম্পাদক-
চক্র ১০৩, ২৫৪-৫৫; 'মেঘনাদবধ' কাব্যের সমালোচনা ও 'কবিকাহিনী' ১০৩,
রবীন্দ্রনাথের বাল্যরচনা ১০৪-০৫, 'মদন ভঙ্গ' ২১৫, 'ম্যাকবেথ'-অনুবাদ ২২২;
১০৬; বিলাত-যাত্রার পত্র ১০৮; 'নির্ঝরের স্বপ্নভঙ্গ'-প্রকাশ ১৪৭১; ;
রাজেন্দ্রলালের 'ঘমের কুকুর' ১৫৬; বঙ্কিমচন্দ্রের সহিত বিরোধ ১৭২; 'পুষ্পাঞ্জলি'
ও 'কোথায়'-প্রকাশ ১৭৭১; ; যুরোপীয় সাহিত্য সম্বন্ধে প্রাথমিক রচনা ২৬২;
২৮০, ২৮১

'ভারতীর ভিটা'— ২৫৪-৫৫

'ভালোমাল্লব'— ৩৫১২

'ভিকর্ অফ ওয়েকফীল্ড'। ড্র পাঠ্যপুস্তক

ভিক্টর হিউগো— ২৫৭, ২৫৯

'ভিখারিনী'— ২৫৫১১

'ভুবনমোহিনী প্রতিভা'— ৯২

'ভুবনমোহিনী প্রতিভা, অবসরসরোজিনী ও ছঃঃসঙ্গিনী', প্রথম মুদ্রিত গল্প প্রবন্ধ—
২২১৭, উদ্ঘৃতাংশ ২৩৫-৩৬

ভুবনসিঃহ, রায়পুরের— ২১২

ভূমিকা, জীবনস্মৃতির। ড্র স্থচনা

ভূদেব মুখোপাধ্যায়, ভূদেববাবু—৯২, ২৫৬, 'প্রভাতসংগীত' সম্বন্ধে মন্তব্য ২৫৭-৬১

'ভূভূবঃ স্বঃ'— ৫০, ২১১

'ভৌগোলিক পরিভাষা'— ১৫৫১৫

"ব্রাস্তিবিলাস"। ড্র প্রহসন

'মকলক্‌স্ কোর্স্ অফ রীডিং'। ড্র পাঠ্যপুস্তক

'মগ্নতরী'— ১১২

মজলিস, সেকালের সামাজিকতা— ৮৩

মৎস্তনারীর গল্প— ২২৯১১

'মথুরায়'— ১৭১১৮

'মদন ভঙ্গ'— ৭৫১১, ২১৫, রবীন্দ্রনাথ-কৃত অনুবাদ ২১৬-২২

মধুকানের গান— ২০০, ২০১

- মধুসূদন বাচস্পতি— ২৩, ৮১৥১০
 'মন্দঃ কবিশশঃপ্রাধা'— ৯১
 'মন্দাকিনীনিবাসীকরাগাং'— ৫২
 মন্দির, শাস্তিনিকেতন— ৫,
 'ময় ছোড়ো ব্রজকি বাসরী'— ৩৮, ২০৪
 মবুলি, হেনরি— ১২০৥১
 'মরিতে চাহি না আমি স্তম্ভর ভুবনে'— ১৮৩, ১৮৪
 মহানন্দ মুনশি— ৪৯, সম্পর্কে রবীন্দ্রনাথের ছড়া ২০৪
 'মহাভারত', কাশীরাম দাস— ১৯, ৫৫, ২২৯
 মহেন্দ্রচন্দ্র নন্দী— ২৪৭
 মা, মাতা। জ সারদা দেবী
 মাইকেল [মধুসূদন দত্ত]— ২৫৬
 মাঘোৎসব— ১৫, উপলক্ষ্যে গীতরচনা ৬১, অল্পকরণে খেলা ২৩১
 'মাতঃ, পুণ্যময়ী মাতৃভূমি'— ২৮৬
 'মাতৃবন্দনা'— ২৮৫-৮৭
 মাধবচন্দ্র মুখোপাধ্যায়, মাধব গোসাঁই— ৫৥২
 'মানসী'— ১৮৬৥৩
 মানিকতলা— ৯৯, ১৫৫, ২৫৫
 মাল্লাজ— ১৩৮
 'মায়ার খেলা'— ১৩২
 মাসিকপত্র সম্পর্কে রবীন্দ্রনাথ— ৭৭
 মাস্টার, ড্রইং ও জিমনাস্টিকের— ২৬
 "মাস্টারি করিতাম" [ছাত্রাবস্থায়]— ২১
 মিল, জন্ স্টুয়ার্ট— ১২৬
 মিল্টন— ১২৩, ২৫৬
 'মিলে সবে ভারতগস্তান'— ৯৭, ২৪৬৥২
 'মীনগন হীন হয়ে ছিল সরোবরে'— ৩৪
 'মুকুট'— ২৮৩
 'মুক্তকুস্তলা'— ৪৪৥১০
 'মুক্তবোধ'। জ পাঠ্যপুস্তক

মুনশি— ৪৩

‘মুনশী’— ৪১৥৪, ৪৩৥৬

মুলাজোড়— ৫১

মৃগালিনী দেবী— ১৬৩৥৪, “স্বীর পাদোদক” ১৬৭ ; ২৮১, “স্বর্ণ-মৃগালিনী” ২৮২

‘মেঘদূত’— “শৈশবের মেঘদূত” ৬ ; ৫১

‘মেঘনাদবধ কাব্য’— রবীন্দ্রনাথ-কৃত সমালোচনা ১০৩৥২ । দ্র পাঠ্যপুস্তক

মেজদাদা । দ্র সত্যেন্দ্রনাথ ঠাকুর

মেজোবউঠাকরুন । দ্র জ্ঞানদানন্দিনী দেবী

মেডিকেল কলেজ— ২৭, শবব্যবচ্ছেদের ঘরে ২৮-২৯, কলেজ-হলে প্রবন্ধপাঠ ১৩৮, ২৪৩

মেডিকেল স্কুল, ক্যাষেল । দ্র ক্যাষেল মেডিকেল স্কুল

মোরান সাহেবের বাগান— ১৪১

মোহিতচন্দ্র সেন, মোহিতবাবু— ১৩৫, ১৫২, ১৫৯, ২৬৯৥১

‘ম্যাক্বেথ’— পাঠ ও ছন্দে তর্জমা ৭৫, উদ্ভূত অম্ববাদ ২২২-২৬ ; ২৩৯৥১

ম্যাজিক— ৪৪

‘ম্যাজিসিয়ান’— ৪৪৥৮

ম্যার, কবি— ১৩০

যজ্ঞেশপ্রকাশ গঙ্গোপাধ্যায়— ২৪৬

যদুভট্ট— ৬৮৥৩

‘যমের কুকুর’— ১৫৬

‘যাই যাই ডুবোথ্যাই’— ১৫৯

যোগীন্দ্রনাথ সমাদ্দার— ২০২

যোগেন্দ্রনাথ ঘোষ— ৭৭৥৯

যোগেন্দ্রনাথ বন্দ্যোপাধ্যায়— ৯০৥৪

যোগেশচন্দ্র বন্দ্যোপাধ্যায়— ৯২৥১, ২৩৫

‘যৌতুক কি কোঁতুক’— ২৮১

মুনিভাগিটি বা মুনিভাগিটি কলেজ, লণ্ডন— ১১৫, ১১৬, লাইব্রেরিতে ১২০-২১,

১২০৥১

‘মুরোপ-প্রবাসীর পত্র’— নিশিকাস্তুর ৯৫৥৬

রবীন্দ্রনাথের ১০৮৥২ + ৩ + ৪, ১১১৥২ + ১০, ১১২৥১২, ১১৬৥১৪, ২৮১

‘মুরোপ-বাত্রী কোন বঙ্গীয় যুবকের পত্র’— ১০৮৥৩

‘মুরোপ-বাত্রীর ডায়ারি’— ২৭২৥১

মুরোপীয় ও ইংরেজি সাহিত্য— ১২৩-২৫, সাহিত্যে নাস্তিকতা ১২৬, ২৬২-৬২

রচনা, রবীন্দ্রনাথ কর্তৃক— রচনারম্ভ ২৪, পদের উপরে কবিতা ২৫, পদপূরণ ও ব্যক্তিগত বর্ণনা ৩৪-৩৫, নীতিকবিতা ৩৫, ঈশ্বরস্তুত্ব ৩৮, প্রথম চিঠি [পিতার কাছে] ৪৯, জ্যোতিষ সন্ধকে গল্পরচনা ৬২ ও ২৪১, ভারতমাতা সন্ধকে কবিতা ৮২, “কবিতার খাতা ভরাইতে লাগিলাম” ৮৯, স্নেহে রচনা ৯৪ ও ১৩৫, পরায়ে ত্রিপদীতে কবিতা ২০৩। শিরোনামবন্ধ রচনা বা উদ্ভূত গান-কবিতার প্রথম ছত্র বথাস্থানে দ্রষ্টব্য

রণজিৎসিংহ— ৪৮

‘রবিকরে জ্বালাতন আছিল সবাই’— ৩৪

‘রবিন্সন্ ক্রুসো’— ২২৯৥১

‘রবীন্দ্রনাথ ঠাকুর’— ১৮৭৥৫

রমেশচন্দ্র দত্ত— ১৪৪

রাখালচন্দ্র বন্দ্যোপাধ্যায়— ১৭১৥৭

‘রাঙাজ্বা কী শোভা পায় পায়’— ৭১

রাজকৃষ্ণ বন্দ্যো— ২৬৬

রাজকৃষ্ণ মুখোপাধ্যায়— ৭৫, ২২২, ২৬৬

রাজকৃষ্ণ রায়— ২২৥৭, ২৬৬, ‘বান্ধীকিপ্রতিভা’ প্রসঙ্গে ২৬৬-৬৭

রাজনারায়ণ বসু, রাজনারায়ণবাবু— মহাবীর পত্র ৬২৥১২, ৬৬৥১২ ; রবীন্দ্রের তত্ত্বাবধারণ ৭২৥২ ; স্বাদেশিকতা : সঞ্জীবনীসভা ৯৭, ১০০, ২৫৩ ; ১০১, দেওঘরে ১৬৬, ‘আত্মচরিত’ ১৬২৥৩, রবীন্দ্রনাথের উপনয়নে ২০৮-০৯ ; বিদ্বজ্জনসমাগমে ২৪১, ২৬৬ ; হিন্দুমেলায় ২৪৪, ২৪৫, ২৪৮

‘রাজপথের কথা’— ১৭০৥৬

‘রাজমালা’— ২৬৪, ২৮৩

‘রাজরত্নাকর’— ২৮৩, ২৮৪

‘রাজর্ষি’— ১৬৬, ২৬৪, ২৮২-৮৪

‘রাজার বাড়ি’— ১৪, ১৪৥২

রাজা প্রতাপাদিত্য রায়ের জীবনচরিত [‘বঙ্গাধিপপরাজয়’]— ২২২৥১

- রাজেন্দ্রলাল মিত্র— ৭৬, ১৫৫-৫৭, সারস্বত সমাজ ১৫৫, ২৭৮-৮০
 রাধারমণ ঘোষ, বীরচন্দ্রমাণিক্যের মন্ত্রী— ১২২, ২৬৪, ২৬৫
 রামগতি শ্রায়রত্ন— ২৬৥২
 রামনারায়ণ তর্করত্ন— ৭৯, ২২৯, আত্মকথা ২৩০
 রামনিধি গুপ্ত [নিধুবাবু]— ৮৫, ১৩৯
 রামপ্রসাদ— ৮৫
 রামবসু— ৮৫
 রামসর্বস্ব ভট্টাচার্য— ৭৫, ২২৬
 রামানন্দ চট্টোপাধ্যায়— ১৯২
 'রামায়ণ'— কুন্তিবাস ৬, ৭, ৯, ১৯, ৫৫, ৭১, ২২৯৥১
 বাল্মীকি ৭১-৭২
 রায়পুর, বীরভূম— ৩৯, ২১২
 রাশিচক্র, বা জ্যাকুণ্ডলী— ১২৬, ১৯৭
 রাসিয়ান, জুজু— ৪৮-৪৯, রুসিয়া ৯৭
 রিচার্ডসন— ১০১
 রিজেন্ট উদ্যান, লণ্ডন— ১১০
 'রুদ্রগৃহ'— ১৭৮৥৬
 'রুদ্রচণ্ড'— ৫৯৥৬, 'বান্দব' পত্রের সমালোচনা ২৫৭, গ্রন্থ-উপহার ২৬৯-৭০
 'রুসিয়া-প্রবাসীর পত্র'— ৯৫৥৬
 রূপকথা-শ্রবণ— ৬৯, ২০৩, ২১৪-১৫
 রেনেসাঁশ— ১২৪
 রোজভিলা, দার্জিলিং— ১৪৯৥৭
 "রোমাণ্টিক"— ১২৯, ২১২
 রোমিও-জুলিয়েট— ১২৪

 লক্‌ইয়ার— ১৫৫৥১৪, ২৭৭
 'লজ্জায় ভারতবর্ষ গাহিব কী করে'— ৭৯, ২৪৬৥২
 লণ্ডন— ১০৯, ১১২, ১১৮ ; য়ুনিভার্সিটি ১১৫, ১২০, ১২১
 লর্ড স্পিন, জাহাজ— ১৭৪৥৩
 লিটন, লর্ড— ৯৭

“লিভিংস্টোন”— ৫৭

লিয়র [কিং লিয়র]— ১২৪

‘লেখা কুমারী ও ছাপা সুল্লরী’— ১৪৬।১

লেট্‌ন ডায়ারি— ৫২, ২০৯, ২১০

লেখু বা লেনাসিং, পাঞ্জাবি চাকর— ৪৮

লোকেন পালিত— ১২০-২১

ল্যাটিন— ব্যাকরণ ৪২, শিক্ষক ১১০-১১

শংকরী, দাসী— ৬২, ২০৩

“শকটে”— ৮২

‘শকুন্তলা’— ৭৫, বিদ্যাসাগরের ৩৮

শব্দতত্ত্ব, বাংলা— ১২০-২১

শরৎকুমারী চৌধুরানী— ২৫৪

শরৎকুমারী দেবী, সেজদিদি— ১৩১।৬

শশধর তর্কচূড়ামণি— ১৭১

শাস্তিনিকেতন— ব্রহ্মচর্যাশ্রম বা “নিজের স্কুল” ৪৩; “নূতন মন্দির” ৫৮; ২১০-১৩

ড্র বোলপুর

শাহিবাগ, আমেদাবাদ— ১০৬, ২৬১, ২৬২

শিকার— অহিংস্র ৯৯, শিলাইদহে বাঘ- ১৩৩

শিক্ষণীয় বিবয়, রবীন্দ্রনাথের :

শিক্ষারস্ত— ৫, ১৯২

অস্থিবিদ্যা— “নরকঙ্কাল” ২৬, “কণ্ঠনলী” ২৮, “মৃতদেহ” ২৯

ইংরেজি— ২৭, ২৮, ২৯, ৬১, ৬৪, ৬২।১২, ৬৪।১৬, ৭২।৯; ম্যাকবেথ ৭৫, ভিকর

অফ ওয়েক্‌ফীল্ড ৮৯; ১০৭, ১২০, ২১১, ২৬১-৬২

ইতিহাস— ২৬, ৮১

কুস্তি— ২৬

গণিত— ২৬

গান— ২৬, ৬৮, গানচর্চা ৮৮, ২৩১

জিমনাস্টিক— ২৬

জ্যামিতি— ২৬, ৪০, ৪১

- ছোয়াতিব— ৬২, ২১৩
 ড্রয়িং— ২৬
 পদার্থবিদ্যা— ২৬, ৪০
 প্রাকৃতবিজ্ঞান— ২৬
 বাংলা— ২৬, ২৭, ৪০ ; মস্তব্য ৪১ ; ৬১, ৭৫
 ভূগোল— ২৬
 ল্যাটিন— ৪২, ১১০
 সংস্কৃত— ‘মুক্তবোধ’ ২৭, ৬১ ; ‘উপক্রমণিকা’ ৬৪ ; ৬২।১২ ; ‘কুমারসম্ভব’ ও
 ‘শকুন্তলা’ ৭৫ ; ২১১
 শিবনাথ পণ্ডিত— ২০১
 শিলাইদহ— ১৩৩
 ‘শিশুবোধক’। ড পাঠ্যপুস্তক
 শিশুসাহিত্য সম্পর্কে মস্তব্য— ৭৫
 ‘শুচি’— ৭৩।১২
 ‘শুন নলিনী খোলো গো আঁখি’— ২৬১
 শুভঙ্করী দেবী, মাতার ‘খুড়ি’, দিদিমা— ৭, ২০২, ২০৩
 ‘শুভ্রারশতক’— ২৬২
 শেক্সপীয়র— ১২৩, ১২৪
 শেলি— ১৭০, ২৩১
 ‘শৈশবসন্ধ্যা’— ৬৯।৪
 শৌরীন্দ্রমোহন ঠাকুর, সৌরীন্দ্রমোহন— ১৬৯।২, ২৮০
 শ্রাম— ৯
 শ্রামলাল মল্লিক— ২১।১
 ‘শ্রামা’— ৬৯।৩
 শ্রীকণ্ঠ সিংহ— ৩৭-৩৯, ৬১, ২০৪
 শ্রীধর কথক— ৮৫
 শ্রীশঙ্কর মজুমদার— ১৬৭, শ্রীশিবুর স্ত্রী ২৮১
 সংগীত— যুরোপীয় ১২৮-২৯, হার্বার্ট স্পেন্সরের মত ১০১, সষক্কে প্রবন্ধপাঠ ১৩৮
 ‘সঙ্গীতের উৎপত্তি ও উপযোগিতা। হার্বার্ট স্পেন্সরের মত।’— ১৩১।৮

‘সংবাদ-প্রভাকর’— ২৩০

‘সখা ও সাথী’— ২০১৥৩

সঞ্জীবচন্দ্র চট্টোপাধ্যায়, সঞ্জীববাবু— ১৭১

‘সঞ্জীবনী’— ১৭১

সঞ্জীবনীসভা। ড় স্বাদেশিক সভা

সত্যপ্রসাদ গঙ্গোপাধ্যায়, সত্যপ্রসাদ বা সত্য— “তিনটি বালক” ৫; ৬, ‘কাব্য-
গ্রন্থাবলী’-প্রকাশ ৩৭, ছবিওয়ালার দোকানে ৩৭ ও ২০৪; মহর্ষি-সকাশে ৪০;
“ভ্রাস্ত্রিবিলাস” ৪৫-৪৬; উপনয়ন ৪২-৫০ ও ২০৫-০৯; বোলপুরে ৫৫, “পূর্ববর্তী
ভ্রমণকারী” ৫৬, “তিনজনে” ৬৯, প্রাইজ-লাভ ৮১; ৯৩; “আরও একজন
আত্মীয়” ১৩৮; “তিন বালক” ২০৩ ও ২৭২

সত্যেন্দ্রনাথ ঠাকুর, মেজদাদা— ৬০৥৭, ৬৬; হিন্দুমেলা সম্পর্কে ৯৭, ২৪৬;
আমেদাবাদে ১০৪, ১০৫, ২৬১, ২৬২; রবীন্দ্রকে লইয়া বিলাতযাত্রা ১০৮, ১০৯,
১১৩; কারোয়ারে ১৫৮; ১৬৪৥২, ২০৮৥১, ২৪৩, ২৫৫, ২৬৩; বিদ্বজ্জনসমাগমে
২৬৬; মহর্ষির পত্রে ২৬৯; ২৮০

সত্যেন্দ্রনাথ দত্ত, কবি— ১৯২

সত্যেন্দ্রপ্রসন্ন সিংহ— ৩৭৥১

সদর স্ট্রিট— ১৪৬, ১৪৭, ১৪৮, ১৪৯, ১৫৩৥১৪, ২৭৭

‘সন্ধ্যাসংগীত’— ১৩২-৩৭, ১৪২, ১৪৩, ১৪৫, ১৪৬, ১৫৩, ২৫৬

সরোজিনী, জাহাজ— ১৭৪৥৫

‘সরোজিনী-প্রয়াণ’— ১৭৪৥৫

সর্বজনীন পরিচ্ছদ— ৯৮

সাতকড়ি দত্ত— ২৬৥৩, ৩৪

‘সাধনা’— ১২১, ২০১

‘সাধারণী’— ৯২, ২৪০-৪১

‘সাধের আসন’— ৯০৥৫, ২৩৪-৩৫

‘সাপ্তাহিক’— ২৪০, ২৪১

সাবরমতী নদী— ১০৬, ২৬১

সামাজিকতা, সেকালের। ড় মজলিশ

সারদাচরণ মিত্র— ৭৭, ৯৪

‘সারদামঙ্গল’— ৯০, ১৩২, ২৩২, ২৩৩, ২৩৪

সারদা দেবী, মা বা মাতা— ৭, রাসিয়ান-ভীতি ৪৮-৪৯, রান্নাঘরে ৪৯, “মায়ের ঘরের সভা” ৬৮, ছাদের বায়ুসেবন-সভা ৭০, রামায়ণ-শ্রবণ ৭১-৭২, সন্ধ্যায় অন্তঃপুরে ২০২ ও ২০৩, মৃত্যু ১৭৬, ২১৫, ২৮৪

রবীন্দ্রনাথের : মনে পড়া ১৭৭, স্বপ্নদর্শন ২৮৫, ‘মাতৃবন্দনা’ ২৮৫-৮৭

সারদাপ্রসাদ গঙ্গোপাধ্যায়—৫৫৥১, ২২৩৥২

সারস্বত সমাজ— সাহিত্যিকগণের পরিবৎ ১৫৫, প্রথম অধিবেশনের বিবরণ

[পাণ্ডুলিপি] ২৭৮-৮০, “সমাজের হাদ্যামা” ২৮০

‘সারাবেলা’— ১৮২৥৩

সার্কুলর রোড, বাগানবাড়ি— ১৬৪

সাহিত্যচর্চার সূত্রপাত— ৬

সাহিত্যপরিবৎ— ১৪৫

সাহেবগঞ্জ— ৫৯

সিঙ্গির বাগান— ১১

সীতানাথ দত্ত [? ঘোষ]— ২৬, ২০১-০২

‘সীতার বনবাস’— ৩৮

স্বধীন্দ্রনাথ ঠাকুর, স্বধীন্দ্র— ১২১৥৪, ১৬৬

স্বন্দরীমোহন দাস— ২৪৭

স্বরেন্দ্রনাথ ঠাকুর, স্বরেন্দ্র— ১০৬৥২, ১০৯৥৬

স্বরেশচন্দ্র সমাজপতি— ২৮৫

স্বশীলা দেবী— ১৩১৥৬

স্বশীলার উপাখ্যান— ২২৯৥১

‘স্বপ্নবিচার’— ১৭১৥১৫

স্মৃতি বা ভূমিকা, জীবনস্মৃতির— ২-৪, ১২৪-২৮

সেকালের বড়োমাহুবি— ৬৬

সেজদাদা। ড হেমেন্দ্রনাথ ঠাকুর

সেন্টজেভিয়ার্স, স্কুল— ৭২, অধ্যাপকদের স্মৃতি ৭২-৭৩

সোমেন্দ্রনাথ ঠাকুর, দাদা— “তিনটি বালক” ৫, ৬, শ্রোতাসংগ্রহের উৎসাহ ২৪-২৫,

ছবিওয়ালার দোকানে ৩৭, ২০৪ ; “আমাদের তিনজন” ৪০, উপনয়ন ৪৯-৫০,

২০৫-০৯ ; “আমরা তিনজনে” ৬৯, ‘বনফুল’-গ্রন্থযুগ্ম ৯২৥২

সৌদামিনী দেবী, বড়দিদি— সত্যের মাতা ৫৫, ৭২ ; “রবির জাতকর্ম” প্রসঙ্গে ১৯৯,

- “রবির গান” প্রসঙ্গে ২১৪ ; ২২৯ ; মাতার মৃত্যু প্রসঙ্গে ২৮৪-৮৫
 স্কট, ডাক্তার-পরিবার— ১১২-১৪, মেয়েরা ১১৮, একটি কথা ১২০
 ‘স্কুল-পালানে’— ১৩১, ২০১
 ‘স্ট্র্যাণ্ড ম্যাগাজিন’— ৭৭
 ‘স্নেহলতা’— ২৫৪
 স্পেন্সর, হার্বার্ট— ১১৭, ১৩১
 স্বদেশী-নামক জাহাজ— ১৭৪১৫, ১৭৫
 স্বপ্ন— ‘রাজর্ষি’ গল্পের ১৬৬, মাতৃদেবীর ১৭৭১৩ ও ২৮৫
 ‘স্বপ্নপ্রয়াণ’— ৮২-৮৩, ৮৯-৯০, ২৬৬১২
 ‘স্বপ্নময়ী নাটক’— ৯৭১৪, ২৫১
 স্বরূপসর্দার— ৭০
 স্বর্ণকুমারী দেবী— ২৫৪, ২৫৫
 স্বাদেশিক— সভা ৯৭-৯৮, ৯৭১৬, ৯৮১৮+৯, ২৫৩-৫৪ ; পরিস্ফুট ৯৮-৯৯, জাতিবর্ণ-
 নির্বিচারে আহাৰ ৯৯-১০০, দিয়াশালাই-কারখানা ও কাপড়ের কল ১০০, ১৭৪ ;
 ভাবা ও ভাবের চর্চা ৯৭, ২৪৩ ; জাহাজ ১৭৪-৭৫
- হক্‌সলি— ১৫৩১১৪, ২৭৭
 হরনাথ পণ্ডিত, নর্মাল স্কুলের— “শিক্ষকদের মধ্যে একজন” ২২, ২০১
 হরিশ্চন্দ্র নিয়োগী— ৯২১৭
 হরিশ্চন্দ্র হালদার, ম্যাগজিকের প্রোফেসর— ৪৪-৪৬, ৪৪১৮
 হরুঠাকুর— ৮৫
 হাওড়া— ১৭০, ব্রিজ ১৭৫
 হা মু চূ পা মু হা ফ—৯৭১৬। ড স্বাদেশিক সভা
 ‘হাস্তকৌতুক’— ১৭১১১৫
 ‘হিতবাদী’— ২০১১১
 হিন্দুমেলা— ৭৯, ৯৭, উৎপত্তি ২৪৪, উদ্দেশ্য ও কর্মপদ্ধতি ২৪৫-৪৬, দ্বিজেন্দ্রনাথ
 সত্যেন্দ্রনাথ ও জ্যোতিরিন্দ্রনাথের স্মৃতি ২৪৬-৪৭, শেষবারের মেলা ২৪৭,
 রবীন্দ্রনাথের প্রথম কবিতাপাঠ ২৪৭-৫০, দ্বিতীয় কবিতা ‘দিল্লিদরবার’ ২৫০-৫৩
 ‘হিন্দুমেলায় উপহার’— ৯৭১৪, ২৪৮
 হিমালয়ভ্রমণ, রবীন্দ্রনাথের— ৫৪-৬৬, বাত্রা ৫৪, বোলপুরে বা শান্তিনিকেতনে ৫৫-৫৯,

২০৯-১৩; স্টেশনে বিশেষ ঘটনা ৫৯-৬০, অমৃতসরে ৬০, ৬২, ২১৪; পর্বতারোহণ
৬২, ২১৩-১৪; বক্রোটায় ৬৩, ৬৫; শিক্ষা ৬১-৬৬, গল্প-আলোচনা ৬৬,
প্রত্যাবর্তন ৬৬ ও ৬৮

‘হৃদয়-অরণ্য’— ১৩৫, “হৃদয়ারণ্য” ১৫২

‘হৃদয় আজি মোর কেমনে গেল খুলি’— ১৪৮

‘হৃদয় নামেতে এক বিশাল অরণ্য আছে’— ১৩৫

‘হৃদয়ের অরণ্য-ঐধারে’— ১২৫১৪

হেনরি, ফাদার— ৭৩

হেবর্লিন, ডাক্তার— ১০৬

হেমচন্দ্র বন্দ্যোপাধ্যায়, হেমবাবু— ২৫৭, ২৬৬

হেমেন্দ্রনাথ ঠাকুর, সেজদাদা— ২৬, ৭৬, ১৩১১৬, ১৮৪১৩, ২০৩, ২৪১, ২৪৩, ২৬৭

হেরশ্ব তত্ত্বরত্ন— ২৭

‘হেলাফেলা সারাবেলা’— ১৮২

হোর্মিলার কোম্পানি— ১৭৪১৪

‘হাদে গো নন্দরানী’— ১৬২

হাম্লেট— ২৪

পরবর্তী তালিকায় সংবাদপত্র, সাময়িকপত্র, পুস্তক ও

রচনার নাম ইটালিক অক্ষরে দেওয়া হইল

A Bengali in Germany— ২৫১৬

Albani, Dame— ১২৮১২

Ana Turkhud— ২৬৩১২

April fool— ২৩১

Bentham, Jeremy— ১২৬১১

Burlesque— ৮০

Chatterton, Thomas— ৯৪১২

clairvoyance— ২৮১

Comte, Auguste— ১২৬১৭

Data of Ethics, The— ১১৭, ১১৭১১৬

DeCruz— ৪১॥৪, ৪২॥১

de Penaranda, Father Alphonsus— ৭২॥১১

Exchange Gazette— ১৭৪॥১

Extravaganza— ২৩০

Fatal Hunt, The— ২৬৮

First Book of Reading— ২২২॥১১

Gangooly [Saradaprasad]— ২২২॥২

Gibbon, Edward— ৬২॥১৩

Gopal Ooriah's Jatra— ২২২॥২

Halliday— ১৯১

Hindoo Mela— ২৫০

History of the Decline and Fall of the Roman Empire, The— ৬২॥১৩

Indian Daily News, The— ২৫০

Irish Melodies— ১৩০॥১

Kissory Chand Mitra— ৪০॥২

Komul Krishna Bahadour, Rajah— ২৫০

Letts' Diary— ২০২, ২১০

Mocculloch— ২২॥১২

Memoir of Dwarkanath Tagore— ৪০॥২

Mill, John Stuart— ১২৬॥৬

Moore, Thomas— ১৩০॥১

National Industrial Exhibition— ২৪৭

National Society— ২৫০

Nilsson, Christine— ১২৮॥১

Old Curiosity Shop— ৫১

Origin and Function of Music, The— ১৩১॥৭

Peary Churn Sircar— ২৯॥১১

Peter Parley's Tales । ড পাঠ্যপুস্তক

Proctor, Richd A.— ৬২॥১১

*Prospectus of a Society for the promotion of National Feeling
among the Educated Natives of Bengal— ২৯৪*

Richardson, Capt. D. L.— ১০১॥১২

Rowley poems— ২৪॥৪

Second Book of Reading— ২৯॥১১

Spencer, Herbert— ১১৭॥১৬, ১৩১॥৭

S. S. Oxus— ১২২॥১

Statesman, The— ২৬৮

Thacker Spink & Co.— ১৭৯॥৭

Wood, Mrs.— ১১৭॥১৫

Yatras, The— ২৫॥৭

সংযোজন ও সংশোধন

পৃ ২	ছত্র	৭	পরে নূতন ছত্র বসিবে :
			গ্র-পরিচয় = রবীন্দ্র-রচনাবলীর গ্রন্থপরিচয়।
পৃ ৭	টীকা	৪	সংশয়চিহ্ন বর্জিত হইবে। শেষে যোগ হইবে :
			তু গ্রন্থপরিচয় পৃ ২১৪।
পৃ ১০	ছত্র	১৬	নিশিদিদি স্থলে নিশিদিদি হইবে।
পৃ ২৩	টীকা	২	নয়াল স্থলে নর্গাল
পৃ ২৫	টীকা	৩	(১১৮৬৬) স্থলে (৭ আগস্ট ১৮৬৫)
পৃ ৬১	ছত্র	২২	উপক্রমিকা স্থলে উপক্রমিকা
পৃ ৬৭	টীকা	১৬	১২নং টীকার পত্রাংশটি স্থানান্তরিত হইয়া নিম্নে বসিবে।
পৃ ৭৮	টীকা	১২	গোবিন্দবাস স্থলে গোবিন্দদাস
পৃ ৮৪	টীকা	১	গণেন্দ্রনাথ স্থলে গণেন্দ্রনাথ
পৃ ৯৩	টীকা	১	অগ্রহায়ণ স্থলে আশ্বিন
পৃ ১১৮	টীকা	১	শেষে বসিবে : গ্রন্থপরিচয় পৃ ২৬২-৬৩।
পৃ ১৪২	ছত্র	২৩	‘আধো ভাবার কবি’র টীকা বসিবে : ড্র ‘বান্ধব’ পত্রিকায় মুদ্রিত ‘রুদ্রচণ্ড নাটিকা’র সমালোচনা। গ্রন্থপরিচয় পৃ ২৫৭।
পৃ ১৪৮	ছত্র	২৫	কোলাকুলি। স্থলে কোলাকুলি।
পৃ ১৭৩	টীকা	১৭	(১) ১২২১ স্থলে ১২২১
পৃ ১৮০	টীকা	১	শেষে বসিবে : পৃ ২১৫ টীকা ১।
পৃ ১৮০	টীকা	৩	শান্তিকিকেতন স্থলে শান্তিনিকেতন
পৃ ১৮৫	ছত্র	শেষ	আশুতোষ স্থলে আশুতোষ
পৃ ১৯৯	টীকা	১	আৎ স্থলে অর্থাৎ
পৃ ২০০	ছত্র	২৮	তখন স্থলে যখন
পৃ ২৩০	টীকা	১	শেষে বসিবে : ‘বাবুবিলাস’ নামক একখানি নাটক রচনা করেন।

জীবনস্মৃতি

পৃ ২৩০	ছত্র	২০	'সংবাদ-প্রভাকর'এর টীকা বসিবে : ঈশ্বরচন্দ্র গুপ্ত কর্তৃক সম্পাদিত বাংলাভাষার প্রথম দৈনিক সংবাদপত্র ; প্রকাশ ইং ১৮৩১, ২৮ জামুয়ারি। উদ্বৃত্ত গানটি গুপ্তকবির 'বোধেন্দু বিকাশ'এর একটি গানের প্রথমংশ।
পৃ ২৩৫	ছত্র	৭	অগ্রহায়ণে স্থলে আশ্বিনে
পৃ ২৪৩	ছত্র	৯	'ছোটোকাকা'র টীকা বসিবে : নগেন্দ্রনাথ ঠাকুর (ইং ১৮২৯-৫৮) opened স্থলে was opened
পৃ ২৫০	ছত্র	১৭	৫৫৪ স্থলে ২৫৪
পৃ ২৫৪	পৃষ্ঠাঙ্ক		
পৃ ২৬১	ছত্র	শেষ	'টেন'এর টীকা বসিবে : Hippolyte Adolphe Taien (1828-93), French historian and critical writer.
পৃ ২৬৩	ছত্র	শেষ	গীতাবিতান স্থলে গীতবিতান
পৃ ২৬৬	টীকা	২	প্রথম সর্গ স্থলে প্রথম সর্গ (৭)
পৃ ২৭৭	ছত্র	১১	নিউকম্ব স্থলে নিউকোম্ব
পৃ ২৮০	টীকা	৩	শেষে বসিবে : প্রভাতসংগীত।
পৃ ৩০০	যথাস্থানে		বসিবে : 'কৃষ্ণমালা'-- ২৮৩

